









ROBERT W. WOODRUFF  
LIBRARY  
FOR ADVANCED STUDIES



Paul Bernard Seydel  
Memorial

CHLL

4036


Bien conforme à la description  
de Funck "le livre belge à gravures" p 390  
"on considère ce livre comme une des plus  
belles productions de l'imprimerie  
plantinienne"

1 titre gravé  
27 gr. de Théodore Galle d'après Adam van  
Noort et Pierre de Jode


Ex. exceptionnel dans sa reliure  
d'origine avec un minimum de défauts

Funck cite ce livre parmi les plus  
impatentes gravés par Théodore Galle (p. 215)





Collegij soc. <sup>ta</sup> 3332 Linociensis 1618 *Gellynick*





REVISED

REVUE

MAJORSTY

6, 7, 8.

SODALITATI  
DEIPARAE  
VIRGINIS

*in Collegio Societatis IESV  
Bruxella.*



V E M ante annos  
ferè duodecim piis  
omnibus obtule-  
ram spiritualem  
THESAURVM, VO-  
bis ( Sodales , Deo  
& eius Matri beatissime deuoti) iam  
dedicatum recudo : quibus enim  
melius opus hoc, nouum dicam an  
antiquum , quàm vobis congrega-  
tionis antiquæ nouis Sodalibus of-  
feram ? Vestri est instituti , & virgi-  
nem Matrem & cælites omnes ritu



peculiari colere, ceterisque pietatis  
exemplo præire: vobis ecce THE-  
SAVRVM in Deum & Sanctos pie-  
tate refertum. Nomen profert ab il-  
lo diuersum, quia & modus & ordo  
nonnihil immutatus est. Inscribe-  
batur ille LITANIARVM ET ORA-  
TIONVM; EXERCITIORVM hic ET  
PRECVM: non quòd omnes ab eo  
exulent Litaniæ; habet enim etiam  
suas; sed eæ numero pauciores EX-  
ERCITIIS, vt potiori parti, facile  
nomen concedunt. Num quid ergo  
illæ offenderât? Nihil profectò pro-  
ut à me editæ; licet, quod vino etiam  
præstantissimo ferè euenit, alias in  
terras deuectæ, inscio me mixtio-  
nem satis improbam passæ, præter  
ius fasq. immutatae, ne dicam viola-  
tæ. Et mansissent illæ integræ, place-  
bat tamen Sodalibus non nudas vo-  
cales, quæ rudium propriæ magis,  
sed mentales, vocalibus tamen per-

mixtas,

mixtas, vt progredientibus in via pietatis magis aptas & per se longè vtiliores, proponere. Igitur nec res à Litaniis est diuersa, nec vocales preces desiderantur: tantùm illarum nuda series, suis quasi coloribus cōuestita, in certa Meditationum seu Exercitiorum Spiritualium capita est digesta; quò faciliùs, quem illæ vel occulebant vel motu vehementiori fructu minori concitabant, pietatis affectus sensim meditādo corda penetret, tota humectet, & fructibus reddat perfecunda.

Opus totum in partes septem distribuo; quarū priores quatuor suas singulæ Meditationes, de SS. Trinitate, B. Virgine, Angelis, Sanctis, cum suis Orationibus & Hymnis ita fusè prosequuntur, vt volenti hebdomadam totam vna in parte exerceri, satis superque futurum sit, quod in dies partiat. Quinta, ho-



minis miseras & nouissima simili  
ratione oculis obiicit. Sexta, diem  
piè & Christianè transigendi mo-  
dum compendio docet. Septima,  
appendicis loco, quæ Rosariis, Lita-  
niis, Angelis, eorumque picturis op-  
poni poterant, breuissimè, & fortè  
tamen fusiùs quàm pro instituto, ex  
antiquitate & ratione tutatur.

Ista meditati Illustrissimus Car-  
dinalis BELLARMINVS, congrega-  
tionis Illustrissimorù Cardinalium  
nomine, vt pergerem auctor fuit;  
R. P. CLAVDIVS AQUAVIVA So-  
cietatis nostræ Præpositus generalis  
incitauit, ac tantumnon impulit.  
Vos ego, SODALES, velim hunc  
pium Precum & Exercitationum  
Thesaurum, magno labore è san-  
ctorum virorum monumentis ceu  
penu thesaurario depròptum, non  
occlusum asseruare; sed inflammati  
desiderij clauē referare, attenta mēte  
perscru-

perscrutari; studiosè, cùm res feret,  
eius opes vobis aliisq̃ue applicare.  
Sic enim futurum confido, vt Pa-  
trona vestra, mundi Regina, ac cœli  
quasi thesauraria, in vos ceu filios  
suos quotidie pergat esse profusior;  
labores vestros hîc gratia vberima  
è Filij meritorum inexhausto the-  
sauro deprompta comitetur; & in  
felici viuorum regione æterno præ-  
mio muneretur. Ita voueo,

*Vester totus in CHRISTO*

*Thomas Saillius*

*Societatis IESV Sacerdos.*

Epigramma ad Lectorem  
in libri Titulum.

THESAURVS PRECVM.  
THVS, AVRVM, PRECES.

**Q**uisquis adis molles collectum  
THVRA Sabæos,  
Sollicitasque AVRI per mare quæris  
opes;

Cælestem quisquis gazam prudentior  
optas,  
Et dulces gemitus, aut pia thura,  
PRECES:

Huc age, nil patriis opus est excedere  
terris,

Et nihil externis fugere mella libris.  
En tibi sacrarum præditem SAILLIUS almo  
THESAURVM promit pectore dat-  
que PRECVM;

AURVM auro, THVS thure PRECES me-  
liora Sabæo.

Hinc PIVS atque vno codice DI-  
VES eris.

ALIVD

ALIVD  
IN LIBRI TITVLVM.

Sollicitus terras oculis cælumque  
pererrat,

Dum celante Chremes cespite dam-  
nat opes.

Hinc procul, hinc famuli, tumido de-  
litigat ore,

Et solus nummum conscius esse  
cupit.

Saillius aduerso thesauros more re-  
cludit:

Munifico hic animo est, alter avarus  
erat.



ALIVD  
IN NOMEN AVCTORIS.

**Q**uid stupeas video, video quid figat ocellos

Dum primo dubitas Lector in ore libri.

Ambigua Auctoris feriunt tibi nomina frontem,

SAILLIUS in teneras dum cadit auriculas.

Se nullo ancili levis hic Salisubfulus armat.

Exesto hinc Salius, SAILLIUS auctor erit.

APPRO-

APPROBATIO  
SUPERIORVM.

**E**Go Franciscus Flerontinus, Societatis IESV in Prouincia Belgica Præpositus Prouincialis, ex commissione R. P. CLAVDII AQUAVIVAE eiusdem Societatis Præpositi Generalis, concedo & permitto, vt liber P. Thomæ Saillij, dictus THESAURVS Precum & Exercitiorum Spiritualium, cum Apologeticis quarumdam eiusdē THESAURI partium defensionibus, vt qui fuerit à viris grauibz & doctis Societatis nostræ, P. Francisco Costero, P. Philippo Arentz, & aliis, examinatus & probatus, excudatur. In cuius rei testimonium has signari, & sigillo officij mei ordinarij muniri curavi. Bruxellæ, x. Iulij, 1608.

Franciscus Flerontinus.

APPROBATIO  
Censoris Ordinarij.

**T**hesaurus hic Precum & Exercitiorum Spiritualium cum Apologeticis quarumdam eiusdem Thesauri partium defensionibus Catholica & Orthodoxæ Religionis tramitem nusquam egreditur, sed ritum colendi & inuocandi Deum, & Sanctos eius, ab antiquissimis temporibus traditum & usurpatum, continet. Quare vberri-  
mo cum fructu omnibus communicandus, & in præsentibus Ecclesiæ necessitatibus ad Diuinum numen placandum frequenter recitandus, prælo committetur. Datum Bruxellæ, die 3. Octobris, anno 1608.

Petrus Vinck S. Theol.  
Licentiatus.

SVMMMA PRIVILEGII.

**A**LBERTI & ISABELLÆ CLARÆ  
EUGENIÆ Archiducum Austriæ,  
Ducum Burgundiæ, Brabantix, &c. Pri-  
uilegio cautum est, nequis librum R. P.  
Thomæ Saillij Societatis Iesv Sacerdo-  
tis, cui titulus est, *Theſaurus Precum &*  
*Exercitiorum Spiritualium*, præter vo-  
luntatem Ioannis Moreti, Typographi  
Antuerpiensis, intra sexennium impri-  
mat, aut alibi impressum in Inferioris  
Germaniæ ditiones importet, venalém-  
ve habeat. Qui secùs faxit, confiscatione  
librorum & alia graui pœna multabitur:  
vt latiùs patet in litteris datis Bruxellæ,  
v. Octobris, M. DC. VII.

Signat.

*de Berti.*

Et in concilio Brabantix.

*Buschere.*

PRÆ.



P R Æ F A T I O  
 IN QVA  
 DE MEDITATIONE,  
 ORATIONE,  
 ET  
 SANCTORVM CVLTV,  
 IN GENERE.



**Q**UAE crebra in THESA-  
 VRO sequenti horum fit men-  
 tio, statui quadam ex do-  
 ctis & in hac arte peritis in  
 medium proferre: quibus &  
 veterani spiritalis palæstræ athletæ vali-  
 diores reddantur, tirones excitentur; im-  
 becilliores ingenio, qui haud longos patiun-  
 tur discursus, suis etiam orationibus fru-  
 ctum respondere confidant: omnes præter  
 Deum sanctos cælitæ colere, & rectè ve-  
 nerari condiscant.

Quid sit MEDITATIO?

**M**editatio (secundum alios Oratio  
 mentalis) est pia & affectuosa re-

rum

rum sanctarum consideratio, quæ hominem ad laudandum Deum, ad virtutes Christi Sanctorumque sectandas, ad bonum amplectendum, & fugiendum malum, efficaciter promouet. Affectuosam dixi, quia non tam in actione intellectus, quàm in affectu voluntatis consistit, cuius beneficio ad amorem Dei, odium peccati, & rerum caducarum contemptum permouemur. Vnde Propheta Regius Psal. 38. In meditatione mea exardescet ignis. hoc est, feruor animi excitabitur, quo fugiam noxia, amplectar utilia; negligam temporalia, & persequar aeterna. Hoc commentandi exercitio CHRISTVS cum Discipulis noctes insomnes in deserto & montibus duxit. Hoc B. VIRGO MARIA apud B. Lucam in corde suo conferebat, quæ à CHRISTO, vel de CHRISTO dicta audierat. Hoc omne vita tempus S. IOANNES BAPTISTA in eremo, & post eum innumeri Anachoretæ sine fastidio traduxerunt. Hoc vsi sunt Sancti omnes, Basilus, Hieronymus, Augustinus, Benedictus, Bernardus, Franciscus, Dominicus, Ignatius, Xauerius, & quotquot fuerunt insigni sanctitate, & rerum caelestium contemplatione admirabiles.



Partes MEDITATIONIS, quæ sint.

**P**artes Meditationis sunt quatuor: Præparatio, Repræsentatio, Consideratio, & Colloquium vel Petitio.

1. Præparatio est, qua homo se ad meditando componit. Cuius necessitatem Sapientis Eccl. 18. his indicat verbis: Ante orationem præpara animam tuam, & noli esse quasi homo qui tētat Deum. Si enim cum Rege, Episcopo, vel alio Principe viro acturus primum præmeditaris quibus verbis uti velis; quanto magis, quando cum Deo in Meditatione es collocuturus?

Præparatio autem hæc duplex est: Remota & Propinqua. Remota est, 1. prælegere pridie Meditationis materiam. 2. eam simulatque manè euigilas in mentem reuocare. 3. cogitationes omnes & curas de studiis aliisque negotiis temporalibus excludere. Meditatio siquidem mentem postulat quietam & tranquillam. Propinqua verò est; cum iam iam inchoanda est Meditatio, primum te aqua benedicta, si præstò sit, & signo crucis munire. 2. vno passu à Meditationis loco, ad spatium Dominica orationis Salutationisq; Angelica consistere, &

firmiter

*firmiter tibi persuadere, te divina Maie-  
statis throno, quem omnes Sancti circumstent,  
ut cum Deo colloquaris, sistendum. 3. re-  
verenter in genua velut coram Deo prola-  
bi, & mox humiliter postulare ab eo gra-  
tiam, omnes vires actionesq; animi ad sua  
divina Maiestatis gloriam referendi. Pote-  
ris quoque, si velis, B. VIRGINIS, Angeli  
Custodis, vel Sanctorum ad quos afficeris,  
auxilium implorare. Potes etiam Medita-  
tionis puncta, si memoria forte exciderint,  
relegere.*

*2. Representatio vel imaginatio est, qua  
homo ante punctorum considerationem re-  
praesentat (siquidem materia permittit) id  
est, ob oculos ponit locum, personas, earum-  
demq; actiones in mysterio Meditationis  
expressas. Ut si mediteris de crucifixione  
Christi, imaginariè tibi representa mon-  
tem Calvariae, cruci Christum affigi, infini-  
tam hominum turbam circumstare, sicut à  
pictoribus depingi solet. Similiter si de  
morte, singe te aspicere teipsum vel alium  
in lectulo decumbentem pallidum & mori  
proximum. Hac enim representatio valet  
non solum ad cauendas animi distractio-  
nes, sed etiam ad concitandum affectus do-*

\*\*

*loris,*

loris, compassionis, metus, & similes. In hac tamen imaginatione diu harēdum non est.

3. Consideratio est operatio intellectus, qua homo sedulò expendit omnia quæ singulis punctis continentur cum desiderio inde fructum aliquem spirituales carpendi. Maximè autem discursus hic fit circa circumstantias. Vt in meditatione de aliquo puncto passionis Domini. Quis sit qui patitur, nempe, Filius Dei, Conditor cali & terre. Quid patiatur, nempe cruciatus maximos. Pro quo, nempe, pro te vili & ingrata creatura. Qua de causa, nempe ad te liberandum à damnatione æterna.

4. Colloquium vel Petitio est, qua à Deo ea petuntur quæ inflammatus affectus suggererit. Ordinariè autem peti possunt maius lumen Deum & seipsum cognoscendi, peccatorum remissio, dolor de iisdem, perturbationū animi expugnatio, in scientia & pietate progressus, demum virtutes omnes, quæ hominem Deo reddant gratiorem. Potest autem hoc Colloquium institui vel ad DEVM, vel ad singulas SS. TRINITATIS personas, vel ad CHRISTVM crucifixum. Ad B. VIRGINEM quoque, aliōsve SANCTOS patronos:

imò



imò & ad hos omnes . Schema harum partium initio Theſauri noſtri inuenies.

Adiumenta quædam & documenta ad rectè meditandum.

**P**rimum eſt locus idoneus , id eſt , ab omni ſtrepitu remotus & obſcurus.

2. Tempus certum & ſtabile, quod citra iuſtam cauſam non immutetur . Hore autem aptiſſime ad meditandum ſunt matutine, ante inchoata ſtudia, vel alia negotia. Conuenit autem in Meditatione expendi integram horam, vel certè mediam.

3. Situs corporis modeſtus & deuotus, ut genibus flexis. Quod ſi diu non potes, pedibus inſiſtas, ita tamen ut ad genuflexionem paulò poſt redeas. Conuenit aliquando ad exemplum CHRISTI , maximè ſi magnus aliquis motus inſurgat , prono corpore ad breue tempus meditari. Denique is ſitus uſurpandus eſt , qui plus inuuet attentionem, & inflammet pietatem.

4. Ut ſi quo in puncto ſenſeris te ſpirituali ſenſu uehementiùs moueri , non ilicò tranſiſcias ad aliud , ſed in eo nonnihil immoreris, donec guſtui ſatiſfeceris. Et ſi ante percuſa tria Meditationis puncta hora

elabatur, non sis sollicitus ad cetera progredi: poteris enim id facere sequenti vice repetitis breuiter iis, in quibus gustum spiritalem sensisti. Imò sapè vtile est, unam eandemq<sup>ue</sup> Meditationem, variato tantum Colloquio, repetere.

5. Quia vis Meditationis potius in exercitatione affectus quam intellectus posita est, sciendum hunc affectum ordinariè debere esse lenem, quia diutius continuari potest, & capiti pectoriue noxius non est. Quem diuina gratia adiutus facile excitabis sedula consideratione personarum SS. TRINITATIS, CHRISTI, B. VIRGINIS, & circumstantiarum, non verbis, sed cordis affectu dulciter eos alloquendo.

6. Si autem Deus aliquando immittat etiam te collaborante vehementiorem affectum, v.c. ut prorumpant lacrymae, humiliter eum admitte, moderatè tamen eo vtès. Prodest enim plurimum hic affectus, maxime si confessionem generalem de tota vita, vel de toto anno es instituturus. 2 si quando graui tentatione contra fidem, castitatem, vel vocationem pulsaris. 3. si aduerteres te in studio pietatis, vel vocationis tua omninò refrixisse. 4 si quando aggrediendum

opus magnum ad Dei gloriam, multis tamen difficultatibus implicitum.

7. Quod si contingat te inter Meditandum omni gustu solatioq; destitui, non ideo animum despondeas. Sed si tua culpa id acciderit, quia imparatus in Meditationem irruisti; humilia te, culpam agnoscendo, & breui sequetur serenitas. Si verò non tua culpa, cogita permissum à Deo; vel ut discas gustum illum non studio nostro, sed dono Divino obtineri, vel ut probet an ex puro sui amore sanctum hoc opus, & non consolationis tue causa, exerceas. Itaque tempore desolationis dic; Ego non incepti hanc Meditationem meam propter meum solatium, sed ex mero amore Dei: quare eamdem ex eodem amore perficiam.

8. Si multis agiteris distractionibus, nec ideo abrumpe Meditationem: sed cogita, si obrepant te inuito, nullum admitti peccatum. Tantum ubi aduerteris te distrahi, resiste illis, licet sæpiùs redeant: neque enim minùs grata erit ob hunc laborem Meditatio tua, quàm si cum deuotionis sensu eam perfecisses. Prodest etiam in hac pugna prosilire ad colloquia, & submissè agnoscere virium imbecillitatem, vel etiam grauiter



se accusare, tamquam mortalium ignauissimum, qui non possit etiam ad breue tempus cum Deo colloqui.

9. Denique non parum ad fructuosam Meditationē instituendam valet, si Deum in omnibus actionibus tuis (ut verè est) cogites presentem: si crebrò per diem iaculatorias vsurpes orationes, si libellos spirituales lectites, si frequenter Sacram mentis confessione facta accedas, si familiaritate piorum vtare, si sensus externos ac in primis linguam coërceas, si charitatis & pœnitentiæ exercitia diligas, si bona in Meditatione concepta desideria opere cõpleas.

### De Modis orandi.

**V**T non omnes eadem oculorum acie solis claritudinem intuentur; ita non omnibus datum est pari mētis acumine cœlestia contemplari. Quare & illis qui perpetuos in oratione discursus præ interiorum virium debilitate, aut aliis de causis, ut fit, habere nequeunt, ut diutiùs in una ac sterili hæreant materia: modos aliquot faciliores meditandi (quos ad discrimen Modos orandi vocare solemus) proferam, quibus ex una sententia, aut paucis verbis,

qualia

qualia sæpius in exercitiis sequentibus deprehendent, ad altiores sensus ascendāt, & tempus orationis non inutiliter transigant.

Primus modus sit, quo discurras circa præcepta Dei aut Ecclesiæ, circa septem peccata mortalia, tres animæ potentias, & quinque corporis sensus; & hoc non tam speculatiuè, quàm practice. Verbi causa, cogitando in præceptis, quomodo malè ea seruaueris, & proponendo in posterum meliùs seruare. Hic modus non tam habet orationis formam, quàm exercitij cuiusdam spiritualis: per quod & anima inuatur, & oratio Deo redditur acceptior.

Si ergo de præceptis, &c paulò copiosius discurrere velis, præmissa Oratione præparatoria in hanc formam concepta, Domine Deus illumina oculos meos, & quidquid deliqui aduersus Decalogi aut Ecclesiæ &c. præcepta, da vt agnoscam, & vitam meliorem instituam; intellectis illis exactiùs, & (vt par est) ad tuæ maiestatis gloriam, & salutem meam, solito cautiùs obseruatis. Compositio loci & cetera fiet prout materia, & tuus spiritus dictabit.

Puncta. In præceptis, consideretur Mandatum ipsum in se, quàm sit bonum, rationi

consonum, & sanctum. 2. quàm utilis eius observantia. 3. quomodo illud servaueris. si exactè, Deo gratias age; sin minùs, dole, & veniam pete. 4. propone eiusdem in posterum perfectam & exactam observantiam, petendo ad hoc efficiendum gratiam, per colloquium ad Deum. Quo finito, si orationis tempus, quod ad horam aut semihoram extendi potest, non sit expletum; ad aliud preceptum eodem ordine transeat: meminere tamen illi precepto diutius tibi immorandum, in quod ex assuetudine frequentius impegeris. Idem observabis, cum per peccata discurre.

Vbi verò de peccatis discursum institues; primò excuties singula quàm sint pernicioſa, & quam iustè prohibita. 2. quantum noceant si tempestivè nō fugiantur. 3. quomodo illa hætenus fugeris, vel in posterum decreveris fugere.

Cum de potentius anima, & corporis sensibus; primò considerabis, quàm nobiles & utiles nobis sint singulæ: verbi gratia, intellectus, memoria, &c. 2. ad quem finem homini à Deo data. 3. quomodo iis usus sit CHRISTVS, vel B. VIRGO, vel aliqui Sancti eminentiores, quorum vitam per-

spectam



*speculam habes, & imitari niteris. 4. quomodo tu iis sis usus; dolendo quod tam male ac inordinate.*

*Quanti hoc orandi genus Christiano homini faciendum sit, ex eo collige, quod B. P. Franciscus Xaverius Indorum doctor, solitus referatur omnibus quas tractabat animabus eundem modum vehementer commendare, imò & pœnitentiæ interdum loco iniungere, ut manè & vespere aliquod tempus huic exercitio impenderent.*

*SECUNDVS ORANDI MODVS ex perpenſa ſingularum vocum orationis ſignificatione ſic inſtituitur. Flexis genibus, vel ſedendo (pro habituſine corporis, & animi deuotione) oculis vel clauſis, vel deſixis in partem vnã, neque huc & illuc motis, præmiſſa oratione præparatoria, qua gratiam & motus pios à Deo vel Sancto aliquo, ad quem oratio dirigetur, petes; orationem Dominicam à principio recitabis, & in prima voce, quæ eſt Pater, Meditationis figes pedem, quàm diu circa eam varia tibi ſignificationes, ſimilitudines, ſpirituales guſtus & alia commotiones deuotæ incident: & ita deinceps in ſingulis verbis diſcurreſ. Paradigma huius orationis habes*

infra fol. 16 & 263. in explicatione Orationis Dominica, & Salutationis Angelica. Si fortè una vox non facit sensum, nec prabeat Meditationis materiam, plures poteris coniungere: ut Quies in cælis, aut Sanctificetur nomen tuum. Quod autem hic dicitur de Orationibus, siue Dominica, siue Salutatione Angelica, idem intelligendum est de aliquibus Scripturæ locis, præsertim Psalmis, è quibus aliqui hoc in libro inserti sunt, vel integri, vel rariores aliquot eorum versiculi: vel de titulis, quibus nunc Deus Pater, nunc Filius, nunc Spiritus sanctus, nunc B. Virgo, nunc Angeli, nunc ceteri cali ciues honorantur. Hi enim secundum hunc modum benè ruminati, uberrimè pascent intellectū & affectum.

TERTIVS ORANDI MODVS, qui sit cum quadam vocum & temporis commensuratione, sic exercetur. Præmissa, ut antè Oratione preparatoria, in singulis vocibus alicuius Orationis tantum temporis insumas, quanto communiter una respiratio durare solet, considerando rem singulis vocibus significatam. Multum autem te hic modus iuuerit, ut maiore cum attentione & deuotione vocalem (ut in Psalmorum

decan-

decantatione vſu venit) orationem inſti-  
tuas, & illud Apoſtoli impleas, Orabo ſpi-  
ritu, orabo & mente. Neque hic alios  
orandi modos excludo, quos quiſque in ſpi-  
ritu exercitatioꝝ ſenſerit ſibi prodeſſe: ſed  
faciliores tantum reſerre volui.

I. Cor. 14.

De modo quo Sancti debent  
honorari.

**P**rimò eliget quiſque SANCTOS ex ſin-  
gulis choris, hoc eſt, aliquos Angelos,  
Patriarchas, Prophetas: aliquos ex Apoſto-  
lis, aliquos ex Martyribus, & ſic de aliis,  
iuxta deuotionem & amorẽ ſuum in illos.

2. Iſtos Sanctos quos elegerit, ſingulis  
diebus honorabit, recitando aliquas illorum  
laudes, vt ſunt Hymni, Pſalmi, aut alia id  
genus Orationes: vel in honorem illorum  
enitabit certos quosdam defectus, quos in ſe  
agnouerit, ac virtutes aliquas, quibus ipſi,  
dum vixerunt, pollebant, inferet in mo-  
res ſuos, eas opere exercẽdo, faciendo etiam  
interdum aliquos pietatis actus, vt ſunt  
genuflexio, inſuſio peẽtoris, refranatio lin-  
guę, fuga diſſolutionis, carnis caſtigatio, &  
his ſimiles mortificationes volũtarie. Nam  
(vt ait Dionyſius Areopagita lib. Eccleſ.

Hier.



*Hier. cap. 7* ) impossibilem superflua spe  
ille suspensus, qui Sanctorum flagitat pre-  
ces, & naturæ ipsorum consentaneas sa-  
cras operationes abigit. *Pulcherrimè au-*  
*tem D. Chrysostomus Serm. de Mar. to. 3.*  
*modum honorandi Sanctos præscribit his*  
*verbis:* Qui Sanctorum merita religiosa  
charitate miratur, quique Iustorum glo-  
rias frequenti laude colloquitur, eorum  
mores sanctos atque iustitiam imitatur:  
quoniam quem delectat Sancti alicuius  
meritum, delectare debet par circa cul-  
tum Dei obsequium. Quare aut imitari  
debet, si laudat; aut laudare non debet, si  
imitari detrectat: ut qui alium laudat,  
laudabilem se reddat; & qui Sanctorum  
merita admiratur, mirabilis ipse viræ  
sanctitate reddatur. *Non minus pium sug-*  
*gerit Venerabilis Beda consilium Serm. 15.*  
*de Sanctis qui pro Christo occisi non sunt:*  
Qui coronam in persecutione purpu-  
ream pro passione donavit, ipse in pace  
viventibus pro iustitiæ meritis dabit can-  
didam. Ad quorum congregatur conui-  
vium, quisquis fidelis & iustus & lauda-  
bilis inuenitur.

*Assidue autem interdiu repetendum est*

*memo-*

memoria, Sanctos esse presentes, maximè  
verò eos, quorum festum eo die celebratur.  
Quare reuerentiâ illis exhibitâ, defensio &  
tutela eorumdem exposcenda.

3. Præter iam dictam electionem San-  
ctorum, iuxta affectum cuiusque erga illos,  
possunt aut omnes simul quotidie honora-  
ri & peculiari modo coli, aut certi ali-  
qui. V.g.

Die Dominico, Sanctissima Dei Geni-  
trix Maria.

Feria 2. Sancti Angeli cum SS. Patriar-  
chis & Prophetis.

Feria 3. SS. Apostoli cum SS. Euange-  
listis, Discipulis Domini & Innocentibus.

Feria 4. Sancti Martyres.

Feria 5. Sancti Confessores, Pontifices,  
cum SS. Doctoribus.

Feria 6. Sancti Religiosi, cum SS. Sacer-  
dotibus, Leuitis & Confessoribus laicis.

Sabbato, Sanctæ Virgines cum SS. Viduis  
& Mulieribus.

Faciendum opus aliquod particulare, vt  
dictum est, in honorem singulorum.

Die Dominico, exempli causa, decebit in  
honorem B. Virginis aliquid facere, quod  
aut nutriet, aut conseruet, vel augeat hu-

mili-

*militatem & candorem animi, &c.*

4. *Vt autem hæc omnia ordinatè, & cum maiore præstentur feruore, conferet plurimum, non solùm diem præscribere, quo Sanctis veneratio impendatur, sed certam quoque horam ad id quotidie designare.*

### **De requisitis ad Sanctorum cultum.**

**P***rimò requiritur, contritio & dolor de peccatis, quæ longè ab omni sanctitate, Beatorum gloria, & Diuina separant maiestate.*

2. *Ad acquirendam animi confusionem, conferenda est Sanctorum vita cum nostra: quantum nimirum hæc flagitiosa sit, & differat ab illorum pia conuersatione; ponderando ita ex vna parte virtutes eorum & mores sanctos, & ex alia multitudinem nostrorum peccatorum.*

3. *Excitatio ad amorem Dei, considerando eum esse auctorem & principium celestis illius & æternæ felicitatis.*

4. *Ponendi ob oculos Sanctorum labores & ærumna, quas in hoc mundo pro Christo Domino assidue pertulerunt; & illorum*

*beati-*



beatitudo & gloria, nullum umquam finem habitura.

5. Agenda Deo gratia, de gloria tanta Sanctis concessa. Quod sine dubio gratum illis erit, quandoquidem ipsi quamcumque creaturam ad benedicendum Deo, & gratias illi referendas pro tantis beneficiis, adhortantur & inuitant. Si enim tres illi pueri liberati ex fornace Babylonica Deo in suis creaturis benedicebant, quanto magis Beati erepti ab incendio aeternae damnationis?

6. Excitanda spes acquirendi gloriam illam, in qua Sancti sunt collocati. Nam & idem Deus est, & misericors qualis tunc fuit: & nos, & ipsi homines; solum requiritur ut illorum vitam imitemur.

7. Excitandus animus ad exercitationem virtutum, in Sanctis maxime qui illo die colendi erunt, extirpando molestiores defectus. Sancti iidem rogandi, ut in vincendis & eradicandis vitiis nostris, acquirendisque suis virtutibus, sint adiumento: quò & comites huius peregrinationis, & in hora mortis fidei sentiantur aduocati.



1

THE SAVRI  
P R E C V M  
ET  
EXERCITIORVM  
SPIRITVALIVM  
PARS PRIMA  
De Deo.

CAPVT PRIMVM  
De Sanctissima Trinitate.

EXERCITIUM I.

*De cultu Sanctissimæ Trinitatis.*



VEMADMODVM Chri-  
stianis omnibus, sic potissi-  
mū religiosioribus Dei ama-  
toribus curandum, vt inti-  
mum quemdam affectum &  
obseruantiam sibi excitent er-  
ga SANC'TISSIMAM TRINITATEM;  
qua nihil debet coli religiosius, nihil amari ar-  
dentiùs, nihil in memoria versari frequentius:  
idque non modò veterum Patrum ( quos lon-

A

gum



gum esset recensere) sed modernorum quoque exemplo. E quibus vnum pro multis habetote B. I G N A T I V M, Societatis I E S V Parentem: qui primis conuersionis suæ ad Deum initiis, cum magna erga trēs S A N C T I S S I M Æ T R I N I T A T I S personas pietate teneretur, singulisque statas quotidie preces persolueret, die quadam in gradibus templi Dominicanorum consistens, & horarias B. V I R G I N I preces recitans, cœpit ita in Deum intellectu ferri, quasi S A N C T I S S I M A M T R I N I T A T E M, specie quadam visibili id significante exterius quod interius percipiebat, cerneret; ea diuinæ consolationis magnitudine & copia, vt sibi à suspiriis fletuq. etiam inter ipsas publicas supplicationes, (quas deinde prosequutus est) ad prandium vsque temperare nequiverit; aut verò à prandio aliud omnino vel cogitare vel loqui, quàm de S A N C T I S S I M A T R I N I T A T E, tanta tamque varia rationum, similitudinum; atque exemplorum copia, vt admirationi omnibus audientibus esset. Quæ res ita in eius mente hoc ineffabile mysterium inscripsit, ac veluti impressit, vt illo ipso tempore, homo legendi scribendi que tantum sciens, de eo librum scribere sit aggressus, & ad totam vitam insculptæ illius veritatis vestigia extarent. Semper enim cum ad S A N C T I S S I M A M T R I N I T A T E M orationem funderet, (quod frequenter, & diu faciebat) eximiam diuinæ consolationis suauitatem percipiebat, & aliquando quidem singularem quãdam in D E V M

PATREM, totius diuinitatis fontem, & reliquarum personarum originem atque principium. Pietatem sentiebat deinceps etiam in FILIUM: postremò in SPIRITVM SANCTVM: singulis se personis commendans & tradens, & simul ex omnibus, quasi ex vno atque eodem gratiarum omnium plenissimo fonte, virtutes omnes abundanter hauriens. Vide P. Ribadeneyram lib. I. c. 7. de Vita B. P. Ignatii.

Hoc vobis, Sodales, sit velut præludium, quo maiori fiducia atque alacritate sequentia Exercitia ingrediamini.

## ORATIO PRÆPARATORIA.



SACROSANCTA & indiuidua TRINITAS, Deus meus, & omnia, ego puluis & limus terræ, coram Maiestate tua prostratus supplico, vt mihi gratiam largiri digneris, qua vires atque operationes meæ omnes sincerè ad tuam gloriam & cultum tendant; maximè verò in hoc mētis exercitio, quod hodie pro mea tenuitate, non ob curiositatem vel vanitatem, aut alium minùs ordinatum affectum, sed ad amorem tuum augendum præparo.

*Compositio loci, seu PRIMVM PRÆLVDIVM, modo sequenti fieri potest.*

INtellectui obicias cælum empyreum, in Ieoque thronum aliquem magnificentissimum, in quo SANCTISSIMA TRINITAS confideat, omnibus cælestibus ordini-

*Exod. 3.*

bus comitata ; atque hac vel alia ratione vagabundam memoriam officio suo continebis. vel montem Dei Horeb, in quo Moyſes vidit ardere Rubum, & non comburi, quia apparuit ei Dominus in flamma ignis de medio eius: nec permiſſus eſt accedere propius, niſi ſoluiffet calcæamentum de pedibus ſuis: imò abſcondit faciẽm ſuam, non audẽs aſpicere contra Deum: ut & tũ diſcas, ſolutis tuæ mentis prauis & ſordidis affectibus, Deum tuum alloqui, & puriore oculo aſpicere.

*Rom. II.*

SECUNDVM PRÆLVDIVM ſit, in quo petas à Domino gratiam, qua altiora te non quæras; ſed anguſtam illam Dei Maieſtatem humili ſemper corde verearis, & ubicumque verſatus fueris, præſentem tibi ſtatuas; dicens cum D. Paulo: O altitudo diuitiarum ſapientiæ & ſcientiæ Dei! quàm incomprehenſibilia ſunt iudicia eius, & inueſtigabiles viæ eius!

## PRIMVM PUNCTVM.

CONſidera primò, quomodo Dominus Deus noſter, qui eſt SANCTISSIMA TRINITAS, ſolus ſit qui ab æterno à ſe, & non ab alio aliquo eſſentiam ſuam habuit. Tu verò à te aliud non habes, quàm ipſum quod dicitur NIHIL: in cuius abyſſo profundiffima obrutus perpetuò atque ſepultus mãſiſſes, ſi diuina bonitas per creationẽ non te inde eripuiffet. Humilia te ergo, & coram SANCTISSIMA TRINITATE, totis præputore liqueſcens, dic cum Propheta Dauid:

Sub-



Substantia mea tamquam nihilum est ante te. *Psal. 38.*

Secundò, ex natura æternitatis diuinæ, cuius  
E S S E nec habet principium, nec est ulli mu- *Dan. 6.*  
tationi subiectum; considera E S S E T V I, vili-  
tatem & corruptionem, cum quotidie deficias,  
& vita tua sit breuissima, ac plena mutationi-  
bus inueniatur, vt benè sanctus Iob clamar, *Iob 14.*  
dicens: Homo natus de muliere, breui viuens  
tempore, repletur multis miseriis; qui quasi  
flos egreditur, & conteritur, & fugit velut um-  
bra, & numquam in eodem statu permanet.

Ex hac Dei tui immutabilitate disces tu  
quoque perpetuò in virtutibus vniformiter  
stare, cum scriptum sit: Homo sanctus in sa- *Ecel. 27.*  
pientia manet sicut sol; nam stultus vt luna  
mutatur.

SECUNDVM PUNCTVM.

CONsidera primò, SANCTISSIMAM  
TRINITATEM esse purissimum &  
simplicissimum spiritum: & tamen non dedi-  
gnari te aspicere, qui vas es immunditia ple-  
num, innumeris necessitatibus, & morti tan-  
dem ipsi, tamquam stipendio, subiectum. Vn-  
de ergo superbis puluis & cinis?

Secundò, consequenter infinitam Dei tui  
(cui omne cor patet, omnis voluntas loquitur,  
& quem nullum latet vel minimæ naturæ se-  
cretum) sapientiam admirare: vt in tua igno-  
rantia, tanto magis confundaris; quam nisi me-  
tus, & magistri pepulisset industria, fortasse  
brutis quàm hominibus fuisses similior. Et vt  
aliquid assequutus videaris, ita tamen adhuc

stupor tuus atque animi hebetudo præualeat, vt cum reliquis sapientibus ingenuè fateri cogaris, maiorem eorum quæ scias partem minimam esse eorum quæ ignoras. Ergo tantam Dei tui puritatem atque scientiam in te ipso aliqua ratione repræsentat, vt oculus ac intentio tua simplex sit, ac intellectus cum voluntate veram potius cordis puritatem quàm vanam scientiam assequatur.

*Gen. 8.*

Tertiò expende Dei tui infinitam bonitatem, quò pudeat malitiæ tuæ, & ad malum pronitatis: de qua Scriptura; Sensus & cogitatio humani cordis in malum prona sunt ab adolescentia sua. Adde, quòd hac ipsa propensione ad malum perpetrandum ita vsus sis, vt iam ipsa tibi dominante, non sine molestia, ad id quod bonum est, moueri valeas.

Quarò admirare Dei tui infinitam potentiam, & erubescere, cum viribus adeò sis debilis, vt sæpè minima infirmitas inutilem planè te lecto affigat; ac animo ita imbellis, vt minimum quod tibi intentatur à demone prælium, ac sæpè in re nihili, te vincat atque deiiciat.

*Prou. 13.*

Quintò, offert se infinita Dei iustitia, quam meritò timebis, cum eam tuis peccatis (quibus eluendis nondum satisfacisti) aduersum te prouocaueris. Hanc ergo, in teipso peccata rigidius castigando, imitari stude. Qui enim parcit virgæ, odit filium suum; qui autem diligit illum, instanter erudit.

## TERTIVM PUNCTVM.

**C**onsidera paulo attentius hoc TRINITATIS mysterium. Ipsa enim est Deus, Vnus, & summè Vnus, Trinus tamen in personis, Pater scilicet, & Filius, & Spiritus sanctus.

Vide hîc primò, quomodo ESSE Dei tui, in infinitum omnium creaturarum essentiam excedat; sic vt hoc ipsum quod tu intelligis esse, ita sit à Dei esse distinctum, vt nihil illi comparari valeat. Nam esse eius, est ipsius essentia; & ipsius essentia, est eius esse. Hunc titulum sibi proprium seruare voluit SANCTISSIMA TRINITAS, cùm ait: EGO SUM QVI SUM. Quare cum Moyse eandem, vt immensum quoddam omnis ESSE pelagus, reuerenter adora.

Secundò, vt sufficientissimum Deum tuum contemplare, qui extra se nulla re indigeat, qui in se gloria infinita præditus sit; qua fruitur, priusquam vlla creatura subsisteret, nec mundo iam facto vllò modo augetur.

Tertiò, quomodo supremus hîc Deus principium & fons sit, ex quo omne esse, omnis vita, omne bonum processit, & quotidie promanat; à quo, vt ab ipso sole solares radij, cetera omnia pendent: vtpote in quo viuimus, mouemur, & sumus.

Aet. 17.

Quartò, quàm liberaliter se omnibus creaturis suis, præsertim verò rationalibus, communice; quas sola sua & immensa bonitate, ad imaginem suam creauit, & æternæ felicitatis suæ capaces fecit



Quintò, quomodo SANCTISSIMA TRINITAS sit vltimus finis rerum omnium factorum, at particulariter animæ rationis participis; cuius beatitudo consistit in aspectu & fruitione Diuinæ suæ Maiestatis: sic vt nulla re extra ipsam posita, quisquam possit vnquam saturari. Vnde & anima Christiana vnire se debet tam nobili fini: hîc per amorem perfectiorem; in altera verò vita, per claram visionem & charitatem consummatam.

COLLOQVIUM poterit fieri verbis

*S. Augustini.*

*D. Aug.  
Meditat.  
cap. 12.*

**O** Summa Trinitas, virtus vna, & indiscreta Maiestas, Deus noster, Deus omnipotens, confiteor tibi ego vltimus seruorum tuorum, & exiguum membrum Ecclesiæ tuæ: confiteor tibi, & honorifico te, debito sacrificio laudis, pro scire & posse, quod mihi tantillo donare dignatus es. Et quia exteriora mihi munera defunt, quæ possim offerre; ea quæ in me sunt, vota laudationis ex dono misericordiæ tuæ, ecce libens atque ouans offero tibi de fide non ficta, & conscientia pura. Credo igitur te toto corde, Rex celi, & terræ Domine, & oro te: confiteor Patrem, & Filium, & Spiritum sanctum, in personis trinum, & in substantia vnum, verum Deum omnipotentem, vnus simplicis, incorporeæ, inuisibilis, & incircumscriptæ naturæ, nihil te superius aut inferius maiusve aliquid habentem; sed per omnem modum sine deformitate perfectum, sine quantitate magnum, sine qualitate bonum, sine

tempore,

tempore sempiternum, sine morte vitam, sine infirmitate fortem, sine mendacio verum, sine situ vbique præsentem, sine loco vbique totum, sine extensione omnia implentem, sine contradictione ybiq. occurrentem, sine motu omnia transcendentem, sine statu inter omnia manentem, sine indigentia omnia creantem, sine labore omnia regentem, sine tui initio omnibus initia dantem, sine tui mutatione omnia mutabilia facientem: in magnitudine infinitum, in virtute omnipotentem, in bonitate summum, in sapientia inæstimabilem, in consilijs terribilem, in iudicijs iustum, in cogitationibus secretissimum, in verbis veracem, in operibus sanctum, in misericordijs copiosum, erga delinquentes patientissimum, erga pœnitentes piissimum, semper idipsum æternum ac sempiternum, immortalem atque incommutabilem; quem nec spatia dilatant, nec breuitas locorum angustat, nec receptacula vlla coarctant, nec voluntas variat, nec necessitudo corrumpit, nec mœsta perturbant, nec læta demulcent: cui nec obliuio tollit quidquam, nec memoria reddit, nec præterita transeunt, nec futura succedunt. Cui nec origo initium, nec tempora incrementum, nec casus finem dabit; sed ante sæcula, & in sæculis, & per sæcula in æternum viuis: & est tibi perennis laus & æterna gloria, summa potestas & singularis honor, perpetuum regnum & sine fine imperium, per infinita & indefessa & immortalia sæcula sæculorum. Amen.

*Aut poteris EXERCITIUM finire  
alloquio S. Bernardi.*

*D. Bern.  
Serm. II.  
in Cant.*

**O** Beata & beatifica SANCTISSIMA TRINITAS ad te mea misera trinitas miserabiliter suspirat, quoniam à te infelicitè exulat. Discedens à te quantis se intricauit erroribus, doloribus, timoribus? Heu me! qualem pro te commutauimus trinitatem? Cor meum conturbatum est, & inde dolor; dereliquit me virtus mea, & inde pavor; & lumen oculorū meorum non est mecum, & inde error, En quā dissimilem trinitatem, animę meę trinitas exulans offendisti? Verumtamen quare tristis es anima, & quare conturbas me? Spera in Deo, quoniam adhuc confitebor illi; cum error videlicet à ratione, à voluntate dolor, atque à memoria timor omnis recesserit, & successerit illa quam speramus mira serenitas, plena suauitas, æterna securitas. Primum illud faciet veritas Deus, secundum charitas Deus, tertium summa potestas Deus; vt sit Deus omnia in omnibus, ratione recipiente lucem inextinguibilem, voluntate pacem imperturbabilem, consequente memoria fonti indeficienti æternaliter inhærente.

EXER-



## EXERCITIVM II.

De Sanctissima TRINITATE  
& Deo PATRE.ORATIO PRÆPARATORIA,  
*quæ singulis Exercitiis præponi potest.*

CTIONES nostras, quæsumus Domine, aspirando præueni, & adiuuando prosequere: vt cuncta nostra oratio & operatio à te semper incipiat, & per te cæpta finiatur.

**L**OCOPRÆLVDII PRIMI in hoc Exercitio, pone ante oculos id quod Eliæ magno Prophetæ accidit; qui cùm iussus esset stare coram Domino, ac post transeuntem spiritum grandem venisset sibilus aure tenuis, vultum suum pallio operuit, non audens aspicere quanta ibi esset maiestas Domini. Sic ergo tibi in huius augusti mysterij contemplatione satis sit, nosse quòd Deus transit, nec contende eum modò videre sicut est, aut comprehendere; cùm Elias suo exemplo, mentis tuæ aciem ad supremam illam lucem caligare ostendat.

SECVNDI PRÆLVDII loco à Deo gratiam postula, qua tuæ imbecillitatis concilius, sub potenti eius manu, magna animi demissione viuas; vt eius sublimitas sese ad te inclinet, prouocata tuæ miseriæ agnitione. Scito

3. Reg. 19

etiam

etiam non posse te clariùs cognoscere huius mysterij sublimitatem, latitudinem, profunditatem, quàm firma fide, rara humilitate, & perfecta charitate.

Primò, perpende humili ac pia mente rationem, cur Deus non solùm mysterium hoc ineffabile, & alios quosdam Orthodoxæ fidei articulos, sed etiam non paucas rebus creatis inditas proprietates, voluerit captum nostrum hac in mortali vita excedere. Nimirum, ne omnia percipientes, exemplo Angeli apostatæ, plùs æquo scientia elati, in barathrum ruamus. 2. Vt simus humiles, & ignorantiam confiteamur. 3. Vt cognoscamus nosipsos, & captiuando intellectum, magis subiiciamur Altissimo; Deoque soli tribuendo scientiæ omniumque rerum gloriam, & per humilem subiectionem credendo, plus mereamur: sicut Abraham, qui quo minus scire studuit quid præciperetur, vel cur, hoc gratior Deo effectus est.

Secundò, considera quid sit credendum de SS. TRINITATE: nempe, tres esse in Diuinis personas, re inter se distinctas, Patrem, Filium, & Spiritum sanctum; vnā verò numero naturam Deitatis, ac similiter vnā omnipotentiam, æternitatem, immutabilitatem, immensitatem, maiestatem & gloriam, intellectum, voluntatem, sapientiam, bonitatem, & cætera quæ in Symbolo S. Athanasij habentur, & in officio diuino cantantur, cùm dicitur: Vera & vna Deitas, vna & summa Deitas, sancta & vna Vnitas. & alibi: Eundem Deum semper eundem.

eumdem esse, viuere & intelligere. Quare tota TRINITAS potest dici vnus Deus in natura, omnipotentia, &c. Trinus in personis. Vnde discis, quanti sit facienda bonorum societas: nam Deus cū natura vnus sit; tamen societatem habuit plurium. 2. Societatem eo perfectiorem esse, quo maior inter socios est vnio: vt erat in primitiua Ecclesia, quando Christiani accepto Spiritu sancto habebant cor vnum & animam vnā. At in SS. TRINITATE, non est solum intellectus, voluntas, potentia, sapientia, bonitas; sed etiam natura vna, atque indiuidua.

Teruò, considera SS. TRINITATEM vocari quoque Creatricem & Gubernatricem rerum omnium: Quanta ergo dignitas animæ Christianæ, vt à qua originem habet, ab eadem quoque perpetua quasi cura ac sollicitudine dirigatur? Vnde & dicitur

Deus Trinus & vnus, spes nostra, salus, honor, liberator, saluator, viuificator noster.

Deus Abraham, Deus Isaac, Deus Patrum nostrorum.

Deus Israël fortissimus.

Altissimus.

Dominator, misericors, clemens,

Fidelis, & absque vlla iniquitate, scrutans corda & renes.

Iudex, iustus, fortis, susceptor, refugium, virtus nostra.

Deus exercituum.

Auctor omnis gratiæ.

Gen. 24.

Gen. 33.

Luc. 6.

Exod. 34.

Deut. 32.

Psal. 7. &  
8.

Esai. 10.

1. Pet. 5.

Bene-



2. *Mach.*

Benedictus per omnia.

*Act.* 17.

In quo vivimus, mouemur, &amp; sumus.

2. *Cor.* 1.

Qui consolatur nos in omni tribulatione nostra.

*Rom.* 15.

Deus patientiæ, solatij, &amp; spei; Rex sæculorum, immortalis &amp; inuisibilis.

In hoc eodem puncto, quo SS. TRINITATEM Creatricem & Gubernatricem omnium considerasti, descendes peculiariter ad homines, qui creati sunt ad imaginem & similitudinem Dei & SS. TRINITATIS; quia in omnibus vna est anima spiritualis, & tres spirituales potentiæ, intellectus, voluntas, & memoria; imò in omnibus creaturis vestigium eiusdem SS. TRINITATIS relucet, quippe cum in ijs sit aliqua natura, vis vel potentia ac operatio: insuper & in vilissimis creaturis intimè inest secundum essentiam, presentiam, & potentiam. Quòd nisi ita se haberet, omnes in nihilum reciderent, ac penitus perirent. In ipso enim vivimus, &c. vt ex Apostolo dictum est. Quod beneficium non perciperemus, nisi intimo amore Deus omnes creaturas, quatenus bonum aliquod in illis est, prosequeretur. Cur ergo vicissim non amabimus, non complectemur Creatricem omnium SS. TRINITATEM?

*Act.* 17.

Quartò, in particulari de DEO PATRE considera, quod vocetur

*Rom.* 15.

Pater Domini nostri Iesu Christi: Pater misericordiarum.

*Symbol.**Athana.**si.*

Pater qui cum Filio &amp; Spiritu Sancto vnus est Diuinitatis, coæqualis glo-

ria,

riæ, coæternæ maiestatis.

Pater increatus, immensus, & æternus.

Qui à nullo est factus, nec creatus, nec genitus.

Ex quo omnis paternitas in cælis & in terra nominatur.

Qui quærit in spiritu se adorantes.

Cui omnia suntabilia.

Pater Christi, qui vsque modò operatur, qui est, & manet in Filio.

Pater viuens, qui Filium diligit, & ipsum misit in mundum.

Pater iustus & sanctus.

Pater gloriæ.

Pater spirituum.

*Hos titulos ubi perpenderis, subiungere poteris*

*Orationes sequentes, dicendo:*

*Vers.* Benedicamus ergo Patrem & Filium cum sancto Spiritu.

*Resp.* Laudemus & superexaltemus eum in sæcula.

*Vers.* Benedicat nos Deus noster, benedicat nos Deus.

*Resp.* Et metuant eum omnes fines terræ.

*Oratio ad SS. TRINITATEM.*

**O**mnipotens sempiterne Deus, qui dedisti famulis tuis, in confessione veræ fidei æternæ TRINITATIS gloriam agnoscere, & in potentia maiestatis adorare vnitatem: quæsumus, vt eiusdem fidei firmitate, ab omnibus semper muniamur aduersis. Per Dominum nostrum.

*Ephes. 3.*

*& Ioan. 4.*

*Marc. 14*

*Ioan. 5.*

*& 10.*

*Ioan 6.*

*& 17.*

*Ephes. 1.*

*Heb. 12.*

ORA-

## ORATIO DOMINICA

*ad formam prioris modi orandi  
paraphrastice explicata.*

**P**ater. Excelsus in creatione ; suavis in amore, diues in hereditate : quotidie generans spirituales filios, per amorem viuificatem :

**N**oster. Iesu Christi per naturam , hominum mortalium per gratiam , Beatorum per gloriam, & totius creaturæ per creationem, ubique diffundens signa tuæ suauissimæ bonitatis :

**Q**ui es. Duratione æternus ; substantia infinitus, bonitate optimus. Reliqua omnia ex te ; ð Pater clementissime, (qui propriè es) habent esse suum, & subsistunt.

In cælis. Speculum æternitatis, corona iucunditatis, thesaurus felicitatis. Quando ergo, ð Pater benignissime, filius tuus efficiar? quando ita te diligam, vt in me vestigium aliquod tuæ bonitatis appareat? Et cum in cælis sit requies tua, quando ð anima mea instar cæli spectiosa, & virtutum rutilantibus stellis ornata eris, vt Deus in te habitationem suam constituat? Hoc aliquando sperare me iubes, quia pater es, ( quis enim pater non audit filium? ) & ego opus manuum tuarum. Cum verò in cælis sit habitatio tua, cur velim diutiùs morari in terra?

**S**anctificetur. Sublata omni terrenâ labe, tu solus super omnia diligaris, & honoreris, per fidem viuam, per spem solidam, per charitatem inflammatam.

**N**omen. Gloria Filij tui, vt crucem eius

fidel-



fideliter & constanter sequamur.

Maiestas tui sancti Spiritus, vt eius motus & inspirationes audiamus.

Paternitas tua, vt genuini filij tui reddamur.

Tuum. Vt sit mel in ore, melos in aure, iubilus in corde. vt tu solus glorificeris, solus ceu vltimus finis desidereris & ameris.

Adueniat. Supernè à patre luminum, intus ab anima, foris à gratia non natura.

Regnum. Iustitiæ, gaudij, pacis in Spiritu sancto. Regnum, in quo licebit Angelorum choris interesse, & cum ipsis glorię Conditoris assistere, præsentem tuum vultum cernere, in circumscriptum lumen videre, nullo mortis metu affici, incorruptionis perpetuæ munere latari.

Tuum. Non mundi fallacis, non carnis mortalis, non diaboli impostoris.

Tuum. Iucundum sine afflictione, tranquillum sine perturbatione, securum sine amissione. Tu quidem regnas, ô Pater, in toto vniuerso: sed desidero vt nos, dum viuimus, tâquam benignus Pater gubernes, non vt Iudex seuerus; qui à Filio tuo dilectissimo, potiùs hîc vocaris Pater quàm Iudex.

Fiat. Per tuum mandatum, per tuum consilium, per tuum & cum tuo auxilio.

Voluntas tua. Bona in creatione, beneplacês in redẽptione, perfectæ in iustificatione.

Sicut in cælo. Ad imitationem Beatorum, ad similitudinem Deiparæ Virginis, ad modum Christi.

Et in terra. Vt quidquid tu non vis, nolumus; quidquid amas, amemus; quidquid iubes, faciamus: nostram autem voluntatem, quæ semper ad malum tendit, perpetuo reprimamus.

**Panem nostrum.** Panem lacrymarum, panem verbi Dei, panem sanctorum Sacramentorum.

**Quotidianum.** Quia sine illo morimur, sine illo nihil scimus, sine illo delinquimus.

**Da.** Quia tibi proprium est dare.

Quia beatiùs est dare quam accipere.

Quia nostrum est à te accipere.

**Da.** Non Angelis, sed filiis.

Non homo, sed Creator.

Non datum, sed dator.

**Da.** In Incarnatione Verbum tuum.

In Iustificatione Spiritum sanctum.

In Glorificatione te ipsum.

**Nobis.** Indignis, ingratis, inutilibus, imò & rebellibus seruis tuis.

**Hodie.** In hoc die malitiæ, in hoc die tenebrarum, in hoc die miseriæ ac tribulationum.

**Et dimitte nobis.** Tu qui es misericordia, tu qui es fons gratiæ, tu qui in cruce debitorum nostrorum posuisti pretium.

**Debita.** Contra tuam Maiestatem, contra proximi charitatem, contra nostram salutem commissa.

**Nostra.** Ea enim contraximus corde, profudimus ore, expleuimus opere.

Sicut & nos dimittimus. Si nos non di-

mitti-

mittimus illis, tu non dimittis nobis. Si dimittimus, filij tui per imitationem sumus. Si condonamus, verbis tuis paremus.

Debitoribus nostris. Qui leuiter, ignoranter, iustè offenderunt nos, mille gehennas promeritos.

Et ne nos inducas. Tollendo tuam gratiam, remouendo salutis media, tuam dulcem præsentiam subtrahendo, occasionem peccandi permittendo.

In tentationem. Carnis, mundi, diaboli.

Sed libera. Tu qui es liberator, Saluator, & Redemptor.

Nos. Mortis filios, peccati seruos, diaboli mancipia.

A malo. Præterito, præsentì, futuro: à malo scilicet culpæ & pænæ.

Amen. Fiat, à te, per te, in te, vt sine ultimo.

## EXERCITIUM III.

### De FILIO seu secunda Persona SS. TRINITATIS.



CONSIDERA hoc loco maximè ea quæ pertinent ad FILIUM secundùm naturam diuinam. Primò, quòd Pater æternus ex perfectione & fœcunditate suæ naturæ (quæ propter omnimodam infinitatem non potest vna sola



*Sap. 7.  
Heb. I.*

*Ioan. I.  
Heb. I.*

persona concludi, sed media origine constituit tres Personas, ab omni æternitate per Intellectum genuerit Filium sibi consubstantialem, & per omnia similem & æqualem: vnde est Deus de Deo, lumen de lumine, & Deus verus de Deo vero, vt in Symbolo Nicæno canitur. est æternus vt Pater: sicut enim lux eodem momento quo est, gignit splendorem, ita vt æterna lux, si quæ esset creata, coæternum sibi splendorem produceret; ita Pater, qui ex naturæ suæ excellentia & altitudine lux est æterna & inaccessibilis, Filium hunc vt candorem lucis & splendorem gloriæ suæ genuit. Simili modo est immensa & æqualis cum Patre maiestatis & gloriæ, potentiæ, sapientiæ, & bonitatis, ac cuiusvis alterius virtutis & perfectionis: quia habet eandem cum Patre naturam ac essentiam, à qua Pater habet omnem suam maiestatem ac dignitatem, potentiam, sapientiam, bonitatem, ac omnem denique perfectionem: quare ei etiam debetur æqualis cum Patre honor ac reuerentia ratione dignitatis, & amor ratione bonitatis. Deinde quia eandem cum Patre potentiam habet, eadem omnia quæ Pater facit extra se in creaturis, ipse etiã cum illo facit in creatione & gubernatione orbis terrarum: vnde omnia per ipsum facta dicuntur, omniaque dicitur portare verbo virtutis suæ. Imò quia eandem habet cum Patre voluntatem, qua Pater spirat & producit Spiritum sanctum, ipse etiã simul cum Patre illum spirat, ac nobis dare & mittere dicitur. Considera in

his

his dignitatem FILII DEI, qui tanto melior Angelis est effectus, quanto differentius præ illis nomen hereditavit. Cui enim aliquando Angelorum dixit Deus: Filius meus es tu, ego hodie genui te? Quis Angelorum dicitur Deus, cum de hoc dicatur, In principio erat Verbum, & Verbum erat apud Deum, & Deus erat Verbum? Attende quid illi debeas.

*Heb. 1.*

Considera secundò, quòd quia FILIVS per Intellectum procedit in diuinis, ideò primò vocetur Filius: hinc enim habet quòd procedat per modum similis in eadem natura. nam sicut verbum mentis humanæ, dum quis seipsum contemplatur, est viua quædam representatio sui: ita Pater celestis seipsum contemplans, viuam sui representationem & imaginem producit; quæ in Deo non est accidens, vt in nobis, sed substantia: nam in Deo accidens esse non potest, & infinita vis intelligendi ipsius facilius substantiam quàm noster intellectus accidens producere potest: & sic intellectio per Patrem producta est verus Filius eius. 2. vocatur Verbum, quia sicut vox significatiua seu rei alicuius representatiua ore prolata est verbum oris, ita conceptio seu representatio rei in Intellectu formata vocatur verbum mentis: & ita diuinus ille Apostolus & Euangelista, In principio, inquit, erat Verbum. 3. vocatur Imago Patris, quia est viua & expressa similitudo ipsius.

*Ioan. 1.*

*Ioan. 1.*

Considera tertio, quòd sicut Patri in diuinis appropriantur ea quæ sunt potentie, & Spi-

ritui sancto ea quæ sunt amoris & bonitatis  
quia per voluntatem procedit ; ita Filio appro-  
priantur ea quæ sunt intellectus & sapientiæ:  
vnde vocatur Sapientia æterna & increata, &  
in ipso dicuntur reconditi omnes thesauri sa-  
pientiæ & scientiæ Dei. Ex his autem intelli-  
ges & considerabis titulos, quibus FILIVS vt  
secunda persona SS. TRINITATIS descri-  
bitur & decoratur : vt sunt

Filius Dei.

Filius Patris altissimi.

Verbum Patris.

*Symbol.*

Deus de Deo.

*Nicen.*

Lumen de lumine.

Deus verus de Deo vero.

Patri consubstantialis.

*Sap. 7.*

Candor lucis æternæ.

*Ibid.*

Speculum sine macula & imago bonitatis  
diuinæ.

*Heb. 1.*

Splendor gloriæ & figura substantiæ Patris.

*Col. 1.*

Imago Dei inuisibilis.

*Psal. 109*

Ante luciferum genitus.

Sapientia æterna.

Sapientia increata.

Spirator Spiritus sancti.

*Ioan. 15.*

Dator S. Spiritus.

Omnium opifex sapientia : & per quem  
facta sunt omnia.

*Col. 1.*

Primogenitus omnis creaturæ.

*Col. 1.*

Per quem, & in quo, creata sunt & con-  
stant omnia.

*Heb. 1.*

Portans omnia verbo virtutis suæ.

In



In quo, quod factum est, vita est.  
Purgationem peccatorum faciens.  
Principatum tenens in omnibus.

Ioan. I.

Heb. I.

Col. I.

Laudabis ergo in his & benedices ac confiteberis **FILIO DEI**, super omni gloria, potentia ac perfectione sua: & orabis eum, ut ipse qui Filius Dei est naturalis, faciat te adoptivum per gratiam; qui imago est Patris, reparet in te primogeniam imaginem & similitudinem Dei, in qua conditus fuisti; ipse purget peccata tua, maximè quæ per errorem vel ignorantiam admiseris; Spiritumque sanctum mittat, cum charismatis & donis maximè Sapientiæ, Intellectus, Scientiæ, & Consilij: ipse te candore lucis illuminantis omnem hominem venientem in hunc mundum illuminet, ac in æternum suo splendore gloriæ beatum faciat, Amen.





## EXERCITIVM IIII.

De SPIRITV SANCTO, tertia  
Persona SS. TRINITATIS.

PRIMO considera, quis SPIRITVM SANCTVM in corda hominum miserit; nempe Pater æternus; tribus rationibus motus, 1. Ob infinitam suam charitatem & bonitatem eandem, qua Filium suum misit, vt esset sanctificator noster, idq. ex gratia, non meritis nostris, qui tam indignè à nobis exceptus est. 2. Ob merita eiusdem Filij sui, qui passione & morte hoc donum meritus est, & discipulis suis promisit. 3. Ob summam miseriam nostram, quæ Patrem misericordiarum permouit, vt post Christum filium, etiam Spiritum sanctum, tamquam omnium malorum nostrorum remediũ efficacissimum, porrigeret. Sic Iustitia & Misericordia obuauerunt sibi. Iustitia quidem ex parte Christi, qui missionem Spiritus sancti meritus est; Misericordia verò ex parte bonitatis diuinæ, nostram miseriam respicientis.

Psal. 84.

Secundò considera, ob quem finem. Nimirum, vt quod Christus modo quodam visibili apud discipulos suos officium præstiterat protectoris, aduocati, & consolatoris, idem præstaret Spiritus sanctus, ratione quadam inuisibili, iuxta illud Christi; Et alium Paraclitum dabit vobis, vt maneat vobiscum in æternum. 2. Vt

Ioan. 14.



*Ioan. 14.**Ioan. 2.*

succederet Christo in officio magistri, vt Dominus ait: Spiritus sanctus, quem Pater mittet in nomine meo, ille vos docebit omnia: quæ scilicet spectabunt ad vestram & aliorum salutem & perfectionem. idque non sicca quadam & ieiuna doctrina, sed impinguate, & deuotionem in cordibus excitante, iuxta illud:

Vos vnctionem habetis ab eo, & nostis omnia.  
3. Vt in cordibus Apostolorum testimonium de Christo, quis scilicet, & vnde esset, præberet: quo permoti, & ipsi mundo publicè idem nuntiarent. Vnde fit, vt iusti hoc spiritu imbuti, scientes Christum esse Deum & hominem, Saluatorem & vnicum remedium animarum, ipsum magnificent, ex toto corde ament, & sic imitari studeant, vt per bona opera indies magis magisque cognoscatur, & honoretur, ac Pater eius cælestis glorificetur.  
4. Vt reprehendat & mundi vitia corrigat, non solum generatim, quod per Christum & Apostolos fecit; sed etiam vnumquemque in particulari monendo suorum peccatorum, exhortando ad vitæ correctionem, mentemque illustrando, vt inter vitia & virtutem, inter Christum quem imitetur, & diabolum quem declinet, clarè discernat.

Tertiò, considera excellentiam huius doni. Est enim omnium donorum primum, atque adeò ceterorū omnium quasi fons perpetuus. Deo siquidem non satis fuit dare nobis gratiam, & charitatem, ceterasque virtutes supernaturales; sed etiam voluit causam horum om-

nium

nium tribuere, quò ea in nobis conferuet, au-  
geat & perficiat: eo ferè modo quo ille faceret,  
qui non contentus sitienti aquam præbere lim-  
pidam, ipsum quoque fontem, vnde illa perpe-  
tuò scaturiret, liberaliter donaret. Vnde Chri-  
stus aiebat: Qui credit in me, flumina de ven-  
tre eius fluent aquæ viuæ. Hoc autem dixit de  
Spiritu quem accepturi erāt credentes in eum.  
& alibi: Aqua, quam ego dabo ei, fiet in eo fons  
aquæ salientis in vitam æternam.

Ioan. 7.

Ioan. 4.

Quartò, considera quibus hoc donum obla-  
tum fuerit. Mirum quidem est, dono hoc, quo  
nichil præstantius habuit Deus Pater, pauperes  
piscatores & idiotas, abiectiorisq; fortunæ  
homines ornatos fuisse: sed multò magis mi-  
randum est, omnes mundi nationes idolola-  
tras, & quàm maximè à Deo alienas, huius  
participes fuisse factas. Verè non est acceptor  
personarum Deus; sed effundit spiritum suum  
supra omnem carnem, non iam carnaliter vi-  
uentem, sed spiritu se mortificantem.

Rom. 8.

Ioël. 2.

Rom. 8.

Quintò, considera, non sine animæ præpa-  
ratione hoc donum dari. Hæc autem præpara-  
tio quatuor continetur virtutibus. Prima est  
conscientiæ puritas: purgandum enim accura-  
tè ab omni inquinamento peccati vasculum  
cordis, quò tam nobilis fiat capax liquoris. Se-  
cunda est cordis eiusdem humilitas, qua te-  
ipsum exinanire studeas, & à contrario, hoc est,  
inflante spiritu liberare. Tertia, fiducia in Deū,  
non propriis, sed Christi Domini meritis ac  
bonitate freta. Quarta, oratio feruens, qua Spi-

ritus

ritus dona eidem Dei infinitæ liberalitati in-  
 nixus postules. His præmissis, contemplare vi-  
 tam primorum Christianorum, tribus prima-  
 riis virtutum exercitiis fultam. Quarum prima  
 erat perseverantia in doctrina Apostolica, dum  
 se occuparent in audiendis concionibus, & le-  
 gendis libris sacris, quibus se in fide sana con-  
 firmabant, & contrariam doctrinam velut pe-  
 stem fugiebant. 2. perseverantia in communio-  
 ne fractionis panis, hoc est sacra Eucharistiæ  
 perceptione, qua spiritalis vitæ gratia conser-  
 uaretur & augeretur. 3. perseverantia in ora-  
 tionibus. Exercebant se non in certa qua-  
 piam oratione, sed in omni precationum gene-  
 re, nempe, obsecrationibus, postulationibus,  
 gratiarum actionibus, laudibus, hymnis, psal-  
 mis, canticis spiritualibus, orantes in omni lo-  
 co, purasque ad Deum manus cum magno af-  
 fectu leuantes. Da operam, vt cum iisdem Chri-  
 stianorum primitiis sedulò audias verbum  
 Dei, piè Confessionis & Eucharistiæ Sacra-  
 menta frequentes, & sine intermissione præca-  
 tionibus & diuinis laudibus insistas: vt his  
 sanctis exercitiis præparatus, Spiritus sancti  
 robur accipias.

1. Tim. 2.

Sextò considera, Spiritui sancto proprium  
 esse electis suis vitæ Euangelicæ perfectionem  
 inspirare, quam Christus commendauit, & pri-  
 mitiuæ Ecclesiæ fidelibus ita impressit, vt po-  
 steris præclarum reliquerint exemplum vitæ  
 communis, quam summa cum animorum  
 vnione & charitate coluerunt. Omnes enim

qui



qui credebant, erant pariter, & habebant omnia communia, eratque multitudinis credentium cor vnum & anima vna. Nec quisquam eorum quæ possidebat, aliquid suum esse dicebat, &c. Possessores agrorum & domorum, ea vendebant, eorumque pretia ad pedes Apostolorum adferebant, paupertatis Euangelicæ specimen præbentes, omniumque rerum dominio se abdicantes. Quare si perfectioris vitæ æmulator es, & Spiritu sancto mouente, mundo mori exoptas; hæc primitiæ Ecclesiæ imitate vestigia, ad Religiosorum familiam propera, & paupertatem Euangelicam non oscitanter sequere. Nescitenim tarda molimina Spiritus sancti gratia; vt D. ait Ambrosius. Quod si cōmunem Christianorum vitam ducere malis, corde saltem omnibus renuntia; cū omnibus dictum sit: Qui non renuntiat omnibus quæ possidet, non potest meus esse discipulus.

Pater noster. Ave Maria.

## EXERCITIVM V.

### De eadem Tertia Persona.



**P**RIMò, pro beneficiis omnibus in te collatis gratias age: præcipuè hoc nomine, quòd te ad sacri Baptismatis gratiam perduxerit, & ex Christianis te nasci parentibus, ac ab ijsdem in fide Catholica educari voluerit: quodque à pristino tuo viuendi genere ad frequentem Sacramentorum vsum traduxerit.

*Act. 4.*

*Ambr in  
c. 1. Luca.*

*Luca 14.*

Secun-

Secundò, in vnione meritorum & sanguinis Domini nostri I E S V Christi totum te illi offer, præsertim verò voluntatē & cogitationes.

Tertiò, beneficia tibi tuisque proximis necessaria pete: præcipuè vt voluntatem tuam tanto charitatis igne inflammet, vt nulla eum tentationis vel tribulationis procella extinguat: vt tua voluntas, diuinę ipsius voluntati semper sit conformis: tuas item cogitationes castas & puras efficiat, tibi que bonitatem ac sanctitatem, & septem illa sua dona largiri dignetur, quò anima tua suum templum effici mereatur: atque hæc omnia per I E S V Christi pretiosum sanguinem flagita. Vt verò erga Spiritum sanctum magis afficiaris, & eundem interno animę palato degustes; titulos, qui ipsi in Scripturis tribuuntur, pia mente percurre, & ad tuam vtilitatem eos trahe; vt dicere cum D. Gregorio possis: Tergam sordes prauis operis, vt Deo præparare valeam domum mentis.

*Homil.*  
30.

Hoc iacto pię voluntatis & insuper fidei circa SPIRITVM SANCTVM fundamento, nempe ipsum à Patre Filioque procedere, & cum ijsdem simul adorari & conglorificari, perque Prophetas locutum esse; considera quomodo vocetur

*Ioan. 15.*

*2. Reg. 23*

*Sap. 7.*

*Sap. 1.*

*1. Cor. 12.*

*Sap. 7.*

Spiritus Domini Dei Israël.

Dominator hominum.

Replens orbem terrarum.

Habens omnem virtutem.

Omnia bona operans, & prospiciens.

Ornās cælos; stabilis & securus permanēs.

Spiri-

Spiritus veritatis, omnia suggerens & distribuens. *Ioan. 16.*

Spiritus sapientiæ & intellectus. *Isai. 11.*

Spiritus consilij, fortitudinis, scientiæ, & pietatis.

Spiritus timoris Domini, & prudentiæ.

Spiritus quo inspirante loquuti sunt sancti Dei homines. *2. Petri 1.*

Quæ ventura sunt annuntians. *Ioan. 16.*

Donum & promissio Patris.

Spiritus arguens mundum. *Act. 2.*

Spiritus in quo dæmonia eiiciuntur, & ex quo homines renascuntur. *Ioan. 16.*

Per quem charitas Dei diffusa est in cordibus nostris. *Rom. 5.*

Spiritus adoptionis filiorum Dei. *Ibid. 4.*

Spiritus gratiæ & misericordiæ. *Zach. 12.*

Spiritus adiuuans infirmitatem nostram, & reddens testimonium spiritui nostro, quod simus filij Dei. *Rom. 8.*

Spiritus suavis, benignus, super mel dulcior. *Sap. 7.*

Pignus hereditatis nostræ, spiritus deducens nos in terram rectam. *Eccl. 11.*

Spiritus principalis, viuificans, & confortans. *Psal. 141.*

Spiritus salutis, iudicij, & gaudij,

Fidei, pacis, ardoris,

Humilitatis, charitatis, & castitatis,

Benignitatis, bonitatis, longanimitatis ac mansuetudinis,

Lenitatis, veritatis, vnitatis ac cōsolationis,

Com-



Compunctionis, & promissionis,  
Renouationis ac sanctificationis.  
Spiritus vitæ, patientiæ, continentiæ, mo-  
destiæ, ac denique  
Spiritus omnium gratiarum.

Cum ergo tanta eluceant Diuini erga te  
amoris argumenta, meritò ex imo pectore ad  
Spiritus sanctum clamabis, dicendo:

*Verf.* Emitte Spiritum tuum, & creabuntur.

*Resp.* Et renouabis faciem terræ.

ORATIO:

**D**Eus qui corda fidelium sancti Spiritus  
illustratione docuisti, da nobis in eodem  
Spiritu recta sapere, & de eius semper consolati-  
one gaudere. Per Dominum nostrum.

*Alia ORATIO ex Meditat. D. August cap. 9.*

**O**Mnipotens Paraclite Spiritus clemen-  
tissime, mœrentium consolator, cordis  
nostri penetralibus potenti virtute illabere, &  
tenebrosa pectoris nostri latibula cortusci lu-  
minis fulgore lætifica, tuiq. roris intima asper-  
sione fecunda: saucia interioris hominis arca-  
na amoris tui iaculo, & torpentis medullas ie-  
coris flammis salutaribus succende. Pota nos  
torrente voluptatis tuæ, vt nihil iam munda-  
norum degustare lubeat, aut venenatæ dulce-  
dinis. Veni benignissime dolentis animæ con-  
solator, protegens in oportunitatibus, in tribu-  
latione adiutor: veni mundator scelerum, cu-  
rator vulnerum, fortitudo fragilium, humi-  
lium doctor, superborum destructor, orpha-  
norum pius pater, viduarum dulcis iudex, spes

paupe-

pauperum, refocillator deficientium, nauigantium sidus, naufragantium portus: veni omnium viuentium singulare decus, morientium vnica salus. Veni sanctissime Spiritus, & miserere nostri.

*Alia ex Scripturis diuersis.*

**S**piritus sancte Deus, ex Patre Filioque procedēs, animarum nostrarum paraclite suauissime, numine tuo omnia fouens & viuificans: adiuua infirmitatem nostram: nam quid oremus sicut oportet, nescimus; ideo tu postulare nos fac gemitibus inenarrabilibus. O pignus hereditatis nostrę, deduc nos in terram rectam, & indue virtute ex alto, inducēs nos in omnem veritatem. Veni Auster, perfla hortum tuū, & fluant aromata eius; orna tuis cęlestibus donis animas nostras, à quibus obstetricante manu tua educatur tortuosus coluber. Tu corda nostra posside, & mane nobiscū in eternum.

*Hymnus ad S. SPIRITUM.*

**V**eni sancte Spiritus, & emitte cęlitus lucis tuę radium.

Veni pater pauperum, veni dator munerum,  
veni lumen cordium.

Consolator optime, dulcis hospes animę, dulce refrigerium.

In labore requies, in æstu temperies, in fletu solatium.

O lux beatissima, reple cordis intima tuorum fidelium.

Sine tuo numine, nihil est in homine, nihil est innoxium.

Laua quod est sordidum, riga quod est aridum,  
fana quod est saucium.

Flecte quod est rigidum, foue quod est frigidum,  
rege quod est deuium.

Da tuis fidelibus, in te confidentibus, sacrum  
septenarium.

Da virtutis meritum, da salutis exitum, da perenne  
gaudium. AMEN.

*Vers.* Repleti sunt omnes Spiritu sancto.

*Resp.* Et cœperunt loqui.

ORATIO.

**V**Re igne sancti Spiritus renes nostros,  
& cor nostrum, Domine: vt tibi casto  
corpore seruiamus, & mundo corde placeamus.

**M**Entes nostras, quæsumus Domine, Paracletus, qui à te procedit, illuminet; & inducat in omnem, sicut tuus promisit Filius, veritatem.

**D**A, quæsumus, Ecclesiæ tuæ misericors Deus: vt Spiritu sancto congregata, hostili nullatenus incursione turbetur.

Oratio ad PATREM.

**P**Ater noster celestis, da nobis Spiritum tuum bonum & suauem, qui deducat nos in terram rectam: aufer à nobis cor lapideum, & da cor carneum; & fac vt in præceptis tuis ambulemus, & iudicia tua custodiamus, ac operemur. Trahe nos ad Filium tuum, quem misisti Iesum Christum, pro nobis crucifixum Dominum nostrum. O Domine messis, mitte operarios in messem tuam, & concede propitius,



vt in tuo diuino seruitio incipiamus , & perseueremus vsque in finem . In nomine eiusdem dilectissimi Filij tui Domini nostri Iesu Christi.

*Oratio ad PATREM & FILIUM  
& SPIRITVM SANCTVM.*

**P**ater cælestis , qui creasti me cùm non essem , qui per Filium tuum redemisti me cùm perditus essem , qui regis & gubernas me ab infantia mea , & ad vltimum beatitudinis æternæ finem tam multis auxilijs , tanta cum beneficentia deducis ; quam ego charitatem huic charitati tuæ rependam ? Tribue ipse mihi tu Pater piissime eam , quam ego possem tibi dignè retribuere : Dirige , precor , cor meum in dilectione tui : Da mihi charitatem rectam , vt aniem in te quod debeo ; congaudeam ex præcordijs meis tibi , de interno bono infinitæ tuæ perfectionis essentialis , de Maiestate , de sapientia , de bonitate , de beatitudine tua superfelicissima , æterna , independenti , prima , & à qua esse , & perfectio omnium creaturarum procedit ; conseruetur & consummatur : Congaudeam de æterno bono , & gloria nominis tui . Concupiscat anima mea incessanter in se , & in omnibus rebus , augeri hunc ipsum honorem tuum , & beneplacitum : Occupa Deus totum cor meum , quod tam multis modis totum tuum est ; vt te solum diligam , cetera autem propter te : Tribue Deus meus , vt in omnibus beneplacitum tuum intendam & quæram , nec quidquàm nisi propter ipsum amem ;

& non solum statum vitæ meæ, sed singulos etiam actus, ad ipsum dirigam.

Amen & te Domine Iesu Christe, qua intentione debeo, non tantum propter me, quia protector meus, salus mea, iustitia, sapientia, virtus, beatitudo, & bonum omne meum tu es: sed potius diligam te propter te, quia benefactor es, quia prior dilexisti me, quia summè bonus, & summè amari dignus es.

Amen & te Spiritus alme, quomodo debeo. Auge in me lumen discretionis, ad inueniendam & implendam voluntatem tuam, ut te secundum te diligam, & non aliter quam ut tibi placet: ne proprium quidem bonum vitæ aut patriæ velim, ut vnus tecum spiritus fiam, ut in te totus per omnimodam voluntatis conformationem transformer, à me prorsus egrediens, & in te toto corde transiens, qui es summa & perfecta bonitas, & solus amabilis in sempiterna sæcula sæculorum. Amen.

*Alia ORATIO ad inflammandum  
animum in DEVM.*

**O**Mnipotens sempiternus Deus, conditor cæli & terræ, vniuersorum Domine & conseruator, moderatorque infallibilis, quem nulla latet cogitatio: qui me ad imaginem & similitudinem tuam creasti, & in præsens tempus in esse tam nobili conseruasti, per vngénitum Filium tuum laboriosissimè ex mera charitate liberaisti, ad nominis tui benedicti agnitionem, & ad sanctam Religionem Christianam peruenire fecisti: à multis animæ & cor-

poris

poris malis, ab innumeris peccatis, & peccatorum voraginibus, à damnatione perpetua sæpissimè liberaſti: ad æternam denique beatitudinem elegiſti, prout me confidere de tua miſericordia iubes. Pro his & innumeris aliis bonis, quæ operatus es in me, & in omni creatura, tibi ſit honor & gloria, & gratiarum actio, cordiale ſeruitium, caſtus timor, & ſincera dilectio in omnia ſæcula.

Optime Domine, fac me tandem eſſe gratum; & peſſimæ ingratiſtudini, & peccatis meis infinitis, tibi (non mihi) perfectè cognitis, clementer ignoſce. Vince malitiam meam tua clementia. Dona mihi humilem & diſcretam erratorum cognitionem, veram pœnitentiam & emendationem. Fac in poſterum te non ampliùs offendam, ſed amicitiam tuam perquam dulciſſimam, & gratiam tuam pretioſiſſimam, affectuoſiſſimè diligam, & requiram cum perfeuerantia, per tuam infinitam dignationem & miſericordiam. Corpus & animam meam ad ſeruiendum tibi corrobora. Fac me debitè, ſobriè, ac tantummodò pro nominis tui gloria, creaturis tuis vti.

Piſſime Ieſu, tibi & ſancto Spiritui gratiarum actiones refero æqualiter, ſicut æterno Patri. Dulciſſime Ieſu, æterna Patris ſapientia, doce me ſapientiam, vt tu ſolus mihi ſapias, & alia omnia deſipiant, prudentiam, recta conſilia, diſcretionem. Fac me ſtrenuum, adiuua me contra puſillanimitatem, errores, phantaſias, ſcrupuloſitates: aperi mihi intellectum, quò



facra Scriptura non curiositatem pascam, sed veram sapientiam & charitatem tuam hauriam. Fac me intelligere beneplacitum tuum, & cum gaudio adimplere. Fac me reuerenter stare in oculis tuis sicut oportet. Libera me à cura & sollicitudine superflua terrenorum, vt valeam tibi magis placere, & ad te securius & citius peruenire. Conformam me tibi in moribus; dona modestiam, humilitatem, obedientiam, patientiam, sobrietatem, castitatem, & quacumque sunt ad statum meum necessaria.

Benignissime Domine Spiritus sancte, viuifica me, vt odio habeam quæ odisti, & diligam quæ diligis. Proficiam in virtutibus. Confirma me in sancta fide Catholica Romana; in certa spe, vt innitar super te, fac me benè sentire de te. Da semper te colere pura mente & secunda conscientia, te castè reuereri & diligere, ardenti affectu ad te anhelare; à te numquam separari. Occide omnes carnales & sæculares affectiones in me. Fac me filium gratiæ & gloriæ tuæ, pro tua liberalitate, & maxima dignatione.

Te Domine Deus, Trinum in personis confiteor, Patrem, & Filium, & Spiritum sanctum, & vnum in essentia. Et tibi Domino Deo meo, ex cuius bonitate & in cuius potestate omnia subsistunt, quem nihil latet, qui præsens es, & cor meum nunc & semper intueris, me totum commendo, & te, secundum quod in te ipso es, simpliciter veneror & adoro, optabili beneplacito tuo me totum subiiciens.

*Hymnus ad DEVM.*

**A**lpha & Omega Deus,  
 Heli Heli Deus meus:  
 Cuius virtus totum posse,  
 Cuius sensus totum nosse,  
 Cuius esse summum bonum;  
 Cuius opus, quidquid bonum;  
 Super, subter, extrâ, intrâ.  
 Intrâ numquam coarctaris,  
 Extrâ numquam dilataris,  
 Subter nullo fatigaris,  
 Super nullo sustentaris.  
 Mundum mouens, non moueris:  
 Locum tenens, non teneris:  
 Tempus mutans, non mutaris:  
 Vaga firmans, non vagaris.  
 Vis externa, vel necesse,  
 Non alternat tuum esse.  
 Heri nostrum, cras & pridem,  
 Semper tibi nunc & idem:  
 Tuum, Deus, hodiernum  
 Indiuisum, sempiternum:  
 In hoc totum prauidisti,  
 Totum simul perfecisti.  
 Ad exemplar summæ mentis  
 Formam præstas elementis.

*Hymnus ad SS. TRINITATEM.*

**O** Nullis hominum peruia sensibus,  
 Naturæ penitus sola capax tuæ,  
 Cuius condita sunt omnia numine,  
 Æterna & monas & trias.  
 Nato æquæue Pater, Nateque par Patri,

Et manans ab utroque inclyte Spiritus,  
Circumfusa tuo nubila lumine

Nostro discute pectore.

Da mens per speculum cernere te queat  
Nostra, & posthabitis te petat omnibus,  
E iussisque tuis pendeat, & tibi

Soli dedita feruiat.

Tu clemens miseris da veniam Pater,  
Tu Fili miseris sterne viam ad Patrem,  
Tu sanctum miseris Pneuma vagantibus  
Præfer conspicuam facem.

Simplex ætherei numinis Vnitas  
Quæ distincta manet, veraque Trinitas,  
Æternis vigeat semper honoribus,

Et terra simul, & polo. A M E N.

*Vers.* Domini est terra, & plenitudo eius.

*Resp.* Orbis terrarum, & vniuersi qui habitant in eo.

#### ORATIO

**D**Eus in te sperantium fortitudo, adesto propitius inuocationibus nostris; & quia sine te nihil potest mortalis infirmitas, præsta auxilium gratiæ tuæ, ut in exequendis mandatis tuis, & voluntate tibi & actione placeamus.

**D**Eus virtutum, cuius est totum quod est optimum, infere pectoribus nostris amorem tui nominis, & præsta in nobis Religionis augmentum: ut quæ sunt bona nutrias, ac pietatis studio, quæ sunt nutrita custodias. Per Dominum nostrum Iesum Christum.



COROLLA SIVE ROSARIUM  
SANCTISSIMAE TRINITATIS.

**D**VM grane adeò & periculosum contra Turcas bellum annis superioribus gereretur, meritissimò Corolla ista saepius recitabatur, & Antiturcica nominabatur. Cùm enim, ut alibi dixit Tertullianus, Diabolus Dei Opt. Max. simia sit, pia Christianorum veterum Rosaria & Corollas imitari, vel depravare potiùs, Turca ipsi iam olim cœperunt. Sua tam frequenti Dei vnius professione nos, quasi (quod absit) in SS. Trinitate Deos tres veneraremur, impietatis damnare student; eamq. ad rem Coronam quamdam, quam Tespe vocant, excogitarunt: cuius tres partes sint, & partis cuiuslibet Decades tres, tresq. in super globuli, cen quæ hisce significântur precatiuncula, ita ut omnium summa sit, 99. In prima parte ter & tricies dicunt, Subhan Allah: in secunda toties, Ell hemdu n'illah: in tertia totidem vicibus, Allah hecuer. Et quidem suis in Meschitis, praeunte illo quem Imam nominant, quotidie quinquies ista commemorant: quidam domi multo etiam saepius. Contra hominum igitur istorum impias blasphemiasq. vociferationes, Deum unum & Trinum quàm sapissimè religiosissimèq. profiteatur, laudet ac benedicat, verus piusq. Christianus.

Potest pro cuiusque arbitrio & deuotione saepius aut rarius Doxologia hæc usurpari, & qui-

dem vel continenter Decades aliquot recitando, vel interruptè vnā tantūm Decadem vel alteram, vel Decadis vnus vnā vel alteram Doxologiam; breuissimarum, & quasi iaculatarum, ut S. Augustinus Epistola 121. cap. 10. nominat, orationum instar. Corollam tamen orare si volumus, intelligendum, fieri hoc posse dupliciter; primò propriè scilicet orando, secundò quasi metaphoricè.

### PRIOR MODVS.

**I**N modo isto priore duo seruanda. Vnum pertinet ad modum simpliciter & piè Corollam istam orandi, & quatuor hisce regulis continetur.

1. Efformanda statim initio sancta crux, & dicendum: In nomine Patris, & Filij, & Spiritus sancti, Amen. Et hoc materiata crucicula indicatur.

2. Dicendum Sacra Litanie initium.	{ 1. Pater de cælis Deus 2. Fili Redemptor mundi Deus 3. Spiritus sancte Deus 4. Sancta Trinitas vnus Deus	} Miserere nobis.
---------------------------------------	---	-------------------

3. Dicenda oratio Dominica cum Angelica salutatione, quoties ad consequentium globulorum maiorem aliquem ventum fuerit.

4. Ad omnes verò globulos minores dicendum: Gloria Patri, & Filio, & Spiritui sancto: sicut erat in principio, & nunc, & semper, & in sæcula sæculorum, Amen.

Alterum spectat ad modum maiore cum fructu & affectu eandem recitandi:

& his sex  
 veluti ca-  
 pitibus ex-  
 plicatur.

1. Quid
2. Quade causa
3. A quo
4. Cum quo
5. Quibus verbis
6. Quibus circumstantiis

Tēpl. &c.  
 }

1. Doxologia ista (præter generalia plurima quæ concurrunt) tria potissimum agere possumus.

1. Deum laudare, omnesque SS. Trinitatis personas. 2. iisdem gratias agere. 3. ab iis aliquid petere. Cogita igitur primum, antequam Corollam incipias, quid horum velis: an omnia simul, an duo, an, quod sæpè utilius, unum tantum. Si tamen omnia velis, potes vel simul, vel in una Decade hoc, in alia aliud.

2. Propone tibi causam vel communem vel singularem, ab quam Deum sic laudare velis: vel si plures vis, potes eodem modo illas simul intueri, vel in diuersis Decadibus. V. G. Volo gratias agere, aut Deum laudare ob Iesu Christi sacrosanctam nativitatem, passionem, resurrectionem, ascensionem, descensum Spiritus sancti, ob conuersionem meam, vel huius aut illius, ob beneficium aliquod diuinitus priuatim aut publicè acceptum, &c. Similiter expende quid petere velis, an virtutem aliquam & gratiam, an liberationem à tentatione aliqua, an in studijs tuis opem & auxilium diuinum. In omnibus enim petis, ut sit Deo gloria.

3. Pone tibi ante mentis oculos SS. TRINITATEM è summo diuinitatis suæ throno te aspectantem, attendentem ad laudationes tuas. Vel

vnam



*vnam saltem personam Diuinam tibi obice :  
V. G. FILIUM incarnatum, passum, crucifixum,  
SPIRITUM SANCTUM descendentem su-  
per Apostolos, &c.*

4. *Putate iam versari cum sanctis Angelis,  
vel eos tecum iam Deum glorificare : adesse te-  
cum eadem summa humilitate Beatissimam il-  
lam Domini ancillam, Dei matrem, calorum Re-  
ginam gloriosissimam, cuius salutationem reci-  
tas : adesse sanctos omnes Patriarchas, Prophetas,  
Apostolos, Martyres, Confessores, Virgines,  
aliosque Beatos omnes ; sed maximè eos quos pa-  
trones habes, aut quorum festus dies aut memo-  
ria agitur : imò & inferiores creaturas, Solem,  
Lunam, ventos, tempestates, arbores, flores. hac  
enim etiam Deum benedicunt, & quantum in se  
est, laudant.*

5. *Potes etiam, cum lubebit, maximo cum fru-  
ctu singula Doxologia huius verba expendere, &  
quasi ruminare. V. G. Gloria, non mihi, vilif-  
simo peccatori, sed Patri Creatori omnium, &  
Filio Redemptori meo, pro me nato, & cru-  
cifixo, Spiritui sancto viuificanti, in me effu-  
so. Nunc, in hac vita, hoc anno, hac hora, hoc  
momento, in hoc negotio, lectione. Et sem-  
per: post hanc vitam, annum, diem, horam, non  
tantum te iam laudem, sed semper. Et in sæcu-  
la sæculorum, Amen: ita fiat. Vide D. Au-  
gustinum in Psalm. 144.*

6. *Adiuuabit etiam multum consideratio.  
Primo, temporis; V. G. Festi SS. Trinitatis, Na-  
tuitatis, Circumcisionis. Secundo, loci; verbi gra-*

ria, in templo, schola, musao, campo. Tertiò, circumstantiarum aliarum; verbi causa, gestus, quo ad pietatis sensum afficeris, ut est genuum flexio, &c.

#### POSTERIOR MODVS.

**E**st is, ut dictum est, Metaphoricus: ea scilicet ratione, qua Patrum nonnulli dixerunt, eum semper orare, qui semper benè agit. Luca 18. & 21. 1. Thess. 5. Eccles. 18. August. Epist. 121. cap. 9. Basilius in Iulittam.

Si ergo tuæ omnes actiones, totaque vita tua semper ad Dei Opt. Max. gloriam referatur, Doxologia optima fuerit. Sic enim gloriam reddes Deo, glorificabis & portabis Deum in corpore tuo: sic cantabis in viis Domini, quia magna est gloria Domini.







CAPVT SECVNDVM  
DE VERBO INCARNATO  
IESV CHRISTO  
SERVATORE NOSTRO.

Exercitium de IESV CHRISTO  
Domino nostro;  
*in tres partes diuisum.*

PRIMA PARS.



CONSIDERA primò, sic Deum  
dilexisse mundum, vt Filium  
suum vnigenitum daret: qui  
vsque eò nostri gratia se exi-  
naniuit, & humiliauit, vt car-  
nem humanamque naturam

*Ioan. 16.*

assumpserit, mortemque infamem pati non  
sit dedignatus; quin etiam nos alioquin ser-  
uos suos, nomine suo ceu nobilissimo quo-  
dam honoris titulo insigniri, Christianosque  
vocari voluerit. Quàm iustum ergo est, vt  
caelestem illam Dei Patris vocem, quæ, dum  
dulcissimus Iesus baptizaretur in Iordane,  
& in monte excelso transfigureretur, de cæ-  
lis audita est, Hic est filius meus dilectus, in  
quo mihi complacui, ipsum audire, &c. omni

*Matth. 3.*

atten-

attentione excipiamus; & prompto spiritus obsequio, quæ nobis loquetur, quàm exactissimè complere studeamus. Cùm enim infinita bonitate & perfectione sit præditus, parem honorem seu cultum postulat, id est, nullis terminis limitatum; cupitque vt totis viribus ad perfectionem tēdamus, adnitendo ex Dei amore, vt mundos nos & immaculatos ab omni flagitiorum impuritate conseruemus, ac denique illi morē geramus, sana semper consilia suggerēti.

Secundò, considera quæ sint illæ voces ac sermones, quos vt audiamus ipsemet Christus pro sua infinita sapientia hortatur, dicēs: Venite ad me omnes qui laboratis & onerati estis, & ego reficiam vos. Discite à me quia mitis sum, & humilis corde, &c. Qui vult venire post me, abneget semetipsum, & tollat crucem suam, & sequatur me. Quibus verbis non exigitur à nobis vulgaris probitas, sed totius probitatis & sanctimonix perfectio; vt ipse Christus Dominus ait: Estote ergo vos perfecti, sicut Pater vester cælestis perfectus est. Et Discipulus eius D. Paulus: Imitatores Dei estote sicut filij charissimi. Et S. Ioannes: Qui sanctus est, sanctificetur adhuc. Quare meritò ad hæc aludēs Dominus ait: Diliges Dominum Deum tuum ex toto corde, ex tota anima tua, ex tota mente tua, & ex tota virtute, vel viribus tuis.

Tertiò, discce & labora, vt hoc præceptum pro humanæ fragilitatis modulo ex ipsa ratione præcepti adimplere valeas: hæc autem præcedētibz verbis exprimitur, cùm dicitur; Quia

Domi-

Dominus Deus noster Deus vnus est. Si, quod absit, plures essent dii, fortè non iniuria homo diceret se implendo huic præcepto parem non esse; cùm necesse foret, pro diuersitate deorum, in diuersas cor partes diuidi: at vnus cùm sit, toto eum corde diligere haud erit difficile. Architectus quispiam vel artifex exemplo sit, qui nil æquè habet in votis, quàm vt desideratum operis cernat finem; hic nocte dieque ei versatur ob oculos, memoriam agit, sicque impellit, vt nunc operarios visat, operas promoueat, de ijs perpetuò & cogitet & somniet. Sic qui Deum ex Legis præscripto diligere cupit, ipsum etiam aliud agendo conatur menti suæ obijcere, vt vbi thesaurus eius est, ibi & corde versetur; sollicitus quomodo illi seruiat, quo pacto cum illo maneat, atque familiariter agat. Amor quippe Dei sanctus postulat totam animam, non partem eius, vt ipsam integrè possideat ac replere valeat. Contra fallax mundus, ita cor nostrum diuidi cupit, vt alteram eius partem sibi, alteram Deo attribuamus. Saluator autem mundi Iesus, vt hanc contrarietatem exprimeret, discessurus ad Patrem, voluit discipulos in sui amore esse perfectos; ostendens sibi ab illis quantumuis amicis suis, mundo mortuis, fonti vitæ coniunctissimis, recedendum fuisse, quòd existimaret illum amorem, quo in Magistrum ferebantur, non omnino purum, sed præsentia corporalis affectui, ex dulcissima illa Christi humanitate profecto, nimis permixtum fuisse, vt proinde pur-



gari debuerit magisque spiritualis reddi; quod Spiritum sanctum, eius iam velut hospitium facti, mererentur accipere. Cuius hospitij, Christus ut homo, designator esse voluit. Ut ergo metatores, dum magno cuipiam Principi locum parant, non patiuntur ut alij idem lectum subeant, sed ab omni hospite liberum volunt: ita ipse corda discipulorum non solum à mundano amore, sed ab eo insuper gustu, quem ex hoc dulcissimo suo conuictu sentiebant, libera esse voluit; quod maiore candore & integritate illi seruirent, utpote ab omni iam externo ac imperfecto amore, nec non passionibus propriis, absoluti. Sic doctus erat Abraham; iussus de terra sua & de cognatione sua egredi, quod illi se Deus perfectius communicaret. Vnde & apud Oseam ait: Ducam illam (loquens de anima) in solitudinem, & loquar ad cor eius. Ad hunc solidiorem amorem trahit nos amor ille ardens Filij Dei in cruce pendentis; ex cuius pectore tot amoris processere flammæ, quot erant toto corpore plagæ. Ipse generosam imitatus auem, (quæ altissimis volitando penetratis nubibus prædam iam lassam aucupi defert; solisq. eius visceribus tamquam laboris præmio pascitur) de summo cælo in viscera matris suæ descendens, ex ventre in terram, ex terra in desertum, ex deserto in arborem crucis, ex cruce in limbum, ex limbo rursum ad terram, ac inde tandem ad cælum, velut quibusdam gyris, volatu mirifico conscendens, solas animas nostras à Deo separatas ac

perdi-

*Gen. 12.*

*Osea 2.*

perditas, & quæ in ipsis interiora sunt, in compensationem tam sanguinolentæ venationis postulat: vt proinde meritò cum Dauide anima quæque dicat: Benedic anima mea Domino, & omnia quæ intra me sunt, &c. & Cor meum & caro mea exultauerunt in Deo salu-  
tari meo.

Psal. 102

Psal. 83.

Quartò considera has voces præcepti: Ex  
TOTA VIRTUTE TVA. Quasi dicat, Omnes  
vires animæ tuæ ita seruiant Domino, vt nullæ  
seruiant mundo, carni, aut diabolo. Non sic de-  
sideres cælestia, vt simul ames & terrea: Non  
sic Deo velis placere, vt nolis mûdo displicere;  
contra illud Apostoli: Adulteri, nescitis quia  
amicitia huius mundi inimica est Deo? qui  
ferre nequit vt spiritus cum vanitate miscea-  
tur: cùm hæc virtutis siue interiorum virium  
diuisio, non minùs animæ mortem afferat,  
quàm corpori viuo in partes diuisio. Quare  
totum studium tuum sit, dare te Deo, illi soli  
sedem cordis tui nitidam; & ab omni inor-  
dinato amore præbere vacuam: Minùs enim  
eum amat, qui cum ipso aliquid aliud amat,  
quod non propter ipsum amat, iuxta D. Augu-  
stini dictum. Sed nec temetipsum aliter ames;  
quàm quòd creatura eius es: Amor siquidem  
naturalis, quo singula seipsa amant, ac subsiste-  
re & conseruare conantur, hac ratione in san-  
ctum Dei amorem conmutabitur; imò &  
natura tua, cælesti adiuta gratia, nihil aliud  
amare volet, siue in cælo, siue in terra, quàm so-  
lum Christum, vnicum bonum, ac centrum

Iac. 4.

Aug. cap.  
19. Solil.

4. Reg. 4.

animæ tuæ. Sic erit cor tuum vacuum & apertum, vt erant vasa illa ab Elisæo viduę prescripta, vt præstantissimum diuinæ gratiæ oleum percipiat, ac abundet; quod & omnibus viribus animæ, à fæce mundi liberis, Christum colat, & plurimum diligat.

2. Cor. II

His ergo Christi vocibus benè ruminatis, te totum ipsius impende obsequijs: & siue manges, siue bibas, siue aliud aliquid agas, omnia ad gloriam eius operare; illum inuoca; illum amplectere; ab illius latere numquam recede. In ipso solo voluptatem quære, & nomen eius sanctissimum in ore & opere perpetuò gesta. Quod vt cum gustu præstes, attentè considera, quæ Scriptura sacra & sancti Patres de hoc nomine testimonia adferunt, vt sequenti consideratione videre licebit.

Pater noster. Aue Maria.

## SECUNDA PARS.

*De varijs titulis ac nominibus, quibus  
FILIVS DEI in Scripturis appellatur.*

Isaia 9.

**C**onsidera primò, quomodo FILIVS DEI in Scripturis sacris vocetur  
Admirabilis, Consiliarius, Deus, Fortis, Pater futuri sæculi, Princeps pacis. quibus nominibus (ait Bernardus Serm. 2. de Circumcisione) voluit exprimere hoc quod continebatur isto nomine IESU.

Isaia 9.

1. Tim. 6.

Agnus Dominator terræ.  
Beatus, & solus potens.

Clauis



**Clavis domus Dauid.** In hoc titulo considerabis rationes aliquot. cur vocetur **CLAVIS**. 1. Quia ipse claudit, & nemo aperit; aperit, & nemo claudit. Aperit infernum damnatis, & claudit ingressis. aperit purgatorium purgandis & purgatis. aperit cælum dignis, claudit indignis. aperit Ecclesiam bonis fidelibus, claudit infidelibus. 2. Quia per hanc clauem Petrus, eiusque Successores aperiunt cælum, solunt & ligant vincula. 3. Quia est Princeps Ecclesiæ, Rex regum, &c. auctoritatem dans Prælati Ecclesiæ in subditos: ad Principes enim clauis spectant. 4. Quia aperiet cordium cogitationes, ac secreta mentium: quæ in cuiusque morte erunt manifesta, maxime autem in die iudicii.

**Caput corporis Ecclesiæ.**

**Dominus dominantium.**

**Dominus & magister.**

**Deus noster & Saluator.**

**Deus fortis.**

**Deus omnipotens.**

**Dux noster.**

**Expectatio Israël.**

**Electus ex millibus.**

**Filius Altissimi & Mariæ Virginis.**

**Filius Dauid.**

**Filius Dei viui.**

**Flos campi.** vtpote pulchritudine placens, odore alliciens, fructum bonorum operum promittens. absque humana opera natus, vt flores hortorum.

*Isaia 22.*

*Col. 1.*

*1. Tim. 6.*

*Ioan. 13.*

*Iob 19.*

*Isaia 9.*

*Apoc. 1.*

*Dan. 9.*

*Ierem. 14.*

*Cant. 5.*

*Luca 1.*

*Et 2.*

*Mat. 16.*

*Cant. 2.*

<i>Isa. 25.</i>	Fortitudo pauperum.
<i>Isa. 5.</i>	Gloria Domini.
<i>Mat. 11.</i>	Humilis corde.
<i>Isa. 28.</i>	Lapis probatus, pretiosus, & angularis.
<i>Luc. 23.</i>	Lignum viride.
<i>Cant. 2.</i>	Lilium conuallium. quia inter humiles humilitate gratissimus. Corona humilium, ait D. Bernardus, qui reformabit corpus humilitatis nostræ, configuratū corpori claritatis suæ.
<i>Isa. 49.</i>	Lux gentium.
<i>1. Tim. 6.</i>	Lucem habitans inaccessibilem.
<i>1. Tim. 2.</i>	Mediator Dei & hominum.
<i>Ioan. 19.</i>	Nazarenus.
<i>Gen. 27.</i>	Odor agri pleni.
<i>Cant. 1.</i>	Oleum effusum. & meritò: vt enim oleum supernatat ceteris liquoribus, sic Misericordia & nomen Misericordiæ omnibus nominibus, iuxta illud: Misericordia Domini super omnia opera eius. Sponsa fragrat vnguentis optimis, non suis viribus, sed Sponsi gratia, qui in eam seipsum & sanguinem ac merita sua misericorditer effudit. Totus effusus est in passione, vt quisq. hoc oleum colligat: quod fouet ignem, nutrit carnem, mitigat dolorem. Est lux, cibus, medicina: lucet prædicatum, pascit cogitatum, lenit & vngit recogitatum.
<i>Ioan. 12.</i>	Pastor bonus ouium.
<i>Coloss. 1.</i>	Primogenitus ex mortuis.
	Primatum tenens in omnibus.
<i>1. Tim. 6.</i>	Rex regum.
<i>Psal. 23.</i>	Rex gentium.
<i>Zach. 9.</i>	Rex mansuetus.

Rex Iudæorum.

*Ioan. 19.*

Redemptor viuens & sanctus.

*Iob 19.*

Sacerdos in æternum secundum ordinem

*Psal. 105.*

Melchisedech.

Salus gentium.

*Isaia 49.*

Saluator in tempore tribulationis.

*Ierem. 14.*

Speciosus forma præ filijs hominum.

*Psal. 44.*

Speciosior Sole.

*Sap. 7.*

Splendor gloriæ.

*Heb. 1.*

Suauis, & mitis, & multæ misericordiæ.

*Psal. 85.*

Sol oriens ex alto.

*Mal. 4.*

Turris fortitudinis; ad superandos inimicos nostros. Hoc nomine munitus Dauid contra gigantem carnis turrim decertauit, & victor euasit; ait enim: Tu venis ad me in clypeo & hasta, ego verò in nomine Dei Israël. Quod nomen vt olim S. Ignatius Martyr in corde scriptum gestans, feras crudelissimas fortiter superauit; ita & secundus Ignatius Loyola Societatis nuper fundator, penetraturus sua Religione mundum vniuersum, eam hac turri fortissima nominis Iesu muniuit, vocans eam SOCIETATEM IESV: quò illud ita sibi insculpat, vt numquam deleatur; & ad illud in omni prælio, ceu propugnaculum munitissimum, semper confugiat.

*Prou. 18.*

Via, veritas, & vita.

*Ioan. 14.*

Vitis vera.

*Ioan. 15.*

His titulis benè ruminatis, & per Spiritum sanctum, sine quo nomen hoc debite pronuntiare nequimus, pro affectu depromptis, sequentem orationem subiunges.



## ORATIO.

**A**Bsorbeat, quaeso Domine, mētem meam,  
ab omnibus quæ sub cælo sunt, ignita  
& melliflua vis amoris tui: vt amore amoris tui  
moriar, qui amore amoris mei mori dignatus  
es. Amen.

## TERTIA PARS.

*De nomine IESV proprio secunda  
Persona.*

*Isaia 52.*

*Zach. 9.*

*Phil. 2.*

**P**Rimò considera admirabilem nominis IESV dignitatem ac energiam; atque illud singulari attentione, cordisq̃ue affectu, volue ac reuolue; quandoquidem cetera omnia nomina, quibus ipse colitur, longè antecellat. Hoc est nomen, de quo Isaïas: Propter hoc sciet populus meus nomen meum in illa die: quia ego ipse qui loquebar, ecce adsum. Quasi dicat: Cùm humanam naturam assumpsero, tali appellabor nomine, quod populus meus agnosceret; illud enim quo ab æterno vocor, & meam diuinam naturā plenissimè manifestat, mihi soli notū est, alijs verò omnibus ineffabile. non autem tale nomen IESV: quod ipsemet Deus Pater se manifestaturum promiserat. Manifestauit autem, quādo ab Angelo dictum est Mariæ, Et vocabis nomen eius IESVM. dignum planè nomen, cui omne genu flectatur, cælestium, terrestrium, & infernorum. Hanc verò genuflexionem siue recognitionem, per Prophetam suum prædictam, & iuramento

firma-

firmatam, cōsidera Deum ne quidem in mundi huius exordio ab iis quos creauerat perfectam obtinuisse, quantumuis optimè de omnibus meritum, ac desiderantem nominibus maiestate plenis & ad reuerentiam excitantibus appellari; vt patet in Angelis vixdum creatis, Luciferum sectantibus, quò in monte testamenti federent, & solium suum super astra Dei exaltarent, vt essent similes Altissimo, Protoplastæ verò, ad imaginem Dei facti, non eum laudauerunt, aut flectendo genua gratias egerunt: at ingrato silentio (vt benè notauit Rupertus) tanta beneficia, vt & alia omnia quæ postmodum (in paradysum translati) acceperunt, turpiter dissimularunt. Posterique quoque infidelium parentum exempla secuti, idolis flexere genua; mutantem gloriam incorruptibilis Dei, in imaginem corruptibilis hominis, volucrum & serpentum. Quodque magis stupendum, populus quem peculiariter sibi elegerat, & sua lege instruxerat, refractarius fuit; & simulachris falsis, non minori infamia quàm gentes, litauit. Vbi verò tandem semetipsum exinaniuit Deus, formam accipiens serui, ac IESV nomine appellatus est, ad flectendum sibi genu omnem creaturam concitauit; & meritò dicat fidelis quisque: Multa Domine fecisti pro nobis, & non genufleximus: fecisti nos, & fecisti mundum propter nos; dominos orbi nos constituisti, & non flectentes genu te adorauimus. at postquam te vidimus pro nobis humilia-

*Isaia 14.**Lib. 2. c. 39. in Genes.**Rom. 1.*

tum, plagatum, crucifixum, stare non potuimus; sed tanto pondere amoris victi, in terram prostrati, adorauimus te: non obstantibus quibuscumque tempestatibus, quæ non tam ob Dei quàm ob IESV nomen in Ecclesia sancta iuxta Simeonis vaticinium oborta sunt. Hoc nomen IESV adeò potens fuit, vt vicerit omne mundi numen, ac instar virgæ Aaronis (quæ in colubrum conuersa est) maleficorum serpentes, falsaque idola, ita deuorauit, vt verè nunc dicere possimus: Exaltatum est nomen eius solius. Hoc igitur nomen tu genu flexo adorabis, hoc solum exaltabis. Huius inuocatione omnes diaboli, mundi, ac carnis tentationes superare studebis.

*Exod. 7.*

*Psal. 143.*

Secundò considera, quomodo Diuinitas ipsa, antequam nomen hoc mundo innotuisset, in mille quasi partes diuisa atque dissecta fuisse videatur: cùm plerique toti orbi certum quemdam hominem planè impium, cælis verò, soli, lunæ, inferis alios quosdam summa laborantes infamia viros (quos nominandos haud iudico) præficerent, eosque ceu deos venerarentur, in angustiis & periculis auxilium omne & solamen ab iis expectantes. IESV autem mundū ingressō, & nomine eius sancto recepto, illi cœpere mortales proni genua flectere: sapientiam ab eo qui est Sapientia Patris, & absque improprio omnibus affluenter largitur, exposcere vitam & sanitatem ab eo expectare, de quo scriptum est, Misit verbum suum & sanauit eos: iter prosperum ab eo cui nunc

*Iac. 1.*

*Psal. 106.*

mare,



mare, terra, & venti obediunt: fruges ab eo qui quinque panes multiplicauit, & aquam in vinum conuertit: diuitias ab eo qui est dives in omnes qui inuocant eum, in quo omnes thesauri: delicias ac spirituales mentis recreationes ab eo, de quo Dapid, Delectationes in dextera tua usque in finem; qui torrente voluptatis suæ potat suos; regnum verò & quæ illi annexa sunt, à I E S V dicente, Ego dispono vobis regnum; & qui iudicaturus orbem, dicturus est, Venite benedicti, percipite regnum. Hoc enim nomen I E S V S, manna est, omnem saporem, omnium miseriarum remedium salutare continens. Meritò igitur solus vt supremus omnium bonorum fons coli ac adorari vult ac debet, iuxta illud: Ego Dominus, hoc est nomen meum: gloriam meam alteri non dabo. Quapropter & tu soli I E S V genua flectes, illi soli gloriam & honorem summi boni in corde tuo tribues; in eo omnem spem tuam constitues: ad eum cum fiducia in omnibus necessitatibus confugies. Omnia enim I E S V sunt tradita à Patre, ei que data est potestas in cælo & in terra.

*Psal. 15.**Isaia 42.*

Tertiò considera, quomodo & inferi sancto I E S V nomini sua exhibuere obsequia. Cùm enim ad perpetuas damnati flammæ nūquam desinant nomen illud Dei conuitijs atque blasphemijs proscindere, à dicto tamen nomine I E S V sibi temperant, eo que audito obmutescunt. Vt videre est in Energumenis, qui hoc nomine debitis pronuntiato legibus (vt no-

tauit

*In Harm.  
Mundi  
tom. 2.*

*Zach. 14.*

*Isai. 26.*

tauit Franciscus Venetus) & sibi ad venerationem proposito resistere nequeunt. vt fidelis inueniatur qui dixit, In nomine I E S V omne genu flectatur, &c. Hinc hoc vnum inuocemus modò, iuxta Prophetam: In illa die erit Dominus vnus, & nomen eius vnum, Ad cuius inuocationem in Petro ac reliquis Apostolis, & Apostolicis viris, varia ad salutem hominum Deus patrauit miracula, misericordia ac pietate, vt ipsum nomen sonat, referta. Hoc nomen sibi Dominus noster comparauit sua humilitate; nempe, in stabulo nascendo, & in cruce pro nobis moriendo. Vnde & illi gratissimum est hanc triumphi sui gloriosissimi audire vocem; sed & fideli animæ iucundissimum, hanc ipsam frequenter vsurpare, iuxta illud: Nomen tuum, & memoriale tuum, in desiderio animæ. Mel scilicet in ore, melos in aure, iubilus in corde. Mel in ore Pauli, qui (vt nonnulli piè collegerūt) quingenties plus minus illud in suis visus est vsurpasse Epistolis: melos in aure & corde S. Ignatij Martyris, quia aliud non sonat aut sapit, quam amorem in Christo enitentem; quem solum reciprocè à nobis postulat, vt nos suauì potiùs affectu, quàm metu (quem nomen illud terribile incutiebat) ad se continuò trahat. Tu igitur nomen I E S V dæmonibus tam horribile, semper in ore & corde habeto, & velut clypeum omnibus inferorum suggestionibus fidenter opponito.

Quartò considera, diuino planè consilio

hoc

hoc nomen nouum, Deo infanti iam facto, die primo anni impositum esse; die scilicet strenarum, quem Romani consecrauerat Iano duplici fronte signato, quarum priore præsens tempus, posteriore præteritum respiceret. ut Christianos doceret, meliores inter se missitare ac sibi exoptare strenas, nempe circumcisionis sanguine tinctas: deinde quò iam Deo toti mundo clariore facto, eius auspicijs totum anni spatium felicius decurrerent, atque eiusdem sanctissimam legem feruentiore spiritu obseruariet; quippe qui ex huius notitia altiori quodam modo essent percepturi; quis sit Deus noster qui in altis habitat. Cuius quidem naturam conuenientè aliqua appellatione penetrare magnum adfert solatium animæ; cui à natura inditum vides, ut quem amare desiderat, illum ante omnia perfectius nosse cupiat. Ita quæsiuit Moyses: Si dixerint mihi, Quod est nomen eius? quid dicam eis? Ita & Iacob: Quo appellaris nomine? Hic expendere poteris duplex esse nomen hoc. Alterum intrinsecum, quo à se ipso nominatur; extrinsecum alterum, quo à creaturis: quorū prius ipse solus, utpote seipsum summā perfectione comprehendens, nouit, & proinde nominare se potest; ut fortè fecit, cūm Filium suum Verbum æternum produxit, & hac ratione Filius in Diuinis erit quasi nomen Dei. Hinc vltèrius collige, Deum à nulla re creata perfectè nominari posse, sicut nec perfectè cognosci, iuxta illud: Quid quæris nomē meum, quod est mirabile.

Exodi 3.

Gen. 32.

Gen. 32.

Omni



*De diuini  
nomi-  
nibus.*

Omni enim scientia & sermone, Dionysio teste, maior est. Quod ad extrinsecum nomen at-  
tinet, aduerte Deum quidem nec hoc egere  
nomine: quia tamen creaturis suis innotescere  
dignatus est, atque aded factus homo in nobis  
habitare & nobiscum conuersari, voluit vsur-  
pare Nomen, ex quo constaret nobis ipsum  
non purum esse hominem, sed etiam Deum;  
qui vbique præsens esset affuturus omnibus  
inuocantibus illum; cuius nominis imploratio-  
ne ægris sanitas, mortuis vita redderetur. Vnde  
merito dictum fuit **O L E V M E F F V S V M**;  
vt suprâ ostensum est. Vt enim oleum vulnera  
lenit; ita nullum vulnus tam difficile factum,  
nulla plaga tam acerba reputata, quin tanto no-  
mine ceu præsenti medicina curetur.

*Isais 9.  
Luc. 2.*

Quintò considera, hoc nomine mundo  
nunc inmanifestato, omnia quæ Dei sunt, mysti-  
ca quadam communicatione, nostra facta esse.  
Hinc illæ voces, Paruulus natus est **NOBIS**, & fi-  
lius datus est **NOBIS**. & Natus est **VOBIS** hodie  
Saluator. Quæ cum satis indicent **IESVM** caput  
nostrum, ac Principem factum, nos verò mem-  
bra eius; æquum est, vt de ipsius bonis non se-  
cùs ac propriis gaudeamus: offerentes Deo  
Patri labores omnes ac sudores, quos Filius,  
dum viueret, nostro nomine sacrificauit in o-  
dorem suauitatis; quandoquidem apud ipsum  
summa valeat gratiâ, & partes nostras apud  
eumdem suum Patrem agat, tamquam fidus  
ac perpetuus Aduocatus. Hinc conclude, has  
tantas & alias Christi prærogatiuas in nostram

conuer-

conuerſas vtilitatem. Hac autem conſideratione animus tuus, ni ferreus ſit, citò mollietur; eoſque perfunderetur guſtu; qui beatoris quali vitæ veſtigia ac primitias referat. Naturalis ſiquidem hoc præſtat amor, vt illud vehementer animæ ſapiat, quod ſuum aut iam eſſe, aut paulò poſt futurum credit. Vt ergo omnes Dei tituli quantumuis magnifici in gloriam & gaudium Beatorum cedunt, quorum ipſe hereditas & ſors dicitur, ita & nobis de iis gloriari & gaudere licet: idem enim qui illis eſt præmium, nobis eſt quoddam medium & interceſſor. Quare idem ſe Virā vocat, nempe Beatis, Viam bonis, Veritatem vtriſque. & vt ipſe per eximiam gloriam, Beatorum eſt, ita nobis viatoribus per gratiam noſter eſt: vt ſicut illorum in gloria per poſſeſſionem, ita noſter in terris per ſpem. Nec vllò Beati perfruuntur bono, cuius, qui Deo gratus eſt, initium & ſemen non habeat.

Eodem ſpectat, quòd ſe ſeruum noſtrum vocare non erubeſcit. Ipſe enim inſtar ſeruorum (quibus aures ad perpetuæ ſeruitutis indicium perfodi ſolent) circumciſionis ſtigmate inuſtus fuit; vt nimirum omne ſuum obſequium, virtutem, ingenium, ſalutem, & quidquid in ipſo erat, noſtrū faceret. Quod D. Cyrillus inſinuare voluit, dicens Chriſtum, cū moriendum eſſet, veſtes depoſuiſſe, vt oſtenderet omnia opera & merita ſua nobis vt noſtra ab ipſo relictæ. Et ex eo D. Aug. inferat dicens: Eſt in ipſo IESV Chriſto Domino noſtro vnicuiusque

Gen. 15.

Cyrl. l. 9.  
c. 3. in 13.  
Ioannis.

c. 15. Meditat.

noſtrū

nostrum portio, caro & sanguis. Vbi ergo portio mea regnat, ibi regnare me credo. Vbi caro mea glorificatur, ibi gloriosum me esse cognosco. Vbi sanguis meus dominatur, ibi dominari me sentio. O quam suavis hac capitis cum membris communicatio! quam singularis heri cum seruo beneuolentia!

Idem clarius adhuc cernes, vbi IESVM vides animæ tuæ vocari sponsum; qui & Ecclesiam vt sponsam habet, & cum ea, eiusque membris, humanissime tractat. Hoc enim habet societas sponsalitia ( in ea enim omnia prospera & aduersa communia sunt ) quam tecum contraxit, illam quidem tibi utilem & compendiosam, summa nimirum voluptate permixtam, sibi verò caram, ac infinitis laboribus atque doloribus dispendiosam faciens. Quæ omnia, hoc nomine IESV vt decet inuocato & honorato, tua esse gloriari poteris. Hac enim appellatione Christus totus tuus esse cognoscitur, cum sit omnium depulsor malorum & remedium, omnium bonorum causa radixque efficacissima, qui solus votorum tuorum te compotem faciat. Nam si indigneris patre, IESVM inuocare licebit, qui tibi ceu pater erit, cui fidenter dicas, Pater noster qui es in cælis. si matre, officium matris non negabit, qui dixit: Numquid obliuisci potest mulier infantem, &c. si fratre, ipse est primogenitus in multis fratribus. si duce, propter nomen suum dux erit. si Rege, ecce Rex tuus venit tibi mansuetus: si medico, en medicum, de quo scriptum est:

Non

*Matth. 6*

*Jerem. 49*



Non est opus valentibus medicus. & quacumque necessitate premeris, ecce inuitat te, dicens: Venite ad me omnes qui laboratis & onerati estis, &c,

Mat. 11

Hæc & alia infinita quæ in hoc nomine latent bona atque mysteria, tantam consolationem & admirationem excitant, vt eam D. Paulus non modò ineffabilem sed inuestigabilem clamet, dicens: Mihi omnium Sanctorum minimo data est gratia hæc, euangelizare in gentibus inuestigabiles diuitias Christi, quas scilicet in Christo habemus & gustamus. Quasi dicat: Non solum verba desunt ad eas explicandas, sed & sensus & intellectus ad capiendas. Quis enim mente comprehendat, puerum vix natum, & sacri fontis vndis tinctum, sic omnium virtutum ornamentis vestiri; & morientem, sine vllò actu proprio ac merito hereditatem adire cælestem, dum illū Christus suis extollit diuitiis, suscitans de terra inopem, & de stercore erigens pauperem? Quis caperet, sceleratissimum quemquam & infernalibus dignum suppliciiis, vna lacrymula sincero cordis contriti affectu profusa, omnium noxarum vno etiam momento condonationem assequi? nisi IESV meritum, eiusque infinita satisfactio hanc peperisset facilitatem: & cum ipse factus sit nobis iustitia, sanctificatio, redemptio, & propitiatio pro peccatis nostris; talis voluisset esse amicus animæ, talis frater, talis medicus, tale refrigerium, talis hospes, vt propter ipsius summam dignitatem, atque agnam innocen-

Eph. 3.

Ioannis 3.

tiam, omnia nobis crimina condonarentur; & vt nobis famelicis, & in huius mundi exilio peregrinantibus, cibis optimus, ac denique securus requies concederetur. Quare iure optimo hanc meditationis partem cum D. Bernardo concludas, teipsum alloquendo sequentibus verbis.

*Bern. Ser.  
de Circumcis.*

Hoc tibi electuarium habes, ô anima mea, reconditum in vasculo vocabuli huius quod est IESVS. Salutiferum certè, quod numquam ulli pesti tuæ inueniatur inefficax. Semper tibi in sinu sit, semper in manu, quò tui omnes in IESVM dirigantur sensus & actus.

**O** Verè delectabile nomen, aurora ac luce meridiana clarius, lacte melleque dulcius, omnibus exercitiis validius, mundo vniuerso capacius, cælo sublimius, inferno profundius, regum sceptris ac coronis nobilior, auro & argento splendidior, cælorum gloria, pauor inferni, spes & salus mortalium. Per te mors ipsa, vita efficitur: absque te omnis voluptas dolor est atque tristitia. Per te omnis ignominia, gloria & splendor est: absque te omnis gloria in ignominiam conuertitur. Per te omnis infirmitas sanitas & robur est: absque te omne robur infirmitas. Per te, quod nihil erat, factum est aliquid, imò totum: sine te euanescent omnia, ac in nihilum rediguntur. Sis ergo semper nobiscum, ô nomen delectabile, inculparis cordibus & memoriæ, caractere indelebili: hoc est, pacis & belli, noctis atque diei tempore. In lætitia & mœrore, in urbibus,

in campis, sis nostra directio & salus; ac tandem gloria nostra futuris sæculis. O dulcis IESV, sis mihi IESVS: da mihi gratiam circumcidēdi superflua carnis meæ desideria, cogitationes & opera, omnium sensuum meorum incitamenta illicita: vt per hanc spiritualem circumcisionem, eius effectus, quem producere solet, particeps fiam.

Et tu, ô Virgo benignissima, quæ octauo ab ortu die Filium tuum charissimum ac innocentissimum, in peccatorū numero haberi, atque vt me saluaret, sanguinē suū vt arrham infinitæ suæ erga nos charitatis effundere vidisti; quæq. intrinsecus icta dolore, virgineas illas tuas lacrymas, amoris purissimi indices, emisisti: impetra mihi compassionis & doloris tui copiosum fructum, vt & de hoc glorioso IESV nomine Filio tuo gratuler, & corpus meum ab omni circumcidam iniquitate; quò fiat vt omnes actiones meæ puræ sint, & diuinæ subiectæ voluntati. Denique nomen IESV sacrosanctum, aduersus hostes omnes sit mihi armatura, solatium in exilio, vulnorum ac morborum spiritualium peculiare remedium, postremò verò vita atque beatitudo in æternum. Amen.

Pater noster. Ave Maria. ORATIO.

**D**Eus qui glorioso ac mirabili nomine dilectum Vnicum tuum Redemptorem nostrum IESVM appellari voluisti: concede propitius; vt qui eiusdem benedicti Saluatoris nomen venerantur in terris, eius felici consortio perfruantur in cælis. Amen.



*Litania IESV CHRISTI  
Saluatoris nostri.*

*Appro-  
bare à  
Sede A-  
post. ad  
instan-  
tiam  
renissimi  
Ducis  
Bavariae.*

**K** Yrie eleison.  
Christe eleison.

Kyrie eleison,

Christe audi nos.

Christe exaudi nos.

Pater de cælis Deus, Miserere nobis.

Fili redemptor mundi Deus, Miserere  
nobis.

Spiritus sancte Deus, Miserere nobis.

Sacra Trinitas vnus Deus, Miserere nobis,

Iesu Fili Dei viui, Miserere nobis.

Iesu potentissime,

Iesu fortissime,

Iesu perfectissime,

Iesu gloriosissime,

Iesu mirifice,

Iesu iucundissime,

Iesu charissime,

Iesu clarior sole,

Iesu pulchrior luna,

Iesu splendidior stellis,

Iesu admirabilis,

Iesu delectabilis,

Iesu honorabilis,

Iesu humillime,

Iesu pauperrime,

Iesu mitissime,

Iesu patientissime,

Iesu obedientissime,

Miserere nobis.

Iesu

Iesu castissime,  
 Iesu amator castitatis,  
 Iesu amator pacis,  
 Iesu amor noster,  
 Iesu speculum vite,  
 Iesu exemplar virtutum,  
 Iesu decus morum,  
 Iesu zelator animarum,  
 Iesu refugium nostrum,  
 Iesu pater pauperum,  
 Iesu consolatio afflictorum,  
 Iesu thesaurus fidelium,  
 Iesu gemma pretiosa,  
 Iesu armarium perfectionis,  
 Iesu bone pastor ouium,  
 Iesu stella maris,  
 Iesu lux vera,  
 Iesu sapientia æterna,  
 Iesu bonitas infinita,  
 Iesu gaudium Angelorum,  
 Iesu rex Patriarcharum,  
 Iesu inspirator Prophetarum,  
 Iesu magister Apostolorum,  
 Iesu doctor Euangelistarum,  
 Iesu fortitudo Martyrum,  
 Iesu lumen Confessorum,  
 Iesu sponse Virginum,  
 Iesu corona Sactorum omnium,  
 Propitius esto, Parce nobis Iesu.  
 Propitius esto, Exaudi nos Iesu,  
 Ab omni malo, Libera nos Iesu.  
 Ab iratua, Libera nos Domine.

Miserere nobis.

Ab infidiis diaboli,  
 A peste, fame, & bello,  
 A transgressionem mandatorum tuorum,  
 Ab incursum omnium malorum,  
 Per incarnationem tuam,  
 Per aduentum tuum,  
 Per natiuitatem tuam,  
 Per dolores tuos,  
 Per flagella tua,  
 Per mortem tuam,  
 Per resurrectionem tuam,  
 Per ascensionem tuam,  
 Per gaudia tua,  
 Per gloriam tuam,  
 Per dulcissimam Virginem matrem  
 tuam,  
 Per intercessionem omnium Sancto-  
 rum,  
 Agnus Dei, qui tollis peccata mundi, Par-  
 ce nobis Iesu.  
 Agnus Dei, qui tollis peccata mundi, Ex-  
 audi nos Iesu.  
 Agnus Dei, qui tollis peccata mundi, Mi-  
 serere nobis Iesu.  
 Iesu Christe audi nos.  
 Iesu Christe exaudi nos.  
 Kyrie eleison. Christe eleison. Kyrie elei-  
 son. Pater noster. Et ne nos, &c.  
*Vers.* Benedic anima mea Domino.  
*Resp.* Et omnia quæ intra me sunt nomini  
 sancto eius.  
*Vers.* Sit nomen Domini benedictum.

*Resp.*



*Resp.* Ex hoc nunc & vsque in sæculum.

*Vers.* Adiutorium nostrum in nomine Domini.

*Resp.* Qui fecit cælum & terram.

*Vers.* Domine exaudi orationem meam.

*Resp.* Et clamor meus ad te veniat. Oremus.

**O**mnipotens sempiterne Deus, dirige actus nostros in beneplacito tuo, vt in nomine dilecti Filij tui mereamur bonis operibus abundare.

**S**ancti nominis tui Domine timorem pariter & amorem fac nos habere perpetuum: quia numquam tua gubernatione destituis, quos in soliditate tuæ dilectionis instituis.

**D**eus virtutum, cuius est totum quod est optimum, infere pectoribus nostris amorem tui nominis, & præsta in nobis religionis augmentum: vt quæ sunt bona nutrias, ac pietatis studio quæ sunt nutrita custodias.

**E**cclēsiā tuā Domine miseratione continuata mundet & muniat: & quia sine te non potest salua consistere, tuo semper munere gubernetur.

**D**eus, qui gloriosissimum nomen IESV Christi Filij tui Domini nostri fecisti fidelibus tuis summo suauitatis affectu amabile, & malignis spiritibus tremendum atque terribile: concede propitius; vt omnes qui hoc nomen IESV deuotè venerantur in terris, sanctę consolationis dulcedinem in præsentī percipiant, & in futuro gaudium exultationis & interminabilis beatitudinis obtineant in cælis. Per eundem Dominum nostrum.

*Vers.* Domine exaudi orationem meam.

*Resp.* Et clamor meus ad te veniat.

*Vers.* Benedicamus Dño. *Resp.* Deo gratias.

*Vers.* Et fidelium animæ per misericordiam Dei requiescant in pace. *Resp.* Amen.

*Canticum de nomine IESV Christi Domini nostri,  
respondens litteris verborum sequentium:*

LAVS IESV CHRISTO MESSIÆ  
PER BENIGNO, DEO QUE NOSTRO.

- L** Audate pueri & serui Dominum, laudate  
nomen Domini.
- A** A solis ortu vsque ad occasum laudabile no-  
men Domini.
- V** Vsquequò Deus impropetabit inimicus, irri-  
tat aduersarius nomen tuum in finem?
- S** Sit nomen eius benedictum in sæcula; ante so-  
lem permanet nomen eius.
- I** Iubilate Deo omnis terra, psalmum dicite no-  
mini eius, date gloriam laudi eius.
- E** Et benedictum nomen Maiestatis eius in eter-  
num, & replebitur Maiestate eius omnis terra;  
fiat, fiat.
- S** Sanctum & terribile nomen eius, initium sa-  
pientiæ, timor Domini.
- V** Ut annuntient in Sion nomen Domini, & lau-  
dem eius in Ierusalem.
- C** Confiteantur nomini tuo magno, quoniam  
terribile & sanctum est; & honor Regis iudi-  
cium diliger.
- H** Hi in curribus, & hi in equis, nos autem in no-  
mine Domini Dei nostri inuocabimus.

Refu-

Refugium meum es tu, & propter nomen tuum deduces me, & enutries me.	R
Iter facite ei qui ascendit super occasum, Dominus nomen illi.	I
Sperent in te qui nouerunt nomen tuum, quoniam non dereliquisti quaerentes te Domine.	S
Thabor & Hermon in nomine tuo exultabunt, tuum brachium cum potentia,	T
O Domine saluum me fac, Domine bene prosperare. Benedictus qui venit in nomine Dñi.	O
Moyſes & Aaton in sacerdotibus eius, & Samuel inter eos qui inuocant nomen eius. Memores erunt nominis tui in omni generatione & generationem.	M
Exurge Domine, adiuua nos, & redime nos propter nomen tuum.	E
Si oblitus sumus nomen Dei nostri, & si expandimus manus nostras ad deum alienum, nonne Deus requirit ista?	S
Secundum nomen tuum Deus, sic & laus tua in fines terrarum.	S
In Deo laudabimur tota die, & in nomine tuo confitebimur in seculum,	I
Effunde iram tuam in gentes quae te non nouerunt, & in regna quae nomen tuum non inuocauerunt.	E
Propter nomen tuum Domine propitiaberis peccato meo, multum est enim.	P
Et nomini tuo psalmum dicam.	E
Reges omnes terrarum timebunt gloriam tuam, & gentes nomen tuum Domine.	R
Beatus vir cuius est nomen Domini spes eius, & non respexit in vanitates & insaniae falsas.	B



- E** Et tu Domine Domine fac mecum propter nomen tuum.
- N** Non nobis Domine, non nobis, sed nomini tuo da gloriam.
- I** In te inimicos nostros ventilabimus cornu, & in nomine tuo spernemus insurgentes in nos.
- G** Gloriabuntur in te omnes qui diligunt nomen tuum, quoniam tu benedices iusto.
- N** Non dixerunt qui preteribant, Benedictio Domini super vos; benediximus vobis in nomine Domini.
- O** Omnes gentes circuierunt me, & in nomine Domini, quia ultus sum in eos.
- D** Domine Dominus noster, quàm admirabile est nomen tuum in vniuersa terra!
- E** Exaltabo te Deus meus Rex, & benedicam nomini tuo in sæculum, & in sæculum sæculi.
- O** Orationem meam quoniam exaudisti tu Deus meus, dedisti hereditatem timentibus nomen tuum.
- Q** Quid retribuam Domino, pro omnibus quæ tribuit mihi? Calicem salutaris accipiam, & nomen Domini inuocabo.
- V** Vt notam faceret potentiam suam, saluauit eos propter nomen suum.
- E** Educ de custodia animam meam, ad confitendum nomini tuo.
- N** Non discedimus à te, viuificabis nos, & nomen tuum inuocabimus.
- O** Os meum loquetur laudationem Domini, & benedicat omnis caro nomini sancto eius in sæculum & in sæculum sæculi.

Saluauit nos propter nomen suum, vt notam  
faceret potentiam suam.

Tuo nomini sic psalmum dicam, vt reddam  
vota mea de die in diem.

Reges terre & omnes populi, principes & om-  
nes iudices terræ, iuuenes & virgines, senes  
cum iunioribus, laudent nomen Domini: quia  
exaltatum est nomen eius solius.

Omnia quæ intra me sunt, benedicant nomini  
sancto eius.

Gloria Patri, & Filio, &c.

*Alia petitiones deuote*

ad DOMINVM IESVM CHRISTVM,  
ex S. Augustino & Thoma à Kempis.

**D**omine IESV, nouerim me, nouerim te:  
Nec aliquid cupiam nisi te.

Vt odiam me, & amem te:

Quidquid agam propter te.

Humiliem me, exaltem te:

Nihil cogitem, nisi te.

Mortificem me, & viuam in te:

Quæcumque veniant, accipiam à te.

Persequar me, sequar te:

Semper optem sequi te.

Fugiam me, confugiam ad te:

Dignus sim defendi à te.

Timeam mihi, timeam te:

Simque de electis à te.

Diffidam mihi, fidam in te:

Obedire velim, propter te.

In nullo afficiar nisi in te:

Aspice me, vt diligam te.

Voca

Voca me, vt videam te:

Et in æternum potiar te.

Tu enim es sponsus amantibus; & qui adhuc in timore tibi seruiunt, metuendus Dominus, Pater es bonis filiis: maleuolis autem districtus Iudex. Infirmis es medicus, & sanis solidus cibus. Doctor ignorantibus, & obtemperantibus tibi salus æterna. Via incipientibus, Veritas proficientibus, & Vita perfectis. Sine via non itur: sine veritate non cognoscitur: sine vita non viuitur. Tu es via quam sequi debemus, veritas cui credere, vita quam sperare. Tu es via inuiolabilis, veritas infallibilis, vita interminabilis. Via rectissima, veritas suprema, vita verè vita, beatà, vita increata. Tu es spes pœnitentibus, iustis consolator optimus. Gloria humilium, pœna superbiorum. Lux in tenebris, lucerna in noctibus. Dans medelâ egris mentibus, & vinû lætitiæ multum tristibus. Stans cum pugnantibus, ambulans cum proficientibus, currens cum feruentibus, volans cum contemplantibus. Præsens orantibus, loquens cum legentibus, quiescens cum meditantibus.

*Oratio S. Bernardi ad IESVM.*

**O** Bone IESV, ô pijsime IESV, ô dulcissime IESV, ô IESV fili Mariæ Virginis, plene misericordia & pietate. O dulcis IESV, secundum magnam misericordiam tuam misere mei. O clementissime IESV, te deprecor per illum sanguinè pretiosum, quem pro peccatoribus effundere voluisti, vt abluas omnes iniquitates meas: & in me respicias miserum &

indi-



indignum humiliter veniam petentem, & hoc nomen sanctum I E S V S inuocantem.

O nomen I E S V, nomen dulce; nomen I E S V, nomen delectabile; nomen I E S V, nomen confortans. Quid est enim I E S V S nisi Saluator? Ergo I E S V propter nomen sanctum tuum esto mihi I E S V S, & salua me ne permittas me damnari, quem de nihilo creasti.

O bone I E S V, ne perdat me iniquitas mea, quem fecit omnipotens bonitas tua, O dulcis I E S V, recognosce quod tuum est, & absterge quod alienum est.

O benignissime I E S V, miserere mei dum tempus est miserendi; ne damnes me in tempore iudicandi. Quæ utilitas in sanguine meo, dum descendero in æternam corruptionem? Non mortui laudabunt te Domine I E S V, neque omnes qui descendunt in infernum. O amantissime I E S V, ô desideratissime I E S V, ô mitissime I E S V. O I E S V, I E S V, I E S V, dimitte me intrare in numerum electorum tuorum, O I E S V salus in te credentium, O I E S V solatium ad te cõfugientium, I E S V dulcis remissio omnium peccatorum, O I E S V fili Virginis Mariæ, infunde in me gratiam, sapientiam, charitatem, castitatem, humilitatem, vt possim te perfecte diligere, te laudare, te perfrui, tibi seruire, & in te gloriari, & omnes qui inuocant nomen tuum quod est I E S V S, Amen.



DE  
AETERNA SAPIENTIA  
PRECES HORARIÆ.

*Has ante annos CC. H. Suso conscripsit. Quas consultissimum foret studiosis Adolescentibus quotidie legere: ut à Christo, qui est fons sapientia, & Sapientia ipsa, vera sapientia ac perspicacis intelligentia lumen & gratiam obtineant: sine qua omnis scientia non modo vana, sed etiam perniciosa est.*

SALVTATIO MATVTINA  
AD AETERNAM SAPIENTIAM.



NIMA mea desiderauit te de nocte, sed & spiritu meo in præcordijs meis de manè enigilauit ad te, ô præclarissima Sapientia; petens vt desiderata præsentia tua cuncta nobis aduersantia remoueat, penetralia cordis nostri sua multififormi gratia perfundat, & in amore tuo vehementer accendat. Et nunc dulcissime Domine I E S V Christe ad te diluculò confurgo, teque ex intimo cordis affectu saluto. Millia quoque millium cælestium agminum tibi ministrantium te ex me salutent, ac decies millies centena millia tibi assistentium te ex me glorificent. Vniuersalis etiam harmonia omnium creaturarum te ex me collaudet; ac nomen tuum gloriosum, protectionis nostræ clypeum, benedicat in sæcula. Amen.



*Singulis horis præmittitur hic versiculus.*

Salutem mentis & corporis, donet nobis

I E S V S, Sapientia Patris.

A D M A T V T I N A S.

**D**omine labia mea aperies:

Et os meum annuntiabit laudem tuam.

Deus in adiutorium meum intende;

Domine ad adiuuandum me festina.

Gloria Patri, & Filio, & Spiritui sancto.

Sicut erat in principio, & nunc, & semper, &  
in sæcula sæculorum, Amen. Alleluia.

*A Septuagesima vsque ad Pascha dicitur,*

Laus tibi Domine, Rex æternæ gloriæ.

I N V I T A T O R I V M.

Æternæ sapientiæ fontem adoremus;

Et pro gloria nominis eius iubilemus,

P S A L M V S.

**V**enite, exultemus Domino, iubilemus

Deo salutari nostro; præoccupemus faci-  
ciem eius in confessione, & in psalmis iubile-  
mus ei.

Æternæ sapientiæ fontem adoremus;

Et pro gloria nominis eius iubilemus.

Quoniam Deus magnus Dominus, & rex  
magnus super omnes deos; quoniam non re-  
pellet Dominus plebem suam, quia in ma-  
nu eius sunt omnes fines terræ, & altitudines  
montium ipse conspicit,

Et pro gloria nominis eius iubilemus.

Quoniam ipsius est mare, & ipse fecit illud, &  
aridam fundauerunt manus eius; venite, ado-

remus & procidamus ante Deum : ploremus  
coram Domino qui fecit nos, quia ipse est Do-  
minus Deus noster : nos autem populus eius  
& oues pascuæ eius.

Æternæ sapientiæ fontem adoremus:

Et pro gloria nominis eius iubilemus.

Hodie si vocem eius audieritis, nolite obdu-  
rare corda vestra, sicut in exacerbatione secun-  
dum diem tentationis in deserto, ubi tentaue-  
runt me patres vestri, probauerunt, & viderunt  
opera mea.

Et pro gloria nominis eius iubilemus.

Quadraginta annis proximus fui generationi  
huic, & dixi, Semper hi errant corde: ipsi verò  
non cognouerunt vias meas, quibus iuraui in  
ira mea, si introibunt in requiem meam.

Æternæ sapientiæ fontem adoremus:

Et pro gloria nominis eius iubilemus.

Gloria Patri, &c. Sicut erat in principio, &c.

Et pro gloria nominis eius iubilemus.

Æternæ sapientiæ fontem adoremus:

Et pro gloria nominis eius iubilemus.

H Y M N V S.

**I**Es v dulcis memoria,  
Dans vera cordi gaudia:  
Sed super mel & omnia,  
Eius dulcis præsentia.

Nil canitur suauius,  
Auditur nil iucundius,  
Nil cogitatur dulcius,  
Quàm IESVS Dei filius.  
IESV spes pœnitentibus,

*Ex iubilo  
S. Ber-  
nardi.*

Quàm pius es petentibus:  
 Quàm bonus te quærentibus,  
 Sed quid inuenientibus?  
 Iesu dulcedo cordium,  
 Fons viuus, lumen mentium,  
 Excedens omne gaudium,  
 Et omne desiderium.  
 Nec lingua valet dicere,  
 Nec littera exprimere,  
 Expertus potest credere,  
 Quid sit Iesum diligere.  
 Æterna Sapientia,  
 Tibi, Patrique gloria,  
 Cum Spiritu paraclito,  
 In sempiterna sæcula. Amen.

## PSALMVS.

*Psal. 65.*

**I**ubilate Deo omnis terra, psalmum dicite  
 nomini eius: date gloriam laudi eius.  
 Dicite Deo, Quàm terribilia sunt opera tua  
 Domine! in multitudine virtutis tuæ mentien-  
 tur tibi inimici tui.

Omnis terra adoret te, & psallat tibi: psalmum  
 dicat nomini tuo.

Gloria Patri, & Filio, & Spiritui sancto.

Sicut erat in principio, &c.

*Prouerb.*

9.

*Antiph.* Sapientia ædificauit sibi domum: ex-  
 cidit columnas septem, subdidit sibi gentes su-  
 perborum, & sublimium colla propria virtute  
 calcauit.

*Vers.* Ego autem in Domino gaudebo.

*Resp.* Et exultabo in Deo IESV meo.

Pater noster, &c. Et ne nos inducas in tenta-  
 tionem,



nem, &c. Iube domne benedicere. IESVS  
Sapientia Patris, depellat cuncta aduersantia  
nobis. Amen.

## LECTIO PRIMA.

**O** Sapientia æterna, splendor gloriæ, &  
figura substantiæ Patris: qui vniuersa de  
nihilō creasti, & vt hominem ad paradisi gau-  
dia reduceres, in hanc vallem miseriæ descen-  
disti, eiūque viam redeundi per tuam dulcissi-  
mam conuersationem demonstrasti, & pro sa-  
tisfactione cunctorum, tamquam agnus inno-  
cens Patri immolari voluisti: aperi per tuam  
pretiosam mortem cor meum, vt te Regem re-  
gum, & Dominum dominantium, oculis inte-  
græ fidei semper aspiciam. Pone meam in tuis  
vulneribus Philosophiam, in tuis stigmatibus  
Sapientiam, vt vlteriùs in te solo charitatis li-  
bro, & morte tua proficiam, & omnibus mura-  
bilibus rebus deficiam: ita vt ego, iam non ego,  
sed tu in me, & ego in te, indissolubili vinculo  
amoris æternaliter maneamus. Tu autem Do-  
mine miserere nostri. Deo gratias.

Hebr. i.

*Resp.* Emitte Domine Sapientiam de sede ma-  
gnitudinis tuæ, vt mecum sit & mecum labo-  
ret, vt sciam quid acceptum sit coram te omni  
tempore.

Sap. 9.

*Vers.* Da mihi Domine sedium tuarum assisten-  
tiam Sapientiam. Vt sciam quid acceptum sit  
coram te omni tempore.

Iube domne benedicere. Æterna Sapientia  
illuminare dignetur sensus & corda nostra.  
Amen.

## LECTIO SECVNDA.

Rom. 9.

**O** IESV mi dulcissime, & Sapiaentia felicissima, verbum Patris, principium & finis omnium entium: piis oculis quæso me intueri, quia pulvis sum & caro, sciens quidd non sit volentis neque currentis, sed tui Deus miserentis. Recogita obsecro amarissimam passionem, quam pro me indigno peccatore pertulisti, & bonam voluntatem à te inchoatam piè custodias. O misericordia mea, ne derelinquas me. O refugium meum, ne discesseris à me. O liberator meus, intende in adiutorium meum: & me huic mundo mortuum, in sepulchro tuo tecum sepelias, & ab omnibus inimicorum insidiis abscondas; vt me à te nec vita, nec mors, nec vlla fortunæ sors separet, sed permaneat morte fortior amor noster nunc & in æuum. Tu auté Domine miserere nostri. Deo gratias.

Sap. 9.

*Resp.* Da mihi Domine sedium tuarum assistricem Sapientiam, & noli me reprobare à pueris tuis: Quoniam seruus tuus sum ego, & filius ancillæ tuæ.

*Vers.* Mitte illam à sede magnitudinis tuæ, vt mecum sit, & mecum laboret. Quoniam seruus tuus sum ego, & filius ancillæ tuæ.

Iube domne benedicere. Dono sapientiæ & intellectus, impleat nos Spiritus sanctus, Amen.

## LECTIO TERTIA.

**O** Refugium meum, & liberator meus, per immensum amorem, qui te in patibulo Crucis amarissimam mortem pro me subire

coëgit,

coëgit, peccata quæ ego immundus peccator commisi, misericorditer indulgeas: à commit- tendis, & à cunctis periculis, in vulnere lateris tui piè me custodias: gressus meos in huius vitæ fluctibus ad sanctum finem dirigas, & ad conspectum gloriæ tuæ me peruenire con- cedas. Tu autem Domine miserere nostri, Deo gratias,

*Resp.* Super salutem & omnem pulchritudi- nem dilexi sapientiam, & proposui pro luce habere illam: Venerunt autem mihi omnia bona pariter cum illa.

*Vers.* Dixi sapientiæ: Soror mea es, & pruden- tiam vocavi amicam meam. Venerunt autem mihi omnia bona pariter cum illa. Gloria Patri, & Filio, & Spiritui sancto. Venerunt au- tem mihi omnia bona pariter cum illa.

*Ex CANTICO D. Ambrosij, & Augustini.*

**T**V Rex gloriæ Christe,

Tu Patris sempiternus es Filius,  
Tu ad liberandum suscepturus hominem; non horruisti Virginis uterum.

Tu deuicto mortis aculeo: aperuisti credenti- bus regna cælorum.

Tu ad dexteram Dei sedes: in gloria Patris.  
Iudex crederis esse venturus.

Te ergo quæsumus, tuis famulis subueni: quos pretioso sanguine redemisti.

Æterna fac cum sanctis tuis: gloria mune- rari.

Saluum fac populum tuum Domine: & bene- dic hereditati tuæ.



Et rege eos : & extolle illos vsque in æternum.  
Per singulos dies, benedicimus te.

Et laudamus nomen tuum in sæculum : & in  
sæculum sæculi.

Dignare Domine die isto: sine peccato nos cu-  
stodire.

Miserere nostri Domine: miserere nostri.

Fiat misericordia tua Dñe super nos : quem-  
admodum sperauimus in te.

In te Dñe speraui: non confundar in æternum.

*Aliud CANTICVM.*

**T**E Christum laudamus.

Te Iesum benedicimus.

Te Regem regum, & Dominum dominan-  
tium confitemur.

Te crucifixum colimus, dulcem & amabilem  
redemptorem.

Qui nos asperzione tui sanguinis redemisti.

Dignus es Domine I E S V Deus noster, acci-  
pere laudem, benedictionem, gloriam & ho-  
norem.

Exultet tibi omnis caro, & omnis viuens glo-  
rificet nomen tuum.

Humilietur omnis facies pedibus tuis, & om-  
nis creatura tua seruiat tibi.

Laudet & extollat te, benedicat te & glorificet  
te in æternum.

**AD LAVDES.**

**S**alutem mentis & corporis, donet nobis  
I E S V S Sapientia Patris.

Deus in adiutorium, &c. Domine ad adiuuan-  
dum, &c. Gloria Patri, & Filio, &c.

## PSALMVS.

**L**audate Dominum omnes gentes: laudate  
 eum omnes populi. *Psal. 116.*

Quoniam confirmata est super nos misericor-  
 dia eius: & veritas Domini manet in æternum,  
 Gloria Patri, & Filio, & Spiritui sancto.

Sicut erat in principio, & nunc, & semper, &  
 in sæcula sæculorum, Amen.

*Antiph.* Sapientia clamitat in plateis: Si quis  
 diligit Sapientiam, ad me declinet, & eam in-  
 ueniet: & eam cùm inuenerit, beatus erit si te-  
 nuerit eam.

## CAPITVLVM.

**H**anc (sapientiam) amaui & exquisiui  
 iuuentute mea, & quæsiui mihi sponsam  
 assumere, & amator factus sum formæ illius. *Sap. 3.*

Deo gratias.

## HYMNVS.

**I**es v Rex admirabilis,  
 Et Triumphator nobilis:  
 Dulcedo ineffabilis,  
 Totus desiderabilis.

Mane nobiscum Domine,  
 Et nos illustra lumine,  
 Pulsa mentis caligine,  
 Mundum replens dulcedine.

Quando cor nostrum visitas,  
 Tunc lucet ei veritas:  
 Mundi vilescit vanitas,  
 Et intus feruet charitas.

Amor Ies v dulcissimus,  
 Et verè suauissimus:  
 Plus millies gratissimus,

*Bernard.*

Quàm dicere sufficimus,  
 Hoc probat eius passio,  
 Hoc sanguinis effusio,  
 Per quam nobis redemptio  
 Datur, & Dei visio.

Æterna Sapiaentia,  
 Tibi, Patrique gloria,  
 Cum Spiritu paraclito,  
 In sempiterna sæcula. Amen.

*Vers.* Sapientia requiescit in corde eius.

*Resp.* Et prudentia in sermone oris illius.

*Ad Benedictus, Antiph.* O sapientia.

CANTICVM ZACHARIÆ,

**B**enedictus Dominus Deus Israel: quia vi-  
 sitauit, & fecit redemptionem plebis suæ.  
 Er exexit cornu salutis nobis: in domo Dauid  
 pueri sui.

Sicut locutus est per os sanctorum: qui à sæcu-  
 lo sunt, prophetarum eius.

Salutem ex inimicis nostris; & de manu om-  
 nium qui oderunt nos.

Ad faciendam misericordiam cum patribus  
 nostris: & memorari testamenti sui sancti.

Iusiurādum quod iurauit ad Abraham patrem  
 nostrum: daturum se nobis.

Vt sine timore de manu inimicorum nostrorū  
 liberati: seruiamus illi.

In sanctitate & iustitia coram ipso; omnibus  
 diebus nostris.

Et tu puer, propheta Altissimi vocaberis; præi-  
 bis enim ante faciem Domini, parare vias  
 eius.

Ad



Ad dandum scientiam salutis plebi eius: in remissionem peccatorum eorum.

Per viscera misericordiæ Dei nostri: in quibus visitauit nos oriens ex alto.

Illuminare his qui in tenebris & in umbra mortis sedent: ad dirigendos pedes nostros in viam pacis.

Gloria Patri, & Filio, & Spiritui sancto.

Sicut erat in principio, &c.

*Antiph.* O Sapientia, quæ ex ore Altissimi prodijsti, attingens à fine vsque ad finem fortiter, suauiterque disponens omnia, veni ad docendum nos viam prudentiæ. Sap. 8.

Domine exaudi orationem meam.

Et clamor meus ad te veniat.

Oremus.

**D**Eus, qui per coæternam tibi Sapientiam hominem, cum non esset, condidisti, perditumque misericorditer reformasti: præsta quæsumus; vt eadem corda nostra inspirante, te tota mente amemus, & ad te toto corde curramus. Per eundem Dominum, &c.

Benedicamus Domino. Deo gratias.

Æterna Sapientia benedicat ✠ & custodiat corda & corpora nostra, Amen.

*Ita terminantur omnes Horæ.*

## AD PRIMAM.

**S**alutem mentis & corporis, donet nobis IESVS Sapientia Patris.

Deus in adiutorium meum intende. Domine ad adiuuandum, &c.

## HYMNVS.

**I**ESVM omnes agnoscite,  
Amorem eius poscite:  
Iesum ardentè quærite,  
Quærendo inardescite.

Sic amantem diligite,  
Amoris vicem reddite,  
In hunc odorem currite,  
Et vota votis reddite.

**I**ESVS auctor clementiæ,  
Totius spes lætitiæ,  
Dulcoris fons & gratiæ,  
Veræ cordis delitiæ.

**I**ESV mi bone sentiam  
Amoris tui copiam:  
Da mihi per præsentiam,  
Tuam videre gloriam.  
Cum dignè loqui nequeam,  
De te tamen ne sileam,  
Amor facit vt audeam,  
Cum de te solùm gaudeam.

Æterna Sapiëntia,  
Tibi, Patriq̃ue gloria,  
Cum Spiritu paraclito,  
In sempiterna sæcula. Amen.

## PSALMVS.

*Psal. 142*

**A**Vditam fac mihi manè misericordiam  
tuam: quia in te speraui.

Notam fac mihi viam, in qua ambulem: quia  
ad te leuaui animam meam.

Eripe me de inimicis meis Domine, ad te con-  
fugi: doce me facere voluntatem tuam, quia

Deus

Deus meus es tu. Gloria Patri, & Filio, &c.  
Sicut erat in principio, &c.

*Antiph.* Ego diligentes me diligo, & qui manè  
vigilauerit ad me, inueniet me.

## CAPITVLVM.

**S**apientia vincit malitiam: attingit à fine vs-  
que in finem fortiter, disponit omnia sua-  
uiter. Deo gratias.

*Resp.* IESV Christe Fili Dei viui, Miserere  
nobis. *repetitur*, IESV Christe, &c. *Vers.* Qui  
sedes ad dexteram Patris, Miserere nobis.

Gloria Patri, & Filio, & Spiritui sancto.

IESV Christe Fili Dei viui, miserere nobis.

*Vers.* Exurge Domine adiuua nos. *Resp.* Et li-  
bera nos propter nomen sanctum tuum. Do-  
mine exaudi orationem meam. Et clamor  
meus ad te veniat. Oremus.

**C**orda nostra, quæsumus Domine, æternæ  
Sapientiae splendor illustret, quo mundi  
huius tenebris carere valeamus, & peruenia-  
mus ad patriam claritatis æternæ. Per eundem  
Dominum nostrum, &c. Benedicamus Domi-  
no, &c. *ut supra.*

## AD TERTIAM.

**S**alutem mentis & corporis, donet nobis  
Iesus Sapientia Patris.

Deus in adiutorium meum intende, Domine  
ad adiuuandum me festina. Gloria Patri, &c.  
Sicut erat, &c. Alleluia.

## HYMNVS.

**T**Va IESV dilectio,  
Grata mentis refectio,

Replens



Replens sine fastidio,  
 Dans famem desiderio.  
 Qui te gustant, esuriunt;  
 Qui bibunt, adhuc sitiunt:  
 Desiderare nesciunt,  
 Nisi IESVM quem diligunt.  
 Quem tuus amor ebriat,  
 Nouit quid IESVS sapiat:  
 Quàm felix est quem satiat!  
 Non est vltra quod cupiat.  
 IESV decus Angelicum,  
 In aure dulce canticum,  
 In ore mel mirificum,  
 In corde nectar cælicum.  
 Desidero te millies:  
 Mi IESV quando venies:  
 Me lætum quando facies?  
 Me de te quando saties?  
 Æterna Sapientia,  
 Tibi, Patrique gloria,  
 Cum Spiritu paraclito,  
 In sempiterna sæcula. Amen.

## PSALMVS.

Psal. 142

**S**piritus tuus bonus deducet me in terram  
 rectam: propter nomen tuum Domine vi-  
 uificabis me, in æquitate tua.  
 Educes de tribulatione animam meam: & in  
 misericordia tua disperdes omnes inimicos  
 meos.  
 Et perdes omnes qui tribulant animam meam;  
 quoniam ego seruus tuus sum.  
 Gloria Patri, &c.

*Antiph.*

*Antiph.* Fili, concupiscens Sapientiam, conferua iustitiam, & præbebit eam tibi Dominus.

## CAPITVLVM.

**H**ANC (SAPIENTIAM) amavi & exquisiui à *Sap. 8.*  
 iuuetute mea, quæsiui eam mihi in spon-  
 sam assumere, & amator factus sum formæ il-  
 lius. Deo gratias.

*Resp.* Ego autem, In Domino gaudebo. Ego.

*Vers.* Et exultabo in Deo IESV meo: In Do-  
 mino gaudebo. Gloria Patri, & Filio, & Spi-  
 ritui sancto. Ego autem in Domino gaudebo.

*Vers.* Sit nomen Domini benedictum.

*Resp.* Ex hoc nunc & vsque in sæculum.

Oremus.

**D**EUS, qui per coæternam tibi Sapientiam  
 hominem, cum non esset, condidisti, per-  
 ditumque misericorditer reformasti: præsta  
 quesumus, vt eadem pectora nostra inspirante,  
 te tota mente amemus, & ad te toto corde cur-  
 ramus: Per eundem Dominum nostrum Ie-  
 sum Iesum Christum, &c.

Benedicamus, vt *sapra*.

## AD SEXTAM.

**S**ALUTEM mentis & corporis, donet nobis IE-  
 SVS Sapientia Patris.

Deus in adiutorium meum intende. Domine  
 ad adiuuandum me festina. Gloria Patri, &c.

## HYMNVS.

**A**MOR tuus continuus,  
 Mihi languor assiduus,  
 Mihi fructus mellifluus,

*Bernard.*

Est

Est & vitæ perpetuus.

I E S V summa benignitas,  
Mira cordis iucunditas,  
Incomprehensa bonitas,  
Tua me stringat charitas.

Bonum mihi diligere

I E S V M, nil vltra quærere:  
Mihi prorsus deficere,  
Vt illi queam viuere.

I E S V mi dilectissime,  
Spes suspirantis animæ:  
Te quærunt piæ lacrymæ,  
Et clamor mentis intimæ.

Æterna Sapientia,  
Tibi, Patrique gloria,  
Cum Spiritu paraclito,  
In sempiterna sæcula.

P S A L M V S.

*Psal. 32.*

**A** Nima nostra sustinet Dominum: quoniam adiutor & protector noster est.

Quia in eo lætabitur cor nostrum; & in nomine sancto eius sperauimus.

Fiat misericordia tua Domine super nos: quemadmodum sperauimus in te.

Gloria Patri, & Filio, & Spiritui sancto, &c.

*Antiph.* Dominus possedit me in initio viarum suarum, antequam quidquam faceret à principio, dicit Dominus.

C A P I T V L V M.

**C** Andor est enim lucis æternæ & speculum sine macula diuinæ maiestatis, & imago bonitatis illius. Deo gratias.

*Resp.*



*Resp.* Sit nomen Domini, Benedictum. Sit nomen. *Vers.* Ex hoc nunc & vsque in sæculum. Benedictum. Gloria Patri, & Filio, & Spiritui sancto. Sit nomen Domini benedictum.

*Vers.* A solis ortu vsq. ad occasum. *Resp.* Laudabile nomen Domini. Oremus.

**E**Xaudi nos misericors Deus, & mentibus nostris Sapientiæ tuæ lumen ostende, & te super omnia diligere concede. Per eundem Dominum nostrum, &c. Benedicamus Domino. *ut supra.*

## AD NONAM.

**S**alutem mentis & corporis donet nobis Sapientia Patris.

Deus in adiutorium meum intende, &c.

## HYMNVS.

**Q**Vocumque loco fuero,  
Semper IESVM desidero:

Quàm lætus cùm inuenero,

Quàm felix cùm tenuero.

Tunc amplexus, tunc oscula

Quæ vincunt mellis pocula:

Sed in his parua morula,

IESVM sequar per sæcula.

Iam quod quæsiui video,

Quod concupiui teneo:

Amore IESV langueo,

Et corde totus ardeo.

IESVS cùm sic diligitur,

Hic amor non exinguitur,

Non tepescit nec moritur,

Plus crescit & accenditur.

Hic

Hic amor ardet iugiter,  
Dulcescit mirabiliter,  
Sapit delectabiliter,  
Delectat & feliciter.

Hic amor missus cœlitus,  
Hæret mihi medullitus,  
Mentem incendit penitus,  
Hoc delectatur Spiritus.

O beatum incendium,  
Et ardens desiderium,  
O dulce refrigerium,  
Amare Dei filium!

Æterna Sapientia,  
Tibi, Patrique gloria,  
Cum Spiritu paraclito,  
In sempiterna sæcula. Amen.

## P S A L M V S.

Psal. 50.

**C**OR mundum crea in me Deus: & spiritum rectum innoua in visceribus meis.

Ne proijcias me à facie tua: & spiritum sanctum tuum ne auferas à me.

Redde mihi lætitiā salutaris tui: & spiritu principali confirma me. Gloria Patri, &c.

*Antiph.* Necdum erant abyssi, & ego parturiebar: quando præparabat cœlos, aderam, cum eo eram cuncta componens.

## CAPITVLVM.

**S**APIËTIA speciosior est sole, & super omnem dispositionem stellarum luci comparata inuenitur prior. Deo gratias.

*Resp.* A solis ortu, Vsq̃ue ad occasum. A solis ortu. *Vers.* Laudabile nomen Domini. Vsq̃ue

ad

ad occasum. Gloria Patri, & Filio, & Spiritui sancto. A solis ortu vsque ad occasum.

*Vers.* Sapientia requiescit in corde eius.

*Resp.* Et prudentia in sermone oris illius.

Oremus.

**I**Nfunde, quæsumus Domine, cordibus nostris lumen Sapientiæ tuæ, vt te veraciter agnoscamus, & fideliter diligamus, per eundem Dominum nostrum, &c. Benedicamus Domino, &c. *vt supra*

#### AD VESPERAS.

**S**alutem mentis & corporis donet nobis IESVS Sapientia Patris.

Deus in adiutorium meum intende.

Domine ad adiuuandum. Gloria Patri. Sicut erat.

#### PSALMVS.

**R**edemptionem misit Dominus populo suo: mandauit in æternum testamentum suum. *Psal. 110.*

Sanctum & terribile nomen eius: initium sapientiæ timor Domini.

Intellectus bonus omnibus facientibus eum: laudatio eius manet in sæculum sæculi.

Gloria Patri, & Filio: & Spiritui sancto.

Sicut erat in principio.

*Antiph.* Omnis Sapientia à Domino Deo est, cum illo fuit semper, & est ante æuum. *Eccli. 1.*

#### CAPITVLVM.

**H**ANC (SAPIENTIAM) amaui & exquisiui à iuuentute mea, quæsiui mihi sponsam assumere, & amator factus sum formæ illius.

*Resp.* Deo gratias.



## HYMNVS.

Bernard.

**I**ESV sole serenior,  
 Et balsamo suauior,  
 Omni dulcore dulcior,  
 Præ cunctis amabilior.  
 Cuius gustus sic afficit,  
 Cuius odor sic reficit,  
 In quo mens mea deficit,  
 Solus amanti sufficit.  
 Tu mentis delectatio,  
 Amoris consummatio:  
 Tu mea gloriatio,  
 IESV mundi saluatio.  
 IESVS auctor clementiæ,  
 Totius spes lætitiæ,  
 Dulcoris fons & gratiæ,  
 Veræ cordis delitiæ.  
 Æterna Sapientia,  
 Tibi, Patri que gloria, &c.

*Vers.* Ego autem in Domino gaudebo.

*Resp.* Et exultabo in Deo IESV meo.

*Ad Magnificat, Antiph.* O oriens.

**M**agnificat: anima mea Dominum.  
 Et exultauit spiritus meus: in Deo salu-  
 tari meo.

Quia respexit humilitatē ancillę suę: ecce enim  
 ex hoc beatam me dicent omnes generationes.  
 Quia fecit mihi magna, qui potens est: & san-  
 ctum nomen eius.

Et misericordia eius à progenie in progenies:  
 timentibus eum.

Fecit potentiam in brachio suo: dispersit su-  
 perbos

perbos mente cordis sui.

Deposuit potētes de sede: & exaltauit humiles.  
Esurientes impleuit bonis: & diuites dimisit  
inanes.

Suscepit Israël puerum suum: recordatus mi-  
sericordiæ suæ.

Sicut locutus est ad patres nostros: Abraham,  
& semini eius in sæcula.

Gloria Patri, &c.

*Antiph.* O oriens splendor lucis æternæ, &  
sol iustitiæ, veni & illumina sedentes in tene-  
bris, & umbra mortis.

Domine exaudi, *ut supra.*

Oremus.

**D**Eus, qui per coæternam tibi Sapientiam,  
hominem, cū non esset, condidisti, per-  
ditumq. misericorditer reformasti: præsta que-  
sumus; ut eadem corda nostra inspirāte, te tota  
mente amemus, & ad te toto corde curramus.  
Per eundem Dominum nostrum, &c.

Benedicamus, *ut supra.*

#### AD COMPLETORIVM.

**S**alutem mentis & corporis, donet nobis  
I E S V S Sapientia Patris.

Conuertere nos Deus salutaris noster, & auerte  
iram tuam à nobis.

Deus in adiutorium meum intende.

Domine ad adiuuandum me festina.

Gloria Patri, &c. Amen. Alleluia.

#### PSALMVS.

**I**llumina oculos meos, ne vmquam obdor-  
miam in morte: ne quando dicat inimicus  
meus, Præualui aduersus eum.

*Psal. 12.*

Qui tribulant me, exultabunt si motus fuero:  
ego autem in misericordia tua speravi.

Exultabit cor meum in salutare tuo: cantabo Domino qui bona tribuit mihi, & psallam nomini Domini altissimi.

Gloria Patri, & Filio: & Spiritui sancto.

Sicut erat in principio, &c.

*Eccli. 24. Antiph.* Ego in altissimis habito, & thronus meus in columna nubis.

#### CAPITVLVM.

**S**obrietatem & Sapientiam docet, & iustitiam & virtutem: quibus nihil est vtilius in vita hominibus. Deo gratias.

*Resp.* In pace in idipsum, Dormiam & requiescam. In pace. *Vers.* Si dederō somnum oculis meis, & palpebris meis dormitationem. Dormiam & requiescam. Gloria Patri, & Filio, & Spiritui sancto. In pace in idipsum, dormiam & requiescam.

*Vers.* In pace factus est locus eius.

*Resp.* Et habitatio eius in sancta Sion.

#### H Y M N V S.

**I**Esus in pace imperat,  
Qui omnem sensum superat:  
Hunc mea mens desiderat,  
Et illo frui properat.  
Te cæli chorus prædicat,  
Et tuas laudes replicat:  
**I E S V S** orbem lætificat,  
Et nos Deo pacificat.  
Quem prosequamur laudibus,  
Votis, hymnis, & precibus:



Et nos donet cælestibus  
Secum perfrui sedibus.

Æterna Sapientia,  
Tibi, Patrique gloria,  
Cum Spiritu paraclito,  
In sempiterna sæcula.

*Vers.* In pace factus est locus eius.

*Resp.* Et habitatio eius in sancta Sion.

*Antiphona.* O Rex gloriose.

**N**unc dimittis seruum tuum Domine: secundum verbum tuum in pace.

Quia viderunt oculi mei: salutare tuum,

Quod paraisti: ante faciem omnium populorum.  
Lumen ad reuelationem gentium: & gloriam  
plebis tuæ Israel.


Gloria Patri, &c.

*Antiph.* O Rex gloriose, qui inter Sanctos tuos semper es laudabilis, & lumen ineffabile: tu in nobis es Domine, & nomen sanctum tuum inuocatum est super nos: ne derelinquas nos Deus noster, sed in die iudicii nos collocare digneris inter Sanctos & electos tuos Rex benedicte. Domine exaudi, &c.

Oremus.

**F**ragilitatem nostram quæsumus Domine propitius respice, & saporem nobis æternæ sapientiæ benignus infunde: ut eius dulcedine melliflua prægustata, omnia terrena valeamus despiciere, & tibi summo bono ardenti desiderio iugiter adhærere. Per eundem Dominum nostrum, &c.

Benedicamus Domino, &c.



# CAPVT TERTIVM

## DE VENERABILI

## EVCHARISTIA.

Elogia quæ SS. EVCHARISTIAE  
à sacra Scriptura & Patribus  
tribuuntur.

### AVCTORITATES.

1. *Matth.* 16. 2. *Ambros.* in *Psal.* 118. 3. *Aug.* in  
*Psal.* 98. 4. *Conc. Flor.* 5. *Amb.* *Orat. funeb.* 6. *Chrys-*  
*ost.* *Hom.* 83. in *Matth.* 7. *Sap.* 6. 8. *Chrys.* in *Psal.* 95.  
9. *Exod.* 12. 10. *Conc. Trid. sess.* 13. *cap.* 2. 11. *Cyrrill.* in  
*Ioan.* lib. 4. *cap.* 43. 12. & 13. *ibidem.* 14. 1. *Cor.* 10.  
15. 2. *Reg.* 19. 16. *Conc. Trident. sess.* 13. *cap.* 2. 17. *Dio-*  
*nys.* *cap.* 2. *Eccles.* *Hierar.* 18. *Theophyl.* in 6. *cap.* *Ioan.*  
19. *Damasc.* lib. 4. *Fid.* *cap.* 14. 20. *Orig.* lib. 8. *cōtra Cel-*  
*sum.* 21. *Isa.* *cap.* 45. 22. *Dionys.* *ut sup.* 23. *Conc.*  
*Trid. sess.* 22. *cap.* 2. 24. *Damasc.* *ut sup.* 25. *Clemens*  
*de reliq. & vener. Sanct.* 26. *Chrys.* *de Sacerd.* lib. 5. *cap.*  
3. 27. *Psal.* 110. 28. *Iren.* *contra heres.* lib. 5. 29. *Psal.*  
80. 30. *Zach.* 9. 31. *Ambros.* lib. 5. *cap.* 3. *de Sacerd.*  
32. *Cyrril.* *de lap.* 33. *Chrys.* *Hom.* 17. *ad Heb.* 34. *Hie-*  
*ronym.* *cap.* 1. *ad Tit.* *Conc.* *Ephes.* 35. *Daniel.* 12.  
36. *Chrysost.* *Hom.* 49. in *Matth.* 37. *Ambr.* *Or. prap.*  
38. *Cyp.* *de cœna.* 39. *Matth.* 26. 40. *Psal.* 110. & 22.  
41. *Num.* 4. 42. *Clem.* *sup.* 4. *Thom.* *Aqui.* 44. *Hieron.*  
*epist.* 17. *ad Marcol.* 45. *Can. Mis.* 46. *Chrysost.* *Hom.*  
83. in *Matth.* & lib. 3. *de Sacerd.* 47. *Cyrrill.* lib. 11. in  
26. *Ioan.* 48. *Conc. Lat.* *cap.* 1. 49. *Nazianz.* in *Iu-*  
*lian.* 50. *Bernard.* *Serm.* *de cœna.* 51. *ibidem* & 1.  
*Cor.* 10. 52. *Psal.* 103. 53. *Matth.* 7. *Ioan.* 6. 54. *Ec-*  
*cles.* 34. 55. *Gen.* 49. 56. *Matth.* 6. 57. *Ignat.* *epistola*



ad Ephes. 58 Trid. Conc. sup. 59. Cyril. cap. 5. in Mis-  
sa. 60. Bas. in Liturg. 61. Emiss. hom. 5. in pas. 62. Hi-  
lar. lib. 8. de Trinit. 63. Aug. 26. in Ioan. 64. idem.  
65. Clem. ut sup. 66. Dionys. Hier. Eccles. cap. 2. & 3.  
67. Aug. ut sup. 68. Conc. Trid. 69. Clem. lib. 6. Const.  
cap. 23. 70. Theoph. in 14. Matth. 71. Conc. Later.  
cap. 1. 72. ibidem. 73. Aug. lib. 10. de Ciuit. cap. 20.  
74. Paulinus in vita S. Ambros. 75. August. 26. in Ioan.  
76. Cyril. lib. 4. in Ioan. cap. 17. 77. idem. 78. Zach. 9.



S. Thom.  
Aquinas.

ON sine grauissima & omni  
fide digna causa de hoc SAN-  
CTISSIMO SACRAMEN-  
TO canit Ecclesia;

O sacrum conuiuium, in  
quo Christus sumitur, recolitur  
memoria passionis eius, mens impletur gra-  
tia, & futuræ gloriæ nobis pignus datur!

Vnde & à SS. Patribus variis titulis hoc  
epulum adornatur & prædicatur, ut cùm pas-  
sim vocatur

- 1 Panis Angelorum.
- 2 Cibus Apostolicus.
- 3 Adorandum Christi corpus.
- 4 Adunatio hominis ad Christum.
- 5 Æternum mysterium.
- 6 Alimentum spiritale.
- 7 Angelorum esca.
- 8 Angelicum, cæleste, summeque veneran-  
dum sacrificium.
- 9 Agnus absque macula.
- 10 Animarum potus & esca.
- 11 Benedictio mystica.
- 12 Benedictio viuificatiua.

Bene-

Beneficium Christi præstantissimum.	
Calix benedictionis.	13
Caro Christi viuificatrix & mundi vita.	14
Cibus in cuius fortitudine itur ad montem Dei.	15
Cæleste antidotum quo à peccatis præferuamur.	16
Communicatio deifica & mystica corporis & sanguinis Christi.	17
Communis totius orbis victima.	
Consummatio Sacramentorum.	
Corporalis unio ad Christum, & substantialis filij participatio.	
Corpus Christi verum, cor hominis confirmans.	18
Corpus Domini deificatum, sanctum & sanctificans.	19
Corpus crucifixi viuificatiuum.	20
Deus absconditus & Saluator.	21
Diuinæ affluentia largitatis.	22
Diuinum & propitiatorium sacrificium.	23
Diuinus carbo comburens peccata, & illuminans corda nostra.	24
Donum transcendens omnem plenitudinem.	25
Dulcissimum conuiuium, cui assistūt Angeli ministrantes.	26
Esca timentibus Dominum.	27
Eucharistia corporis & sanguinis Christi.	28
Frumenti adeps satians nos.	29
Frumentum electorum.	30
Gratia Christi salutaris,	31

- 32 Gratia Christi viuificatiua.  
33 Hostia pura & incruenta nos mundans.  
34 Incruenta, rationalis, & suauis victima.  
35 Iuge sacrificium.  
36 Magnum salutis nostræ pretium.  
37 Manna absconditum.  
38 Medicamētum & holocaustum ad sanan-  
das infirmitates, & purgādas iniquitates.  
39 Memoria passionis Christi, & mirabi-  
lium Domini.  
40 Mensa Domini, aduersus eos qui tribu-  
lant nos.  
41 Mensa propositionis, & dulcissimi con-  
uiuij.  
42 Memoriale præcipuum diuini amoris.  
43 Mirabile Sacramentum. Quippe quod pec-  
cata præterita remittat quæ obliuione excide-  
runt, confirmet aduersum futura, debilitet vi-  
tiosos animi impetus, tentationes minuat, ad  
pietatis studium incitet, intelligentiam illumi-  
net, accendat affectum, spem confirmet, con-  
scientiam exhilararet, participes nos faciat me-  
ritorum Christi, armet fortes vt strenuè cum  
diabolo decertent, pœnas peccati minuat, nos-  
que Deo coniungat, vniat, incorporet, & Dei-  
feros faciat.  
44 Mysterium Christianorum in Saluatoris  
corpore & sanguine dedicatum.  
45 Mysterium fidei & pacis, maximè ve-  
rendum.  
46 Mysterium pietatis terram nobis cælum  
faciens.



Myſterium noſtræ redemptionis & vni- tatis quo Chriſto vnimur.	47
Noui Teſtamenti noua oblatio.	48
Offerens & oblatio.	49
Panis benedictionis, Deiſer, ſanctificatus, & cor hominis confortans.	50
Panis filiorū Dei, in cuius fractione Chri- ſtus agnoſcitur.	51
Panis vitæ, vitam præſtans homini, qui de cælo deſcēdit, & qui caro eſt, pro mun- di vita.	52
Panis egentium, & vita pauperum.	53
Panis ſuauiſſimus omne delectamentum in ſe habens.	54
Panis ſubſtantialis, animæ ſubſtantiam fulciens.	
Panis in Dei Verbi corpus immutatus.	
Panis omnipotentia Verbi caro factus.	
Panis pinguis & delitiæ regum.	55
Panis ſuperſubſtantialis.	56
Pharmacum immortalitatis.	57
Pignus futuræ gloriæ & perpetuæ felici- tatis.	58
Propitiationis hoſtia.	59
Purum ac immaculatum corpus Chriſti.	
Rationabile ſacrificium, ac victima peren- nis.	60
Reſectio animarum ſanctarum.	61
Sacramentum panis, & communicatio carnis & ſanguinis Chriſti.	62
Sacra oblatio & ſacrificium omnium ſan- ctiſſimum.	63

- 64 Salutiferum & omni suauitate repletum  
conuiuium.
- 65 Stupendum supra omnia miraculum.
- 66 Sacratissima Dominicæ passionis com-  
memoratio.
- 67 Signum vnitatis, & spiritalis animarum  
cibus.
- 68 Spiritus dulcedo in proprio fonte degu-  
stata.
- 69 Symbolum gratiarum actionis, diuino-  
rum mysteriorum corporis & sanguinis  
Christi.
- 70 Transelementatio panis & vini in corpus  
& sanguinem Christi.
- 71 Transubstantiatus panis.
- 72 Tremendum, impollutum, vitaleque Sa-  
cramentum.
- 73 Verum Ecclesiæ sacrificium.
- 74 Verè propitiatoriū pro viuis & defunctis.
- 75 Viaticum animarum, & in Domino mo-  
rientium.
- 76 Vinculum charitatis.
- 77 Viuifica sanctificatio.
- 78 Vinum germinans virgines.
- Cum ergo talis sit hic animarum cibus, &  
perpetua passionis Domini recordatio; roge-  
mus eundem Dominum Filium Dei viui, sub  
hoc velamine Sacramenti tectum;  
Vt nos ab indigna corporis & sanguinis  
sumptione,  
A concupiscentia carnis,  
A concupiscentia oculorum,

A superbia vitæ,

Ab omni peccandi occasione liberet.

Et hoc quidem

Per desiderium illud quo hoc Pascha cum  
Discipulis manducare desiderauit.

Per summam humilitatem qua Discipu-  
lorum pedes lauit.

Per ardentissimam charitatem qua hoc  
diuinum Sacramentum instituit.

Rogemus insuper vt nobis fidem, reueren-  
tiam, deuotionem huius admirabilis Sacra-  
menti augere, & conseruare, & ad frequentem  
vsum Eucharistiæ per veram peccatorum con-  
fessionem nos perducere dignetur. Ad hoc nos  
exhortatur D. Petrus Damianus, dicens: Et  
quia Redemptor noster de cælo veniens car-  
nem suscepit ex Virgine, hæc est terra illa vi-  
uentium ad quam debemus intentis semper  
amoris gressibus festinare. Hunc sponsum ve-  
nerabilis soror veræ charitatis vlnis amplecte-  
re semper, hoc iugiter delectare in Domino, &  
dabit tibi petitiones cordis tui. Huius Corpus  
& Sanguinem in ore carnis crebrius suscipe, vt  
hanc eius vocem meritò possis audire: Fauus  
distillans labia tua sponsa; mel & lac sub lin-  
gua tua. Terretur enim aduersarius, cum Chri-  
stiani labia videt Christi cruore rubētia. Agno-  
scit enim præstò suæ perditionis indicium; &  
diuinæ victoriæ, qua captiuatus est & obtritus,  
non tolerat instrumentum. Christus ergo per  
mysterium suum tibi videatur in ore, & Chri-  
stus per sui amoris incēdium tibi semper viuet

*Epist. ad  
Blancam  
cap. 3.*



*Epist. 10.**Lib. 3. de  
Sacram.  
c. 4.*

in corde. Item S. Ignatius Martyr sic ait: Festinate frequenter ad Eucharistiam & gloriam Dei accedere. Quando enim hoc ipsum assidue agitur, expelluntur potestates Satanæ, qui actus suos conuertit in sagittas ignitas ad peccatum. Et D. Ambrosius: Si quotidianus est panis, cur post annum illum sumis, quemadmodum Græci in Oriente facere cōsueuerunt? Accipe quotidie, quod quotidie tibi profit: sic viue vt merearis quotidie accipere. Qui non meretur quotidie accipere, non meretur post annum accipere. Adde insuper iuxta D. Vincentij sententiam, optimam esse terribiles illas Purgatorij pœnas ac flammæ euadendi rationem, si huius Sacramenti pretiosos fructus frequenter percipias; ac in hora mortis, eodem cælesti viatico conforteris & muniaris.

Hunc in finem Psalmum, cum Orationibus aliis sequentibus, sæpè, ac imprimis tempore sacræ refectionis adhibe, sensusque eius mysticos diligenter perpende.

## P S A L M V S.

*Psal. 22.*

**D**ominus regit me, & nihil mihi deerit: in loco pascuæ ibi me collocauit.

Super aquam refectionis educauit me: animam meam conuertit.

Deduxit me super semitas iustitiæ: propter nomen suum.

Nam & si ambulauero in medio umbræ mortis: non timebo mala, quoniam tu mecum es.

Virga tua, & baculus tuus: ipsa me consolata sunt.

Parasti

Parasti in conspectu meo mensam : aduersus eos qui tribulant me.

Impinguasti in oleo caput meū : & calix meus inebrians quā prælatus est!

Et misericordia tua subsequetur me : omnibus diebus vitæ meæ.

Et vt inhabitem in domo Domini : in longitudinem dierum. Gloria Patri, &c.

*Vers.* Panem cæli dedit eis.

*Resp.* Panem Angelorum manducauit homo.

#### ORATIO.

**D**Eus, qui nobis sub Sacramento mirabili passionis tuæ memoriam reliquisti : tribue quæsumus, ita nos corporis & sanguinis tui sacra mysteria venerari, vt redemptionis tuæ fructum in nobis iugiter sentiamus. Qui viuīs, &c.

#### ORATIONES

*ante sacram* COMMUNIONEM.

**A**D mensam dulcissimi conuiuij tui, pie Domine I E S V Christe, ego peccator de proprijs meritis nihil præsumens, sed de tua confidens misericordia & bonitate, accedere vereor & contremisco. Nam & cor & corpus habeo multis criminibus maculatum, mentem & linguam non cautè custoditam. Ergo, ô pia deitas, ô tremenda maiestas : ego miser inter angustias deprehensus, ad te fontem misericordiæ recurro: ad te festino sanādu: sub tuam protectionem fugio; & quem iudicem sustinere nequeo, Saluatorem habere suspiro. Tibi

Domini-

Domine plagas meas ostendo, tibi verëcundiam meam detego: scio peccata mea multa & magna, pro quibus timeo; spero misericordias tuas, quarum non est numerus. Respice in me oculis misericordię tuę Domine IESV Christe, Rex ęterne, Deus & homo, crucifixus propter hominem. Exaudi me sperantem in te: misere-re mei pleni miserijs & peccatis, tu qui fontem miserationis numquam manare cessabis. Salve salutaris victima, pro me & omni humano genere in patibulo crucis oblata. Salve nobilis & pretiose sanguis, de vulneribus crucifixi Domini mei IESV Christi profluens, & peccata totius mundi abluens. Recordare Domine creaturę tuę, quam tuo sanguine redemisti: pœnitet me peccasse, cupio emendare quod feci. Aufer ergo à me, clementissime Pater, omnes iniquitates & peccata mea: vt purificatus mente & corpore, dignè degustare merear sancta sanctorum: & concede vt sancta pręlibatio Corporis & Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, bonorumque sensuum regeneratio, operumque tibi placentium salubris efficacia, animę quoque & corporis contra inimicorum meorum insidias firmissima tuitio. Amen.

ORATIO *S. Thomę Aquinatis.*

**O**Mnipotens sempiternę Deus, ecce accedo ad sacramentum vnigeniti Filij tui Domini nostri IESV Christi. Accedo tamquam  
 infir-



infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper & egenus ad Dominum cæli & terræ. Rogo ergo immensæ largitatis tuæ abundantiam, quatenus meam curare digneris infirmitatem, lauare fœditatem, illuminare cæcitatem, ditare paupertatem, vestire nuditatem: vt panem Angelorum, Regem regum, Dominum dominantium, tanta suscipiam reuerentia & humilitate, tanta contritione & deuotione, tanta puritate & fide, tali proposito & intentione, sicut expedit salutis animæ meæ. Da mihi quæso Dominici corporis & sanguinis, non solum suscipere sacramentum, sed etiam rem & virtutem sacramenti. O mitissime Deus, da mihi corpus vnigeniti Filij tui Domini nostri Iesu Christi, quod traxit de Virgine Maria, sic suscipere, vt corpori suo mystico merear incorporari, & inter eius membra numerari. O amantissime Pater, concede mihi dilectum Filium tuum, quem nunc velatum in via suscipere propono, reuelata tandem facie perpetuo contemplari.

*Alia ORATIO.*

**D**omine Iesu Christe, qui hoc Sacramento amoris & pietatis infinitæ, memoriam mihi renouas passionis illius & mortis, quam inter dolores & ignominias crucis extremas immaculatus agnus passus es, pro meis & mundi peccatis ac miseriis tollendis, & pro felicitate æterna mihi communicanda: hauriam ego ex vulneribus tuis, hauriam ex liuore corporis

tui; in quo à planta pedis vsque ad verticem capitis, non erat sanitas; hauriam ex illo sanguine tam affluenter, tanto ardore charitatis effusò, hauriam, inquam, ardentem charitatem, & amorem tui. Inflammet me hoc ipsum præsens beneficium tuum, Domine I E S V Christe, qui tanta cum pietate mihi te communicas, tam familiariter & intimè mihi coniungeris: nec solùm domum meā pauperem non dedignaris, & plagas meas non exhorres; sed & corpore etiam & sanguine tuo sanctissimo ad me sanandum, præseruandum & confirmandum, medicinam conficis. O pijssime I E S V, an deerant tibi omnipotenti alij modi reparandi & adiuuandi me, & ad vltimum finem deducendi? Non sanè; sed hoc eligere, vt amorem in me & pietatem abundantius demonstrares, voluisti. Quem erga amorem, bonitas infinita, quam gratitudinem huic beneficentiæ & amori tuo retribuam? Quid ergo agere, quid pati propter te dignè potero? Auge tu ipse in me precor, dona gratiæ tuæ; vt plus habeam quod impendam seruitio tuo. Deus meus, & omnia; quid ego bonorum tuorum non sperabo à te? cùm etiam te ipsum mihi tam amanter donaueris? cùm in te omnia illa esse videam, quæ spem maximam excitare solent. Potes enim & vis mihi benefacere; potes quidem omne bonum conferre, quia omnipotens es; & indigentias meas non ignoras. Quomodo ergo; si ipsi coniungar fonti, imò mari immenso & inexhausto bonorum omnium; non hauriam aquas cum gaudio

gaudio de fontibus Saluatoris? Vis etiam omne bonum conferre, qui summè benignus es; quia magis quàm ego ipse me diligis; quia magis tu conferre, quàm ego recipere, desideras: & ne defectus meritorum me à tua liberalitate excludat, tua ipse merita mihi donas, qui mihi iustitia factus es in conspectu Diuinę tuę sanctitatis. Magnanimiter ergo, spes mea, bonorum tuorum communicationem copiosam à te sperabo; & vt meam paupertatem omnium virtutum & gratiarum spiritualium thesauris locupletes, petam per te metipsum. Qui cum Deo Patre, &c.

*Aliquot considerationes ad excitandum maiorem affectum erga Venerabile SACRAMENTVM vtilis, per modum meditationis vsurpanda.*

1. **Q** Vis ego sum, benignissime Iesu, vt desiderio apud me manendi tenearis? Num vilissimam originem meam ignoras? Non sum ex numero cælestium illarum legionum. non sum Seraphim, non Archangelus, non Angelus, nec aliquis ex sacratissimis spiritibus. Homo sum, qui antè nihil fui, ex terræ limo ducens initium. Quid igitur reperis in me, quod te tantopere delectet, & ad me inuitet?

2. Sed fortasse, ô speciosissime forma præ filiis hominum, delitiæ tuæ sunt esse cum filiis hominum. Verùm non sum ego Moses, non Abraham, non Iacob. Longè absum à sanctitate Ioannis, à puritate B. Mariæ Virginis, à charitate Apostolorum, à Sanctorum tuorum perfectione. Peccator sum, tua præsentia indignus,



qui te pro fœda voluptate & lucro temporali non semel Iudæis vendidi : & ego te iam cum Iuda deosculabor ? & velut Regem Iudæorum salutans, arundine, hoc est, vacuitate virtutum & leuitate nimia animæ meæ, caput tuum percutiam?

3. Si S. Ioannes Baptista in ventre matris sanctificatus, vir tantus, & tam admirabilis, non reputat se dignum, qui te tangat, aut soluat corrigiam calceamenti tui : si Petrus Apostolorum princeps præsentiam tuam in nauicula sua extimescens dicit : Exi à me Domine, quia homo peccator sum : si Centurio indignum se ducit, sub cuius intres tectum : quomodo ego, totus non solum in peccatis natus, sed innumeris etiam propriis criminibus opertus, audebo te non dicam tangere, sed etiam in me accipere, & manducare?

4. Si Oza Sacerdos, tantum quod Arcam Testamenti attigisset, non ea qua debuit reuerentia & puritate, repentina morte punitus est: si Bethsamitarum 50. millia occubuerunt, quod curiosè & irreuerenter eandem Arcam adspexissent : non erit mihi timendum, qui non accedo ad tangendam vel inspiciendam Arcam Testamenti, sed ad diuinissimum corpus tuum, Arcam scilicet veram Testamenti, in qua inclusi sunt omnes thesauri sapientiæ & potentiæ Dei, complectendum & manducandum?

5. Sed tamen, quoniã memini Domine, quia meretricem suscepisti ; quia cum peccatoribus manducaſti ; quia gratiores tibi multò fuerunt

Magda-

Magdalenæ lacrymæ, quàm Pharifæi epulæ; quia non indignatus es à muliere, profluuiio sanguinis laborante, fimbriam vestimenti tangi; quia cæcos, claudos, immundos, leprosos ad te appropinquantem non reiecisti; venio ad te alacris, & bona spe plenus. Quare, ô bone IESV, venientem me recipe, ac tibi per hunc mysticum panem, quem in me accipere ardeo, coniunge.

6. Si me, ô suauissime IESV, ab hac mensa iustissimus timor, quem magnitudo scelerum meorum generat, abducit & abstrahit; ad eam spes & amor, quem cognita miserationum tuarum immensitas parit, inuitant &urgent. Scio te esse qui dixisti: Non veni vocare iustos, sed peccatores; & non est opus medico sanis, sed malè habentibus. Ideoque Zachæo Publicano tui videndi desiderio æstuanti, non ostendisti te tantum, sed & eum benignè compellasti; ad eius domum accedere, cum eo agere & manducare voluisti. Vt quid ergo de tua misericordia, bone IESV, diffidam? Cur ad mensam tuam inuitatus adire refugiam? imò cur ad eam non prouoleam? In ea enim pharmacum salutis, antidotum contra infirmitates meas potentissimum porriges: in ea propinabis mihi vinum, quod germinare facit virgines, quod serpentes interimit, quod vitam mortuis restituit: in ea, si infirmus sum, me confido sanandum; si debilis, confortandum; si viuus, magis viuificandum; si mortuus, ad vitam reuocandum; si tepidus, accendendum; si cæcus, illuminandum; si

elusus, erigendum; si nudus, vestiendum; si fordidus, abluendum; si pauper, ditandum. Venio ergo Domine: ostende mihi faciem tuam, ingredi in domum meam: dic quia salus facta est domui huic: & cur non salus illi fiet, si ad eam Saluator accesserit?

*Aspirationes aliquot, spiritualement famem ardensque desiderium huius SANCTISSIMI SACRAMENTI excitantes.*

1. **Q**uid tibi Domine IESU, ut venias ad me, atque sic te mihi communices? Quis enim tu, & quis ego? Tu creator, ego creatura: tu Dominus, ego seruus: tu Deus, ego limus: tu qui es, ego nihil: tu sanctitas ipsa, & bonitas & beatitudo, ego impius, flagitiosus, & infelix. Cur ergo ad me properas? cur mortem minaris, nisi te accepero? An tu fortassis pro amore mei nescis, quis, qualis, & quantus sis? sed quia scis, ac me tamen adire vis, non refugio, non tergiverfor. Veni ergo Domine, & noli tardare: tui enim amore langueo.

2. Euge anima mea, annuntio tibi gaudium magnum, gaude & letare; quia venit ad te creator tuus, pater, pastor, sponsus tuus, Deus & homo Christus IESUS, cuius deliciae sunt esse cum filiis hominum. Compone te ergo, & dilatare ad tantum hospitem capiendum, euacua locum cordis tui. Ecce nunc amplissimo beatissimae diuinitatis, sanctissimae animae, corporis gloriosissimi, sanguinis pretiosissimi munere auctam te esse desiderat. Occurre illi cum muneribus: sed quid tibi offeram bone IESU?

Quid



Quid me opus habes, qui omnia habes? si me totum dederò, quantulum id est? si quod aliàs facere assoles, cor meum petis, illud tibi offerre non audeo: est enim immundum, est frigidum, est asperum, est planè te indignum. Quòd si omnino dari tibi vis; offero penitus, & qualecumque sit dono: si enim immundum est, purissimo sanguinis tui balneo, quod mihi paratur in hoc Sacramento lauabis: si frigidum, caritatis tuæ non tam igne quàm incendio, quod in Eucharistia feruet, accendes: si durum & asperum, benignitatis tuæ oleo, gratiæque unguento, cuius plena sunt hæc mysteria, lenies: atque sic lotum, accensum, mollium nec prorsus tua misericordia indignum cor meum accipies, & cor mihi tuum porriges. Accipe me tibi bone I E S V, & te totum dona mihi; accipe cum corde meo, totum amorem meum, & porrige amorem tuum.

3. Scio, ô bone I E S V, dulcedo cordis mei, vita animæ meæ, æternum bonum meum, quia amas me. Quæ enim alia fuit causâ, ut dum se Iudas componeret ad tui prodicionem, tu horum quasi nescius Sacramentum hoc institueres; nisi ut vicissim parares nobis amoris funes & vincula, quibus nos tibi constringeres, & gloriam qua nos æternum beares? nisi ut passionis tuæ viam nobis relinqueres memoriam, qua procuratæ nobis per eâ salutis, demonstratæque tuæ admirabilis & planè nimis charitatis essemus perpetuò memores. Agnosco mysterium, agnosco charitatem: de qua verissimè

scriptum; quia aquæ multæ (Passionis scilicet) non potuerunt extinguere, nec flumina dolorū obruere eam. Quocircā vt eo caritatis igne incalescam, vt gratam vicem amoris repēdam, vt à te nullis cruciatibus desciscam, venio ad te bone IESV: os meum, per hanc participationem corporis tui, lateri tuo applicare, & sanguinem tuum exsugere ardeo. Sic enim magnitudinem amoris tui non tantū intelligam, sed & palpabo quasi, & intimis præcordiis sentiam; vt in me semper maneat, & ego in te. Veni ergo Domine, & noli tardare.

4. Scio, amator hominum suauissime IESV, dum corpori tuo pretioso communico, fieri me templum viuū Spiritus sancti; tabernaculum S<sup>m</sup> Trinitatis, sepulchrū viuū tuū, hospitem etiam tuū; imò animam meam fieri sponsam tibi dilectissimam: ideoq. quem admodum desiderat ceruus ad fontes aquarum, ita desiderat anima mea ad te Deus: vt in me habites, apud me commoreris, in me viuas, & ego in te: ac non iam te conuertam in me, sed conuertar in te, qui es vita & salus mea vnicā. Festina ergo Domine, ne tardaueris: patent tibi cordis mei penetralia: compositum sepulchrum; in quo non 40. horis, vt in illo lapideo, sed in perpetuum conquiescas.

5. Non ignoro, pietissime IESV, carnem meam, dum communico, tangi à benedicta carne tua; manus me tuas osculari, complecti sacrum caput: tui propterea sumendi desiderio exæstuo. Scio, dum te in me accipio, quem-

dam

dam quasi fieri cælestem paradysum : vbi enim Deus est, ibi & paradysus est. Cupio ergo ex te audire iam glorioso, quod olim à mortali & crucifixo audiit latro : Fili mi, hodie mecum eris in paradiso. Scio denique, dum communico, fieri me aulicum tuum, assidere mensæ regię, vesci epulo pretiosissimo, pane Angelorum, delicias cæli prægustare, gratia compleri, futuræ gloriæ pignus accipere, ac denique bonis omnibus cumulari. Eapropter cor meum & caro mea exultant in te Deum suum; ad tuas delicias, ad tuum conuiuium anhelant. Ergo, ô bone IESV, dulcissime & amantissime IESV, delicia meæ, amor meus, æternum bonum meum, melliflue & desideratissime IESV, miserere mei, coniunge me tibi, quia ego seruus tuus sum, & filius ancillæ tuæ Ecclesiæ & Mariæ. Paratum tibi cor meum; fiat mihi secundum verbum tuum.

## O R A T I O N E S

*post sacram* COMMUNIONEM.

*Post Communionem agenda sunt confestim gratia, quod dignatus sit Deus ingredi in te, & suscipi à te. Quocirca oportune adieceris Psalmum sequentem.*

**L**audate Dominum omnes gentes : laudate eum omnes populi.

Quoniam confirmata est super nos misericordia eius : & veritas Domini manet in æternum. Gloria Patri, &c.

## O R A T I O.

**A** Nima Christi sanctifica me : corpus Christi salua me : sanguis Christi inebria



me: aqua lateris Christi laua me: Passio Christi conforta me: ô bone IESV exaudi me. Intra vulnera tua absconde me, & ne permittas me separari à te. Ab hoste maligno defende me. In hora mortis meæ voca me, & iube me venire ad te: vt cum Sanctis & electis laudem te: in sæcula sæculorum. Amen.

*Alia ORATIO S. Thome Aquinatis.*

**G**Ratias tibi ago, Domine sancte, Pater Omnipotens, æterne Deus, qui me peccatorem, indignum famulum tuum, nullis meis meritis, sed sola dignatione misericordiæ tuæ sariare dignatus es pretioso corpore & sanguine Filij tui Domini nostri Iesu Christi. Et precor vt hæc sancta communio non sit mihi reatus ad pœnam, sed intercessio salutaris ad veniam. Sit mihi armatura fidei, & scutum bonæ voluntatis: sit vitiorum meorum euacuatio, concupiscentiæ & libidinis exterminatio: charitatis & patientiæ, humilitatis & obedienciæ, omniumque virtutum augmentatio: contra insidias inimicorum omnium, tam visibilium quàm inuisibilium, firma defensio: motuum meorum, tam carnalium quàm spiritualium, perfecta quietatio: in te vno ac vero Deo firma adhæsiō: atque finis mei felix consummatio. Et precor te, vt ad illud ineffabile conuiuium me peccatorem perducere digneris, vbi tu cum Filio tuo & Spiritu sancto, Sanctis tuis es lux vera, satietas plena, gaudium sempiternum, iucunditas consummata, & felicitas perfecta. Per eundem Christum Dominum, &c.

R Y T H M V S *eiusdem sancti Thomæ.*

**A** Doro te deuotè latens Deitas,  
 Quæ sub his figuris verè latitas:  
 Tibi se cor meum totum subiicit,  
 Quia te contemplans, totum deficit.  
 Visus, tactus, gustus in te fallitur,  
 Sed auditu solo tutè creditur.  
 Credo quidquid dixit Dei Filius:  
 Nihil hoc verbo veritatis verius.  
 In cruce latebat sola Deitas,  
 At hîc latet simul & humanitas:  
 Ambo tamen credens atque confitens,  
 Peto quod petiuit latro pœnitens.  
 Plagas, sicut Thomas, non intueor,  
 Deum tamen meum te confiteor:  
 Fac me tibi semper magis credere,  
 In te spem habere, te diligere.  
 O memoriale mortis Domini,  
 Panis verus, vitam præstans homini:  
 Præsta meæ menti de te viuere,  
 Et te semper illi dulce sapere.  
 Pie pellicane I E S V Domine,  
 Me immundum, munda tuo sanguine:  
 Cuius vna stilla saluum facere,  
 Totum mundum quit ab omni scelere.  
 I E S V, quem velatum nunc aspicio,  
 Oro fiat illud, quod tam sitio,  
 Vt te reuelata cernens facie,  
 Visu sim beatus tuæ gloriæ. Amen.

## ORATIO S. Bonaventurae.

**T**Ransfige, dulcissime Domine IESV, medullas & viscera animæ meæ, suauissimo ac saluberrimo amoris tui vulnere, vera serenæque, & Apostolica sanctissima charitate, vt langueat & liquefiat anima mea solo semper amore & desiderio tui, te concupiscat, & deficiat in atria tua, cupiat dissolui & esse tecum, Da vt anima mea te esuriat, panem Angelorum, refectionem animarum sanctarum, panem nostrum quotidianum, supersubstantialem, habentem omnem dulcedinem & saporem, & omne delectamentum suauitatis: te, in quem desiderant Angeli prospicere, semper esuriat & comedat cor meum, & dulcedine saporis tui repleantur viscera animæ meæ: te semper sitiat fontem vitæ, fontem sapientiæ & scientiæ, fontem æterni luminis, torrentem voluptatis, vbertatem domus Dei: te semper ambiat, te quærat, te inueniat, ad te tendat, ad te perueniat, te meditetur, te loquatur, & omnia operetur in laudem & gloriam nominis tui, cum humilitate & discretione, cum dilectione & delectatione, cum facilitate & affectu, cum perseverantia vsque in finem: & tu sis solus semper spes mea, tota fiducia mea, diuitiæ meæ, delectatio mea, iucunditas mea, gaudiū meum, quies & tranquillitas mea, pax mea, suauitas mea, odor meus, dulcedo mea, cibus meus, refectionis mea, refugium meum, auxilium meum, sapientia mea, portio mea, possessio mea, thesaurus meus, in quo fixa & firma & immo-

biliter



b liter semper sit radicata mens mea, & cor meum. Amen.

*Alia ORATIO.*

**I**neffabilem misericordiam tuam, Domine IESV Christe, humiliter exoro, vt hoc Sacramentum corporis & sanguinis tui, quod indignus suscepi, sit mihi purgatio scelerum, sit fortitudo fragilium, sit contra mundi pericula firmamentum, sit impetratio veniæ, sit stabilimentum gratiæ, sit medicina vitæ, sit memoria tuæ passionis, sit contra debilitatem fomentum, sit viaticum meę peregrinationis. Euntem me conducatur, errantem me reducat, reuertentem me suscipiat, titubantem me teneat, cadentem me erigatur, & perseverantem me in gloriam introducat. O altissime Deus, beatissima præsentia corporis & sanguinis tui, sic immutet palatum cordis mei, vt præter te nullam vnquam sentiat dulcedinem, nullam amet pulchritudinem, nullū quærat illicitum amorem, nullam desideret consolationem, nullam admittat vnquam delectationem, nullum curet honorem, nullam timeat crudelitatem.

*ORATIO, qua petitur unio anima cum CHRISTO.*

**G**ratias ago tibi ex toto corde meo, Bonitas effusissima, abyssus infinitæ misericordiæ, qui tam indigenti seruo tuo omne bonum in teipso conferre, qui tam indigno peccatori fructum passionis & mortis tuæ, cum corpore & sanguine tuo sanctissimo, tam amanter applicare voluisti: gratias ago tibi de tanto

bene-

beneficio, & tam singulari, & de charitate illa inestimabili qua id mihi contulisti: & precor eandem bonitatem tuam, vt tua ipse dona in me conferues & augeas, ad honorem & gloriam tuam; sollicitam sensuum & linguæ & cogitationum custodiam tribuas; strenuè operari ex puro & feruenti amore tuo, quæ ad honorem tuum & proximorum salutem sunt, concedas; quò in omnibus actionibus meis tibi placeam, nec vñquam à me separeris, qui tam dignanter & intimè te mihi coniunxisti, donec in vnione beatissimæ gloriæ tuæ tibi adhæream. Amen.

*Oratio ad B. VIRGINEM MARIAM  
post Communionem.*

**C**ommando me tibi, sanctissima Virgo Maria, quæ in tuo sacratissimo vtero, eundem Dominum, quem ego modò suscepi, de Spiritu sancto conceptum dignè portasti. Precor te matrem Dei, vt pro me apud eundem Filium tuum intercedas: & si quacumque ratione, in summi Sacramenti huius sumptione deliqui, huius negligentia & indignitatis meæ veniam impetres. Tu semper casta, pura, innocens, post conceptum Filium, etiam castior, purior, sanctior, Deoque gravior euasisti. Vtinam & ego, tam diuini Sacramenti perceptione, ita sanctificer, vt deinceps cor & corpus meum ab omni letalis peccati macula tuear impollutum! Tu concepto Filio magnificas laudes Domino latè decantasti, & in Deo salutari tuo mirabiliter exultasti: tuis quæso efficacibus precibus

id assequar, Virgo mater, vt cum hac sacra Communionem nouum & ardentem spiritum coniungam, semper in gratiarum actione pie verfer, tantoque hospiti me numquam ingratum, sed fidum in omnibus ministrum exhibeam:

ORATIO *de sancta* COMMVNIONE  
*ex Concilio Tridentino.*

**O**Mnipotens sempiterne Deus, per viscera misericordiae Dei nostri, te rogo & obsecro: vt nos omnes & singuli, qui Christiano nomine censemur, in hoc unitatis signo, in hoc vinculo charitatis, in hoc concordiae symbolo, iam tandem aliquando conueniamus, & concordemus: memoresque tantae maiestatis, & tam eximij amoris IESU Christi Domini nostri, qui dilectam animam suam, in nostrae salutis pretium, & carnem suam nobis dedit ad manducandum; hac sacra mysteria corporis & sanguinis eius, ea fidei constantia & firmitate, ea animi deuotione, ea pietate & cultu credamus & veneremur, vt panem illum supersubstantialem frequenter suscipere possimus. Et is verè sit nobis animae vita, & perpetua sanitas mentis; cuius vigore confortati, ex huius miserae peregrinationis itinere, ad caelestem patriam peruenire valeamus, eundem Panem Angelorum, quem modò sub tacris velaminibus edimus, absque vllò velamine manducaturi. Per eundem Christum Dominum nostrum. Amen.

Seff. 13.  
c. 8.





## CAPVT QVARTVM

DE PASSIONE  
DOMINI NOSTRI  
IESV CHRISTI.

Vita & Passio Domini nostri  
IESV CHRISTI,  
*ex sacris Scripturis collecta.*



**I**A mente considera in genere, quomodo humiliavit semetipsum Dominus noster IESVS Christus, factus obediens vsq. ad mortem, mortem autem crucis: propter quod & Deus exaltauit illum, & donauit illi nomen, quod est super omne nomen; vt in nomine IESV omne genu flectatur, caelestium, terrestrium, & infernorum; & omnis lingua confiteatur, quia Dominus IESVS Christus in gloria est Dei Patris.

Deinde in particulari considera circumstantias omnes, quae se in eius vita sanctissima, & morte crudelissima, offerunt. Quomodo scilicet hic Dominus noster IESVS Christus secundum naturam diuinam Deus, splendor gloriae, & figura substantiae Patris, vt subsistens

- in vtraque natura Deus & homo, lit  
*Isaia 9.* Magni consilij Angelus.  
Princeps pacis.  
Sanctis Patribus promissus.  
Cunctis gentibus desideratus.  
In mundum à Patre missus.  
De Spiritu sancto conceptus.  
*Ioan. 1.* Verbum caro factum.  
*Isaia 7.* Nobiscum Deus.  
In formam serui factus.  
De Maria Virgine natus.  
*Luca 2.* A sua Genitrice adoratus.  
Pannis inuolutus.  
In præsepio reclinatus.  
Vbere virgineo lactatus.  
A pastoribus in præsepio cognitus.  
Per circumcisionem sub Lege factus.  
*Matth. 2.* A Magis adoratus.  
*Luca 2.* In templo præsentatus.  
Vlnis Simeonis exceptus.  
In Ægyptum delatus.  
Ab Herode ad mortem quæsitus.  
In Nazareth nutritus.  
In Templo inuentus.  
Parentibus subditus.  
A Ioanne baptizatus.  
In deserto tentatus.  
Cum hominibus conuersatus.  
Pauperibus discipulis sociatus.  
*Ioan. 8.* Lux mundi.  
Doctor iustitiæ.  
Via, veritas, & vita.



Exemplar virtutum omnium.

Omnibus languentibus misericorditer  
opitulatus. *Mat. 14.*

A suis furiosus reputatus.

Gratis odio habitus. *Psal. 27.*

Contumelijs vexatus.

Lapidibus impetitus.

In monte coram Patribus transfiguratus.

Tamquam Rex mitis Ierusalem ingressus. *Zach. 9.*

Præ compassione lacrymatus.

Triginta argenteis appretiatus.

Ad discipulorum pedes inclinatus.

Carne sua ceu pane viuo & sanguine vt  
potu vero traditis, nobis gratulatus.

In oratione prostratus. *Mat. 11.*

In agonia sanguineo sudore perfusus.

Ab Angelo confortatus.

Osculo à Iuda traditus.

A ministris ligatus.

A discipulis suis derelictus.

Annæ & Caiphæ præsentatus.

Alapa à ministro percussus. *Ioan. 18.*

A falsis testibus accusatus.

Reus mortis iudicatus.

In faciem consputus.

Oculis velatus.

Colaphis cæsus.

A Petro ter negatus. *Mat. 16.*

Vinctus Pilato traditus.

Ab Herode & eius exercitu spretus & il-  
lusus.

Veste alba indutus.

- Latroni Barrabæ postpositus.  
Flagellis cæsus.
- Isaia 53.* Propter scelera nostra attritus.  
Quasi leprosus reputatus.  
Veste purpurea indutus.  
Spinis coronatus.  
Arundine percussus.
- Sap. 2.* A Iudæis ad Crucem postulatus.  
Morte turpissima condemnatus.  
Voluntati Iudæorum traditus.  
Crucis pondere grauatus.
- Isaia 49.* Tamquam ovis ad occisionem ductus.  
Vestibus exutus.  
Clavis Cruci confixus.
- Isaia 53.* Propter iniquitates nostras vulneratus.  
Pro inimicis Patrem deprecatus.
- ibidem.* Cum iniquis reputatus.  
Opprobrium hominum factus.  
A prætereuntibus blasphematus.  
A Iudæis derisus.  
A militibus in Cruce illusus.  
A latrone iniurijs laceffitus.  
Opprobrijs saturatus.
- Matci 16.* Latroni pœnitenti paradisum pollicitus.  
Ioannem Matri suæ in filium largitus.  
Se à Patre derelictum attestatus.  
Felle & aceto in siti summa potatus.  
Consummata tandem omnia de se scripta testatus.
- Heb. 1.* Spiritum suum in manus Patris cōmendans.  
A Patre pro sua reuerentia semper exauditus.

Vique ad mortem Crucis obediēs factus.

*Phil. 2.*

Lancea transfixus in latere, vnde profluxit sanguis & aqua.

Cuius liuore sanati sumus.

*Isaie 56.*

Pro nobis propitiatio factus.

*Ioan. 12.*

De Cruce depositus.

In sindone munda inuolutus.

In monumento nouo positus.

Vinctos de lacu inferni prædatus.

*Zach. 9.*

Ab inferis victor reuersus.

Post resurrectionem cum discipulis conuersari dignatus.

In cælum eleuatus.

Ad Patris dexteram collocatus.

Gloria & honore coronatus.

*Psal. 8.*

Factus Rex regum, & Dominus dominantium.

Apud Patrem noster perpetuò aduocatus.

*1. Ioan. 2.*

Spiritum paraclitum discipulis elargitus.

Matrem suam super choros Angelorum exaltans.

Viuos & mortuos iudicaturus.

Reprobos in ignem æternum missurus.

Paratum electis regnum collaturus.

*Mat. 25.*

Vbertate domus suæ Sanctos omnes inebriaturus.

*Psal. 35.*

*His benè perpensis dicatur sequens ORATIO.*

**R**espice, quæsumus Domine, super hanc familiam tuam, pro qua Dominus noster IESVS Christus non dubitauit manibus tradinocentium, & Crucis subire tormentum. Qui tecum viuit, &c.



*D. Bernardi Abbatis Rythmica ORATIO ad  
singula membra CHRISTI patientis, & de  
cruce pendentis, cum alijs VII. quibus virtutes  
eius petantur, ex Pet. Caniso Soc. IESV.*

AD PEDES.

**S**alue mundi salutare,  
 Salue, salue I E S V care:  
 Cruci tuæ me aptare  
 Vellèm verè, tu scis quare,  
 Da mihi tui copiam.  
 Ac si præsens sis, accedo,  
 Imò te præsentem credo:  
 O quàm nudum hîc te cerno!  
 Ecce tibi me prosterno,  
 Sis facilis ad veniam.  
 Clavos pedum, plagas duras,  
 Et tam graues impressuras,  
 Circumplector cum affectu,  
 Tuo paviens in aspectu,  
 Tuorum memor vulnèrum.  
 Grates tantæ charitati  
 Nos agamus vulnerati:  
 O amator peccatorum,  
 Reparator confractorum,  
 O dulcis pater pauperum!  
 Quidquid est in me confractum,  
 Dissipatum aut distractum,  
 Dulcis I E S V totum sana,  
 Tu restaura, tu complana,  
 Tam pio medicamine.  
 Te in tua cruce quæro,  
 Prout queo corde mero:

Me sanabis hîc, vt spero,  
 Sana me, & saluus ero,  
 In tuo lauans sanguine,  
 Plagas tuas rubicundas,  
 Et fissuras tam profundas,  
 Cordi meo fac inscribi,  
 Vt configar totus tibi,  
 Te modis amans omnibus.

Dulcis I E S V pie Deus,  
 Ad te clamo licet reus:  
 Præbe mihi te benignum,  
 Ne repellas me indignum  
 De tuis sanctis pedibus.  
 Coram cruce procumbentem,  
 Hosque pedes complectentem,  
 I E S V bone non me spernas,  
 Sed de eruce sancta cernas  
 Compassionis gratia.  
 In hac cruce stans directè,  
 Vide me, ô mi dilecte;  
 Ad te totum me conuerte;  
 Esto sanus, dic apertè,  
 Dimitto tibi omnia.

*Oratio I. de CHRISTI Humilitate.*

**D**omine I E S V Christe fili Dei viui, ipse  
 verus Deus, potentissimus rerum om-  
 nium conditor & moderator, qui vt humilita-  
 tis exemplum nobis relinqueres, è sublimi cælo  
 descendisti; atque humana nostra infirmitate  
 & abiectione assumpta, à seruo tuo Ioanne, vel-  
 ut impurus peccator, baptizari voluisti; passio-  
 ne tua iam instante, charis discipulis cordis tui

tristitiam patefecisti; prostratus in terram, sudore sanguineo emisso, humillimè voluntatem tuam in voluntatem Patris resignasti; aliaque quàm plurima summæ humilitatis argumenta dedisti: precor vt profundam dones mihi humilitatem, qua me omnibus facilis lubensque subijciam, neque altè de meipso sentiam; sed vilis & abiectus semper in oculis meis, talis ab omnibus haberi cupiam. Qui vis & regnas, &c.

AD GENVA,

**S**alue IESV Rex Sanctorum,  
Spes votiua peccatorum:

Cru. is ligno tamquam reus,  
Pendens homo verus Deus,  
Caducis nutans genibus.

O quàm pauper, ô quàm nudus!  
Qualis es in cruce ludus,  
Derisorum iocus factus,  
Sponte tamen, non coactus,  
Attritus membris omnibus!

Sanguis tuus abundanter  
Fusus, fluit incessanter;  
Totus lotus in cruore,  
Stas in maximo dolore,  
Præcinctus vili tegmine.

O Maiestas infinita!  
O egestas inaudita!  
Quis pro tanta charitate,  
Quærit te in veritate,  
Dans sanguinem pro sanguine?  
Quid sum tibi responsurus,

Actu



Actu vilis, corde durus?  
 Quid rependam amatori,  
 Qui elegit pro me mori,  
 Ne dupla morte morerer?  
 Amor tuus, amor fortis,  
 Quem non vincunt iura mortis:  
 O quàm pia me sub cura,  
 Tua foves in pressura,  
 Ne morsu mortis vulnerer!

Ecce tuo præ amore,  
 Te complector cum rubore:  
 Me coapto diligenter,  
 Tu scis causam euidenter,  
 Sed suffer, & dissimula.

Hoc quod ago non te grauet;  
 Sed me sanet, & me lauet,  
 Inquinatum & ægrotum,  
 Sanguis fluens hic per totum,  
 Vt non supersit macula.

In hac cruce te cruentum,  
 Te contemptum & distentum,  
 Vt requiram me impelle;  
 Et hoc imple meum velle,  
 Facturus quod desidero.

Vt te quæram mente pura,  
 Sit hæc mea prima cura:  
 Non est labor, nec grauabor,  
 Sed sanabor & mundabor,  
 Cùm te complexus fuero.

*Oratio II. de CHRISTI Mansuetudine.*

**D**omine IESV Christe, præclarum omnium virtutum exemplar, qui summam

semper omnibus mansuetudinē præbuiſti, tam in Natiuitatis tuæ exordio, quando te mundo ostendiſti tui inimiciſſimo, quàm per totam reliquam vitam, in qua modeſtia ſumma cum diſcipulis rudibus, & Iudæis continenter inſidiantibus, verſatus es: quàm denique paſſionis tempore, cùm & proditorem Iudam manſue- tiſſimè deoſculareris, & Iudæis ſumma mode- ſtia gereres morem, quantūuis duriter ligarent, caderent, in faciem conſpuerent, multasque irrogarent iniurias. Rogo, humillime I E S V, vt veram mihi largiaris manſuetudinem, qua ſe- dato animo mea omnia peragam, modeſtè me apud alios habeam, atque manſuetè cum om- nibus, vtcumque mecum agant, verſer.

A D M A N V S.

**S**alue IESV paſtor bone,  
 Fatigatus in agone,  
 Qui per lignum es diſtractus,  
 Et ad lignum es compactus,  
 Expansis ſanctis manibus.

Manus ſanctæ vos auete,  
 Roſis nouis adimpletæ,  
 Hos ad ramos durè iunctæ,  
 Et crudeli ferro punctæ,  
 Tot guttis decurrentibus.

Ecce fluit circumquaque  
 Manu tua de vtraque  
 Sanguis tuus copioſè,  
 Rubicundus inſtar roſæ,  
 Magnæ ſalutis pretium,  
 Manus clauis perforatas,

Et

Et cruore purpuratas,  
Corde premo præ amore;  
Sitibundo bibens ore,  
Cruoris stillicidium.

O quàm largè te exponis,  
Promptus malis atque bonis!  
Trahis pigros, pios vocas,  
Et in tuis vlnis locas,  
Paratus gratis omnibus.

Ecce tibi me præsentò,  
Vulnerato & cruento:  
Semper ægris misereris,  
De me ergo ne graueris,  
Qui præstò es amantibus,

In hac cruce sic extensus,  
In te meos trahe sensus:  
Meum posse, velle, scire,  
Cruci tuæ fac seruire;  
Me tuis apta brachiis.

In tam lata charitate,  
Trahe me in veritate:  
Propter crucem tuam almam,  
Trahe me ad crucis palmam,  
Dans finem meis vitijs.

Manus sanctæ, vos amplector,  
Et gemendo condelector:  
Grates ago plagis tantis,  
Clavis duris, guttis sanctis,  
Dans lacrymas cum osculis.

In cruore tuo lotum,  
Me commendo tibi totum:  
Tuæ sanctæ manus istæ,



Me defendant, IESV Christe,  
Extremis in periculis.

*Oratio III. de CHRISTI Patientia.*

**D**omine IESV Christe, patientiæ speculum, & auctor omnium bonorum, qui tener infans circumcisionis dolorem patientissimè tulisti, in omnibusque Iudæorum conuitijs, & quas intulerunt plagis, atque diris flagellis infractum semper animum & benignum exhibuisti: obsecro vt hanc mihi infundas gratiam, qua summa constantia, quæ Christianum hominem, officiumque meum decent, perficiam; iniurias omnes illatas fortiter perferam; neque prorsus ad vllas aduersitates commouear, sed æquabili semper in secundis & aduersis persistam animo.

AD LATVS.

**S**alue IESV summè bonus,  
Ad parcendum nimis pronus:  
Membra tua macilenta,  
Quàm acerbè sunt distenta,  
In ramo crucis torrida!  
Salue latus Saluatoris,  
In quo latet mel dulcoris,  
In quo patet vis amoris,  
Ex quo scatet fons cruoris  
Qui corda lauat fordida.  
Ecce tibi appropinquo,  
Parce IESV si delinquo:  
Verecunda quidem fronte,  
Ad te tamen veni sponte,  
Scrutari tua vulnera.

Salue

Salve mitis apertura,

De qua manat vena pura,

Porta patens & profunda,

Super rosam rubicunda,

Medela salutifera.

Odor tuus super vinum,

Virus pellens serpentinum,

Potus tuus, potus vitæ:

Qui sititis, huc venite,

Te dulce vulnus aperi.

Plaga rubens aperire,

Fac cor meum te sentire,

Sine me in te transire,

Vellem totus introire,

Pulsanti pande pauperi.

Ore meo te contingo,

Et ardentem ad me stringo,

In te meum cor intingo,

Et feruenti corde lingo,

Me totum in te trajice:

O quàm dulcis sapor iste!

Qui te gustat I E S V Christe,

Tuo victus à dulcore,

Mori posset præ amore,

Te vnum amans vnicè.

In hac fossa me reconde,

Infer meum cor profundè,

Vbi latens incalescat,

Et in pace conquiescat,

Nec prorsus quemquam timeat.

Hora mortis meus flatus,

Intret I E S V s tuum latus:

Hinc

Hinc exspirans in te vadat,  
 Ne hunc leo trux inuadat,  
 Sed apud te permaneat.

*Oratio III. de CHRISTI Obedientia.*

**D**omine IESV Christe, summe totius orbis Imperator, cui ad nutum omnia obediunt, cui se Reges inclinant, & cui subsunt cunctę prorsus creaturę: rogo te per insignem illam obedientiam, qua te totum ita Patris voluntati subdidisti, vt fatereris esse cibum tuum, eius iussionem implere: neque illi tantum paruisti, verum etiam hominibus quantumuis improbis, vt Iudici Pilato in suscipienda mortis sententia, & impijs tortoribus in his quę inferentes pœnam iniquę præcipiebant: rogo, inquam, vt gratiam mihi largiaris, qua tuis imprimis sanctissimis mandatis, & pijs internis Spiritus sancti suggestionibus obtemperem, cæcam, velocem, alacrem atque humilem obedientiam superioribus meis libenter præstem.

AD PECTVS.

**S**alue salus mea Deus,  
 IESV dulcis amor meus:  
 Salue pectus reuerendum,  
 Cum tremore contingendum,  
 Amoris domicilium.  
 Ave thronus Trinitatis,  
 Arca latę charitatis,  
 Firmamentum infirmatis,  
 Pax & pausa fatigatis,  
 Humilium triclinium.  
 Salue IESV reuerende,

Dignè



Dignè semper inquirende:  
 Me præsentem hîc attende,  
 Accedentem me succende  
 Præcordiali gratia.

Pectus mihi confer mundum,  
 Ardens, pium, gemebundum,  
 Voluntatem abnegatam,  
 Tibi semper conformatam,  
 Iuncta virtutum copia.

IESV dulcis, pastor pie,  
 Fili Dei & Mariæ,  
 Largo fonte tui cordis,  
 Fœditatem meæ fordis,  
 Benigne pater dilue.

Aue splendor & figura,  
 Summa Dei genitura:  
 De thesauris tuis plenis,  
 Desolatis & egenis  
 Munus clementer proflue.

Dulcis IESV Christi pectus,  
 Tuo fiam dono rectus,  
 Absolutus à peccatis,  
 Ardens igne charitatis,  
 Vt semper te recogitem.

Tu abyssus es sophiæ,  
 Angelorum harmoniæ  
 Te collaudant: ex te fluxit  
 Quod Ioannes cubans suxit:  
 In te fac vt inhabitem.

Aue fons benignitatis,  
 Plenitudo Deitatis  
 Corporalis in te manet,

Vanitatem in me fanet,  
 Quod tu confers consilium.  
 Ave verum templum Dei,  
 Precor miserere mei,  
 Tu totius arca boni,  
 Fac electis me apponi,  
 Vas diues: Deus omnium.

*Oratio v. de amabili CHRISTI*

*Benignitate.*

**D**omine IESV Christe benignissime Deus,  
 qui summa semper amabiliq̃ue benigni-  
 tate erga tuos vsus fuisti, quando infantulus in  
 vlnis Simeonis requiescebas, quando Aposto-  
 lorum lauabas pedes, quando crucem ponde-  
 rosam baiulans, ad mulieres cōuersus, eas con-  
 solabaris, vestibus spoliabaris, & manus perfo-  
 rādas crudeliter, porrigebas. Precor te, vt etiam  
 mihi benignitatem eam conferas, qua cum  
 omnibus prout conuenit conuerſer; animi  
 summa dulcedine cum illis agam; nec aduer-  
 santibus sim asperior, quā fauentibus, verūm  
 amabilem dulcemq̃ue benignitatem omnibus  
 exhibeam.

*AD COR.*

**S**ummi Regis cor aueto,  
 Te saluto corde lato,  
 Te complecti me delectat,  
 Et hoc meum cor affectat;  
 Vt ad te loquar, animes.  
 Quo amore vincebaris,  
 Quo dolore torquebaris;  
 Cum te totum exhaustires,

Vt

Vt te nobis impertires,  
 Et nos à morte tolleres?  
 O mors illa quàm amara,  
 Quàm immitis, quàm auara;  
 Quæ per cellam introiuit,  
 In qua mundi vita viuit,  
 Te mordens cor dulcissimum!

Propter mortem quam tulisti,  
 Quando pro me defecisti,  
 Cordis mei cor dilectum;  
 In te meum fer affectum,  
 Hoc est quod opto plurimum.

O cor dulce prædilectum,  
 Munda cor meum illectum;  
 Et in vanis induratum,  
 Pium fac, & timoratum,  
 Repulso tetro frigore.

Per medullam cordis mei,  
 Peccatoris atque rei,  
 Tuus amor transferatur;  
 Quo cor totum rapiatur,  
 Languens amoris vulnere.

Dilatare, aperire,  
 Tamquam rosa fragrans mirè:  
 Cordi meo te coniunge,  
 Vnde illud & compunge:  
 Qui amat te, quid patitur?

Quidnam agat, nescit verè,  
 Nec se valet cohibere,  
 Nullum modum dat amori,  
 Multa morte vellet mori,  
 Amore quisquis vincitur.



Viva cordis voce clamo,  
Dulce cor, te namque amo:  
Ad cor meum inclinate,  
Vt se possit applicare  
Deuoto tibi pectore.

Tuo viuat in amore,  
Ne dormitet in torpore:  
Ad te oret, ad te ploret,  
Te adoret, te honoret,  
Te fruens omni tempore.

Rosa cordis aperire,  
Cuius odor fragrat mirè:  
Te dignare dilatare,  
Fac cor meum anhelare  
Flamma desiderij.

Da cor cordi sociari,  
Tecum IESV vulnerari:  
Nam cor cordi similatur,  
Si cor meum perforatur  
Sagittis improperij.

Infer tuum intra sinum  
Cor, vt tibi sit vicinum,  
In dolore gaudioſo,  
Cum deformi ſpecioſo,  
Quod vix ſeipſum capiat.

Hic repauſet, hic moretur:  
Ecce iam poſt te mouetur,  
Te ardenter vult ſitire,  
IESV noli contraire,  
Vt benè de te ſentiat.

*Oratio VI. de ardentissima* CHRISTI  
DOMINI *Charitate.*

**D**omine IESV Christe, charitas increata, qui tanto amore salutem nostram semper sitiisti, vt veluti profugus in aliena terra peregrinari dignatus sis, cuius est terra omnis & plenitudo eius, vt omnium in te peccata luenda susceperis; denique post immensos nostri caussa exantlatos labores, etiam sanguinem vniuersum profundere, & animam pretiosissimam pro nobis ponere volueris: per hæc te supplex oro, vt mihi veram charitatem infundas, qua te inprimis ardentissimè diligam, deinde proximum omnem in te & propter te summo complectar amore; neque mihi in vlllo parcam, quo vel tibi, vel proximo, obsequium aliquod, quantumuis id durum sit mihi atque molestum, exhibere queam.

AD FACIEM.

**S**alue caput cruentatum,  
Totum spinis coronatum,  
Conquassatum, vulneratum,  
Arundine verberatum,  
Facie sputis illita.

Salue cuius dulcis vultus,  
Immutatus & incultus,  
Immutauit suum florem,  
Totus versus in pallorem,  
Quem cæli tremit curia.

Omnis vigor atque viror  
Hinc recessit, non admiror:  
Mors apparet in aspectu;

Totus pendens in defectu,  
Attritus ægra macie.  
Sic affectus, sic despectus,  
Propter me sic interfectus,  
Peccatori tam indigno,  
Cum amoris interfigno,  
Appare clara facie.  
In hac tua passione  
Me agnosce pastor bone,  
Cuius sumpsi mel ex ore,  
Haustum lactis cum dulcore,  
Præ omnibus delicijs.  
Non me reum asperneris,  
Nec indignum dedigneris:  
Morte tibi iam vicina,  
Tuum caput hîc inclina,  
In meis pausa brachijs.  
Tuæ sanctæ passioni  
Me gauderem interponi,  
In hac cruce tecum mori:  
Præsta crucis amatori,  
Sub cruce tua moriar.  
Morti tuæ tam amaræ  
Grates ago IESV chare:  
Qui es clemens, pie Deus,  
Fac quod petit tuus reus,  
Vt absque te non finiar.  
Dum me mori est necesse,  
Noli mihi tunc deesse:  
In tremenda mortis hora,  
Veni IESV absque mora,  
Tuere me, & libera.

Cum



Cum me iubes emigrare,  
 Iesv care, tunc appare:  
 O amator amplectende,  
 Temetipsum tunc ostende,  
 In cruce salutifera.

*Oratio VII. de Liberalitate ac Compassione*  
 CHRISTI DOMINI.

**P**otentissime ac liberalissime Domine Iesv  
 Christe, qui summa liberalitate te ipsum  
 totum nobis donasti, quando in maximis la-  
 boribus & corporis molestijs nihil tibi par-  
 cens, omnes sitientes ad te venire iussisti, vt  
 aqua salutari eos potares, & liberalissimè cæ-  
 lestis sapientiæ diuinæque gratiæ thesaurum  
 illis communicares; denique sanguinem vni-  
 uersum illum, etiam qui in corde interiori-  
 busque visceribus latebat, vt te totum nobis  
 impenderes, liberalissimè effudisti: oro vt mi-  
 hi liberalem des animum, quod non solum in  
 tuum obsequium, sed in auxilium quoque sa-  
 lutemque proximorum, me totum, mea que  
 omnia liberaliter impèdam. Fac etiam, precor,  
 vt sedulò & continenter passionem tuam, do-  
 loremque sanctissimæ matris, in corde gestem;  
 quorum meditatione, vitam meam Christiano  
 homine & vocatione mea dignam traducam,  
 animumque meum ita componam, vt dignus  
 sit, in quo per gratiam tuam quiescas & habi-  
 tes, vnà cum Deo Patre & Spiritu sancto, &  
 nunc & in sæcula sæculorum. Amen.



## OFFICIUM DE PASSIONE

D. N. IESV CHRISTI:

*Ferè ex Isaia Propheta & Psalmis  
Davidicis desumptum.*



**A**DORAMVS te Christe, & benedicimus tibi, quia per sanctam Crucem tuam redemisti mundum. Gratias tibi ago Domine IESV Christe, cuius gratia sum id quod sum, cuius misericordia vivo, morior & subsisto. Dignare me laudare te, benignissime IESV Christe, & sacratissimæ tuæ passionis laudes decantare. Qui viuis & regnas, &c.

## AD MATVTINVM.

**D**omine labia mea aperies. *Resp.* Et os meum annuntiabit laudem tuam.

*Vers.* Deus in adiutorium meum intende.

*Resp.* Domine ad adiuuandum me festina.

Gloria Patri, &c. Alleluia. *vel*, Laus tibi Domine, Rex æternæ gloriæ. *pro tempore.*

*Inuitatorium.* Regem Christum Dominum pro nobis in Cruce passum, Venite adoremus.

*Psalms.* Venite, exultemus. *vt supra, fol. 80.*

## HYMNVS.

**I**N Passione Domini,  
Qua salus datur homini,  
Sit nostrum refrigerium,  
Et cordis desiderium.  
Portemus in memoria,



Tot pœnas, & opprobria,  
 Christi coronam spineam,  
 Crucem, clauos, & lanceam;  
 Et plagas sacratissimas,  
 Omni laude dignissimas;  
 Acetum, fel, arundinem,  
 Mortis amaritudinem,  
 Hæc omnia nos satient,  
 Et dulciter inebrient;  
 Nos repleant virtutibus,  
 Et gloriosis fructibus,  
 Te crucifixum colimus,  
 Te toto corde poscimus,  
 Vt nos Sanctorum cœtibus  
 Coniungas in cœlestibus.  
 Laus, honor Christo vendito,  
 Et sine causa prodito,  
 Passo mortem pro populo,  
 In aspero patibulo. Amen.

*Antiph.* Misericors.

PSALMVS,

**M**emoria fecit mirabilia suorum, mi-  
 sericors & miserator Dominus : escam  
 dedit timentibus se.  
 Et cibauit eos ex adipe frumenti ; & de petra  
 melle saturauit eos.  
 Panem cœli dedit eis ; panem Angelorum  
 manducauit homo : filij tui sicut nouellæ oli-  
 uarum in circuitu mensæ tuæ.  
 Paraisti in conspectu meo mensam aduersus  
 eos qui tribulant me : & calix meus inebrians  
 quàm præclarus est?

Gloria

Gloria Patri, & Filio.

*Antiph.* Misericors & miserator Dominus,  
mortis sue tempore escam dedit timentibus se.

*Antiph.* Homo pacis.

PSALMVS.

**Q**Vare fremuerunt gentes : & populi meditati sunt inania?

Acuerunt linguas suas sicut serpentes : venenum aspidum sub labijs eorum.

Cor meum conturbatum est in me : & formido mortis cecidit super me.

Etenim homo pacis meæ, in quo speravi : qui edebat panes meos, magnificauit super me supplantationem.

Fiant dies eius pauci : & episcopatum eius accipiat alter.

Gloria Patri, & Filio.

*Antiph.* Homo pacis meæ, qui edebat panes meos, magnificauit super me supplantationem.

*Antiph.* Contritum est.

PSALMVS.

**S**aluum me fac Deus : quoniam intrauerunt Aquæ vsque ad animam meam.

Timor & tremor venerunt super me : & contexerunt me tenebræ.

Tribulationes cordis mei multiplicatæ sunt : de necessitatibus meis erue me.

Qui tribulant me inimici mei : ipsi infirmati sunt & ceciderunt.

Confortati sunt qui persecuti sunt me iniuste : quæ non rapui tunc exsoluebam.

Gloria Patri, & Filio, &c.

*Antiph.* Contritum est cor meum in medio mei, & contremuerunt omnia ossa mea.

*Vers.* Reliqui domum meam: & dimisi hereditatem meam. *Resp.* Dedi dilectam animam meam in manibus inimicorum meorum.

*Absolutio.* Qui ligari dignatus est manibus inimicorum, absoluat nos Dominus IESVS à vinculis peccatorum. Amen.

Iube domne benedicere. Per suam sanctam passionem det nobis IESVS CHRISTVS gratiam & benedictionem.

#### LECTIO PRIMA.

*Isaia 53.*

**Q**Vis credidit auditui nostro? & brachium Domini cui reuelatum est? Et ascendet sicut virgultum coram eo, & sicut radix de terra sitienti. Non est species ei, neque decor: & vidimus eum, & non erat aspectus: desiderauimus eum despectum, & nouissimum virorum, virum dolorum, & scientem infirmitatem: & quasi absconditus vultus eius & despectus, vnde nec reputauimus eum. Verè languores nostros ipse tulit, & dolores nostros ipse portauit: & nos putauimus eum quasi leprosum, & percussum à Deo & humiliatum. Tu autem Domine,

*Resp.* In monte Oliueti oraui ad Patrem: Pater, si fieri potest, transeat à me calix iste. Spiritus quidem promptus est, caro autem infirma.

*Vers.* Verumtamen non sicut ego volo, sed sicut tu vis, fiat voluntas tua. Spiritus quidem promptus, &c.

Iube domne benedicere. Gloriosa passio Domini



mini nostri IESV Christi perducatur nos ad gaudia paradisi. Amen.

## LECTIO SECUNDA.

**I**Pse autem vulneratus est propter iniquitates nostras, attritus est propter scelera nostra. Disciplina pacis nostræ super eum, & liuore eius sanati sumus. Omnes nos quasi oues errauimus, vnusquisque in viam suam declinavit: & posuit Deus in eo iniquitatem omnium nostrum. Oblatus est quia ipse voluit, & non aperuit os suum: sicut ouis ad occisionem ducetur, & quasi agnus coram tondente se obmutescet, & non aperiet os suum. Tu autem Domine,

*Resp.* Tristis est anima mea vsque ad mortem, sustinete hîc, & vigilate mecum, nunc videbitis turbam quæ circumdabit me: Vos fugam capietis, & ego vadam immolari pro vobis. *Vers.* Ecce appropinquabit hora, & Filius hominis tradetur in manus peccatorum. Vos fugam capietis, &c.

Iube domne benedicere. Per sanctam crucem suam Dei filius sit nobis clemens, pius, & propitius. Amen.

## LECTIO TERTIA.

**D**E angustia & de iudicio sublatuſ est: generationem eius quis enarrabit? quia abscissus est de terra viuentium: propter scelus populi mei percussus eum: Et dabit impios pro sepultura, & diuitem pro morte sua: eò quòd iniquitatem non fecerit, neque dolus fuerit in ore eius; & Dominus voluit conterere eum

in infirmitate. Si posuerit pro peccato animam suam, videbit semen longæuum, & voluntas Domini in manu eius dirigitur. Pro eo quod laborauit anima eius, videbit & saturabitur. In scientia sua iustificabit ipse iustus seruos meos multos, & iniquitates eorum ipse portabit. Ideo disperdiam ei plurimos: & fortium diuidet spolia, pro eo quod tradidit in mortem animam suam, & cum sceleratis reputatus est, & ipse peccata multorum tulit, & pro transgressionibus rogauit. Tu autem Domine.

*Resp.* O vos omnes qui transitis per viam, attendite, & videte, Si est dolor similis sicut dolor meus. *Vers.* Attendite vniuersi populi, & videte. Si est dolor. Gloria Patri, &c.

*Canticum.* Te Christum laudamus, &c. *vt habes suprâ, fol. 86.*

### AD LAVDES.

**D**Eus in adiutorium meum intende.

*Resp.* Domine ad adiuuandum me festina. Gloria Patri, &c.

*Antiph.* Anxiatus est.

### PSALMVS.

**D**omine quid multiplicati sunt qui tribulât me: multi insurgunt aduersum me. Aperuerunt super me os suum: sicut leo rapiens & rugiens.

Amici mei & proximi mei: aduersum me appropinquauerunt & steterunt.

Et qui iuxta me erant de longè steterunt: & vim faciebant qui quærebant animam meam.

Consi-

Considerabam ad dexteram & videbam : &  
non erat qui cognosceret me.

Gloria Patri, & Filio.

*Antiph.* Anxiatus est super me spiritus meus,  
in me turbatum est cor meum.

## CAPITVLVM.

**R**ecogitato eum qui talem sustinuit à pec- *Heb. 12.*  
catoribus aduersus semetipsum contra-  
dictionem, vt non fatigemini animis vestris  
deficientes. *Resp.* Deo gratias.

## HYMNVS.

**C**hristum ducem, qui per crucem  
Redemit nos ab hostibus,

Laudet cœtus noster latus,  
Exultet cælum laudibus.

Pœna fortis tuæ mortis,  
Et sanguinis effusio,  
Corda terant, vt te quærant,  
IESV nostra redemptio.

Per felices cicatrices,  
Sputa, flagella, verbera,  
Nobis grata sint collata  
Æterna Christi munera.

Nostrium tangat cor, vt plangat,  
Tuorum sanguis vulnèrum;  
In quo toti sumus loti,  
Conditor alme siderum.

Passionis tuæ donis  
Saluator nos inebria,  
Qua fidelis dare velis  
Beata nobis gaudia.

Laus, honor, &c.



*Verf.* Dedit percutientibus se maxillam.

*Resp.* Saturabitur opprobriis.

*Antiph.* Proprio filio. *Canticum.* Benedictus.  
*vt supra, fol. 88.*

*Antiph.* Proprio filio suo non pepercit Deus,  
sed pro nobis omnibus tradidit eum.

ORATIO.

**D**omine Iesv Christe, Fili Dei viui, qui  
hora matutina pro salute humana nasci,  
tradi, capi, alapis cædi, ligari, & conspui volui-  
sti: fac nos, quæsumus, contumelias & oppro-  
bria pro tui nominis gloria libenter & patien-  
ter suscipere, & hanc tuæ sanctissimæ passionis  
memoriam assiduè celebrare, vt ad eius resur-  
rectionis gloriam & consortium mereamur  
feliciter peruenire. Qui viuus & regnas, &c.

AD PRIMAM.

**D**eus in adiutorium meum intende.

*Resp.* Domine ad adiuuandum, &c.

HYMNVS.

**Q**ui manè coram præside  
Reus à multitudine  
Multorum factus criminum  
Fuisti, Iudex omnium:  
Te petimus attentius,  
Vt sis nobis propitius,  
Et per tuam clementiam  
Perducas nos in gloriam.  
Laus, honor Christo vendito,  
Et sine causa prodito,  
Passo mortem pro populo,  
In aspero patibulo. Amen.

*Antiph.*

*Antiph.* Dominus tamquam ouis.

PSALMVS.

**A**stiterunt reges, & principes conueni-  
runt in vnum: aduersus Dominum, &  
aduersus Christum eius.

Circumdederunt me canes multi: concilium  
malignantium obsedit me.

In eo dum conuenirent simul aduersum me:  
accipere animam meam consiliati sunt.

Et qui inquirebant mala mihi, locuti sunt va-  
nitates: & dolos tota die meditabantur.

Ego autem tamquam surdus non audiebam:  
& sicut mutus non aperiens os suum.

Gloria Patri.

*Antiph.* Dominus tamquam ouis ad victimam  
ductus est, & sicut mutus non aperiens os  
suum.

CAPITVLVM.

**S**icut ouis ad occisionem ducetur, & quasi *Isaia 53.*  
agnus coram tondente se obmutescet, &  
non aperiet os suum. Deo gratias.

*Resp.* Christe fili Dei viui, Misereere nobis.

Christe. *Vers.* Qui pro salute mundi crucem  
subiisti: Misereere nobis. Gloria Patri. Christe.

*Vers.* Exurge Christe, adiuua nos.

*Resp.* Et libera nos propter nomen tuum.

O R A T I O.

**D**omine IESV Christe, Fili Dei viui, qui  
hora diei prima Pilato præsentatus, Iu-  
dex cælestis iudici terreno, & reus falsorum  
criminum ab iniquis pontificibus factus fui-  
sti: tibi deuotissime supplicamus, vt nobis mi-  
seris peccatoribus subuenias in iudicio, vt non

æternis

æternis suppliciis cum impiis condemnemur,  
sed eius fidelibus iūgi in cælestibus mereamur.

## AD TERTIAM.

**D**Eus in adiutorium meum intende.  
*Resp.* Domine ad adiuuandum, &c.

## HYMNVS.

**T**V qui cæsus verberibus  
Fuisti à crudelibus,  
Gerens coronam spineam,  
Et chlamydem coccineam:  
Fac nos sic te diligere,  
Sanctarūque vitam ducere,  
Vt mereamur requie  
Frui cælestis patriæ.  
Laus, honor Christo vendito,  
Et sine causa prodito,  
Passo mortem pro populo,  
In aspero patibulo. Amen.

*Antiph.* Quotidie.

## PSALMVS.

**E**Go sum vermis & non homo: opprobrium  
hominum & abiectio plebis.  
Et fui flagellatus tota die: & castigatio mea in  
matutinis.

Tu scis improprium meum & confusionem  
meam: & reuerentiam meam.

Quoniam lumbi mei impleti sunt illusioni-  
bus: & non est sanitas in carne mea.

Dissipati sunt, nec compuncti, tentauerunt  
me, subsannauerunt me subsannatione: fren-  
duerunt super me dentibus suis.

Gloria Patri, & Filio. &c.

*Antiph.*



*Antiph.* Quotidie apud vos eram in templo docens, & non me tenuistis, & ecce flagellatum ducitis ad crucifigendum.

## CAPITVLVM.

**C**hristus passus est pro nobis, vobis relin-  
quens exemplum vt sequamini vestigia  
eius, qui peccatum non fecit, nec inuentus est  
dolus in ore eius. Deo gratias. 1. Petri 2.

*Resp.* Proposito sibi gaudio, Sustinuit cru-  
cem. Proposito. *Vers.* Omni confusione con-  
tempta. Sustinuit. Gloria. Proposito.

*Vers.* Oblatus est quia ipse voluit. *Resp.* Et  
non aperuit os suum.

## ORATIO.

**D**omine IESV Christe, Fili Dei viui, qui  
hora diei tertia flagellis cæsus & spinis  
coronatus fuisti: te suppliciter exoramus, vt  
per virtutem tuæ sanctissimæ passionis omnia  
peccata nostra deleas, & ad tuæ beatitudinis  
gloriam peruenire concedas. Qui viuus &  
regnas.

## AD SEXTAM.

**D**eus in adiutorium meum intende.  
Domine ad adiuuandum, &c.

## HYMNVS.

**C**Rucem pro nobis subiit,  
Et stans in illa sitiit,

I E S V S sacratis manibus

Fossis clauis & pedibus.

Honor & benedictio

Sit crucifixo Filio,

Qui nos suo supplicio

Redemit ab exilio.

Laus, honor Christo vendito,  
 Et sine causa prodito,  
 Passio mortem pro populo,  
 In aspero patibulo. Amen.

*Antiph.* Posuerunt. **PSALMVS.**

**P**auper sum ego, & in laboribus à iuuentute mea; exaltatus sum, humiliatus sum, & conturbatus.

Foderunt manus meas, & pedes meos: dinumerauerunt omnia ossa mea.

Ipsi verò considerauerunt & inspexerunt me: diuiserunt sibi vestimenta mea, & super vestem meam miserunt sortem.

Omnes videntes me, deriserunt me: locuti sunt labiis, & mouerunt caput.

Et dederunt in escam meam fel: & in siti mea potauerunt me aceto.

Gloria Patri, & Filio, &c.

*Antiph.* Posuerunt super caput eius causam ipsius scriptam: **I E S V S** Nazarenus Rex Iudeorum.

**CAPITVLVM.**

*Philip. 2.*

**H**umiliauit semetipsum factus obediens usque ad mortem, mortem autem crucis. Deo gratias.

*Resp.* Oblatus est, Quia ipse voluit. **O blatus.**

*Vers.* Et non aperuit os suum. Quia ipse voluit.

Gloria Patri. Oblatus.

*Vers.* Tradidit in mortem animam suam.

*Resp.* Et cum sceleratis reputatus est.

**O R A T I O.**

**D**omine Iesu Christe, Fili Dei viui, qui hora diei sexta, in Golgotha, cum magno tumultu

tumultu crucis patibulum ascendisti; & in ea salutem nostram sitiens, felle & aceto potari te permixisti: te suppliciter deprecamur, vt accenso & inflammato corde, sitire nos facias calicem passionis tuæ, & in te solo Domino crucifixo iugiter delectari. Qui viuus.

## AD NONAM.

**D**Eus in adiutorium meum intende.  
*Resp.* Domine ad adiuuandum, &c.

## HYMNVS.

**B**Eata Christi passio,  
Sit nostra liberatio:  
Vt per hanc nobis gaudia,  
Parata sint cælestia.  
Gloria Christo Domino,  
Qui pendens in patibulo,  
Clamans emisit spiritum,  
Mundumque saluat perditum.  
Laus, honor Christo vendito,  
Et sine causa prodito,  
Passo mortem pro populo,  
In aspero patibulo. Amen.

*Antiph.* Iesus autem.

## PSALMVS.

**D**Eus ostendit mihi super inimicos meos:  
non occidas eos, nequando obliuiscantur populi mei.

Deus Deus meus respice in me, quare me dereliquisti: longè à salute mea verba delictorum meorum.

Afflictus sum & humiliatus sum nimis: rugiebam à gemitu cordis mei.



Et sustinui qui simul contristaretur, & non fuit: & qui consolaretur, & non inueni.  
In manus tuas Domine commendo spiritum meum: redemisti me Domine Deus veritatis.  
Gloria Patri, & Filio, &c.

*Antiph.* IESVS autem cum accepisset acetum, dixit, Consummatum est: & inclinato capite tradidit spiritum.

## CAPITVLVM.

*1. Petri 3.* **C**Hristus semel pro peccatis nostris mortuus est, iustus pro iniustis: vt nos offerret Deo, mortificatus quidem carne, viuificatus autem spiritu. Deo gratias.

*Resp.* Tradidit in mortem, Animam suam. Tradidit. *Vers.* Et cum sceleratis reputatus est. Animam suam. Gloria. Tradidit.

*Vers.* Verè languores nostros ipse tulit.

*Resp.* Et labores nostros ipse portauit.

## ORATIO.

**D**omine IESV Christe, Fili Dei viui, qui hora diei nona, expansis in cruce manibus, & inclinato capite, Deo Patri spiritum tradidisti; & claue dignissimæ mortis tuæ, vitæ aditum reserasti: concede nobis supplicibus tuis, vt in hora mortis nostræ, animas nostras ad te, qui verè paradysus es, facias misericorditer peruenire. Qui viuis, &c.

## AD VESPERAS.

**D**eus in adiutorium meum intende.

*Resp.* Domine ad adiuuandum, &c.

*Antiph.* Plangent eum.

## PSALMVS.

**Q**Uæ utilitas in sanguine meo: dum descendo in corruptionem?

Quoniam defecit in dolore vita mea: & anni mei in gemitibus.

Infirmata est in paupertate virtus mea: & ossa mea conturbata sunt.

Aruit tamquam testa virtus mea, & lingua mea adhæsit faucibus meis: & in puluerem mortis deduxisti me.

Qui viderunt me, foras fugerunt à me: obliuioni datus sum, tamquam mortuus à corde.

Gloria Patri, & Filio, &c.

*Antiph.* Plangent eum quasi vnigenitum, quia innocens Dominus occisus est.

## CAPITVLVM.

**S**IC Deus dilexit mundum, vt Filium suum Ioan. 3.  
vnigenitum daret: vt omnis qui credit in eum, non pereat, sed habeat vitam æternam.  
Deo gratias.

## HYMNVS.

**Q**Uæ pressura mortis dura  
Soluisti noxas criminum,  
Nos ad pacem duc veracem,  
IESV corona virginum.

In flagellis, potu fellis,  
Bibisti amarissimè,  
Pro peccatis perpetratis,  
Æterne Rex altissime.

Nostre genti reolenti  
Tuæ mortis supplicium,  
Da virtutem & salutem,

IESV redemptor omnium.  
 In amara crucis ara,  
 Fudisti riuos sanguinis,  
 IESV digne, Rex benigne,  
 Confors paterni luminis.  
 Sanguis Christi, qui fuisti  
 Peremptor hostis inuidi,  
 Fac securè nos venire  
 Ad cœnam Agni prouidi.  
 Laus, honor Christo vendito,  
 Et sine causâ prodito,  
 Passio mortem pro populo,  
 In aspero patibulo. Amen.

*Vers.* Disciplina pacis nostræ super eum.

*Resp.* Et liuore eius sanati sumus.

*Antiph.* O magnum.

*Cantic.* B. MARIAE virg. Magnificat. *ut sup.* 98.

*Antiph.* O magnum pietatis opus! mors mortua tunc est, In ligno quando mortua vita fuit.

ORATIO.

**D**omine IESV Christe, Fili Dei viui, qui hora vespertina in morte peremptus, de cruce deponi, & in tuæ matris manibus recipi voluisti: concede propitius, vt depositis peccatorum nostrorum sarcinis, ante conspectum diuinæ maiestatis præsentari valeamus. Qui.

AD COMPLETORIUM.

**C**onuerte nos Deus salutaris noster.

*Resp.* Et auerte iram tuam à nobis.

*Vers.* Deus in adiutorium meum intende.

*Resp.* Domine ad adiuuandum me festina.

Gloria Patri, & Filio, &c. *Antiph.* Caro mea.



## PSALMVS.

**L**ongè fecisti notos meos à me : posuerunt  
me abominationem sibi.

Æstimatus sum cum descendantibus in lacum: factus sum sicut homo sine adiutorio inter mortuos liber.

Sicut vulnerati dormientes in sepulchris, quorum non es memor amplius : & ipsi de manu tua repulsi sunt.

Posuerunt me in lacu inferiori : & in tenebris, & in vmbra mortis.

Super me confirmatus est furor tuus: & omnes fluctus tuos induxisti super me.

Gloria Patri, & Filio.

*Antiph.* Caro mea requiescet in spe, quoniam non dabis factum tuum videre corruptionem.

## HYMNVS.

**Q**ui iacuisti mortuus,  
In petra Rex innocuus,

Fac nos in te quiescere,

Vitamque sanctam ducere.

Succurre nobis Domine,

Quos redemisti sanguine:

Et duc nos ad suauia

Æternæ lucis gaudia.

Laus, honor Christo vendito,

Et sine causa prodito,

Passo mortem pro populo,

In aspero patibulo. Amen.

## CAPITVLVM.

**C**hristo in carne passo, & vos eadem cogitatione armamini. Deo gratias. *1. Petri 4*

*Resp.* Oportuit Christum pati. *Vers.* Et ita intrare in gloriam suam. *Vers.* Mortuus est propter delicta nostra. *Resp.* Et resurrexit propter iustificationem nostram.

*Antiph.* Salua nos.

CANTICVM SIMEONIS.

Luca 2.

**N**unc dimittis seruum tuum Domine : secundum verbum tuum in pace.

Quia viderunt oculi mei : salutare tuum.

Quod parasti : ante faciem omniū populorum,  
Lumen ad reuelationem gentium : & gloriam plebis tuæ Israël.

Gloria Patri, & Filio.

*Antiph.* Salua nos IESV Christe Saluator, qui tuam recolimus sanctissimam passionem, vt per ipsam ab omnibus insidiis inimicorum defēsi, tibi semper placeamus, & requiescamus in pace.

*Vers.* Christus factus est pro nobis obediens vsque ad mortem. *Resp.* Mortem autem crucis.

*Vers.* In pace in idipsum. *Resp.* Dormiam & requiescam. *Vers.* Domine exaudi orationem meam. *Resp.* Et clamor meus ad te veniat.

ORATIO.

**D**omine IESV Christe, Fili Dei viui, qui hora completorij in sepulchro quieuiisti, & à matre tua mitissima, & ab alijs mulieribus planctus & lamentatus fuisti : fac nos, quæsumus, tuæ passionis lacrymis abundare, & tota cordis deuotione ipsam tuam sanctissimā passionem plāgere, & eam semper quasi recentem ardenti cordis desiderio retinere. Qui viuīs.

*Hym-*

*Hymnus de PASSIONE DOMINI, quem  
B. VIRGO, Indianum quemdam Regni  
Peruani ab inflatione tibiæ liberans do-  
cuit: ex lingua Indica ad verbum conuersus  
à P. Francisco Bencio Soc. IESV.*

**P**ater en noster, genitor noster,  
Rigidis clavis in cruce fixus:  
Cruor è toto corpore manans  
Omnes circum proluit artus.  
Cernisne caput, decliue caput,  
Caput hoc flauæ simile aristæ?  
Viden', vt cingunt spinea ferta  
Vsq; ad tenerum fixa cerebrum?  
Patris heu nostri cerne capillum,  
Sparsum, incompertum, sanguine fœdum:  
Oculi tristes, lumina mœsta,  
Roseas lacrymas largè effundunt.  
Fluxisse putes molle corallum.  
Heu confudit iam decus oris,  
Pallorq; genis sedet exsanguis,  
Etiam ne manus, Patrisne manus,  
Patris nostri pulchræne manus  
Ferro affixæ sanguine rorant?  
Qs mellifluum Patris nostri  
Pro me misero iam conticuit.  
Extra Solymæ mœnia terræ  
Crucis exiuit mole grauatus,  
Et pro scelerum mole meorum  
Extra Solymam crucifixus obit.





# CAPVT QVINTVM

## DE

### BENEFICIIS

### DIVINIS.



NTEQVAM sequentia medite-  
ris puncta, Christiane Lector,  
memineris gratissimum semper  
Deo esse sacrificium laudis,  
quod tot beneficiorum intuitu  
ipsi persoluitur. Vnde D. Pau-  
lus Corinthiis scribes ait: Gratias Deo super in-  
enarrabili dono eius. Et Ecclesia sancta, Sacri-  
ficium illud tremendum, & Horarum canonicarum  
pensum, semper gratiarum actione terminat.  
Quid enim melius, (ut D. Augustinus loquitur)  
& animo geramus, & ore promamus, & calamo  
scribamus, quam DEO GRATIAS. Hoc nec  
dici breuius, nec audiri latius, nec intelligi gran-  
dus, nec agi fructuosius potest.

2. Cor. 9.

Epist. 77.

#### De Beneficio CREATIONIS.

**P**Rimò, ab aeterno te predestinavit, & dilexit  
perpetua charitate: creauit te tempore, quo  
ei placuit, & inter nobilissimas creaturas consti-  
tuit; non lapidem, aut aliud quid simile creans.

2. Impendit tibi corpus cum membrorum  
integritate; constitutionis bonitate, & sexus  
nobilitate: ad ei seruiendum te aptum faciens,  
tribuit tibi animam, creans eam ad imaginem  
suam, quia intellectu, voluntate, & memoria

prædi-



præditam; ad similitudinem verò suam, utpote sui capacem, immortalem, & exornatam multis virtutibus & potentijs, quæ sunt quidam Diuinæ naturæ quasi characteres.

3. Dedit tibi Angelum custodem à tuæ conceptionis hora in vtero matris tuæ, qui te custodiret, & multis beneficiis donaret.

4. Largitus est parentes bonos Christianos, ex quibus tempore fidei nascereris Christianus, non Saracenus aut Iudæus.

5. Creauit te ad gloriam, & sui fruitionem; cælum, ignem, aërem, aquam, terram, & omnia quæ in eis sunt, ad tuum vsum, non indigens ipse nec te nec illis, nec alio quàm sua bonitate inuitatus & illectus.

*De Beneficio GRATIFICATIONIS.*

1. **G**ratificauit te in dilectissimo Filio suo, non parcens ei, sed largiens eum tibi, in pretium, exemplum & socium.

2. Dedit tibi Spiritum sanctum, in signum adoptionis, priuilegium dilectionis, & in auxilium desponsationis, sua tibi communicans dona, fructus & inspirationes.

3. Impendit tibi Sacramenta; & primò sanctam Ecclesiam, vbi in diluuiò peccatorum, sicut Noë in arca, posses saluari, donauit.

4. Abluit te Baptismate, in quo tibi indulsit originalem culpam, restituit innocentiam, vocauit te suo nomine Christianum, in sui memoriam filium Dei, & constituit heredem regni cælorum.



*De Beneficio VOCATIONIS.*

1. **P**assus est te licet post recepta beneficia à Deo auersum, nec per diuersa scelera ad creaturas conuersum damnauit.

2. Te multifariam errantem sæpè reuocauit, modò per internas inspirationes, modò per aliorum admonitiones, quandoque per sacre Scripturæ exhortationes, & per suorum beneficiorum largitiones, nonnumquam per gloriæ & suppliciorum ostensionem: & aliis multis modis.

3. Donauit te bona voluntate, quæ suorum munerum est principium, mentis tuæ surditatem confregit, ardens desiderium proficiendi dedit, conuersionis obstacula repulit.

4. Quoties ad eum conuerti uoluisti, ad instar istius prodigi Euangelici paterno te recepit affectu, amplexando, deosculando, primam stolam & annulum restituendo.

5. Preter hæc te pœnitentem recepit, quinimò peccatis & peccatorum occasionibus extraxit, sicut Loth de Sodomis, Abraham de Chaldæis, Noë de diluuio, & Ionam de ventre ceti. Coniunxit te cœtui bonorum, custodiens à conuentu malignantium.

*De Beneficio IUSTIFICATIONIS.*

1. **M**utauit voluntatem tuam, ut opera pœnitentiæ, quæ tibi prius erant amara, fierent dulcia; & peccata quæ prius dulcia, redderentur amara.

2. Dedit tibi hucusque perseuerantiam & constantiam, sine qua nemo saluatur. Constan-

tia.

tia spem & gratiam, ne ab incepto desisteres, sed sperares veniam, gratiam & gloriam te consecuturum, de hoc certum quali internis consolationibus faciens.

3. Tribuit tibi Sacramentum sui pretiosi corporis & sanguinis in viaticum peregrinationis tuæ, in sacramentum vnionis, & in sacrificium redemptionis.

4. Exhibuit tibi sanctas Scripturas tamquam speculum, vbi tuos defectus valeas contemplari, affectus inflammare, magis ac magis purgare, illuminare, ac iustificare.

5. Tradidit ornamenta & exercitia virtutum, quibus scditatem tuorum peccatorum operires, & non in iustificatione deficeres; Sanctorum tibi exempla proposuit, quibus accendaris & instruaris.

*De Beneficio DOTATIONIS.*

1. **P**Ræbuit tibi insignia dona, naturæ, fortuna, gratiæ, præter omnia instrumenta corporis & animæ: te reduxit aberrantem, instruxit ignorantem, erexit iacentem, gratiam meditandi & exterius te exercendi dedit, intellectum erudiens, affectum inflammans, gustum internæ consolationis atque arrham vitæ æternæ præbens.

2. Causam delinquendi propulsauit; & si quando te cadere permisit, in faciem cadere fecit, vt fortior surgeres; & ne frangereris, manum supposuit; vitiorum deformitatem edocuit, vt in virtutum admirationem traheret.

*De Beneficio G V B E R N A T I O N I S.*

1. **C**onseruauit te in esse, dans tibi augmentum, & esse iucundum & sanum, cum ex te sis nihilum, te conseruauit à tantis periculis, languoribus, hostibus, subministrauit victum, domum, & alia vtilia.

2. Conseruauit in te propter te ceteras creaturas, ministrans successiones temporum, & producens diuersitatem florum, fructuum, &c. ad tollendum fastidium.

3. Te erexit non solum per prospera, sed etiam per aduersa, imò & tibi ita sollicitè intendit, ac si ei non esset cura aliorum, semper tibi præsens, omnia opera tua prospiciens, eaq. & per se, & Angelorù ministerio dirigens.

*De Beneficio G L O R I F I C A T I O N I S.*

1. **G**audia paradisi tibi promisit Deus: primò enim Diuinitatis fruitionem, Redemptoris nostri & Deiparæ Virginis visionem, supra te videbis.

2. Iuxta te, fruiturus es societate Sanctorum iucundissima ob eorum qualitatem: sunt enim nobilissimi, speciosissimi, charitate plenissimi, & numero plurimi.

3. Intra te, propter glorificationem animæ & corporis, ratione quadruplicis dotis qua adornabitur, videlicet claritatis, subtilitatis, impassibilitatis, & agilitatis.

4. Extrate, locum amœnissimum, deliciosissimum, scilicet odoribus, suauitatibus, melodis, & diuersis harmoniis, altissimum, amplissimum, iucundissimum, pulcherrimum.

5. Sub-



5. Subtus te, cum perspexeris te tam sauos & terribiles diuina virtute hostes vicisse; & commissos reatus, Dei clementia defleuisse; & tam horrendos cruciatus, Dei misericordia euasisse.

6. Circum te, multa & magna ac speciosa, quæ nec oculus vidit, nec auris audiuit, nec in cor hominis ascenderunt.

*Oratio in qua DEO pro acceptis BENEFICIIS  
aguntur gratia.*

**G**Ratias ago tibi Domine Deus meus, pro vniuersis beneficiis & gratiis in me collatis, iam inde à primo die quo in vtero matris meæ conceptus sum, vsque in hanc horam præsentem; & pro amore tuo singulari, quo ab æterno me dilexisti, statuens me creare ad imaginem tuam, creatû redimere, redemptum totum tuum facere, & ea omnia largiri, quibus hætenus ornatus sum. Omnia quippe quæ in me sunt, & quæ firma spe exspecto, tua sunt. Tuum est corpus hoc, tua sunt membra singula, tui sensus, tua anima mea, tuæ omnes quibus prædita est facultates, tuæ omnes horæ & momenta quibus hætenus vixi, tuæ vires & salus mea, tuum cælum quod me tegit, tua terra quæ me sustentat, tuus sol, luna, stellæ, campi, aues, pisces, quadrupedes, serpentes, ceteræque creaturæ, quæ te iubente seruiunt mihi. Hæc omnia tua sunt, Domine Deus meus; idcirco quas maximas valeo, gratias ago: multò verò maiores teneor, quod ipse meus esse voluisti, totum te pro me obtulisti, & in remedium

meum

meum impertuisti. Amore mei carne te humana vestiisti, propter me in stabulo nasci, pannis inuolui, octauo die circumcidi, in Ægypto exulare, ieiunare, orare, insomnes noctes ducere, lachrymas fundere, multis modis tentari, persecutiones pati, propter me malè excipi, flagellari, spinis coronari, iniurijs & ignominijs excipi, ad mortem damnari, cruci affigi voluisti. Propter me, Sacramentorum tuorum medicamenta instituisti, confortans me liquore tui pretiosissimi sanguinis, sanctissimaque carne tua in Eucharistiæ sacramento me nutriens. in quo tu Deus meus es, vt me protegas, vt me sustentas, vt me fortifices, vt me oblectes; in quo spei meæ pignus, & tesseram amoris tui accipio. Pro his omnibus gratias agens, dico ex intimo corde cum Regio Prophetarum:

**B**enedic anima mea Domino: & omnia quę *Psal. 102.*  
intra me sunt nomini sancto eius.

Benedic anima mea Domino: & noli obliuisci omnes retributiones eius.

Qui propitiatur omnibus iniquitatibus tuis: qui sanat omnes infirmitates tuas.

Qui redimit de interitu vitam tuam: qui coronat te in misericordia & miserationibus.

Qui replet in bonis desiderium tuum: renouabitur vt aquilæ iuuentus tua.

Faciens misericordias Dominus: & iudicium omnibus iniuriam patientibus.

Notas fecit vias suas Moyse: filijs Israël voluntates suas.

Miserator & misericors Dominus : longanimis, & multum misericors.

Non in perpetuum irascetur : neque in æternum comminabitur.

Non secundum peccata nostra fecit nobis : neque secundum iniquitates nostras retribuit nobis.

Quoniam secundum altitudinem cæli à terra : corroborauit misericordiam suam super timentes se. Quantum distat Ortus ab Occidente : longè fecit à nobis iniquitates nostras.

Quomodo miseretur pater filiorum , misertus est Dominus timentibus se : quoniam ipse cognouit figmentum nostrum.

Recordatus est quoniam pulvis sumus : homo sicut fœnum dies eius , tamquam flos agri sic efflorescit.

Quoniam spiritus pertransibit in illo , & non subsistet : & non cognoscet amplius locum suum. Misericordia autem Domini ab æterno : & usque in æternum super timentes eum.

Et iustitia illius in filios filiorum : his qui seruant testamentum eius.

Et memores sunt mandatorum ipsius : ad faciendum ea.

Dominus in cælo parauit sedem suam : & regnum ipsius omnibus dominabitur.

Benedicite Domino omnes Angeli eius : potentes virtute , facientes verbum illius , ad audiendam vocem sermonum eius.

Benedicite Domino omnes virtutes eius : ministri eius , qui facitis voluntatem eius.

Benedicite Domino omnia opera eius : in

omni



omni loco dominationis eius, benedic anima mea Domino.

*ORATIO ad Gratitude affectum  
à DEO petendum.*

**A** Peri mihi Domine, qui sis, qui tot beneficijs me velut irretis & circumdas : nec dona ipsa tantum, sed te ipsum in illis mihi communicas. Quid ab egena hac, & quæ vix est digna inter vilissimos terræ vermiculos computari creatura, effusa hac tua liberalitate prætendis? Augebitur fortè gloria tua ex hoc quod te amem? Purissimum omnino desiderium tuum de nostro bono promouendo, & immensa illa æternaque bonitas tua te vrget Domine, vt te ipsum communicates homini quò ad te illum pertrahas, tuique ac beatitudinis tuæ participem facias. O itaque omne bonum meum, submergar quæso in hac tuæ bonitatis, meæque indignitatis ac vilitatis abyssò : agnoscam meam nihilitatem, & donorum tuorum magnitudinem : non minoris æstimem quæ tristitia videntur, quàm quæ lætissima; nec minus quæ tribulationem quàm quæ afferunt consolationem; cum omnia à benedicta & munifica manu tua mihi proueniant: vtar illis vt par est, atque ex sincero & humili corde pro illis semper gratias tuæ maiestati & immensæ bonitati agam.

*ORATIO in qua se homo, & omnia  
sua offert DEO.*

**Q**uemadmodum, ô Domine, obligatus sum tibi obedire, sic etiam donare me &

offerre debeo, & in manus tuas resignare, cum tot iustis titulis ac nominibus totus tuus sim. Tuus, inquam, quia creasti me, & esse quod habeo, mihi dedisti: tuus, quia in hoc esse me conseruasti, totque prouidentiae tuae beneficiis ac officiis cumulaſti: tuus, quia me ex seruitute in libertatem asseruisti, ac emisti non auro aut argento, sed pretioso sanguine tuo: tuus, quia toties me redemisti, quoties è peccato eruiſti. Si itaque tot nominibus tuus sum, & tu vicissim es meus Rex, meus Dominus, meus Redemptor, & liberator meus: ecce conuerto me, vt dem tibi quod tuum est, hoc est, meipsum. Trado me tibi in mancipium & seruum: ecce do tibi clauēs & dominium meae voluntatis, vt posthac amplius nec meus sim nec alterius, sed totus tuus: vt non viuam mihi, sed vt seruiam tibi: adeò vt siue comedam, siue bibam, siue quid aliud agam, omnia ad gloriam tuam referam. Me tibi sisto, vt disponas de me sicut de eo quod tuum est, secundum voluntatem tuam: si velis me viuere, mori, sanum esse aut infirmum, diuitem aut pauperem, laudatum vel illaudatum, in omnibus me tibi offero: in manus tuas me resigno, possessioni meipſius renuntio, vt in posterum nō sim meus, sed tuus: donec id quod tuum est per iustitiam, etiam sit tuum mea cum voluntate. Sed quis horum aliquid praestabit absque te? quis vel pedem mouebit absque te? Largire ergo mihi hanc gratiam Domine, vt, quae iubes, faciam; & iube quod vis. Tu ipse animum nobis addidisti, vt a

te misericordiam flagitaremus, cum diceret per vnigenitum Filium tuum: Petite, & accipietis: quærite, & inuenietis: pulsate, & aperietur vobis. Spem quoque nostram erexisti, dicens per Prophetam: Non est Deus iustus & saluator præter me. Conuertimini ad me omnes fines terræ. Porro si tu ipse nos Domine vocas, nos inuitas, & vt ad te recurramus, tua brachia extendis, cur non speremus iisdem nos recipiendos? Tu Domine haud similis es hominibus, qui cum sua communicant, pauperiores fiunt, ac hoc nomine molestiam sentiunt quando rogantur. Tu Domine talis non es: quia sicut tibi nihil decedit, cum omnia largiris; ita iniquo animo non fers, quando rogaris. Proinde aliquid à te petere, non est importunum agere, sed obedire tibi, quandoquidem vt postulemus præcepisti. Hoc est honorare te, hoc est glorificare te. Hac enim ratione esse te Deum, ac Dominum vniuersi orbis, omniumque datorem protestamur: à quo cum omnia depēdeant, omnia petenda sunt. Vnde ipsemet à nobis hoc genus sacrificij præ ceteris postulas, dicēdo: Immola Deo sacrificium laudis, & redde Altissimo vota tua. Et inuoca me in die tribulationis: eruam te, & honorificabis me.

Motus itaque tam pio mandato accedo ad te, vt quidquid Domine tibi debeo, in eo exsoluendo me iuuare digneris. Scilicet vt sic te adorem, sic timeam, sic reuerear, sic laudem, sic pro vniuersis beneficiis gratias agam, sic te toto pectore amem, sic spem meam totam in te

Luca II.

Isaia 45.

Psal. 49.



collocem, sic sanctis tuis obediam præceptis, sic me in tuas manus offeram & consignem, sic has & alias eius generis gratias petam, vt expedire iudicas ad promouendam sancti nominis tui gloriam, & animæ meæ salutem. Oro insuper te Domine, vt mihi concedas peccatorum veniam, contritionem veram, pœnitentiam perfectam: & da mihi gratiam, ne iisdem vel aliis in posterum te offendam. Potissimum verò virtutem exposco, qua carnem eiusq. desideria castigem, linguam refrenem, cordis affectus mortificem, vagas imaginationes recoligam, vt sic omni ex parte renouatus & reformatus merear esse templum viuum, & habitaculum tuum. Adde & eas virtutes, quibus non modò purgetur habitaculū istud, sed & egregiè adornetur: vt sunt nominis sancti tui timor, firmissima spes, profundissima humilitas, perfectissima patientia, clara discretio, paupertas spiritus, perfecta obedientia, continua fortitudo, diligentia summa in cunctis rebus, quæ ad tuum cultum & obsequium pertinent: ante omnia verò ardentissima charitas, tam erga te, quàm erga proximum.

Et quia scio me his omnibus indignum, nec aliquid horum promeritum esse; obsecro, Domine, vt memineris misericordiæ tuæ (quæ nostram supponit miseriam) vt ista facilius executioni mandem. Memorare quòd non vis mortem peccatoris (vt ipsemet testaris) sed vt conuertatur & viuat. Recordare non venisse Filium tuum vnigenitum in hunc mundum

(vt

(vt ipse ait) vocare iustos, sed peccatores. Memento quanta fecit, quanta passus est à die natiuitatis suæ, vsque dum in cruce moreretur, non pro se, sed amore mei. Quæ omnia, clementissime Pater, offero tibi in sacrificium pro peccatis & necessitatibus meis, non in meo, sed Filij tui dilectissimi nomine. Quia de te dicitur, quòd honoras patres in filiis, & vni parcis propter alium; honora igitur & tu vnigenitum Filium tuum, benefaciens mihi amore illius: quia ipse meus est pater, & secundus Adam meus; & ego filius illius licet immorigerus. Aspice Domine, quia ad te confugio, venio ad ostium misericordiæ tuæ, expono tibi paupertatem meam, detego tibi vulnera mea, tamquam vero medico; & cum tali spiritu inuoco te, & in conspectu tuo effundens animam meam, orationem Prophetæ tui repeto dicens:

**I**nclina Domine aurem tuam, & exaudi me: Psal. 85.  
Quoniam inops & pauper sum ego.

Custodi animam meā, quoniam sanctus sum: saluum fac seruum tuum Deus meus sperantem in te.

Miserere mei Domine, quoniam ad te clamaui tota die: latifica animam serui tui, quoniam ad te Domine animam meam leuaui.

Quoniam tu Domine suavis & mitis: & multæ misericordiæ omnibus inuocantibus te.

Auribus percipe Domine orationem meam: & intende voci deprecationis meæ.

In die tribulationis meæ clamaui ad te: quia exaudisti me.

Non est similis tui in diis Domine : & non est secundum opera tua.

Omnes gentes quascumque fecisti, venient, & adorabunt coram te Domine : & glorificabunt nomen tuum.

Quoniam magnus es tu, & faciens mirabilia: tu es Deus solus.

Deduc me Domine in via tua, & ingrediar in veritate tua: lætetur cor meum, vt timeat nomen tuum.

Confitebor tibi Domine Deus meus in toto corde meo: & glorificabo nomen tuum in æternum.

ORATIO *ad sanctam lætitiã à*  
*Deo petendam.*

**Q**uantam, Domine, quamq. iustam habet anima lætitiæ causam, si quæ in te sunt magna & excellentia, attentius consideret? Potentiam inmensam, sapientiam ineffabilem, bonitatem infinitam, pulchritudinem, misericordiam, iustitiam, & beatitudinem, ceterasque perfectiones, quas habes sine numero. Et quî fit quod non extra se rapiatur animus, dum attendit intrinsecam vel solius hominis tecum cognitionem, qui tam arcto humanæ nostræ naturæ vinculo te astrinxisti, vt verè Deus sit homo, homoque Deus? Quomodo item non gaudio exultat animus, qui certò nouit aliam esse, post hanc vitam, æternam & beatam; & vnigenitum Filium tuum, portam nobis & pignus illius esse? O igitur omne bonum meum, Rex gloriæ, lætitia, & plenum omnium electo-

rum



rum gaudium, tranquillam quæso redde ac lætam animam meam, simulque vanam omnem lætitiā repelle, quæ contristat potius & obnubilat cor. Ignosce peccatis meis, da firmam in tuo amore constantiam; & ut tum ex munda conscientia testimonio, tum ex gloriosa tuæ visionis arrha, lætetur & exultet in te anima mea.

ORATIO *de laudibus* DEI.

**C**Um plurima in me sint, quæ timoris & lacrymarum materiam præbeant; expediebat, Domine Deus, ut in sancto pœnitudinis exercitio, totius vitæ cursum exigerem. At tamen magnitudo gloriæ tuæ non solum me obligat ut te adorem, omni que reuerentia colam, sed etiam ut laudem & glorificem. Te enim decet hymnus in Sion, cum reuerà sis instar pelagi omnium perfectionum, sapientiæ, omnipotentia, pulchritudinis, diuitiarum, magnitudinis, suauitatis, Maiestatis; in quo omnium creaturarum, tam cælestium quam terrenarum, perfectiones summo prorsus gradu elucet. Cuius comparatione omnis pulchritudo deformitas est, omnes diuitiæ inopia, omne robur debilitas, omnis sapientia ignorantia, omnis dulcedo amaritudo. Denique quidquid vel in cælis supra, aut infra in hoc mundo resplendet, minus coram te est, quam lumen candelæ in conspectu Solis. Tu solus sine deformitate perfectus existis, magnus sine quantitate, bonus sine qualitate, fortis sine debilitate, ubique locorum absque loco, infinitus

magnitudine, virtute omnipotens, bonitate summus, sapientia inæstimabilis; in consiliis terribilis, in iudiciis iustus, in cogitatione secretus, verax in verbis, in operibus sanctus, misericordia copiosus, erga peccantes patiens, erga pœnitentes pius. Talem ergo Domine te confiteor, & vt talem laudo ac glorifico. Infunde lumen cordi meo, & da sermonem ori meo, vt cogitem gloriam nominis tui, & dignè annuntiem laudem tuam. Sed quia hæc in ore peccatoris speciosa esse nequit, hinc cælestes Angelorum choros, omnemque creaturam qua possum humilitate inuoco, & cantico illo glorioso, quod Sancti illi pueri in medio ignis Babylonici decantabant, inuito: vt te mecum exaltent, suppleantque quod mea deest infirmitati, dicentes:

*Dan. 3.*

**B**enedictus es Domine Deus patrum nostrorum: & laudabilis, & gloriosus, & superexaltatus in sæcula.

Et benedictum nomen gloriæ tuæ sanctum: & laudabile, & superexaltatum in omnibus sæculis.

Benedictus es in templo sancto gloriæ tuæ: & superlaudabilis, & supergloriosus in sæcula.

Benedictus in throno regni tui: & superlaudabilis, & superexaltatus in sæcula.

Benedictus es, qui intueris abyssos, & sedes super Cherubim: & laudabilis, & superexaltatus in sæcula.

Benedictus es in firmamento cæli: & laudabilis, & gloriosus in sæcula.

Bene-

Benedicite omnia opera Domini

Domino:

Benedicite Angeli Domini Dño:

Benedicite cæli Domino:

Benedicite aquæ omnes quæ super cælos sunt Domino:

Benedicite omnes virtutes Domini Domino:

Benedicite sol & luna Domino:

Benedicite stellæ cæli Domino:

Benedicite omnis imber & ros Domino:

Benedicite omnes spiritus Dei Domino:

Benedicite ignis & æstus Domino:

Benedicite frigus & æstus Dño:

Benedicite rores & pruina Dño:

Benedicite gelu & frigus Dño:

Benedicite glacies & niues Dño:

Benedicite noctes & dies Dño:

Benedicite lux & tenebræ Dño:

Benedicite fulgura & nubes Domino:

Benedicat terra Dominum : laudet & superexaltet eum in sæcula.

Benedicite montes & colles Domino : laudate & superexaltate eum in sæcula.

Gloria Patri, &c.

laudate &  
superex-  
altate eum  
in sæcula.





CAPVT SEXTVM.  
SEPTEM PSALMI  
POENITENTIALES

Cum Litanij, & Orationibus  
selectis.

*Antiph.* Ne reminiscaris. PSALMVS.



Domine, ne in furore tuo arguas me : neque in ira tua corripas me.

*Psalm. 6.*

Miserere mei Domine, quoniam infirmus sum : sana me Domine, quoniam contur-

bata sunt ossa mea.

Et anima mea turbata est valdè : sed tu Domine vsquequo?

Conuertere Domine, & eripe animam meam : saluum me fac propter misericordiam tuam.

Quoniam non est in morte qui memor sit tui : in inferno autem quis confitebitur tibi?

Laboraui in gemitu meo, lauabo per singulas noctes lectum meum : lacrymis meis stratum meum rigabo.

Turbatus est à furore oculus meus : inueteraui inter omnes inimicos meos.

Discedite à me omnes qui operamini iniquitatem : quoniam exaudiuit Dominus vocem fletus mei.

Exaudiuit Dominus deprecationem meam:

Domini-

Dominus orationem meam suscepit.  
Erubescant, & conturbentur vehementer omnes inimici mei : conuertantur, & erubescant valdè velociter.

Gloria Patri, & Filio.

PSALMVS.

*Psal. 31.*

**B**Eati, quorum remissæ sunt iniquitates: & quorum tecta sunt peccata.

Beatus vir, cui non imputauit Dominus peccatum: nec est in spiritu eius dolus.

Quoniam tacui, inueterauerunt ossa mea: dum clamarem tota die.

Quoniam die ac nocte grauata est super me manus tua: conuersus sum in ærumna mea, dum configitur spina.

Delictum meum cognitum tibi feci: & iniustitiam meam non abscondi.

Dixi, Confitebor aduersum me iniustitiam meam Domino: & tu remisisti impietatem peccati mei.

Pro hac orabit ad te omnis sanctus: in tempore opportuno.

Verumtamen in diluuiio aquarum multarum: ad eum non approximabunt.

Tu es refugium meum à tribulatione quæ circumdedit me: exultatio mea, erue me à circumdantibus me.

Intellectum tibi dabo, & instruam te in via hac qua gradieris: firmabo super te oculos meos.

Nolite fieri sicut equus & mulus: quibus non est intellectus.



In camo & freno maxillas eorum constringe:  
qui non approximant ad te.

Multa flagella peccatoris : sperantem autem in  
Domino misericordia circumdabit.

Lætamini in Domino, & exultate iusti : & glo-  
riamini omnes recti corde.

Gloria Patri. P S A L M V S.

**D**omine, ne in furore tuo arguas me : ne-  
que in ira tua corripas me. Psal. 37.

Quoniam sagittæ tuæ infixæ sunt mihi : &  
confirmasti super me manum tuam.

Non est sanitas in carne mea à facie iræ tuæ:  
non est pax ossibus meis à facie peccatorum  
meorum.

Quoniam iniquitates meæ supergressæ sunt  
caput meum : & sicut onus graue grauata sunt  
super me.

Putruerunt & corruptæ sunt cicatrices meæ:  
à facie insipientiæ meæ.

Miser factus sum, & curuatus sum vsque in fi-  
nem: tota die contristatus ingrediebar.

Quoniam lumbi mei impleti sunt illusioni-  
bus: & non est sanitas in carne mea.

Afflictus sum, & humiliatus sum nimis: ru-  
giebam à gemitu cordis mei.

Domine, ante te omne desiderium meum : &  
gemitus meus à te non est absconditus.

Cor meum conturbatum est, dereliquit me  
virtus mea : & lumen oculorum meorum, &  
ipsum non est mecum.

Amici mei, & proximi mei: aduersum me  
appropinquauerunt, & steterunt.

Et

Et qui iuxta me erant, de longè steterunt: & vim faciebant, qui quærebant animam meam. Et qui inquirebant mala mihi, locuti sunt vanitates: & dolos tota die meditabantur.

Ego autem tamquam surdus non audiebam: & sicut mutus non aperiens os suum.

Et factus sum sicut homo non audiens: & non habens in ore suo redargutiones.

Quoniam in te Domine speravi: tu exaudies me Domine Deus meus.

Quia dixi, Ne quando supergaudeant mihi inimici mei: & dum commouentur pedes mei, super me magna locuti sunt.

Quoniam ego in flagella paratus sum: & dolor meus in conspectu meo semper.

Quoniam iniquitatem meam annuntiabo: & cogitabo pro peccato meo.

Inimici autem mei viuunt, & confirmati sunt super me: & multiplicati sunt, qui oderunt me iniquè.

Qui retribuunt mala pro bonis, detrahebant mihi: quoniam sequebar bonitatem.

Ne derelinquas me Domine Deus meus: ne discesseris à me.

Intende in adiutorium meum: Domine Deus salutis meæ.

Gloria Patri, & Filio.

PSALMVS.

*Psal. 50.*

**M**iserere mei Deus: secundùm magnam misericordiam tuam.

Et secundùm multitudinem miserationum tuarum: dele iniquitatem meam.

Ampliùs

Amplius laua me ab iniquitate mea : & à peccato meo munda me.

Quoniam iniquitatem meam ego cognosco : & peccatum meum contra me est semper.

Tibi soli peccaui , & malum coram te feci : vt iustificeris in sermonibus tuis , & vincas cùm iudicaris.

Ecce enim in iniquitatibus conceptus sum : & in peccatis concepit me mater mea.

Ecce enim veritatem dilexisti : incerta & occulta sapientiæ tuæ manifestasti mihi.

Asperges me hyssopo , & mundabor : lauabis me , & super niuem dealbabor.

Auditui meo dabis gaudium & lætitiā : & exultabunt ossa humiliata.

Auerte faciem tuam à peccatis meis : & omnes iniquitates meas dele.

Cor mundum crea in me Deus : & spiritum rectum innoua in visceribus meis.

Ne proicias me à facie tua : & spiritum sanctum tuum ne auferas à me.

Redde mihi lætitiā salutaris tui : & spiritu principali confirma me.

Docebo iniquos vias tuas : & impij ad te conuertentur.

Libera me de sanguinibus Deus , Deus salutis meæ : & exultabit lingua mea iustitiam tuam.

Domine labia mea aperies : & os meum annuntiabit laudem tuam.

Quoniam si voluisses sacrificium , dedissem vtique : holocaustis non delectaberis.

Sacrificium Deo spiritus contribulatus : cor



contritum & humiliatum Deus non despicias.  
Benignè fac Domine in bona voluntate tua  
Sion : vt ædificentur muri Ierusalem.

Tunc acceptabis sacrificium iustitiæ , oblationes, & holocausta : tunc imponent super altare tuum vitulos.

Gloria Patri, & Filio.

PSALMVS.

*Psal. 101.*

**D**omine exaudi orationem meam : & clamor meus ad te veniat.

Non auertas faciem tuam à me: in quacumque die tribulor, inclina ad me aurem tuam.

In quacumque die inuocauero te: velociter exaudi me.

Quia defecerunt sicut fumus dies mei : & ossa mea sicut cremium aruerunt.

Percussus sum vt fœnum , & aruit cor meum: quia oblitus sum comedere panem meum.

À voce gemitus mei : adhæsit os meum carni meæ.

Similis factus sum pelicano solitudinis : factus sum sicut nycticorax in domicilio.

Vigilaui: & factus sum sicut passer solitarius in tecto.

Tota die exprobrabant mihi inimici mei : & qui laudabant me, aduersum me iurabant.

Quia cinerem tamquam panem manduca-  
bam : & potum meum cum fletu miscebam.

A facie iræ & indignationis tuæ : quia eleuans allifisti me.

Dies mei sicut vmbra declinauerunt : & ego sicut fœnum arui.

Tu autem Domine in æternum permanes : &

memo-

memoriale tuum in generationem & generationem.

Tu exurgens Domine misereberis Sion : quia tempus miserendi eius, quia venit tempus.

Quoniam placuerunt seruis tuis lapides eius : & terræ eius miserebuntur.

Et timebunt Gentes nomen tuum Domine : & omnes reges terræ gloriam tuam.

Quia ædificabit Dominus Sion : & videbitur in gloria sua.

Respexit in orationem humilium : & non spreuit preces eorum.

Scribantur hæc in generatione altera : & populus qui creabitur, laudabit Dominum.

Quia prospexit de excelso sancto suo : Dominus de cælo in terram aspexit.

Vt audiret gemitus compeditorum : vt solueret filios interemptorum.

Vt annuntient in Sion nomen Domini : & laudem eius in Ierusalem.

In conueniendo populos in vnum : & Reges vt seruiant Domino.

Respondit ei in via virtutis suæ : paucitatem dierum meorum nuntia mihi.

Nereuoces me in dimidio dierum meorum : in generationem & generationem anni tui.

Initio tu Domine terram fundasti : & opera manuum tuarum sunt cæli.

Ipsi peribunt, tu autem permanes : & omnes sicut vestimentum veterascent.

Et sicut opertoriū mutabis eos, & mutabuntur : tu autem idem ipse es, & anni tui nō deficient.

Filij seruorum tuorum habitabunt : & semen  
eorum in sæculum dirigetur.

Gloria Patri, & Filio.

PSALMVS.

*Psal. 129.*

**D**E profundis clamaui ad te Domine : Do-  
mine exaudi vocem meam.

Fiant aures tuæ intendentes : in vocem depre-  
cationis meæ.

Si iniquitates obseruaueris Domine : Domine  
quis sustinebit?

Quia apud te propitiatio est : & propter legem  
tuam sustinui te Domine.

Sustinuit anima mea in verbo eius : sperauit  
anima mea in Domino.

A custodia matutina vsque ad noctem : speret  
Israël in Domino.

Quia apud Dominum misericordia : & copiosa  
apud eum redemptio.

Et ipse redimet Israël : ex omnibus iniquitati-  
bus eius.

Gloria Patri. PSALMVS.

*Psal. 142.*

**D**omine exaudi orationem meam, auri-  
bus percipe obsecrationem meam : in ve-  
ritate tua exaudi me, in tua iustitia.

Et non intres in iudicium cum seruo tuo :  
quia non iustificabitur in conspectu tuo om-  
nis viuens.

Quia persecutus est inimicus animam meam :  
humiliauit in terra vitam meam.

Collocauit me in obscuris sicut mortuos sæ-  
culi : & anxius est super me spiritus meus, in  
me turbatum est cor meum.

Memor



Memor fui dierum antiquorum, meditatus sum in omnibus operibus tuis: in factis manuum tuarum meditabar.

Expandi manus meas ad te: anima mea sicut terra sine aqua tibi.

Velociter exaudi me Domine: defecit spiritus meus.

Non auertas faciem tuam à me: & similis ero descendentibus in lacum.

Auditam fac mihi manè misericordiam tuam: quia in te speraui.

Notam fac mihi viam, in qua ambulem: quia ad te leuaui animam meam.

Eripe me de inimicis meis Domine, ad te confugi: doce me facere voluntatem tuam, quia Deus meus es tu.

Spiritus tuus bonus deducet me in terram rectam: propter nomen tuum Domine viuificabis me, in æquitate tua.

Educes de tribulatione animam meam: & in misericordia tua disperdes omnes inimicos meos.

Et perdes omnes qui tribulant animam meam: quoniam ego seruus tuus sum. Gloria Patri.

*Antiph.* Ne reminiscaris Domine delicta nostra, vel parentum nostrorum; neque vindictam sumas de peccatis nostris.

# LITANIÆ.

**K**Yrie eleison. Christe eleison.  
Kyrie eleison.  
Christe audi nos.

Christe exaudi nos.

Pater de cælis Deus, Miserere nobis.

Fili redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas vnus Deus, Miserere nobis.

Sancta Maria, Ora pro nobis.

Sancta Dei Genitrix, ora,

Sancta Virgo virginum, ora.

Sancte Michael, ora.

Sancte Gabriel, ora.

Sancte Raphael, ora.

Omnes sancti Angeli & Archangeli, Orate pro nobis.

Omnes sancti beatorum Spirituum ordines, orate pro nobis.

Sancte Ioannes Baptista, ora,

Omnes sancti Patriarchæ & Prophetæ, orate pro nobis.

Sancte Petre, ora,

Sancte Paule, ora.

Sancte Andrea, ora,

Sancte Iacobe, ora.

Sancte Ioannes, ora,

Sancte Thoma, ora.

Sancte Iacobe, ora.

Sancte Philippe, ora.

Sancte Bartholomæ, ora.

Sancte Matthæ, ora,

Sancte Simon, ora.

Sancte Thadæ, ora.

Sancte Matthia, ora.

Sancte Barnaba, ora.

Sancte Luca, ora.

Sancte

Sancte Marce, ora.  
Omnes sancti Apostoli & Euangelistæ,  
orate pro nobis.  
Omnes sancti Discipuli Domini, orate.  
Omnes sancti Innocentes, orate.  
Sancte Stephane, ora.  
Sancte Laurenti, ora.  
Sancte Vincenti, ora.  
Sancti Fabiane & Sebastiane, orate.  
Sancti Ioannes & Paule, orate.  
Sancti Cosma & Damiane, orate.  
Sancti Geruasi & Protasi, orate.  
Omnes sancti Martyres, orate.  
Sancte Siluester, ora.  
Sancte Gregori, ora.  
Sancte Ambrosi, ora.  
Sancte Augustine, ora.  
Sancte Hieronyme, ora.  
Sancte Martine, ora.  
Sancte Nicolae, ora.  
Omnes sancti Pontifices & Confessores,  
orate pro nobis.  
Omnes sancti Doctores, orate.  
Sancte Antoni, ora.  
Sancte Benedicte, ora.  
Sancte Bernarde, ora.  
Sancte Dominice, ora.  
Sancte Francisce, ora.  
Omnes sancti Sacerdotes & Leuitæ, ora-  
te pro nobis.  
Omnes sancti Monachi & Eremitæ, ora-  
te pro nobis.



Sancta Maria Magdalena,	ora.
Sancta Agatha,	ora.
Sancta Lucia,	ora.
Sancta Agnes,	ora.
Sancta Cæcilia,	ora.
Sancta Catharina,	ora.
Sancta Anastasia,	ora.
Omnes sanctæ Virgines & Viduæ, orate pro nobis.	
Omnes Sancti & Sanctæ Dei, Intercedite pro nobis.	
Propitius esto,	Parce nobis Domine.
Propitius esto,	Exaudi nos Domine.
Ab omni malo,	Libera nos Domine.
Ab omni peccato,	libera.
Ab ira tua,	libera nos Domine.
A subitanea & improuisa morte,	libera nos Domine.
Ab insidiis diaboli,	libera.
Ab ira, & odio, & omni mala voluntate,	libera nos Domine.
A spiritu fornicationis,	libera.
A fulgure & tempestate,	libera.
A morte perpetua,	libera.
Per mysterium sanctæ incarnationis tuæ,	libera nos Domine.
Per Aduentum tuum,	libera.
Per natiuitatem tuam,	libera.
Per baptismum, & sanctum ieiunium tuum,	libera nos Domine.
Per crucem & passionem tuam,	libera nos Domine.

Per

Per mortem & sepulturam tuam, libera  
nos Domine.

Per sanctam resurrectionem tuam, libera  
nos Domine.

Per admirabilem ascensionem tuam, li-  
bera nos Domine.

Per aduentum Spiritus sancti paracliti, li-  
bera nos Domine.

In die iudicij, libera nos Domine.

Peccatores, Te rogamus audi nos.

Vt nobis parcas, te rogamus.

Vt nobis indulgeas, te rogamus.

Vt ad veram pœnitentiam nos perducere  
digneris, te rogamus.

Vt Ecclesiam tuam sanctam regere & cõ-  
seruare digneris, te rogamus audi nos.

Vt domnum Apostolicum & omnes Ec-  
clesiasticos ordines in sancta religione  
cõseruare digneris, te rogamus audi nos.

Vt inimicos sanctæ Ecclesiæ humiliare di-  
gneris, te rogamus.

Vt Regibus & Principibus Christianis pa-  
cem & veram concordiam donare di-  
gneris, te rogamus audi nos.

Vt cuncto populo Christiano pacem &  
vnitatem largiri digneris, te rogamus  
audi nos.

Vt nosmetipsos in tuo sancto seruitio con-  
fortare & conseruare digneris, te roga-  
mus audi nos.

Vt mentes nostras ad cœlestia desideria  
erigas, te rogamus.

Vt omnibus benefactoribus nostris sem-  
piterna bona retribuas, te rogamus au-  
di nos.

Vt animas nostras, fratrum, propinquo-  
rum, & benefactorum nostrorum, ab  
æterna damnatione eripias, te rogamus.

Vt fructus terræ dare & conseruare digne-  
ris, te rogamus.

Vt omnibus fidelibus defunctis requiem  
æternam donare digneris, te rogamus.

Vt nos exaudire digneris, te rogamus au-  
di nos.

Fili Dei, te rogamus audi nos.

Agnus Dei, qui tollis peccata mundi, Par-  
ce nobis Domine.

Agnus Dei, qui tollis peccata mundi, Ex-  
audi nos Domine.

Agnus Dei, qui tollis peccata mundi, Mi-  
serere nobis.

Christe audi nos. Christe exaudi nos. Kyrie  
eleison. Christe eleison. Kyrie eleison. Pater  
noster. *secretò. Vers.* Et ne nos inducas in ten-  
tationem. *Resp.* Sed libera nos à malo.

PSALMVS.

*Psal. 69.*

**D**Eus in adiutorium meum intende : Do-  
mine ad adiuuandum me festina.

Confundantur, & reuereantur : qui quærunt  
animam meam.

Auertantur retrorsum, & erubescant : qui vo-  
lunt mihi mala.

Auertantur statim erubescantes : qui dicunt  
mihi, Euge, euge.

Exul-



Exultent & latentur in te omnes qui quærunt te : & dicant semper, Magnificetur Dominus, qui diligunt salutare tuum.

Ego verò egenus & pauper sum : Deus adiuua me.

Adiutor meus, & liberator meus es tu : Domine ne moreris.

Gloria Patri, & Filio.

*Vers.* Saluos fac seruos tuos. *Resp.* Deus meus, sperātes in te. *Vers.* Esto nobis Domine turris fortitudinis. *Resp.* A facie inimici. *Vers.* Nihil proficiat inimicis in nobis. *Resp.* Et filius iniquitatis non apponat nocere nobis. *Vers.* Domine, non secundum peccata nostra facias nobis. *Resp.* Neque secundum iniquitates nostras retribuas nobis. *Vers.* Oremus pro Pontifice nostro N. *Resp.* Dominus cōseruet eum, & viuificet eum, & beatum faciat eum in terra, & nō tradat eum in animam inimicorum eius. *Vers.* Oremus pro benefactoribus nostris. *Resp.* Retribuere dignare Domine omnibus nobis bona facientibus propter nomen tuum vitam æternam. *Vers.* Oremus pro fidelibus defunctis. *Resp.* Requiem æternam dona eis Domine, & lux perpetua luceat eis. *Vers.* Requiescant in pace. *Resp.* Amen. *Vers.* Pro fratribus nostris absentibus. *Resp.* Saluos fac seruos tuos, Deus meus, sperantes in te. *Vers.* Mitte eis Domine auxilium de sancto. *Resp.* Et de Sion tuere eos. *Vers.* Domine exaudi orationem meam. *Resp.* Et clamor meus ad te veniat.

Ore-

## Oremus.

**D**Eus, cui proprium est misereri semper, & parcere: suscipe deprecationem nostram: vt nos, & omnes famulos tuos, quos delictorum catena constringit, miseratio tuæ pietatis clementer absoluat.

**E**Xaudi, quæsumus Domine, supplicum preces, & confitentium tibi parce peccatis: vt pariter nobis indulgentiam tribuas benignus & pacem.

**I**neffabilem nobis Domine misericordiam tuam clementer ostende: vt simul nos & à peccatis omnibus exuas, & à pœnis, quas pro his meremur, eripias.

**D**Eus, qui culpa offenderis, pœnitentia placaris; preces populi tui supplicantis propitius respice: & flagella tuæ iracundiæ, quæ pro peccatis nostris meremur, auerte.

**O**Mnipotens sempiterne Deus, miserere famulo tuo Pontifici nostro N. & dirige eum secundum tuam clementiam in viam salutis æternæ: vt te donante tibi placita cupiat, & tota virtute perficiat.

**D**Eus, à quo sancta desideria, recta consilia, & iusta sunt opera: da seruis tuis illam, quam mundus dare non potest, pacem: vt & corda nostra mandatis tuis dedita, & hostium sublata formidine, tempora sint tua protectione tranquilla.

**V**Re igne sancti Spiritus renes nostros, & cor nostrum, Domine: vt tibi casto corpore seruiamus, & mundo corde placeamus.

Fide-

**F**idelium Deus omnium conditor & redemptor, animabus famulorum famularumque tuarum, remissionem cunctorum tribue peccatorum: vt indulgentiam, quam semper optauerunt, pijs supplicationibus consequantur.

**A**ctiones nostras, quæsumus Domine, aspirando præueni, & adiuuando proseguere: vt cuncta nostra oratio & operatio à te semper incipiat, & per te cœpta finiatur.

**O**mnipotens sempiterne Deus, qui viuorum dominaris simul & mortuorum, omniumque misereris, quos tuos fide & opere futuros esse prænoscis: te supplices exoramus: vt pro quibus effundere preces decreuimus, quosque vel præsens sæculum adhuc in carne retinet, vel futurum iam exutos corpore suscipit, intercedentibus omnibus sanctis tuis, pietatis tuæ clementia, omnium delictorum suorum veniam consequantur. Per Dominum nostrum Iesum Christum Filium tuum: qui tecum viuit & regnat in vnitæte Spiritus sancti Deus: per omnia sæcula sæculorum.

*Resp. Amen.*

*Vers. Domine exaudi orationem meam.*

*Resp. Et clamor meus ad te veniat.*

*Vers. Exaudiat nos omnipotens & misericors Dominus. Resp. Amen.*

*Vers. Et fidelium animæ per misericordiam Dei requiescant in pace. Resp. Amen.*



ORATIONES SELECTÆ  
AD VARIAS VIRTUTES  
A DEO IMPETRANDAS.

*Oratio ad impetrandum à DEO  
FIDEI donum.*



Lux animæ meæ, à suprema orta luce; veritas infallibilis, à summa & æterna procedēs veritate! Christe IESV Deus meus, sequatur anima mea, in media huius vitæ nocte & densissimis ignorantiae tenebris constituta, fidei tuæ sanctę ductum & lucem, qua credam quæ non video, certa sint mihi quæ credo, licet obscura & recondita.

Credam, ô gloria & beatitudo mea, quidquid de tua gloria, diuinitatis vnitate, personarum Trinitate, Verbi cū humana natura vnione, nobis reuelasti. Cetera denique mysteria, quæ benedicto tuo ore hīc ambulans prompsisti, quæ sacrosancta Scriptura manifestat, & dilecta tua sponsa, Catholica Romana (fida mysteriorum custos) docet Ecclesia. Hanc ego semper matrem agnoscam, hanc magistrā sequar, hanc doctricem audiam. Et quia fides sine operibus mortua est, da vt vitæ opera ad fidei testimonium peragam. Ne quid tuo conspectu (quem fides hæc præsentem vbique edocet) admittam indignum: sed pudeat, &

tædeat

tædeat in eo statu viuere, in quo non & mori delectet. Amen.

*Oratio ad petendam à DEO virtutem SPEI.*

**Q**Vis, ô Domine, seipsum intueretur, & non deficit, ac diffidit sibi? Quis contrà tuam intuetur bonitatem, & non confidit, speratque? Cuius pusillanimitas ac diffidentia non euanesceat, qui, quantum bonitas tua ipsius malitiam, omnipotentia debilitatem excedat, animaduenerit; noueritq. quanto sit fortior in te, quàm debilis & infirmus in se? In te, Domine, spes nostra nititur, sine cuius gratia nulla sunt merita nostra. Manat enim spes nostra ab illo vitæ fonte, qui pro nobis est mortuus in cruce; ex riuulis inquam pretiosi sanguinis, qui ex Vnigeniti tui corpore tam copiosè & liberaliter in ligno illo sancto effluxerunt. Illud enim est sacrificium iustitiæ, & causâ nostræ spei. Hæ nostræ diuitiæ, hic thesaurus noster, & denique vita nostra. Christus pro me mortuus est: quid est quod timeam? & quid est quod non sperem? O igitur refugium meum, & spes mea, fac me sperare in te, ac sollicitudine magna exerceri semper in mandatorum tuorum custodia; resistere malis viriliter, excitari ad bona quæque alacriter: aggrediar ardua & difficilia, in eisq. propter amorem tuum spe secura persistam.

*Oratio ad petendam CONFIDENTIAM.*

**D**omine Deus meus, omnes rationes quæ me ad amorem tuum obligant, etiam in te sperare compellunt. In quo enim sperem, nisi

in

in eum qui me tam tenerè diligit? nisi in eum qui me tot beneficiis cumulauit? in eum qui tanta pro me passus est? in eum qui me toties vocauit, tanto tempore expectauit, mihi pepercit, & ab omni malo liberauit? in quem sperabo, nisi in eum qui est infinitè misericors, pius, amabilis, benignus, patiens, & qui tam promptus est ad ignoscendum? In quem sperabo nisi in eum, qui est pater meus, & pater omnipotens? pater vt amet me, & omnipotens vt opem ferat meæ necessitati: pater vt benè mihi velit, omnipotens vt possit benefacere: pater cui maior cura est & prouidentia de suis filiis spiritualibus, quàm alicui patri de filiis carnalibus. In quem denique sperabo, nisi in eum, qui in omnibus ferè Scripturis suis mihi præcipit, vt appropinquem illi, sperem in illo, & qui sic agentibus millies fauorem mercedemque promittit? Et ad confirmanda hæc omnia, dedit pignoris loco veritatem, ac verbum suum, præterita beneficia quàm plurima, tormenta quæ pro me passus est, & sanguinem pretiosum mei causa effusum. Quid porrò non expectabo à Deo ac Domino tam bono, tam verace, à Deo qui sic me dilexit, qui propter me, se carne vestiuit, verbera, vellicationes, & alapas sustinuit, & tandem mortem in cruce appetiit, solo amore mei victus? Nec illi hæc omnia sufficiebant, nisi etiam ad vtilitatem meam seipsum sub exigua hostia mihi vt cibum relinqueret. Quomodo igitur me fugere poterit, quando eum quæram, qui me sic quæsiuit fugientem se?

Quomo-



Quomodo petendi veniam negaturus est, qui mihi ut peterem præcepit? Quomodo remedium negabit, quod mihi iam pridem tanto sanguinis sui pretio comparauit? His ergo causis ipsi confidam, ac in omni tribulatione cum Propheta dicam: Dominus illuminatio mea, & salus mea, quem timebo? Dominus protector vitæ meæ, à quo trepidabo? Si exurgat aduersum me prælium, in hoc ego sperabo. Si constant aduersum me castra, non timebit cor meum. Amen.

*Oratio in qua petitur AMOR DEI  
ac CHARITAS.*

**S**I obligatio, qua benefactoribus nostris pro acceptis beneficijs deuincti sumus, tanta sit, & singula beneficia quasi titiones & ignis spiritualis incentiua; quantum, ô Domine, amoris ardorem in corde meo nasci par est, cum tot habeam quasi ligna beneficiorum, ac veluti faculas amoris tui? Si totus hic mundus tam visibilis, quam inuisibilis, in mei gratiam factus est; an non meritò flamma quæ ex illo exurgit, tanta esse debet, quantus est ipse mundus? Atque hoc tanto magis, quia in te solo reperiuntur omnes amandi causæ ac rationes, quæ in cunctis sunt creaturis, & singulæ quidem in summo perfectionis gradu. Si namque bonitatem considerem, quis te melior inuenitur? si pulchritudinem, quid te speciosius? si suauitatem ac benignitatem, quis te suauior magisque benignus? si diuitias ac prudentiam, quis te ditior atque prudentior? si amorem,

quis nostri amantior illo, qui tanta hominum causa passus est? si beneficentiam, cuius sunt omnia quæ possidemus, nisi tua? si liberalitatē, à quo speremus ea quæ nobis desunt, nisi à misericordii manu tua? Si tantus est amor quo nature ductu in parētes ferimur, quis magis pater dicendus est, quàm ille qui ait, Patrē nolite vocare vobis super terram, est enim Pater vester, qui in cælis est: Matth. 23. Si tanto amore diligantur sponsi, quis est sponsus animæ meæ, nisi tu? aut quis replebit sinum cordis mei, & desideria mea satiabit, nisi tu Domine? Si vltimum finem quæro, quem aiunt Philosophi infinito amore diligendū, quis principiū & finis meus, nisi tu? Vnde enim originem traxi, & quod vt perficiar vadam, nisi ad te, & in te? A quo est omne id quod habeo, & à quo spero me accepturum ea quæ desunt, nisi à te? Denique si amoris causa est ipsa similitudo, ad cuius imaginem & similitudinem anima mea creata est, nisi ad tuam? Quòd si solus iste titulus, & singuli supradictorū sint per se amoris incentiua, quale debet esse id, quod ex omnibus illis simul iunctis deriuabitur? Certè quantum Oceanus singula quæ in ipsum intrant flumina superat, tantum hic amor ceteros omnes antecellere debet. Si porrò tot mihi suppetant Domine diligendi rationes, cur te non amem toto corde, ac intimis visceribus meis? O tota fiducia mea! ô amantissime super omnia amata! ô sponse floride, sponse suavis, sponse melliflue! ô amabile principium meum, & summa sufficientia

mea!

mea! Quando te amabo omnibus viribus, & ex tota anima mea? quando tibi in omnibus placebo? Quando morietur in me, quidquid tibi contrarium est? Quando totus ero tuus? quando desinam esse meus? Quando præter te nihil in me viuet? Quando me depascent amoris tui flammæ? Quando violenter trahes? Quando immerges me, & totum in te transferes? Quando felicem illum videbo diem, quo sublatis omnibus impedimentis & perturbationibus, facies vt vnus spiritus tecum sim, nec in posterum à te diuellar? Ah Domine quanti constitit tibi beneficentia in me tua? quanta aufers ex domo tua? quantorum bonorum tuorum iacturam facis? Quare Domine, cum sis infinitæ liberalitatis & clementiæ pelagus, detines in ira tua misericordias tuas erga me? Quare iniquitates meæ tuam vincent bonitatem? Cur potius culpa meæ causa erit meæ dānationis, quàm bonitas tua saluationis? Si dolorem ac animi pœnitudinem requiris, certè ita me pœnitet Maiestatem tuam, offendisse, vt malim millies mortem passum, quàm vel vnum crimen aduersus te commisisse: si satisfactionem, offero tibi hoc miserabile corpus meum, in quod omnem iram tuam liberè effundas, tantùm ne deneges mihi amorem tui. Non aurum nec argentum postulo, imò neque celum, neque terram, nec aliquid creatum, hæc enim absq. te animũ nequeunt satiare meum. Omnia mihi absque te egestas sunt. Amorem quero, amorem efflagito, tui amore langueo, &



suspiro. Da mihi amorem tuum, & sufficit. Quousque Domine hanc gratiam differs? Cur me nocte dieque affligi permittis, & non succurris? Quamdiu Domine, quamdiu obliuisceris mei? Quamdiu auertes faciem tuam à me? Quamdiu inter tot anxietates ac desideria fluctuabit anima mea? Respice Domine, & oculos misericordiæ tuæ ad me conuerte. Non equidem portionem illam, quæ filiis in abundantia dari solet, peto; at sola mica, quæ de mensa tua cadet, contentus sum. Ergo me ut pauperem & famelicum catulum coram diuite mensa tua præsentem. Hic intuebor vultum tuum, considerando quo gestu ipsemet edis, & filios tuos cælestis tuæ gloriæ cibo pascis. Hic subsistam, ut cor tuum ad misericordiam flectam. Non me satiant Domine res ullæ vitæ huius, te solum desidero, te solum quæro, faciem tuam exopto, ad tui amorem & nunc & semper aspirabo, ac cum Propheta dicam:

*Psal. 17.*

Diligam te Domine fortitudo mea: Dominus firmamentum meum, & refugium meum, & liberator meus.

Deus meus, adiutor meus, sperabo in eum: protector meus, & cornu salutis meæ, & susceptor meus.

Laudans inuocabo Dominum: & ab inimicis meis saluus ero. Amen.

*Oratio qua excitatur animus ad DEI*

*TIMOREM.*

**S**I publicanus ille Euangelicus non audebat oculos suos ad cælum leuare, sed à longè

stans

stans percutiebat pectus suum, dicens; Deus propitius esto mihi peccatori: si peccatrix illa sancta, non ausa est in conspectum Domini venire, sed stans retrò secus pedes eius, profusis lacrymis veniam petiit delictorum: si sanctus Patriarcha Abraham volens cum Deo sermonem miscere dixit; Loquar ad Dominum meum cum sim pulvis & cinis: si isti tales ac tanti, tantopere se abiecerunt ac submiserunt, cum se tuæ Maiestati sisterent; quid faciet pauper & miserrimus peccator, qualis ego sum? quid faciet pulvis & cinis? quid faciet abyssus peccati & miseriæ? At quia, mi Domine, non possum habere timorem illum ac reuerentiam tantæ debitæ Maiestati, nisi tu in me respicias; da veniam, ut sic mihi liceat caligantes eleuare oculos, ut splendor gloriæ tuæ visus mei debilitatem nequaquam obtundat. Ac cum veræ sapientiæ principium sit timor sancti nominis tui, ab eo nunc Domine exordium sumam. Dona ergo mihi hanc gratiam, placeatque infundere animæ meæ donum timoris. Fac igitur Domine, ut anima mea & cor meum te timeat. Nam in te (qui omnia es) non minor est ratio cur timearis, quàm amaris, cum sis uti infinitè misericors, ita etiam infinitè iustus: & ut opera misericordiæ tuæ absque numero sunt, ita & iustitiæ. Timeam ergo te ob magnitudinem iustitiæ tuæ, ob profunditatem iudiciorum tuorum, ob celsitudinem Maiestatis tuæ, ob immensitatem amplitudinis tuæ, ob innumera peccata & præsumptiones meas, ac

Luc. 18.

Luc. 7.

Gen. 18

Jerem. 5.

super omnia rebellionem continuam, qua sanctis tuis inspirationibus reluctatus sum. Timeam te ac trepidem ante faciem tuam, in cuius conspectu tremunt Potestates, columnæ cæli concutiuntur, & vniuersæ terræ ambitus obstupescit. Et quis obsecro te non timeat Regem gentium? Quem non terreant verba Prophete, nomine tuo loquētis, cum ait: Me non timebitis, & à facie mea non dolebitis? Qui posui arenam terminum mari, præceptum sempiternum quod non præteribit: & commouebuntur, & non poterunt: & intumescunt fluctus eius, & non transibunt illud. Si omnes creaturæ tuæ, quæ vel in cælis, vel in terra sunt, ita tibi morem gerunt, & ob magnitudinem Maiestatis tuæ formidant, quid ego vilissimus peccator pulvis & cinis facturus sum? Si spiritus illi Angelici cum te adorant, & laudes tuas decantant, ita contremiscant, cur labia mea & cor meum, simili intenta officio, præ stupore ac reuerentia non deficiunt? Ah miserum me, cuius anima sic induruit! quomodo exsiccati sunt fontes oculorum meorum, ut amplius non fluant lacrymæ meæ, cum seruus loquar cum Domino, creatura cum Creatore, homo cum Deo, luteum vasculum cum eo qui cuncta ex nihilo creauit? Volo, sed non valeo; nec enim exequi valeo quæcumque desidero. Tu Domine, confige timore tuo carnes meas: lætetur cor meum, ut timeat nomen sanctum tuum. Timeam te quoque Domine, propter iudiciorum tuorum, quæ ab initio mundi usque huc exercuisti, magnitudinem & profunditatem.



tatem. Magnum fuisse iudicium clamat primi Angeli lapsus, tot virtutibus ornati: magnum, parentis nostri Protoplasti vnicum delictum: magnum, Cataclysmus qui vniuersum mundum inuoluit. Magnum planè iudicium electio Iacob, & Esau reprobatio; derelictio Iudæ, & Apostoli Pauli vocatio; reiectio populi Iudaici, & Gentium adoptatio; aliaque similia, quæ nobis insciis secretissimè indies accidunt. Præter hæc, est quod horrorem incutit maximum, tot videre nationes versantes super faciem terræ in regione & vmbra mortis, ac è tenebris infidelitatis ad alias tenebras, è molestiis temporariis ad tormenta properantes æterna. Timeam te meritò, Domine, ob hæc tua iudicia tam profunda, tam occulta; iureque verear, ne cum tot populis ipse quoque reprobus efficiar. Si enim vix iustus saluabitur, impius & peccator vbi parebunt? Si innocentissimus Iob à furore iræ tuæ tremat, quomodo non formidabit ab impetu tumentium fluctuum, qui à sancti viri innocentia tanto distat interuallo? Si Ieremias in vtero matris sanctificatus, adedò timebit iram tuam, vt non inueniret angulum in quem se abderet; quò se vertet, qui in peccatis conceptus est & natus.

Timeam te insuper ob multitudinem peccatorum meorum, quæ infinita sunt, quibuscum sistendus sum ante tribunal tuum, quando in conspectu tuo ignis exardescet, & in circuitu tuo tempestas valida ingruerit; cum aduocaueris cælum desuper, & terram, discernere popu-

*1. Pet. 4*

*Iob 31.*

*August.  
cap. 4.  
Meditas.*

lum tuum. Ibi in conspectu tot gentium ac tot Angelorum detegentur ac innotescunt scelera mea, non verbis modò ac opere, sed & mentis cogitatione commissa. Ibi tot habeo iudices, quot me præcesserunt bonis operibus præstantiores: tot aduersum me exurgent testes, quot mihi fuere ad virtutem exhortatores. Et tamen cùm certus sim de tali iudicio, nondum vitiis meis, vt par est, frenum modumque pono, sed potiùs in peccatorũ facibus computresco: nam gula me vilissimum reddit, superbia vanum, auaritia stringit, consumit inuidia, murmuratione lacerat, ambitio eleuat, ira perturbat, effundit leuitas, torpor opprimit, tristitia deiicit, fauor attollit. Hi sunt, quibuscum natus, huc vsq. vixi; hi amici quos habui familiares, magistri quibus parui, domini quibus seruiui. Ne intres tamen, ô Domine, in iudicium cum seruo tuo: quia non iustificabitur in conspectu tuo omnis viuens. Quem enim iustum reperiens, si remota pietate iudicaueris eum? Proinde ad pedes tuos prostratus, corde humili & contrito plorabo cum Propheta, & dicam:

*Psal. 14.*

*Psal. 6.*

Domine ne in furore tuo arguas me: neque in ira tua corripias me.

Miserere mei Domine, quoniã infirmus sum: sana me Domine, quoniam conturbata sunt ossa mea.

Et anima mea turbata est valdè: sed tu Domine vsquequò?

Conuertere Domine, & eripe animam meam: saluum me fac propter misericordiam tuam.

Quo-

Quoniam non est in morte qui memor sit tui:  
in inferno autem quis confitebitur tibi?

*Oratio ad MOEROREM SANCTVM suę  
TRISTITIAM à DEO petendam.*

**Q**UÏ fit Domine, quòd corde non rum-  
por, dum hominum in te offensiones in-  
tueor; & quàm iniquè ab ijs tractaris, quos  
tuis semper ad te beneficijs inuitare non ces-  
sas? Esse enim quod eis dedisti, in te abutun-  
tur. Quis non angatur animo, & tristitia con-  
sumatur, qui in suam debilitatem, ad casum  
propensionem, surgendi difficultatem, igna-  
uiam in legitimo pretiosissimorum donorum  
tuorum, oculos conijcit? Quis non sanguineas  
fundat lacrymas, illarum memor, quas à te in  
crucis ligno pro se fusas videt, quique sanctis-  
simam tuam vitam ab ipso statim conceptionis  
initio mœrore semper plenam animaduertit?  
O igitur omne bonum meum, fac me tecum  
flere, nec pœnarum mearum querere leuamen;  
illa sola consolatione contentum, quòd nullum  
mihi solatium sit in hac vita futurum, cùm  
hanc certissimam ac tutissimam ad te perue-  
niendi viam agnoscam.

*Oratio ad vera PŒNITENTIÆ petendum  
spiritum.*

**A**Equissime Iudex, qui vt nullum opus  
bonum irremuneratum, ita nec prauum  
relinquis impunitum: quique immensa tua  
misericordia acceptas, si velit peccator, tempo-  
ralem in hac vita pœnam, pro æterna, quam  
exigeres in futura: fac me quæso dignos facere



pœnitentiæ fructus ; vt qua mensura , sine freno & pudore te hæctenus offendi , liberas appætionibus meis habenas laxando , eadem sumam de me ipso vindictam , reddamque pro viribus , quod à me iustissimè requiris : vt qui toties hæctenus me illicitis rebus totum tradi-di , à licitis etiam nunc , amoris tui intuitu contineam.

*Oratio ad petendum à DEO CONTRI-  
TIONIS donum.*

**C**onuertantur oculi mei in fontes lacry-marum, Deus meus, quòd tuam offende-rim Maiestatem : cor meum dolore rumpatur, quòd tuam sim ausus violare legem : fran-gantur denique viscera mea , quòd à tua de-clinauerim voluntate . En Deus meus, & dul-cissime sponse animæ meæ , flagella illa tibi propono, quibus delicatissimum vnigeniti Fi-lij tui I E S U Christi Domini mei corpus fuit laceratum ; spinas, quæ sacrum illius caput pe-netrarunt; clauos, qui manus pedesq. tranfixe-runt; crucem, quæ ipsum sustinuit; lanceam, quæ incensum amore cor vulnerauit; denique vul-nera, quæ accepit ipse pro me: propter quæ om-nia, Deus, peto confringi cor meum, vt contri-tum & in pulueres vera contritione redactum, tuæ charitatis igne accendatur, & in sacrificium & holocaustum suauitatis totum consumatur.

O Deus meus, vtinam omnes purgatorij pœnas potius sustinuissem , quàm te offendis-sem! vtinam & nunc infernum sustinerem po-tius, quàm te iterum offenderem! Vtinam pos-

fem

sem sanctorum omnium Martyrum ferre tormenta, nequa rationalis te offenderet creatura! Gratiam itaque Deus concede, vt praterita mea peccata ita defleam, ne in eadem vel alia recidam reliqua vita mea.

*Oratio preparatoria ad SACRAMENTALEM  
peccatorum CONFESSIONEM.*

**C**onditor cæli & terræ, Rex regum, & Domine dominantium, qui me de nihilo fecisti ad imaginem & similitudinem tuam, & me proprio tuo sanguine redemisti; quem ego peccator non sum dignus nominare, nec inuocare, nec corde cogitare: te suppliciter deprecor, & humiliter exoro, vt clementer respicias me seruum tuum nequam. Et miserere mei, qui misertus fuisti mulieri Cananæ, & Mariæ Magdalenæ: qui pepercisti Publicano, & Latroni in cruce pendenti. Tibi confiteor, Pater piissime, peccata mea; quæ si volo abscondere, non possum tibi Domine. Parce mihi Christe, quia te offendi, cogitando, loquendo, operando, & in omnibus modis, in quibus ego fragilis homo & peccator peccare potui, mea culpa, mea culpa, mea maxima culpa. Ideò Domine precor tuam clementiam, qui de cælo pro mea salute descendisti, qui David à peccati lapsu erexisti; parce mihi Domine, parce mihi Christe, qui Petro ter te negati pepercisti. Tu es creator meus, & redemptor meus; Rex meus, & Deus meus. Tu es spes mea, & fiducia mea; gubernatio mea, & auxiliatio mea; consolatio mea, & fortitudo mea; defensio mea, & liberatio mea;

vita

vita mea, salus mea, & resurrectio mea; lumen meum, & desiderium meum; adiutorium meum, & patrocinium meum. Te deprecor & rogo, adiuua me, & saluus ero; gubernare me, & defende me; conforta me, & consolare me; confirma me, & lætifica me; illumina me, & visita me; suscita me mortuum, quia factura & opus tuum sum. Domine ne despicias me, quia famulus & seruus tuus sum, quamuis malus, quamuis indignus & peccator: sed qualiscunque sim, siue bonus siue malus, semper tuus sum. Ad quem ego fugiam, nisi ad te vadam? si tu me eijcis, quis me recipiet? si tu me despicias, quis me aspiciet? Recognosce me ergo indignum ad te refugientem, quamuis sim vilis & immundus: quia si vilis & immundus sum, potes me mundare: si cæcus sum, potes me illuminare: si infirmus sum, potes me sanare: si mortuus & sepultus sum, potes me resuscitare: quia maior est misericordia tua, quam iniquitas mea: maior est pietas tua, quam impietas mea: plus potes dimittere, quam ego committere; & plus parcere, quam ego peccator peccare. Non ergo respicias Domine, neque attendas multitudinem iniquitatum mearum; sed secundum multitudinem miserationum tuarum miserere mei, & propitius esto mihi maximo peccatori. Dic animæ meæ, Salus tua ego sum. Qui dixisti, Nolo mortem peccatoris, sed magis vt conuertatur & viuat: conuerte me Domine ad te, & noli irasci contra me. Deprecor te clementissime Pater, propter misericordiam



cordiam tuam supplico & oro, vt perducas me ad bonum finem, & ad veram pœnitentiam, puram confessionem, & dignam satisfactio- nem omnium peccatorum meorum.

*Oratio ante SACRAMENTALEM  
CONFSSIONEM.*

**S**Vſcipe confessionem meam piſſime ac clementiſſime Domine I E S V Chriſte, vnica ſpes animæ meæ; & da mihi (obſecro) contritionem cordis, & lacrymas oculis meis, vt deſſeam diebus ac noctibus omnes negligētias meas, cum humilitate & cordis puritate. Appropinquet oratio mea in conſpectu tuo Domine. Si iratus fueris contra me, quem adiutorem quæram? quis miſerebitur iniquitatibus meis? Memento mei Domine, qui Chananæam & Publicanum vocaſti ad pœnitentiam, & Petrum lacrymantem ſuſcepisti. Domine Deus meus, ſuſcipe preces meas. Saluator mundi, I E S V bone, qui te crucis morti dedisti, vt peccatores ſaluos faceres, respice me miſerū peccatorem inuocantem nomen tuum; & noli ſic attendere malum meum, vt obliuiſcaris bonum tuum. Et ſi commiſi vnde me damnare potes, tu non amiſiſti vnde ſaluare ſoles. Parce ergo mihi, qui es Saluator meus, & miſerere peccatrici animæ meæ; ſolue eius vincula, & ſana vulnera. Domine I E S V te deſidero, te quæro: oſtende mihi faciem tuam, & ſalua erit anima mea. Emitte piſſime Domine meritis puriſſimæ & intemeratæ ſemper virginis Mariæ, & Sāctorum omnium, lucem & veritatem

tuam

tuam in animam meam; quæ defectus omnes meos mihi exhibeat, eosque plenè & contrito corde explicare doceat.

*Oratio post CONFESSIÖNEM.*

**S**It tibi obsecro, Domine IESV, meritis beatissimæ Virginis Mariæ, & Sanctorum omnium, grata & accepta ista confessio: & quidquid mihi nunc & aliàs de sufficientia contritionis, aut integritate confessionis defuit, suppleat pietas & misericordia tua; & secundum illam me digneris plenius & perfectius habere absolutum in cælis. Amen.

*Oratio ad petendam à DEO virtutem*

*PRVDENTIÆ.*

**N**Ouerim te Domine, nouerim me: meditetur frequenter anima mea, quid post breuem hanc & miseram vitam maneat probos, & improbos; tibi charos, & à te auersos. Fugiat proinde quidquid à te separat; amplectatur quæ perfectam cum tua Maiestate vnionem promouent. Compone Domine omnes animæ meæ cogitationes & affectus, & omnia mea ad te dirige, qui rerum omnium principium es & finis, & meæ beatitudinis vnicum & perfectum compendium.

*Oratio ad MVNDI CONTEMPTVM*

*à DEO petendum.*

**B**Enignissime & dulcissime Domine IESV Christe, quem stultus & infidelis mundus tantis affecit iniurijs & ignominijs: concede mihi, queso, eundem vt agnoscam, & simul contemnam. Ne ipsius me deliciæ emolliant,

ne decipiant promissa, ne iudicia commoucant, terreant minæ; ne dicta ipsius aut facta, fauor aut inuidia in causa sint, cur vel latum à te vnguem discedam. Omnia ipsius arbitrer vt stercora, vt tuam consequar gratiam: tibi sim seruus, tecum viuam, semperque fruam.

*Oratio ad petendam virtutem* DISCRETIONIS.

**Q** Vis possit, Domine, tempestuosum hoc mare à profunditatis altitudinisque periculosis extremis nauigare securus, nisi nauem ipse sanctæ discretionis dirigas gubernaculo? Hæc enim discretio est illud sal, quod omnibus sacrificijs adhiberi voluisti: hæc mensura, omniumque regula virtutum, hæc actionum bonarum perpendiculum: hæc initium, medium, finisque omnium eorum quæ grata sunt tibi; sine qua vitium est, quod virtutis specie regitur, & oculis tuis abominabile, quod apud homines alicuius est pretij. Da igitur mihi, Deus meus, thesaurum hunc, ducem & magistrum omnium virtutum: & fac me in primis cognoscere, & æstimare, quid intet te creatorem meum & creaturas intersit. Fac ne in meis actionibus mihi, sed aliorum potiùs cõsilio viro- rum præcipuè spiritualium prudentumque nitar: denique, vt ipsi lapsus, siqui contingunt interdum, experimento mihi sint & admonitioni, qua eos in posterum caueam diligentius.

*Oratio ad S. SIMPLICITATIS*

*à DEO petendum spiritum.*

**D**eus amator corde simplicium, quibus & tua facile secreta communicas, tribue

mihi



mihî columbinam simplicitatem, cum serpentina prudentia coniunctam; simulque gratiam, qua multitudinem implicationemque rerum inferiorum euitans, vnum eligam, partem optimam & securissimam, te Deum meum omnia in omnibus, & omne bonum meum. Amem ex corde sanctissimam tuam legem, eide[m]que me totum subijciam: gaudeam de bonis proximorum, doleam de malis; cogitem de omnibus benè: abhorream fugiamque fictum omne, & duplex cor.

*Oratio ad SILENTII virtutem à DEO petendam.*

**I**Mpone Domine frenum linguæ meæ, & non solum ab illicitis & inutilibus verbis abstineat, sed licitis etiam & vtilibus vtatur moderatè. Et quoniam difficile est feram hanc mea virtute mitescere, & serpentis huius venena impediri: eam tu, Domine, comprime, tuæque gratia purifica: vt ea refrenata, recolligatur & quiescat in te cor meum. Fac me profundissimum sanctissimumque illud tuum silentium imitari, quo etiam ab iniquo iudice calumnijs & falsis accusationibus impetitus, tamquam mutus, ô Verbum æternum, os non aperuisti; nec te excusare, nec mortem responso tuo differre voluisti. Quando verò loqui me fuerit necesse, fac me omnes leges & circumstantias requisitas obseruare, ac ita proloqui, vt verba mea tibi imprimis placeant; animam verò meam non lædant, aut scandalizent proximum.

*Oratio ad petendum à DEO VITÆ  
SPIRITUALIS studium.*

**C**Oncede mihi quæso, Domine IESU  
Christe, diuinum spiritum tuum; quo  
tandem tuus esse, sanctam vitam ducere, & ho-  
mo spiritualis esse incipiam. Fac me plenè in-  
telligere, quomodo ex meipso nihil boni præ-  
stare possim, vt omnem à me præsumptionem  
abijciam; in te verò possim omnia. Ne ita defi-  
ciam in me, quin confidam in te. Occupet sem-  
per in vilitatis ac profundæ miseræ meæ at-  
tenta meditatione: cognoscam quid tandem  
essem, nisi manu tua sustentarer: vt sic me in tuo  
conspectu magis humiliem. Attendam item  
rationi, quam de diuinis tuis donis, deque  
grauissimis & innumerabilibus peccatis meis  
tibi sum redditurus: timeamque ac tremam di-  
uina tua & occulta iudicia. Æqua animi grati-  
tudine læta suscipiam & aduersa; cùm eodem  
vtraq. amore, paternisque visceribus à te mihi  
mittatur: subijciatur omnino spiritui caro mea,  
& huius intuitu omnem asperitatem amplecta-  
tur, & pœnitentiam; repellat verò molliem &  
delicias omnes. Hæc mea sit occupatio, hoc  
studium: hæc vera sitis, tibi vniri, te frui, excu-  
tere quidquid priuare aut diuellere me potest  
à tua gratia, & intima dulciq. familiaritate tua.

*Oratio ad petendum à DEO CONTEM-  
PLATIONIS donum.*

**Q**uomodo, ô Domine, & omne bonum  
meum, effunditur cogitatio mea, & per  
omnes creaturas liberè diuagatur? quomodo

obnubilatur umbris vanitatum? cur non potius ad te accedit teque amplectitur? Quid nouit anima mea, si te, qui totum eius es bonum, non nouit? Quod si te ignorat, quomodo amabit? quomodo non amatum desiderabit? quomodo laborabit pro assequendo non desiderato, aut consequetur non quæsitum, aut fruetur non obtento? O ergo beatitudo, & afflictæ animæ meæ requies, ingredere tu illam quæso, & post te illam trahe. Tædio mihi sint omnia in hoc mundo, & grauis misera hæc vita: suspiria ex intimis ducam visceribus, affectu & dulci desiderio tui; ac cerui instar vulnerati & sitientis ad viuarum curram fontem aquarum: omnes denique conculcans curas & molestas sollicitudines pro eo acquirendo quod non es tu, absorbear ineffabili ac suauissima contemplatione tui.

*Oratio ad MATVRITATIS virtutem  
à DEO petendam.*

**C**olligantur, quæso Domine, affectus omnes, sensus & facultates animæ meæ in te; vt ea sic vnita, non diuidatur, aut sese ad vanitatem & multitudinem creaturarum abijciat. Tunc me felicem existimem, cum te in lacrymis pœnisque imitatus fuero. Sit mihi afflictio ipsa consolationi, pignusque beatitatis æternæ. Fugiat cor meum leuitatem, dissolutionem, risum, vanaque solatia. Omnes sensuum meorum claudantur ianuæ, ad cuiusuis creaturæ ingressum: tibi soli, Deus meus & creator, pateant; vt sic in tuam transmuter immutabilitatem.

*Ora-*



*Oratio ad IUSTITIÆ virtutem  
à DEO petendam.*

**D**omine IESU Christe, qui iustus noster es, & iustitia nostra: concede, obsecro, mihi gratiam tuam, qua nouerim laudis tibi sacrificium propter id quod in teipso es offerre; propter beneficia, quæ in me liberalissimè contulisti, & omnia quæ mei gratia operatus & passus es. Desileam quæso peccata, quæ in te admisi; negligentiamque meam in legitimo pretiosissimorum donorum tuorum usu. Seruem & vota mea, & mandata tua: tantaque attentione & sollicitudine in quocumque tuo opere solius tui amoris occuper intuitu, ac si ex illorum singulis tota mea felicitas, omneque bonum meum dependeret. Ne quæso in proximum meum, eorum quidquam admittam, quæ iuxta iustitiæ leges nollem in me: & contra quidquid ex iustitia mihi fieri vellem, id etiam faciam proximo. Extendatur etiam, Domine, iustitia mea in eos qui sunt vita functi, exequendo quæ illorum nomine mihi incûbunt; & illorum (quantum in me est) pœnas, quas in Purgatorio luunt, bonis præstitis operibus eleuando. Obediat verò non minùs anima mea consilijs & admonitionibus sancti Angeli custodis mei: æquum est enim tam sollicito duci, pædagogo & magistro meo, qui omnia mihi procurat bona, promptam à me obedientiam, & humilem reuerentiam exhiberi.

*Oratio ad LIBERALITATIS virtutem  
à DEO obtinendam.*

**C**Oncede mihi, quæſo, liberaliſſime Domine, gratiam qua immenſam illam tuam largitatẽ imiter, qua tuis omnibus creaturis te ipſum communicas. Eſſe illis das & conſervas, in actionibus ſuis illas iuvas, imò & eiſdem cooperaris: & in omnibus illis ineffabili quodam modo te ipſum homini tradis; eũdem carnis & ſanguinis dilectiſſimi Filij tui participem reddis: & ſuper ipſos hoſtes tuos inſenſiſſimos, quo ipſi tempore te oppugnant, dona noua gratiasque nouas (etiã ſi præuideas eiſdem illos aduerſum te abuſuros) velut pluvis largiſſimè. Cũ tu itaque Domine, ad eò ſis in nos effuſus; cur non ego, quæ mea non ſunt, ſed tua, & in eum finem mihi conceſſa, vt illis tibi fideliter ſeruienti noua ſemper conſeras beneficia, ſiasque mihi ipſe tuorum donorum præmium; cur inquam illa non impendam omnia iuxta tuam voluntatem? Quæ maior mihi gloria eſſe poteſt, quàm ſi tibi ſimilis & conformis appaream? Ex hoc igitur Deus meus, & Rex meus, me tibi totum conſecro; & tui amore etiam in vſum proximorum offero temporalia & ſpiritualia, fortunas, conſilium, verba, opera, ſanitatẽ, & (ſi opus erit) vitam ipſam, ad gloriam ſanctiſſimi nominis tui, & eorum vtilitatẽ, quos tu Domine ſanguine proprio, vitaque impenſa redemiſti.

*Oratio ad FORTITVDINEM à DEO  
impetrandam.*

**Q**UAM debilis est, Domine, is qui sibi ipsi; quàm contrà fortis, qui tibi innititur? Qui vel semel spiritus tui gustat dulcedinem, quàm fortis euadit, siue ad operandum benè, siue ad patiendâ mala? ad resistendum carnis mollitiei, ad ferendâ dura & aduersa? Corroborâ ô Domine animam meam, ac tuâ fortitudinis & protectionis muni præsidio, quò ita sui euadat domina, vt si quando veteris Adami senserit inordinatos motus, consentiat tamen nūquam. Comprime, Deus meus, omnia membra sensusque meos: linguam præcipuè, quæ non potest sine gratia tua domari; indomita verò ignis est exardescens, origo & fons magnorum malorum. Fige Domine meum in tua luce intellectum, affectum in amore: & conforta cor meum, ne terreatur aduersis, nèue prosperis insolescat. Posside Domine inferiorem meum hominem, ne vñquam exequendis ijs, quæ tibi sunt grata, fatigetur; aut deficiat aduersis, cùm hæc eadem veram solidamque virtutem & comitari & excitare consueuerint.

*Oratio ad obtinendam virtutem*

## TEMPERANTIÆ.

**D**EUS meus, & creator meus, qui omnia in numero, pondere, & mensura creasti, concede; vt & ego omnia mea, ea faciam attentione & circumspectione, vt & numerus & pondus ac mensura debita in eis eluceat. Tempera Domine cor meum, ne cogitationibus



inutilibus, aut etiam vtilibus, extra tempus occupetur. Moderare animæ meæ affectus, ne vel amet vel detestetur, lætetur aut tristetur, speret aut timeat, nisi quod & quantum & prout tu vis. Infrena linguam meam, vt rectam silentij custodiat legem. Moderare gustus & appetitiones meas, in victu, vestitu, somno, & reliquis carnis commoditatibus; vt necessarijs contentus, quidquid superfluum est, circumcidam. In omnibus itaque, Domine, eum adhibeam modum: in solo amore tui, in tuis laudibus, gratitudine ac recognitione immensæ tuæ ac infinitæ bonitatis, modum nesciam, terminum non adhibeam.

*Oratio ad CARNIS CASTIGATIONEM  
à DEO obtinendam.*

**A**Terne Deus & immense, qui tua ineffabili sapientia spiritū & carnem in vnum coniunxisti, & stricto adeò nodo colligasti, vt eiusdem partes hominis; animaque ita sit vita corporis, vt & esse & pulchritudinem suam ab illa habeat: agnoscam, quæso, hanc animæ excellentiam & dignitatem, efficiamque vt caro ancillæ instar subiecta sit illi, ac pareat, nec illius mollicie spiritus vigor hebetetur. Præscindam etiam quidquid ad indulgentiam & voluptatem eius spectat: nec aliud admittam, quàm mera ad conseruationem necessitas postulat. Omnes inordinatas meas appetitiones mortificem, meipsum odio sancto persequar, crucem meam super humeros tollam, vt tuus possim esse discipulus.

*Oratio ad petendam à DEO HUMILITATEM.*

**S** Vanissime ac mitissime I E S V, qui Rex regum & Dominus dominantium existens, te ipsum tamen humiliasti, & nostræ carnis vilitatem induisti : da mihi Domine id imitari, quod admirabili hoc tuo exemplo & doctrina tradidisti ; humilitatem inquam, meique cōtemptum, thesaurum mundo absconditum. Insere quæso cordi meo, meipsum meæque vilitatis agnitionem : fac me omnem repellere honorem, vt tibi soli, non mihi debitum ; ad omnium me pedes abijcere, & à cunctis despici optare : cū omnium seruorū tuorum, quin & eorum qui me nequiores videntur, sim vilissimus. Agnosco enim me re ipsa ijs omnibus deteriore futurum fuisse, nisi me manus tua sustentasset : illos etiam maiori gratitudine responsuros fuisse, si dona quæ ego consecutus sum à tua Maiestate accepissent. Fugiat anima mea vanam omnem complacentiam, fugiat aliorum æstimationem, appetitum laudis, cordis leuitatem, oculorum iactantiam, & quidquid exterius interiùsve superbiam sapit : vt sic humiliatus, & tua gratia humilis effectus, illam merear consolationem & coronam, quam verè humilibus, & promisisti, & dare consueuisti. Amen.

*Oratio ad petendam à DEO virtutem*

**CONCORDIÆ.**

**D**A mihi Domine cum omni homine veram habere cōcordiam ; vt nulli vmquam dans iustam querelæ occasionem, sed omnibus

omnia factus, omnes tibi lucrificiam. Examinem semper occultos cordis mei angulos; ne mihi proprius amor imponat, & falsa decepto securitate persuadeat grata esse tibi mea opera, quæ fortè displiceant. Hoc denique meum sit studium, emendare ac perficere vitam meam; diuina tua iudicia, factaque reuereri; aliorum me iudicio submittere.

*Oratio ad COMPASSIONIS affectum  
à DEO petendum.*

**P**ER excellentissimam illam, Domine, viscerum tuorum compassionem, qua nostris compassus malis, ipsas misérias nostras suscepisti; ut in crucis ligno, quæ pro nostris peccatis debebamus, ipse persolueres; humillimè supplico, ut vero dolore transfigas cor meum, quò doleam de peccatis, quibus in hoc mundo Maiestas tua offenditur; de malis & afflictionibus, siue corporis, siue animi, quibus proximi omnes mei afficiuntur: sentiamque ego dolorem de ipsorum dolore, instar membri vnius, quod alteri compatitur; idque non amicis modò, sed hostibus quoque meis, amoris tui præstem intuitu; si quidem omnes fratres sumus, & filij tui, veri ac cælestis Patris. Compatiar etiam animabus, quæ horrendis purgatorij pœnis tuæ iustitiæ satisfaciunt pro peccatis in hac vita commissis, nec priùs diuino tuo donantur conspectu, donec sint omni ex parte mundatæ.

*Oratio ad PACIS virtutem à DEO petendam.*

**V**ERE Salamon ac Rex pacifice, vera pax nostra, Domine, in quo velut in centro



ac summo bono suo mens nostra suam inuenit pacem & quietem : collige, quaeso, effusum in creaturas spiritum meum, ac illam da pacem, quam solus dare potes. Adæqua meam tuæ voluntati, vt ea velit, quæ tu vis ; & menti meæ omnino tibi subiectæ, inferiores subijciantur appetitus. Viuam, ô Domine, de me ipso sollicitus, aliorum vitam gesta que relinquam, vt vanis expeditus curis, in tui solius occuper contemplatione, in qua secura veraque pax inuenitur. Fac me omnem turbationis occasionem sollicitè fugere : gaudeam de aliorum prosperitate, doleam de infortunio : nouerim molesta eorum ingenia, qui mecum degunt aguntve, æquanimiter ferre : quò in pace hîc fundatus, ad pacem illam perueniam, quam tuis in cælo largiris æternam.

*Oratio ad impetrandam à DEO*

*PATIENTIAM.*

**C**Ur Domine conqueror, cùm iniuria afficior, aut iniustè affligor ; si reuoco in memoriam, quàm grauius te offenderim, quoties infernum ipsum promeritus sum, quanta sit misericordia tua, qua statuis vt in temporali hac vita & leuiter pendam, quod æternum in altera & supplicijs exquisitissimis fuissèm luiturus ? Cur querar, cùm te videam cruci propter mea peccata suffixum ? Neq. enim decet membra esse delicata sub capite spinoso, & pro iisdem durissimè tractato. Cur conquerar, si aduerto, quòd si præsentis labores ad tēpus æquanimiter toleraui, me tua consolabitur mise-

ricordia, abstergeſq. manu tua oculorum meorum lacrymas, ac dabis requiem confractis afflictiſque oſſibus; & quòd iuxta patientiæ ac tolerantia meæ modum erit conſolatio & retributio tua. Pluant itaque aduerſa quæque tui cauſa, Domine, ſuper me; præbente tamen te robur & ſpiritum ad ea ferenda, quia ſine gratia tuæ ſubſidio, carnis meæ deficiet debilitas. Fac me Domine, iudicia omnia falſa, ſuſpiciones vanas, calumnias, iniurias omnes, forti animo, ſine murmuratione, ſine querelis, ſine excuſationibus, ſine interiori eorum ſenſu, aut exteriori iudicio, tolerare: eoque maiori lætitia ac gaudio oblectetur in ſe anima mea, quò ſe innocentem, & à culpa, quæ impingitur, vacuam magis inuenerit. Corroborà ô Domine animam meam, cognitione & amore ſanctiſſimæ tuæ paſſionis; vt non ſolùm præſentes cum gaudio feram aduerſitates, ſed etiam optem abſentes: cruciſque genus quoddam eſſe iudicem, ſine cruce viuere ac mori.

*Oratio ad petendam à DEO CASTITATEM.*

**R**eprime, Domine, ſenſus omnes meos, & munda cor meum ab omni immunda cogitatione. Da mihi purum ac perfectè amantem caſtitaſis ſpiritum tuum, qua & corpus & animam ab omni ſeruem fœditate & corruptione. Ne verò cadam aliquando, fac me omnes labendi fugere occaſiones. Da mihi, Domine, temperantiæ ſobrietatiſque virtutem, aſperitatis ac pœnitentiæ amorem, meiipſius cognitionem, ac fragilitatis propriæ timorem. Sed ſuper

omnia,

omnia, Domine, tui ipsius sensum mihi dari peto: ut absorpta in te, & deliciarum tuarum dulcedine immersa, obliuiscatur anima mea sensualium omnium appetituum; ac suauissimo spiritus tui liquore inebriata, omnem carnis amaritudinem scditatemque reiiciat. Fac me Domine pulchritudinem intelligere, & estimare libertatem, imò & potestatem, quam etiam in hac vita castitas obtinet. O mi Rex, animæque meæ sponse amantissime, qui tuo nos exemplo cælestem hanc docuisti virtutem, tuæque doctrina eius aperuisti pretium & valorem; fac me purissimam Virginem matrem tuam, easque virgines sponas tuas imitari, quæ ne suam perderent integritatem, vitam profuderunt. Et qui mundum me castumque esse iubet, quod sine gratia tua facere non possum, da quod iubet.

*Oratio ad VERAM hominis LIBERTATEM  
à DEO petendam.*

**Q**uid est, Domine Deus, quod cum me adeò liberum creaueris, ut nemo possit vim ullam meæ inferre voluntati, & pretiosissimo tuo sanguine ab ea, in quam exigentibus meis peccatis incideram, captiuitate redemeris, ac sanctissima tua gratia me corroboraueris & munieris, tam malè hac tanta utar libertate, ut & peccati & ipsius satanæ mæcipium me ipsum constituam, propriis vinctum appetitionibus: quæuis enim laus me extollit, delicit ignominia, vana excæcat complacentia, corrodit inuidia, omnia denique peritura gustu suo falso & fallaci blanditiæ captiuant cor meum. Nihil

agere



agere aliud videor , quàm vt te quotidie offendam : & persuasus libertatem meam in eo consistere , vt propriæ semper acquiescam voluntati , habenas propriis appetitibus laxo , & incido miser in tot dominorum captiuitatem , quot sunt illa quæ diligo inordinate . Igitur liberator meus , sine quo nemo est verè liber , hanc mihi veram ac perfectam libertatem concede : aufer peccata , quæ illa me spoliant ; meque tibi coniunge , vt intelligam , tunc fore me verè liberum , cùm sanctissimæ legi tuæ omnino fuero subiectus .

*Oratio in qua à Deo petitur OBEDIENTIA.*

**R**EX meus es Christe I E S V , Dominus meus , & Imperator meus , cui obediunt cæli , terra , mare , & omnia quæ in eis sunt , quæ semper obseruarunt , & obseruatura sunt legem mandatorum tuorum : da Domine , vt perfectiùs his omnibus obediam tibi , qui plus sum obligatus diuinæ tuæ Maiestatì : fac ô mi Rex , vt morem tibi geram , & integrè seruem mandata tua sanctissima . Tu regna in me , non mundus , vel princeps eius , non caro ; nec propria mea , sed tua sola voluntas fiat . Expelle omnes istos tyrannos , inuasores regni & sedis tuæ , fures gloriæ tuæ , euersores iustitiæ tuæ . Tu solus impera , tu solus omnia dispone & ordina : tu solus , & sceptrum tuum agnoscat : tibi & sceptro tuo obtemperetur , vt voluntas tua fiat in terris , sicut & in cælo . O quando tandem aderit optata ista dies ! ô quando me liberum ab his tyrannis videbo ! ô quando in anima mea

non alia vox quàm tua resonabit ! Quando sic  
 sceptrum Madiam & inimicorum meorum vi-  
 res attritas ac depressas videbo , vt ad imple-  
 dam sanctam tuam voluntatem nulla in me re-  
 stet contradictio ? Quando hoc mare ita placi-  
 dum erit, & cælum serenum; quando tam mu-  
 tæ & mortificatæ erunt passiones meæ , vt am-  
 pliùs non compareant neque fluctus , neque  
 nubes, neque clamor , nec alius tumultus , qui  
 hanc pacem atque obedientiam alterent ac per-  
 turbet, & regnum tuum in me impedian ? Im-  
 pertire mihi Domine hanc obedientiam, aut (vt  
 meliùs dicam ) largire mihi istud in cor meum  
 ius & dominium , vt illud mihi obediens , tibi  
 numquam obstreperum sit, donec in omnibus  
 subiiciatur tibi. Atque ita subiectus intimo cor-  
 de cum Propheta dicam:

Legem pone mihi Domine viam iustificatio-  
 num tuarum: & exquiram eam semper.

*Psal. 118.*

Da mihi intellectum, & scrutabor legem tuam:  
 & custodiam illam in toto corde meo.

Deduc me in semita mandatorum tuorum:  
 quia ipsam volui.

Inclina cor meum in testimonia tua : & non in  
 auaritiam.

Auerte oculos meos, ne videant vanitatem : in  
 via tua viuifica me.

*Oratio ad petendam à DEO virtutem*

*O B E D I E N T I Æ.*

**D**omine IESV Christe, qui adeò exactè  
 obedientiam seruasti, vt, ne illius iactu-  
 tam faceres, vitam ipsam perdideris, eterno tuo

Patri

Patri obediens vsque ad mortem, mortem autem crucis: peto, Domine, perfectam hanc obedientiam, gratiamque qua omni loco & tempore voluam quæ à me exigis, omnibusque viribus & maximo quo possim conatu animæ meæ studeam adimplere. Da mihi, Domine, simplicem ac perfectam erga superiores meos, ministros tuos, obedientiam; tam in arduis quàm in iis quæ facilia sunt, tam in asperis quàm in iucundis; & vt in illorum manibus velle nolleque meum cum perfecta mei resignatione reponam. Afficiar quæso, amplectarque libentiùs humilia, & quibus labor aut confusio coniuncta sunt, cum mihi iniungentur, quàm alta, & quibus requies & honor insunt. O Domine, qui non solum excellentissimam hanc obedientiam nos docuisti, dum æterno tuo Patri illam exhibuisti; sed dum hominibus, non bonis tantum, sed iniquis etiam, eandem præstitisti: ac voluisti vt ceteræ omnes creature eandem nobis commendarent, dum incredibili promptitudine ad nutum tibi omnes obtemperant, imò & homini quodam modo, iuxta præscriptum tuum, vt ab eis discat homo tibi, & iis quos tuo loco ad ipsius gubernationem statuis, obedire. Ne quæso, Dne, meos vmquam superiores iudicem, nève contra illos in corde meo obmurmurem: ne me excussem, aut in mādatis impossibilitatem prætendam, nec media vlla ad impediendum queram: sed simplici, prompta, hilari, perfecta, ac constanti voluntate ob tui amorem præstē, quidquid fuerit mihi ab illis iniūctum.



*Oratio ad MISERICORDIÆ virtutem  
à DEO petendam.*

**Q**Vis, Domine, in vilium horum bonorum distributione pauperibus facienda tenax sit & avarus; qui tuam erga se liberalitatem expertus, ad hoc sibi nouerit eadem bona concessa, vt, si per indigentium manus tibi restituerit, suorum à te obtineat veniam peccatorum? Infunde igitur mihi, Deus meus, pium hunc erga pauperes affectum, vt eorum necessitatibus subleuandis omnia bona ex animo impendam: quæ vbi defuerint, affectum saltem semper offeram cordis. Nec satis esse ducam, si vilia hæc leuissque momenti bona hilari vultu egentibus distribuero; nisi multo etiam hilariori, illatas ita condonauero iniurias, vt tui amoris intuitu non expectem veniam à me peti, sed misericordia praueniā eum, qui me affecit iniuria: magisque doleam de illius culpa, quàm de iniuria mea, ideoque lacrymis & suspiriis veniam illi à tua impetrem bonitate.

*Oratio ad petendum à DEO spiritum*

*PAUPER TATIS.*

**S**aluator benignissime, qui ditissimus, Deusque Maiestatis immensæ existens, pauper pro me homo factus es, vt tua me paupertate ditares: quid quæso tibi in terra quæsiuisti? quid inuenisti? quid elegisti? paupertatem omnino, eamque exactam adeo, vt in paupere præsepio nasci, & nudus in cruce mori volueris, vbi nec haustum aquæ, nec vbi sacrum re-

clinare

clinares caput, habere potueris: vt hoc me exemplo doceres, quanti facere me par esset, quod tanti tu faceres; quo affectu desiderare, quæ tu in hoc mundo eligeres; tuamque amplecti paupertatem, nuditatem induere, & in cruce denique tua gloriari. Fac me igitur mi Rex, ex nũc per gratiam tuam, omnibus mundi pompis & superfluis valedicere; omnem contemnere voluptatem: cumque mihi defuerit quippiam, gaudere ex animo ob tui amorem & imitationem: ne decipiar, existimans, necessarium, quod verè est superfluum: ne me teneat eorum sollicitudo, quæ ad miseram hanc vitam ducendam conducunt; certò persuasum, te verè patrem esse, qui ineffabili tua prouidentia auiculis per aëra, & vermiculis per terram discurrentibus omnia præbeas necessaria. Illa verò spiritualia diuinaque dona animæ meæ peto communicari, quorum tuos tantum amicos participes facis: temporalia verò ac peritura ita securè ac confidenter fac me contemnere, vt cum eisdem tuis amicis te ad viuorum mortuorumque iudicium venientem merear comitari.

*Oratio ad petendam à DEO virtutem*

**MANSVETVDINIS.**

**V**Eræ mansuetudinis magister, qui dixisti; Discite à me, quia mitis sum & humilis corde; concede mihi altissimam hanc & excellentissimam virtutem, cuius tu & magister nobis & exemplum esse voluisti: fac me absolutissimam illam tuam mansuetudinem imitari,

ne

ne vlla in corde meo lateat amaritudo: nulla in verbis impatientiæ aut iræ appareant signa: nulla in operibus vindicta sequatur: sed constans semper sit anima mea, cum tanta inter iniurias & misera huius vitæ incurfus pacē & quiete, vt gratum tibi sit in ea habitare, & gratiæ tuę donorumque plenitudine eadem ditare.

*Oratio ad impetrandum ZELUM*

ANIMARVM.

**C**VM te videam, IESV bone, omne bonum meum, tanti humanas animas fecisse, vt pro iis liberandis cælo descenderis, humanitatis saccum indueris, totum denique sanguinem & vitam ipsam profuderis; quid erit tandem cur ego eas parui pendam, nec vrar, liquecam, & me totum effundam pro fratrum meorum salute? Cur sanctus ille zelus meæ non penetrat viscera, non marcescit & cōsumitur cor meum; dum video crucis tuæ fructum ita perire, deprædante dæmone tuas animas, de tuis triumphante spoliis? O Deus meus & Rex meus, tuæ istæ manus sacrumque latus perforatum clamant ad me; docentque quid mihi sit faciendum, quid perpetiendum animarum gratia, quarum amor & zelus amplius te ipsum penetrarunt, quam ferrum lanceę, clauique ipsi. Imprime igitur amorem hunc, & sanctum zelum animæ meæ: inflamma illam zelo animarum, quas ipse quæsiisti, & pro quibus propriam vitam impendisti. Hæc mea sūt desideria, hæc vires, hæc sollicitudo mea absque alio respectu, aut proprij emolumenti intuitu: felicem me

Q

potius



potius iudicem ac beatum, cum plurimum pro eis pati, aut etiam mori contigerit, ut hoc tibi nomine similis fiam.

*Oratio ad CONFIDENTIÆ donum  
à DEO petendum.*

**Q** Vis vñquam potuit, Deus meus, id esse quod habet, antequam illud haberet, desiderare aut promereri? aut quænam hominis fuerunt in te merita, cur illum ad imaginem & similitudinem tuam creares? tui ipsius, tuæ felicitatis participem faceres? naturam nostram vnigeniti tui Filij vnires personæ; quem ipsum gloriæ tuæ splendorem, & substantiæ figuram, pretium nobis, redemptionem, cibum, ducem, magistrum, auxilium, refugium, præmium denique dares & coronam? Quis horum beneficiorum memor, & immensæ illius bonitatis, quæ sola te vñsit, homini ut illa conferres, præ amore non deficiat & lique scat? Quis non tantæ confidat bonitati, qua ita præuentum se videt, ut plurà multo acceperit, quàm optare posset vel cogitare? Quis abiiciet animum, si Salvatorem suum aspiciat è cruce pendentem? Quis non latus illud sacrum apertum ingrediatur, & in eo habitet ac requiescat? vnde ceu è portu securus videat tumentes omnes vitæ huius miseræ fluctus & tempestates. Hanc mihi Deus meus, Iesv Christi meritis, concede fiduciam: quæ ut vera sit ac firma, da simul cor mundum, & à peccatorum morsu liberum; cōtinuam virtutis exercitationem, fortemque; & dum valeo viribus, constantem pœnitentiam.

tiam. Da denique, vt tanta sollicitudine ac vigilantia reliquum vitæ tempus tuis impendam obsequiis, quanta hactenus sequendis & amplectendis mundi huius vanitatibus.

*Oratio ad PERSEVERANTIÆ donum  
à DEO petendum.*

**Q**uid conferunt, Deus meus, & beatitudo mea, virtutes omnes sine perseverantiæ dono? Quid feliciter nauigasse prodest, si naui in portu pereat? aut pugnae tempore strenuè se gerere, si tandem hosti cedit victoria? aut arare & serere benè, si messis tempore segetes euanescent? Perseuerantia enim est, Domine, quæ præmium, gloriam, & coronam consequitur: sine qua nulla virtus vitam æternam adipiscitur, indicante te hominem iuxta merita status, quo, cùm vocatur, inuenitur. Concede igitur mihi, piissime & benignissime Domine, pretiosissimum perseverantiæ donum, quod solus donare potes. Ne verò ex me huic dono aliquod impedimentum obsistat, fac me omnem rerum caducarum amorem radicitus euellere; meumque totum cor in cælum ita transferre, vt quamuis corpore in terra hæream, spiritu tamen apud te viuam.

*Oratio D. Thomæ Aquinatis, ad VARIAS  
VIRTUTES obtinendas aptissima.*

**C**oncede mihi, quæso, omnipotens & misericors Deus, quæ tibi placita sunt, ardentè concupiscere, prudenter inuestigare, veraciter agnoscere, & perfectè adimplere. Ad laudem & gloriam nominis tui, ordina statum

meum:& quod à me requiris vt faciam , tribue vt sciam,possim,& velim;& da exequi vt oportet,& expedit salutis animæ meæ.

Via mihi,quæso , ad te sit tuta, recta & consummata , non deficiens inter prospera & aduersa,vt in illis non extollar, & in istis non deprimar. In prosperis gratias tibi referam , & in aduersis seruem patientiam . De nullo gaudeam, vel doleam , nisi quod promoueat ad te, vel quod abducatur à te. Nulli placere appetam, vel displicere timeam,nisi tibi.

Omnia in charitate da facere ; & quod ad cultum tuum non pertinet, quasi mortuum reputare.

Vilescant mihi omnia transitoria propter te, & chara sint mihi omnia tua , & tu Deus meus plus quàm omnia . Delectet me omnis labor, qui est pro te ; & tædiosa sit mihi omnis quies, quæ non est in te.

Frequenter & seruenter da mihi, dulcissime Domine,cor meum ad te dirigere, & defectiorem meam cum emendationis proposito dolendo pensare.

Fac me Deus meus humilem sine fictione, hilarem sine dissolutione, tristem sine deiectione, maturum sine grauitate , agilem sine leuitate, veracem sine duplicitate, timentem sine desperatione, in te sperantem sine præsumptione, castum sine corruptione, proximum corripere sine indignatione , ipsumque ædificare verbo & exemplo sine elatione, obedientem sine contradictione, patientem sine murmuratione.



Da mihi dulcissime IESV cor peruigil, quod nulla à te abducatur curiosa cogitatio: da immobile, quod nulla deorsum trahat indigna affectio: da inuiectum, quod nulla fatiget tribulatio: da liberum, quod nulla sibi vendicat violenta delectatio: & da rectum, quod nulla seorsum obliquet sinistra intentio.

Largire mihi, dulcissime Deus meus, intellectum te cognoscentem, diligentiam te quærentem, sapientiam te inuenientem, conuersationem tibi placentem, perseverantiam te dulciter & fiducialiter expectantem, fiduciam te feliciter amplectentem: da tuis pœnis configi per pœnitentiam, tuis beneficijs vti in vita per gratiam, & tandem tuis gaudijs in patria frui per gloriam: qui cum Patre & Spiritu sancto viuis & regnas in sæcula. Amen.





T H E S A V R I  
Precum & Exercitiorum  
Spiritualium

P A R S S E C V N D A

Debeatissima VIRGINE  
Dei Genitrice.

C A P V T P R I M V M :

Exercitia Spiritualia de mysterijs  
Vitæ B. VIRGINIS.

E X E R C I T I V M I.

*De dotibus B. VIRGINIS in genere.*



Vo die specialiter colere vo-  
les B. Virginem; simul ac eui-  
gilaueris, aut integrum fuerit,  
facto signo Crucis, propones  
tibi beatissimam Virginem  
M A R I A M adstantem, solis  
instar, ei que te inclinando, exhibebis ex intimo  
corde reuerentiam, dicens, AVE MARIA, &c.  
aut aliam breuem oratiunculam: postea facta  
Oratione prapparatoria, & præmissa loci ima-  
ginatione, mediteris sequentia.



Primò, post Christum Dominum, gloriosa Virgine MARIA, quæ plena est gratia Dei, sicut paradisus terrestris, floribus & herbis odoriferis ornata, beatius aut melius esse nihil, Eam magis expolitam, & omnibus virtutibus absolutam esse, quàm templum Salomonis lignis cedrinis, laminisque aureis & argenteis, Item B. Virginem esse talem, qualem esse decebat, quæ domicilium erat futura Altissimi,

Secundò, B. Virginem multa habere privilegiæ inexplicabilia: ut quòd & virgo sit & mater Dei: quòd ab omni peccato nō mortali tantum, sed & veniali, & originali, semper immunis: quòd à morte, corpore & anima in cælum assumpta, super omnes choros Angelorum & creaturam omnem exaltata,

Tertiò, ordinem vitæ ipsius fuisse sanctissimum: nam præter assiduas piissimasque preces, præter etiam quotidianam cum Angelis conversationem, id quoque agebat studiosissimè, ut in omnibus exercitijs suis, siue domesticis siue externis, publicis aut privatis, cor suum & mentem in Deo semper haberet defixam.

Quartò, à Deo frequētius hæc flagitare solitam, ut Deum nosse posset, & eum amore cunctis rebus anteponere, proximo verò secundas in dilectione dare secundum eius sanctissimam voluntatem: deinde humilitatem & obedientiam tam erga Deum quàm erga homines, tamquam duas præcipuas virtutes, ac aliarum omnium fundamenta.

Quintò,

Quintò, B. Virginem cuidam animę pię reuelasse, se tot virtutes ac gratiam tantam non potuisse acquirere sine multis orationibus & lacrymis; & dona cęlestia non intrare in animam sine precibus assiduīs & carnis mortificatione.

Denique colloquium institues ad eandem Virginem; humilitérque ab ea petes, vt præter alia impetret tibi à Deo profundissimam humilitatem, ac perfectissimam tum animi tum corporis puritatem, extirpetq. in te vitia contraria, Subiunges orationem Dominicam & salutationem Angelicam, vel Hymnum aliquem, aut Litanias de Beatissima Virgine.

#### ORATIO.

**C**Oncede nos famulos tuos, quæsumus, Domine Deus, perpetua mentis & corporis sanitate gaudere, & gloriosa B. MARIÆ semper Virginis intercessione, à præsentī liberari tristitia, & æterna perfrui lætitia. Per Christum Dominum nostrum. Amen.

Pater noster. Aue Maria.

#### EXERCITIUM II.

##### *De Conceptione B. VIRGINIS.*

**P**RIMò considerabis, quomodo B. Virgo ab æterno electa à Deo & prædestinata sit, vt Filij sui mater esset, innumeris dotibus & priuilegiis supra creaturas omnes admirabilis, ne qua illi perfectio, dignitas aut gloria deesset.

Secundò, à sanctissimis parentibus Ioachimo & Anna, magna ipsorum sicut & Angelorum omnium in cælo, Patrum in limbo, hominum in terris lætitia, conceptam : quòd eo ipso momento hi intelligerent, datum principium restaurationi cælestis Ierusalem, & expectatissimo tot sæculis operi redemptionis humanæ.

Tertiò, fuisse eius conceptionem purissimam, nullius labis affinem ; utpote illius è qua edendus esset immaculatus Agnus, omnes à peccati macula mundaturus.

In colloquio petes per merita & intercessionem B. Matris, ut à Deo cognoscaris, & virtutibus, maximè verò puritate, illustreris, quibus gaudio sis Angelis & hominibus.

Agas etiam gratias S<sup>mæ</sup> Trinitati pro tam salutari B. Virginis Conceptione : cuius particeps esse optabis, concipiendo quotidie nova desideria, Deo & parenti eius indies exactiùs famulandi ; & in primis ipsam B. Virginem in mente, ore, & opere portando ; ut illud impleas D. Bernardi monitum : Non recedat à corde, non recedat ab ore ; & ut impetres eius orationis suffragium, non deferas conuersationis exemplum.

ORATIO.

**D**Eus, qui per immaculatam Virginis Conceptionem dignum Filio tuo habitaculum præparasti : quæsumus, ut sicut ex ipse eiusdem Filij sui præuisa eam ab omni labe præseruasti, ita nos quoque mundos eius intercessione ad te peruenire concedas. Per eundem, &c. Pater noster, Ave Maria.



## EXERCITIUM III.

*De Natiuitate B. VIRGINIS.*

PRIMò considerabis nascentem Virginem habere progenitores Reges, Duces, Principes; quibus tamen sanctitate morum, quæ vera est nobilitas, magis eluxit. Vnde quò nobilior secundum carnem, eò demissior fuit spiritu; in quo vera est celsitudo, quam Altissimus Deus solam respexit & amauit in illa.

Secundò, dulcissimum ipsius nomen esse MARIA; quod Stellam maris, Dominam & illuminatricem significat. Ipsa enim in tempestatibus stella, contra aduersarias potestates Domina, in diuinis rebus magistra est. Vt stella viam cæli nobis aperit, vt Domina nos regit & defendit, vt illuminatrix vel magistra nos docet & instruit. Quid eo nomine dulcius, quid fortius, quid sapientius? Tu illud ama, & animo inscribe tuo.

Tertiò, summam B. Virginis nascentis perfectionem & excellentiam, à filiabus Ierusalem deprædicatam: sic enim interrogant præ admiratione Cant. 4. Quæ est ista quæ progreditur quasi aurora confurgens, pulchra vt luna, electa vt sol, terribilis vt castrorum acies ordinata? Aurora est, quia media inter diem & noctem, hoc est inter homines & Deum mediatrix. Candore suo & lumine, quod à Sole iustitiæ mutuatur, omnes anteuerit: dæmonibus

denique,

denique, quorum conterit capita, in primis est terribilis.

In Colloquio petes veram animi nobilitatem; sanctitatem, inquam, & humilitatem: candorem & lucem animæ, qua dignus sis inter electos numerari: affectum in sanctissimum *MARIÆ* nomen, & eius contra nequitias spirituales potentissimi præsidium.

Agas postremò Sanctissimæ Trinitati gratias de hac Virginis Natiuitate; utque nasci spiritualiter crescereque quotidie in virtute possis, per *MARIÆ* patrociniū rogabis.

ORATIO.

**F**Amulis tuis, quæsumus Domine, cælestis gratiæ munus impertire: ut quibus beatæ Virginis partus extitit salutis exordium, Natiuitatis eius votiuā solemnitās pacis tribuat incrementum. Per Dominum, &c.

Pater noster. Ave Maria.

### EXERCITIVM IIII.

#### *De Præsentatione B. VIRGINIS.*



**R**IMò considera, quanta sollicitudine puellula triennis à parentibus Hierosolymam deducatur; qua reuerentia ab eis in templo Deo præsentetur: quanta promptitudine & pietate ipsa tenerrima Virgo sese Deo dediceret & offerat: quanta voluptate Sacerdotes nobile istud monile in templum accipiant, & ad illi comparatum conclaue deducant. Ardent omnium  
animi,

animi, parentum, *MARIÆ*, Sacerdotum.

Secundò, Sanctissimæ Trinitatis in tam illustribus doni receptione eximiam benignitatem. Pater recipit illam in filiam, Filius in sponsam, Spiritus sanctus in mysticam sedem: Angeli quoque in amabilem & gratissimam Dominam, cum qua suauissimè & colloquantur, & agant.

Tertiò, puellulam hanc parentes suos in ætate tenerrima relinquere, ad ignotos adire, templum pro domo eligere, flores ætatis primos Deo consecrare, vitam angelicam degere; partim lectione, partim oratione, partim manuum opere in usus pios sanctissimè dies exigere; exempla virtutis suæ eximia omnibus dare, humilitatis cum primis, simplicitatis, obedientiæ, temperantiæ, abstinentiæ, silentij, alacritatis ad omnia: vt in ea velut speculo refulgeret species castitatis, & forma virtutis; & ipsa etiam corporis species simulachrum fuerit mentis, & figura probitatis; talisque vniuersum fuerit, vt eius vnus vita omnium esset disciplina.

In colloquio pete gratiam, qua te Deo ex animo, sine procrastinatione vlla dones. Pete recipi à Deo in seruum saltem, si filij nomine indignus sis. Pete per *MARIÆ* merita & suffragia virtutes tibi necessarias vt Deo placeas; humilitatem maximè, obedientiam, castitatem, feruidam charitatem, &c.

#### ORATIO.

**D**Eus, qui beatam *MARIAM* semper Virginem, Spiritus sancti habitaculum, in templo



templo præsentari voluisti: præsta quæsumus, ut eius intercessione, in templo gloriæ tuæ præsentari mereamur. Per Dominum, &c.

Pater noster. Ave Maria.

## EXERCITIUM V.

### *De Annuntiatione B. VIRGINIS.*

**P**RIMò considera, SS. Patrum, Patriarcharum, Prophetarum, Regum, Iustorumque omnium vota, desideria, suspiria, Messiam aduenire cupientium; Angelorum item in cælo humanam calamitatem miserantium voces, B. MARIÆ præsertim humiles ardentesque preces idem exposcentes.

Secundò, Sanctissimam Trinitatem immensa sua primùm charitate, cælestium deinde spirituum, patrumque, ac iustorum, & B. MARIÆ cum primis ardentibus suspirijs, votis, desiderijs, precibus commotam, cæleste cogere concilium: ibi Iustitiæ Misericordiæque audientiam dare; illius iustas rationes, huius preces admittere: Filium tandem, ceu Sapientiam Patris, rem totam definire, ac seipsum pro redemptione hominum offerre: quò & satisfaciat Iustitiæ patiundo, & Misericordiæ humanum genus liberando. Hic attende, quomodo Filij charitatem tantam commendet & amplectatur Pater; Spiritus sanctus ut amor approbet, atque admirabilem incarnandi Verbi æconomiam sua omnia offerat: quomodo osculentur

se Iustitia & Misericordia; Pax & Veritas; exiliant Angeli gaudio; sapientiam, charitatemque Verbi Dei admirabilem prædicent, suspiciant, venerentur.

Tertiò considera, illicò post Diuinitatis istud decretum, publicari in cælo *MARIÆ* nomen, per eam mysterium hoc complendum patefieri: aduocari Archangelum Gabrielem, ad summam legationem in Nazareth mitti; acceptisque à SS. Trinitate mysticis legationis suæ litteris, in Nazareth ad Virginē aduolare. Hic vide Virginem in se relectam, inexplcabili dulcedine perfruentem, Angelum admittere. Colloquia vtriusque expende. Admirare Virginem aspectu pudicam & verecundam, verbis prudentem, fide eximiam, castitatis virginæ tenacem, promptissima tamen obedientia sese totam Dei nutui & beneplacito offerentem: ad cuius tam humilem quàm obedientem & caritate plenum consensum, operatione Spiritus sancti, concipitur in Virgineo utero Dei Filius.

In Colloquio age inter cetera *S<sup>m</sup>* Trinitati gratias immensas pro Incarnatione Filij; peteq. per Matris eius merita, virtutes, spiritualiter cōcipiendo in te Dei Verbo, in mente & corpore portando & glorificando, necessarias; puritatem præsertim, obedientiam, & veram animi demissionem.

ORATIO.

**D**Eus, qui de B. *MARIÆ* Virginis utero, Verbum tuum Angelo nuntiante carnem suscipere voluisti: præsta supplicibus tuis;

vt qui verè eam genitricem Dei credimus, eius apud te intercessionibus adiuuemur.

Pater noster. Ave Maria.

## EXERCITIVM VI.

### *De Visitatione B. VIRGINIS.*



RIMÒ considera, Virginem quietis & contemplationis aliàs amantissimam, nec ætatis teneritudine, nec itineris longitudine, nec asperitate montium, nec conditione sua præcellenti, nec vlla re alia retardari, quo minùs ad charitatis & humilitatis officia Elizabethæ præstanda, domo sua abeat. Iam gratia plena erat, iam Dei mater effecta, iam super mulieres omnes benedicta: quò tamen se altiore videt, eò se demittete magis ardet.

Secundò, Qua festinatione properet, nusquam hærens, nusquã vagabunda, quo charitatis affectu mōtes conscendat. Vide ingredientem tandem in domum Zachariæ; salutatione præuenientem, obsequium cognatę deferentem, illi de concepto filio in senectute & sterilitate gratulātem: & nota salutationis fructum. Ioannes, accelerato in se diuinitus rationis iudicio, in materno vtero Christum & eius matrem agnoscit & salutat, Spiritu sancto repletur, & exultat præ gaudio. Elizabeth simul eodem Spiritu repleta, agnoscit in virgineo vtero latentem Deum, & ipsam Dei iam matrem effectam: ac exclamat, Benedicta tu, &c.

Tertiò



Tertiò considera, Mariam neque tam admirandis rebus in sui præsentia effectis, neque tantis laudibus & encomiis à cognata sua prolatis inolescere, nihil sibi tribuere, se magis abijcere, in Deum referre omnia; apertoque cælesti cordis sui thesauro, ardentibus in pectore amoris flammis, sublati oculis & manibus in cælum, profundissima humilitate, & feruentissima deuotione erumpere in actionis gratiarum voces, & admirabile illud Canticum depromere: Magnificat anima mea Dominum, &c.

In colloquio pete visitari à B. Virgine, & eius visitationis fructibus gratijsque gaudere. Pete à Deo per Matris suæ merita & suffragia profundam humilitatem, qua libenter alijs feruias; feruidam charitatem, qua salutem aliorum promoueas; exultationem spiritus tui, qua alacriter omnia officia tua obeas; ac Deum rebus in omnibus magnifices & exaltes.

## ORATIO.

**F**Amulis tuis, quæsumus Domine, cælestis gratiæ munus impertire: vt quibus B. Virginis partus extitit salutis exordium, Visitationis eius votiua solemnitas, pacis tribuat incrementum. Per Dominum nostrum Iesum Christum filium tuum: qui tecum viuit & regnat in vnitæte Spiritus sancti Deus: per omnia sæcula sæculorum. Amen.

Pater noster. Aue Maria.

## EXERCITIUM VII.

*De Purificatione B. VIRGINIS.*

**P** R I M ò considera, quo studio legi Diuinæ parendi, conferat se Virgo Mater Ierosolymam; qua reuerètia pretiosum illum cordis sui thesaurum IESVM filium ad templum deportet, virgineo pectori astringat; qua humilitate, immundarum mulierum instar, sui purificationem instituat, Sacerdotibus se exhibeat, ijs honorem deferat; pauperumque oblationem, par turturum, aut duos pullos columbarum offerat.

Secundò, quo pietatis affectu, cum Iosepho sponso, filium suum IESVM velut agnum immaculatum Deo offerat, ex parte sua, nostraque omnium, vt matutinum sacrificium, pacificamque hostiam in redemptionem generis humani, vnà cum Filio se ipsam quoque offerens, & iterum Deo præsentans.

Tertiò, qua spiritali lætitia, deuotione, reuerentia, Simeon puerum IESVM in vlnas accipiat; qua voluptate gaudioque Anna vidua sanctissima & Matrem & Filium commendet, omnibusque annuntiet: quomodo Simeon Spiritu sancto & gaudio plenus, iam paratum se mori viso Domino protestetur; Maria admiretur, & exultet spiritu; Ioseph Deo gratias agat; alios omnes rerum nouitas attonitos habeat.

In decursu ipsius meditationis expende,  
quàm

quàm suaue & dulce sit portare IESVM in corde, multoque magis eum in Eucharistia suscipere & complecti; quamque longè suavius erit, in templo illo cælesti accipere, videre, eo semper perfrui.

Pete ergo purgari indies magis, vt dignè Deo offerri possis: imò & te per **MARIÆ** manus illi offer. Implora diuinam gratiam, qua IESVM perpetuò bonis cogitationibus & desiderijs, & sanctis actionibus, ceu spiritualibus vlnis, suscipias & gestes. Conuerte te postremò ad IESVM, eum rogans vt portari se à te sinat, & ostendat tibi aliquando faciem & salutare suum, cùm eius voluntate mortalem hanc depones corporis tui sarcinam.

## O R A T I O.

**O**Mnipotens sempiterne Deus, Maiestatem tuam suppliciter exoramus: vt sicut vnigenitus Filius tuus cum nostræ carnis substantia in templo est præsentatus, ita nos facias purificatis tibi mentibus præsentari. Amen.

Pater noster. Ave Maria.

## EXERCITIVM VIII.

*De Assumptione B. VIRGINIS.*

**P**RIMò considera, quàm pretiosa fuerit in conspectu Domini **MARIÆ** mors; quoties illam ipsa exoptauerit, quasi ianuam ad subliorem vitam; quomodo illi mors fuerit som-



nus iucundissimus ; & non tam aegritudine vlla corporis, quàm vi affectus & desiderij perfruendi Filio, maximeque gaudij de ipsius presentis intuitu , circumstantibus Apostolis & aliis Sanctis , iubilantibus Angelis , anima illa beatissima corpore suo exiens in Filij amplexum euolarit.

Secundò considera, quanta Angelorum omnium exultatione , quantis canticis pretiosissima anima in cælum ad S<sup>m</sup> Trinitatis thronum vsque adierit ; quàm ei certatim Sancti omnes gratulati sint, illique egerint gratias , quòd Filium Dei Saluatorem suum in vtero concepisset , mundo porrexisset , omniaque illi obsequia detulisset . Hinc te refer ad Apostolos ; examina eorum tristitiam de tantæ parentis & magistræ absentia , permixtam tamen non mediocri lætitia , quòd eam scirent patronam se apud Deum habituros . Cogita , quantis lacrymis corpus illud sacratissimum loculo imposuerint , & in humeros suos extulerint ; quibus canticis ad sepulchrum detulerint ; sepulto qua pietate adstiterint.

Terriò considera, corpus nobilissimum non fuisse conuersum in cinerem & putredinem ; sed paucis ab obitu diebus animam sanctissimam diuino imperio ad illud rediisse , illi sese coniunxisse , & in cælum transtulisse . Considera ergo , quo cælestis curiæ triumpho , quibus canticis assumpta sit M A R I A in cælum , innixa super dilectum Filium suum , stipata innumeris Angelorum agminibus : aliis Deo suo

concla-

conclamantibus; Surge Domine in requiem *Psal. 131.*  
 tuam, tu & arca sanctificationis tuæ: aliis ascen-  
 dentis Virginis pulchritudinem & delicias hoc  
 modo admirantibus; Quæ est ista, quæ ascen- *Cant. 8.*  
 dit de deserto delitiis affluens, innixa super di-  
 lectum suum? Quæ est ista, quæ ascendit per *Cant. 3.*  
 desertum sicut virgula fumi ex aromatibus  
 myrrhæ & thuris, & vniuersi pulueris pigmen-  
 tarij. Tandem excipitur à Sanctissima Trinita-  
 te beneuolentia incredibili, & in parato sibi  
 folio coronata, ac totius cælestis curiæ Domi-  
 ni Reginaque declarata, ad Filij dexteram col-  
 locatur, coram ea Sanctis omnibus coronas  
 suas deponentibus, & in Dominam Principemque suam festiuo triumpho accipientibus.

In Colloquio cum Apostolis Virgini paren-  
 ti tuæ omnia offer obsequia, in cælum abeun-  
 tem prosequere, eius gloriam admirare, Regi-  
 nam cæli & terræ in Dominam tuam accipe, &  
 pete quæ suggeret spiritus tanta rerum magni-  
 tudine inflammatus.

## ORATIO.

**S**ubueniat, Domine, plebi tuæ Dei Genitri-  
 cis oratio: quam etsi pro conditione carnis  
 migrasse cognoscimus, in cælesti gloria apud  
 te pro nobis intercedere sentiamus.

**I**mploramus clementiam tuam, omnipotens  
 Deus, vt qui Assumptionem Dei Genitricis  
 colimus, à cunctis malis imminentibus eius  
 intercessionem liberemur. Per Dominum, &c.

Pater noster Aue Maria,







## CAPVT II.

## SALVTATIONES

## B. VIRG. MARIÆ

*Ex diuersis sumptæ.*

## SALVTATIONIS ANGELICÆ

*paraphrastica explicatio.*

VE mater Dei, mater gratiæ,  
mater misericordiæ; quæ no-  
bis Deum hominem, Verbum  
carnem fecisti; & Deum ira-  
tum nobis Patrem misericor-  
diarum, & Deum totius cōso-  
lationis, partu tuo & virtute singulari effecisti.

Aue Regina cæli & terræ, quæ fuisti, es, &  
eris semper sine vā peccati & maledicti, verè  
in omnem æternitatem beatissima.

Aue pax, gaudium, & salus mundi, quæ cæ-  
lum terræ, nos Deo conciliaisti.

Maria. Nomen post filij tui nomen super  
omne nomen; nomen in quo post Filij nomen  
benedicuntur omnes nationes terræ; nomen in  
quo flectitur omne genu, cælestium, terre-  
strium, & infernorum. Nomen tibi conue-  
nientissimum: es namque mare amarum dæ-  
monibus, stella in hoc mundo nauigantibus,  
illuminatrix in his tenebris agentibus, imò &  
Angelis in cælo gaudentibus.

Gratia plena. Impleta es gratia, & Euæ nulla in te fuit culpa. Singulis gratia se est largita per partes: in te verò totam se effudit gratiæ plenitudo.

Dominus tecum. Tecum in corde, tecum in corpore, tecum auxilio. Nec tantum Dominus Filius tecum, quem carne tua induis; sed & Dominus Spiritus sanctus, de quo concipis; & Dominus Pater, qui ab æterno in splendore gloriæ genuit, quem tu in tempore paris.

Benedicta tu in mulieribus. O femina super omnes feminas benedicta, quæ virum non nosti, & virum tuo vtero circumdedisti. Verè benedicta, quæ fuisti excelsior cælo, latior terra, maior vniuerso: nam Deum quem mūdus non capit, sola cepisti. Portasti, Deum, qui portat orbem; genuisti genitorem tuum, nutriuisti omnium viuentium nutritorem, Benedicta tu, quæ & parientis & sterilis maledictione ablata singularem consecuta es benedictionem, vt nec sterilis maneat, nec cum dolore parturias. Tu verè benedicta, quæ sola sine viri coniunctione filium genuisti.

Et benedictus fructus ventris tui IESVS. Verè benedictus fructus ventris tui, in quo benedictæ sunt omnes gentes: de cuius plenitudine tu quoque accepisti cum ceteris, etsi differentiùs à ceteris. Benedictus in odore, benedictus in sapore, benedictus in specie, Benedictus fructus, ex quo ligni mortis amaritudo dulcescit; & vita perditā reparatur.

Bene-

Benedictus fructus, ex quo vitalis panis Domini Corporis, & salutare immortalitatis peculum conficitur.

# SALVTATIO B. VIRGINIS

*Ex B. Ephraem Syro,*

*Sermone de laudibus Virginis.*

**A**ue præclarum & electum vas Dei.  
 Ave Domina Maria, gratia plena.  
 Ave inter mulieres Virgo beatissima.  
 Ave stella fulgidissima, ex qua Christus processit.  
 Ave lux splendidissima, mater & virgo.  
 Ave, quæ admirabiliter Regem omnium peperisti.  
 Ave, per quam clarissimus sol iustitiæ nobis illuxit.  
 Ave Regina ac Domina cunctis sublimior.  
 Ave canticum Cherubim & Seraphim, & hymnodia Angelorum.  
 Ave pax, gaudium, consolatio, & salus mundi.  
 Ave humani generis lætitia.  
 Ave Patrum præconium & decus Prophetarum.  
 Ave pulchritudo Martyrum & corona.  
 Ave gloria & laus in solitudine degentium.  
 Ave præclarissimum cælestis hierarchiæ ornamentum.  
 Ave pulchra hymnigraphorum omnium oratio.



Aue præstantissimum totius orbis terræ  
miraculum.

Aue terrigenarum omnium oblectamen-  
tum.

Aue paradise deliciarum, totiusque amœ-  
nitatis & immortalitatis.

Aue lignum vitæ, gaudium & voluptas.

Aue lilium conuallium, & vallis fidelium.

Aue portus tranquillissime, & à fluctibus  
procellisque agitatorum liberatrix de-  
sideratissima.

Aue opitulatrix periclitantium.

Aue progenitoris illius Adam resurrectio.

Aue iucunda libertas.

Aue communis parens omnium.

Aue fons gratiæ & totius consolationis.

Aue peccatorum refugium atque diuer-  
sorium.

Aue laborantium propitiatorium.

Aue profugium in Ierosolymis.

Aue throne Creatoris nostri gloriosissime.

Aue splendor æui, illustrissime ac fulgen-  
tissime.

Aue spes omnium proborum, rebus ad-  
uersis afflictorum.

Aue dulce conuersorum solamen atque  
præsidium.

Aue virorum pariter atque mulierum Re-  
gina, & patrona.

Aue Dei & hominum mediatrix optima.

Aue totius terrarum orbis conciliatrix ef-  
ficacissima.

Aue

Aue Domina nostra, fœdus pacemque fidelibus tuis impetrans.

Aue gloria & lætitia omnium Sacerdotum.

Aue Virgo solitariorum solatium.

Aue Regina supernorum ciuium, & Domina Angelorum.

Aue porta cælorum, & scala, ascensusque omnium.

Aue portarum cælestis paradisi referamentum.

Aue nostra consolatrix, quæ mœrores sedasti, & oppressorum molestias leniisti, cunctasque oppressiones sustulisti.

Aue clavis regni cælestis.

Aue portus tutissime in hac vita nauigantium.

Aue animæ nostræ spes fida & optima.

Aue firma salus vniuersorum Christianorum ad te sincerè ac verè recurrentium.

Aue lumen lucidissimum, quo mundus illustratur.

Aue mater alma Christi Filij Dei viui.

Aue nostra omnium protectio insignis & gloria.

Aue, quæ nullo spatio comprehensum, tuo sinu ac vlnis comprehendisti.

Aue quæ Christū vitæ datorem educaisti.

Christum, inquam, misericordissimum omnium creatorem, dulcissimum Dominum nostrum IESVM, educatorem atque altorem totius

mundi,

mundi, benignissimum humani generis amatorem, & patrem cunctorum omnipotentem. Cui conuenit omnis honor, gloria, decus, & potentia in perpetuum, laus & iubilatio atque magnificentia, vnà cum æterno Patre, & sancto Spiritu, nunc & semper, & in infinita sæcula sæculorum. Amen.

### SALVTATIO B. VIRGINIS

*Ex Andrea Episc. Ierosolymitano.*

**A** Ve gratiosa, Dominus tecum.  
Salue lætitiæ organum, per quod delicti nostri condemnatio expiata est, ac pleni gaudij facta compensatio.

Salue verè benedicta.

Salue illuminata.

Salue magnificū diuinæ gloriæ templum.

Salue consecratum Regis palatium.

Salue thalame, in quo Christo humanitas desponsata est.

Salue electa Deo, antequam nata fueris.

Salue Diuina cū hominibus reconciliatio.

Salue thesaure vitæ inmarcessibilis.

Salue cælum, solis gloriæ cæleste tabernaculum.

Salue Dei ager amplissime, quem nullus alius locus nisi tu sola comprehendere potest.

Salue sancta virginalis tellus, ex qua nouus Adam ineffabili fictione formatus est, qui veterem saluti restitueret.

Salue



Salve sanctum Dei fermentum, quo tota generis humani massa conspersa est, & ex vnico Christi corpore ceu panis factus in vnū coijt incredibilis concretio.

Salua sis immensi gaudij genitrix.

Salua sis noua gloriæ arca, in qua Dei spiritus delapsus quieuit.

Salue vna aurea, quæ eum fers qui dulce manna reddit, ac mel è petra ingrato Israël elicit.

Salue Seraphica mystici anthracis fibula.

Salue contemplatiuæ cognitionis intellectuale speculum, per quod celebres spiritus Prophetæ incredibilem Dei ad nos descensionem mystice adumbraverunt.

Salue dioptra perspectiua, per quam, qui in peccatorum tristi vmbra sedebant, recipientes desuper cum gloria venientem ortum iustitiæ solem, mirabiliter illustrati sunt.

Salue Prophetarum & Patriarcharum omnium ornamentum, nec non inuestigabilium Dei oraculorum præconium verissimum.

Benedicta tu inter mulieres: nam benedixit te sibi ipsi Deus in tabernaculum.

Benedicta tu in mulieribus, quæ cælestem thesaurum, in quo alij omnes sapientiæ & cognitionis thesauri sunt reconditi, in tuto virginitatis tuæ velut promptuario liberri-  
mè es complexa.

Tu

**Tu** verè benedicta, cuius venter aceruus quidam aræ; quoniam fructum benedictionis, spicam immortalitatis, Christum inquam, sine seminantis ac coloni opera perfectissimè produxisti; messem copiosam, infinita millia congratulantium sibi de salutis nostræ operario, adduxisti.

**Tu** verè benedicta, quæ sola præ matribus omnibus digna es habita mater conditoris tui.

**Reuera** benedicta tu, quæ sola sine viro concepisti, & in vtero eum gessisti, qui cælos expandit, ac virginitatis tuæ terram cælestem reddidit.

**Benedicta** tu in mulieribus, quæ sola benedictionem es sortita, quam Deus gentibus per Abraham promiserat.

**Benedicta** tu, vt quæ benedicti pueri **I E S V** Seruatoris nostri mater es nuncupata.

**Benedicta** tu inter feminas, quam beatam omnes generationes prædicant, reges glorificant, quam potentatus adorant, cuius in conspectu ditissimi ex populo dona litant, quam & à tergo sequentes & præeuntes virgines in Regis templum comitantur.

**Benedicta** tu inter mulieres, quam Isaias propheticis oculis conspiciatus, Prophetissam & Virginem nuncupauit.

**Verè** benedicta tu, quam Ezechiel Propheta verum solis ortum proclamauit, portam occlusam, à solo Deo reclusam, ac rursus conclusam.

Sola tu verè benedicta, quam montem magnum vir ille desiderabilis Daniel vidit.

Verè tu benedicta, sensu intellectuq. prædita, viuidi salutis nostræ ligni paradisi, quæ ipsum horti Eden colonum, Christum inquam Dominum, intra te habes, figuris in te adumbratum: qui ineffabili quadam potentia fluminis instar viuiparum vterum tuum egressus, quatuor velut initiis per Euangelium suum orbis faciem irrigauit.

Benedicta tu in mulieribus, & benedictus fructus ventris tui. Fructus de quo comedens Adam protoplastus, euomuit veterem illam deuorationem, qua deceptionis escam sumpserat.

Benedictus fructus ille, qui ex incorrupto virginalis vteri surculo, veluti perfectus mirabiliter maturescens botrus, enatus est.

Benedictus fructus, ex quo fontes scaturiunt aquæ in vitam salientis æternam.

Fructus, ex quo vitalis ille panis, corpus inquam Dominicum, producit; & immortalitatis calix, salutaris potio exhibetur.

Benedictus fructus, quem sanctum omnis lingua celebrat, cælestium, terrestrium, & infernorum: in triplicitate sacrosanctæ quæ in Trinitate est Deitatis, vnum & idem quod ad essentiam confitentes; proprietate verò eorum quæ peculiariter sibi quisque habet, in personis segregantes. Amen.



## SALVTATIO D. VIRGINIS

*Ex D. Epiphanio,**Sermone de laudibus S. Mariæ.*

**A**Ve gratia plena, multis virtutibus  
exornata Virgo, in lampade gestans  
lucem inextinguibilem, sole splēdiorem.  
Aue gratia plena. Hami esca spiritalis; in te  
liquidem hamus diuinitas.

Aue gratia plena, gloriæ spiritalis.

Aue gratia plena, quæ es vna aurea conti-  
nens manna cæleste.

Aue gratia plena, quæ sitientes perennis fon-  
tis dulcedine satias.

Aue gratia plena, mare spiritale habens  
gemmam cælestem Christum.

Aue gratia plena, splendidum cælum, quæ in  
cælis incomprehensum contines Deum.

Aue gratia plena, quæ Cherubicum thronum  
diuinitatis fulgore superas.

Aue gratia plena, quæ cæli circulum habes,  
& Deum incomprehensum angusto potissi-  
mum loco in te ipsa contines.

Aue gratia plena, nubes columnæ similis,  
quæ Deum habes, qui populum deduxit per  
desertum.

O Virgo pura, sancta mater Domini, beata  
sponsa Trinitatis indiuiduæ!

Beata tu inter mulieres, quæ Deum & homi-  
nem omnium creatorem velut infantem in  
terra peperisti.

*Beata*

Beata tu inter mulieres , quæ sola in terra  
Deum cælestem concepisti.

Beata tu inter mulieres , cuius vbera suxit  
is qui alit vniverſa.

Beata tu inter mulieres , quæ nunc genuisti  
eum, qui olim in paradiso formavit Adam è  
luto.

Deipara existis , quæ Deum Verbum in forma  
serui concepisti.

Deipara existis , quæ Verbum in te incarnatum  
peperisti.

Deipara existis , quia Deum Verbum suscipiens  
incarnatum peperisti.

Deipara existis , quæ sola solius Dei vnigeni-  
tum Filium genuisti.

○ vterum impollutum , habentem circulum  
cælorum , qui Deum incomprehenſum , in  
te verò comprehenſum , portasti!

○ vterum cælo ampliorem , qui Deum in te  
non coarctasti!

○ vterum , qui cælum es ſeptem circulis con-  
ſtans , & capaciôr illis existis!

○ vterum ſeptem cælis ſublimiorem , atque  
latiorem!

○ vterum ſeptem firmamenti celliorem!

○ vterum inexſtinguibile lumen ſepties lu-  
centis gratiæ!

Per te, ô ſancta Virgo , pax cæleſtis donata eſt  
mundo.

Per te homines facti ſunt Angeli.

Per te homines appellati ſunt amici , ſerui , &  
filij Dei.

Per te homines meruerunt esse conserui Angelorum, & cum eis familiariter conuersari.

Per te notitia celestis, à terra transmittitur in cælos.

Per te homines fiduciam habent in cælo erga Altissimum.

Per te crux resplenduit per vniuersam terram.

Per te mors conculcatur, & spoliatur infernus; ceciderunt idola, & excitata est notitia celestis.

Per te cognouimus vnigenitum Filium Dei, quem sanctissima Virgo peperisti, Dominum nostrum IESVM Christum; quem omnes Angeli, atque homines adorantes, dicimus principio carentem Patrem, carentem principio Filium, & principio carentem Spiritum sanctum, Trinitatem indiuiduam & consubstantialem glorificantes in sæcula sæculorum. Amen.

SALVATIO B. VIRGINIS,  
*ex Chrysippo Presbytero Ierosolymitano.*

**A**Ve. tuum enim est reuerà auere & gaudere. Gratia plena. quia tecum est vniuersus lætitiæ thesaurus; totius lætitiæ & gloriæ rex, cum ancilla; cum speciosa inter mulieres, speciosus forma præ filiis hominum; cum puella impolluta, is qui sanctificat omnia.

Tecum est conditor omnium. Tecum, inquam, vt ex te gignatur: tecum conceptione, vt ex tuo partu generetur: tecum velut Deus, vt ex te sit Deus & homo.

Aue



Aue igitur semper.

Aue gratia plena.

Aue fons lucis omnem hominem illuminantis.

Aue solis ortus, qui nullum ferre potest occasum.

Aue armarium vitæ.

Aue quæ es hortus Patris.

Aue quæ es pratum totius fragrantia sancti Spiritus.

Aue radix omnium bonorum.

Aue specimen gemmæ omne pretium excedentis.

Aue vitis vuas pulchras producens.

Aue nubes pluuiæ potum animis Sanctorum exhibentis.

Aue quæ es puteus semper viuentis aquæ.

Aue quæ es rubus ardens igne spiritali, nusquam tamen adureris.

Aue porta clausa, soli Regi aperta.

Aue mons, vnde lapis angularis abscissus est sine manibus.

### SALVTATIO B. VIRGINIS

*ex Methodio Martyre,*

*Oratione in Hypapantem Domini.*

**B**enedicta tu celeberrima & omnibus desiderabilis. Tuum, Dei Genitrix, nomen diuinis benedictionibus & gratis omni ex parte est refertum.

Tu fidelium fax.

Tu incircumscripti (si ita fas loqui) circumscriptio.

Tu speciosissimi floris radix.

Tu Creatoris mater.

Tu nutrix omnia nutrientis.

Tu cuncta continentis & comprehendentis comprehensio.

Tu illius gestatrix, qui verbo suo portat vniuersa.

Tu porta, per quam Deus in carne exortus est.

Tu purificantis carbonis forceps.

Tu præangustus illius sinus, qui sinu suo omnia complectitur.

Tu incomprehensibilis illius roris vellus.

Tu Bethleemitica illa cisterna, quam velut vitæ refocillatricem Dauid desiderauit, & ex qua immortalitatis poculum cunctis emanauit.

Tu propitiatorium, per quod Deus humanam naturam indutus mortalibus innotuit.

Tu impollutum illius indumentum, qui luce vt vestimento circumfunditur.

Tu Deo, alioquin nullius rei indigo, carnem, quam non habebat, dedisti, vt homo verè appareret.

Tu admirabilem Incarnationem, quam aliquando non habuit, Deo mutuam dedisti.

Tu potentem illum corpore tamquam decenti quadam panoplia induisti, per quam

quam ipse facile à me caperetur & cer-  
neretur.

Euge, euge Mater Dei & ancilla. Euge, euge  
quæ debitorem illum habes, qui omnibus  
sub fœnore mutuatur: Deo namque vniuer-  
si debemus, tibi verò ipse debet.

Deficiet nos, quæque post nos futura sunt ge-  
nerationes, tempus, si tibi Matri Regis sæ-  
culorum, dignam tuæ beatitudinis prædica-  
tionem tribuere nitamur: vt celeberrimus  
quodam loco Propheta, nos erudiens quàm  
prorsus sis incomprehensibilis, aiat: Quàm  
magna est domus Dei, & ingens locus habi-  
tationis eius? Magnus, & non habet finem;  
excelsus & immensus.

Tu enim sanctissimū admirabilissimum-  
que Dei habitaculum.

Tu sola simul cum Deo, eorum quæ Dei  
sunt, partem habere digna fuisti; sola  
Deum generans carne indutum, ex  
Deo Patre vnigenè ac sempiternè ge-  
nitum.

Tu Deum mortalibus generationis prin-  
cipium tribuentem, vberibus tuis sub-  
iectum habes.

Salue ergo in æternum indefinens nostra  
lætitia, Dei genitrix Virgo.

Tu festi nostri principium, tu medium, tu  
finis, pretiosissima regni margarita.

Tu verè omnis sacrificij pinguedo.

Tu animatum panis vitæ altare.

Salue amoris Dei Patris thesaure.



Salve fons dilectionis Filij generis nostri.  
Salve sancti Spiritus mons obumbrate.

Fulgurasti, ô Genitrix, suavia nobis dona producens; fulgurasti luminis solaris ardentissimis facibus, feruentissimæ nempe dilectionis æstu; quod ante principium conceptum fuerat, in fine pariens: palam faciens occultatum eatenus sacramentum, ineffabilem inuisibilis Patris Filium, pacis sequestrum, & admirabili quodam modo omni breuitate minorem factum.

Propterea te deprecamur prestantissimam omnium matrisque nomine liberè gloriantem, memoriam indefinentem nostri retine, sanctissima Dei Genitrix. nostri inquam qui in te ornatur, hymnisque diuinis memoriam tui, nullo tempore defituram sed perpetuò victuram, celebramus. Amen.

*Salutatio ad singula B. Mariæ V. membra.*

**T**Ora pulchra es MARIA, & macula non est in te.

Speciosa & omnis labis expers es, ô Virgo purissima, ac perinde sis in æternum benedicta.

Benedictum sit caput tuum, cælesti sapientia plenum.

Benedicti sint capilli tui, castissimas mentis tuæ cogitationes significantes.

Benedicti sint gratiosi oculi tui, quibus prima meruisti videre Filium Dei.

Benedictæ sint genæ tuæ, quas solus IESVS infantulus suauissimè deosculatus est.

Bene-

Benedictum mellissimum os tuum, quod dulcissima oscula Dei Filio impressit.

Benedictæ sint aures tuæ, quæ primæ ab ore Angelico Sanctissimum nomen IESV audire dignæ habitæ fuerunt.

Benedicta sanctissima lingua tua, quæ prima post Angelum sanctissimum nomen IESV nominare meruit.

Benedictum collum tuum, quod IESVS sepe numero teneris brachiis suis strinxit, & dulciter amplexatus est.

Benedicta brachia tua, quæ IESVM gestarunt.

Benedictum pectus tuum, cui frequens dulcissimum filiolum applicuisti.

Benedicta vbera tua, quæ IESVM lactare, & ab illius diuinis labris contingi meruerunt.

Benedicta sint beata viscera tua, quæ nouē menses IESVM æterni Patris Filium portauerunt.

Benedictum sit purissimum gremium tuum, in quo IESVS adhuc infantulus sæpè suauissimè requieuit.

Benedicti pedes tui, qui amore IESV magna sæpè itinera confecerunt.

**O** Dulcissima mater IESV, da mihi IESVM filium tuum: da inquam illum mihi in ea forma, qua eum in stabulo peperisti, qua pannis inuoluisti, & super fœnum in præsepi ante bouem & asinum collocasti.

Da mihi illum in illa specie, qua illum post mortem de cruce solutum, toto corpore lacerum, sanguine perfusum, plagisque & vulneribus plenum, inter brachia tenuisti, & in se-

pulchrum intulisti. Obsecro te Domina, sepell eum in anima mea, & in sepulchro cordis mei: remotis tua intercessione quibus scatet for-  
dibus.

O MARIA mater Dei, totus anxius quæro IESVM sponsum formosissimum miseræ animæ meæ. Ideoque obsecro largire illum mihi: aut certè, si propter scelerum meorum immanitatem hoc beneficio indignus sim, doce me ut minimùm, quomodo illum requirere valeam.

O Virgo benignissima, intellexi eum in sanctæ orationis horto inueniri; & in huius rei argumentum, in horto, dum precibus ad Patrem concipiendis intentus esset, capi voluisse: proinde humiliter supplico; ut me illuc introducas, quandoquidem tu non tantùm horti huius ianua, sed & ostium es Paradisi, thesauraria cæli, & dispensatrix omnium gratiarum. Adiuua infirmitatem meam; & quod mihi ad hanc gratiam obtinendam deest, hoc tua bonitas perpetuò cum Sanctissima Trinitate coniuncta suppleat: meque tandem famulum tuum minimùm & abiectissimum in cælesti gloria videre faciat, quæ de te & Filio tuo semper credidi, & firmiter ad vltimum vitæ spiritum credere statui; eodem adiuuante, qui gratia sua fecit me Ecclesiæ Catholicæ Romanæ filium & perpetuum seruum.

O Virgo purissima, & singulare animæ meæ solatium, ne sperne quas pauper seruus tuus, immundis labiis, & fœtido pectore, in honorem tuum fundit laudes: suppleat oro bonitas



& puritas tua, quod mihi deest ad meritum,  
quo faciliùs assequar æternæ vitæ præmium.  
Et tu Domine IESV Christe, nostrorum solue  
vincula peccatorum: & intercedente beata &  
gloriosa semperque Virgine genitrice tua MA-  
RIA, cum omnibus Sanctis, nos famulos tuos,  
benefactores, omnesque consanguinitate, affi-  
nitate, aut quavis familiaritate nobis coniun-  
ctos, à vitiis purga, virtutibus illustra, à malo  
visibili & inuisibili protege, carnalibus deside-  
riis libera; quò omni hoste remoto, vnà cum  
Patre & Spiritu sancto, puro corde laudemus,  
ac in tuo Matrísque tuæ beatissimæ seruitio ad  
finem vsque persistamus. Amen.



MODVS PIE RECITANDI  
ROSARIVM B. VIRG. MARIAE,  
AVT CORONAM EIVSDEM.

**R**osariũ Deipara virginis recitaturus (quod  
quinquies orationem Dominicam, & quin-  
quagies salutationem Angelicam complectitur)  
dicto Pater noster, subiungat decem Ave Maria:  
& ubi in singulis deuenerit ad illud IESVS, vnum  
ex infra scriptis mysteriis, quæ in cuiusq. Rosarij  
decade proponuntur, addat, & pia cogitatione re-  
uoluat: si quis verò Coronam D. Virginis (quæ 63.  
Aue Maria & 7. Pater noster continet) recitare  
voluerit, ad sextã decadem eadẽ mysteria repe-  
te, & ad tria vltima Aue Maria virtutes subie-  
ctas, vel alias pro cuiusq. deuotione, per intercessio-  
nem gloriosissimæ Virginis à Deo poterit deprecari.  
In fine autẽ, vel in principio addatur Symbolum.

## PRIMUM ROSARIVM GAVDIOSVM.

Ad de- ca- dē	I. } II. } III. } que IV. } V. }	que	I. } Virgo concepi-	S. Maria
			sti IESVM.	mater Dei
			II. } Visitādo Eliza-	ora pro
			beth portasti.	nobis pec-
			III. } Virgo genuisti.	catoribus
			IV. } In Tēplo prae-	nunc &
VI. repete prae-	VI. repete prae-	VI. repete prae-	V. } In Templo in-	in hora
			uenisti.	mortis
				nostrae.
				Amen.
Tria Aue	{	{	quino-	Fidem rectam.
			bis au-	Spem firmam.
			geat	Charitatē perpetuam.

## II. ROSARIUM DOLOROSUM.

Ad de- ca- dem	I.	qui pro nobis	Sanguinem sudavit.	S. Ma- ria ma- ter Dei ora pro nobis pecca- torib <sup>9</sup> nūc & in ho- ra mor- tis no- stræ. Amē.
	II.		Flagellatus est.	
	III.		Spinis coro- natus est.	
	IV.	Tria Aue qui nobis	Crucem baiu- lauit.	Amē.
	V.		Crucifixus est.	
	VI.		repete quinque prædi- cta mysteria.	
			Intellectum illumi- net.	
			Voluntatē perficiat.	
			Memoriam roboret.	

## III. ROSARIUM GLORIOSUM.

Ad de- ca- dem	I.	qui	Resurrexit à mortuis.	S. Maria mater Dei ora pro nobis pec- catoribus nunc & in hora mortis nostræ. Amen.
	II.		Celos ascendit.	
	III.		Spiritum san- ctum misit.	
	IV.	Tria Aue qui	Te assumpsit.	Amen.
	V.		Te in cælis co- ronauit.	
	VI.		repete prædicta quin- que mysteria.	
			Dirigat cogitationes.	
			Regat verba.	
			Gubernet opera.	





CAPVT TERTIVM.  
LITANIÆ, ET ORATIONES  
PATRVM.

LITANIAE *Beatissimæ Dei Genitricis  
MARIAE, in sacra æde Lauretana  
dici & cantari solite.*



YRIE eleison. Christe e-  
leison. Kyrie eleison.  
Christe audi nos. Christe  
exaudi nos.  
Pater de cælis Deus, Mife-  
rere nobis.

Fili redemptor mundi Deus, Miserere  
nobis.

Spiritus sancte Deus, Miserere nobis.

Sacra Trinitas vnus Deus, Miserere nobis.

Sancta Maria,

Sancta Dei Genitrix,

Sancta Virgo virginum,

ater Christi,

Mater diuinæ gratiæ,

Mater purissima,

Mater castissima,

Mater inuiolata,

Mater intemerata,

Mater amabilis,

Mater admirabilis,

Mater Creatoris,

Ora pro nobis.

Mater

Mater Saluatoris,  
Virgo prudentissima,  
Virgo veneranda,  
Virgo prædicanda,  
Virgo potens;  
Virgo clemens,  
Virgo fidelis,  
Speculum iustitiæ,  
Sedes sapientiæ,  
Causa nostræ lætitiæ,  
Vas spirituale,  
Vas honorabile,  
Vas insigne deuotionis,  
Rosa mystica,  
Turris Dauidica,  
Turris eburnea,  
Domus aurea,  
Fœderis arca,  
Ianua cæli,  
Stella matutina,  
Salus infirmorum,  
Refugium peccatorum,  
Consolatrix afflictorum,  
Auxilium Christianorum,  
Regina Angelorum,  
Regina Patriarcharum,  
Regina Prophetarum,  
Regina Apostolorum,  
Regina Martyrum,  
Regina Confessorum,  
Regina Virginum,  
Regina Sanctorum omnium,

Ora pro nobis.

Agnus



Agnus Dei, qui tollis peccata mundi, Parce nobis Domine.

Agnus Dei, qui tollis peccata mundi, Exaudi nos Domine.

Agnus Dei, qui tollis peccata mundi, Miserere nobis.

Christe audi nos. Christe exaudi nos.

Kyrie eleison. Christe eleison. Kyrie eleison. Pater noster. Ave Maria.

*Vers.* Ora pro nobis sancta Dei Genitrix.

*Resp.* Ut digni efficiamur promissionibus Christi.

ORATIO.

**G**ratiam tuam, quesumus, Domine mentibus nostris infunde : ut qui Angelo nuntiante Christi Filij tui incarnationem cognovimus, per passionem eius, & crucem, ad resurrectionis gloriam perducamur. Per eundem Christum Dominum nostrum. Amen.

# LITANIAE B. MARIE Virginis

*Ex Scriptura sacra.*

**K**yrie eleison. Christe eleison. Kyrie eleison.

Christe audi nos. Christe exaudi nos.

Pater de cælis Deus, Miserere nobis.

Fili Redemptor mundi Deus, Miserere nobis.

Spiritus sancte Deus, Miserere nobis.

Sacra Trinitas vnus Deus, Miserere nobis.

Sancta Maria, Ora pro nobis.

Sancta Dei Genitrix, Ora pro nobis.

*Approbata à Sede Apostolica ad instantiam Serenissimi Ducis Bauariae.*

Sancta

Sancta Virgo Virginum,  
Mater viuentium,  
Mater pulchræ dilectionis,  
Mater sanctæ spei,  
Paradisus voluptatis,  
Lignum vitæ,  
Domus sapientiæ,  
Porta cæli,  
Desiderium collium æternorum,  
Ciuitas refugij,  
Vrbs fortitudinis,  
Vena vitæ,  
Clypeus omnibus in te sperantibus,  
Gloria Ierusalem,  
Sanctuarium Dei,  
Tabernaculum fœderis,  
Tabernaculum Dei cum hominibus,  
Propitiatorium Altissimi,  
Altare Thymiamatis,  
Scala Iacob,  
Arca Testamenti,  
Speculum sine macula,  
Virga Moysis,  
Virga Iesse,  
Lilium inter spinas,  
Rubus ardens incombustus,  
Vellus Gedeonis,  
Thronus Salomonis,  
Turris eburnea,  
Fauus distillans,  
Hortus conclusus,  
Fons signatus,

Ora pro nobis.

Puteus

Puteus aquarum viuentium,  
 Nauis infitoris de longe portans pa-  
 nem,  
 Mulier amicta sole,  
 Stella matutina,  
 Aurora confurgens,  
 Pulchra vt luna,  
 Electa vt sol,  
 Castrorum acies ordinata,  
 Solium gloriæ Dei,  
 A cunctis periculis, Libera nos mediatrix  
 nostra.

Ora pro nobis.

Per sanctam natiuitatem tuam, libera.  
 Per venerabilem præsentationem tuam, li-  
 bera nos mediatrix nostra.  
 Per admirabilem annuntiationem tuam,  
 libera nos mediatrix nostra.  
 Per mundissimam purificationem tuam,  
 libera nos mediatrix nostra.  
 Per gloriosam assumptionem tuam, libe-  
 ra nos mediatrix nostra.

Peccatores,  
 Vt veram pœnitentiam nobis impe-  
 trare digneris,  
 Vt Ecclesiæ sanctæ cunctoq̃ue populo  
 Christiano pacem & veram con-  
 cordiam impetrare digneris,  
 Vt Principibus nostris de hostibus vi-  
 ctorem impetrare digneris,  
 Vt exercitum Catholicum conserua-  
 re digneris,  
 Vt famulos tuos ad te confugientes

Te rogamus audire nos.

T

prote-

Ora pro nobis.

Puteus



protegere & conseruare digneris,  
 Vt fidei, spei, & charitatis augmentum  
 nobis impetrare digneris,

Vt mentis & corporis integram puri-  
 tatem nobis impetrare digneris,

Vt veræ humilitatis omniumq. virtu-  
 tū præsidia nobis impetrare digneris,

Vt omnibus fidelibus defunctis re-  
 quietem æternam impetrare digneris,

Mater Dei,

Agnus Dei, qui tollis peccata mundi, Par-  
 ce nobis Domine.

Agnus Dei, qui tollis peccata mundi, Ex-  
 audi nos Domine.

Agnus Dei, qui tollis peccata mundi, Mi-  
 serere nobis.

Christe audi nos. Christe exaudi nos.

Kyrie eleison. Christe eleison. Kyrie elei-  
 son. Pater noster. Aue Maria.

*Vers.* Saluos fac seruos tuos.

*Resp.* Deus meus sperantes in te.

*Vers.* Memor esto congregationis tuæ.

*Resp.* Quam possedisti ab initio.

*Vers.* Fiat pax in virtute tua.

*Resp.* Et abundantia in turribus tuis.

*Vers.* Protector noster aspice Deus.

*Resp.* Et respice in faciem Christi tui.

*Vers.* Ne auertas faciem tuam à nobis.

*Resp.* Et ne declines in ira à seruis tuis.

*Vers.* Ora pro nobis sancta Dei Genitrix.

*Resp.* Vt digni efficiamur promissionibus  
 Christi.

*Vers.* Domine exaudi orationem meam.

*Resp.* Et clamor meus ad te veniat. Oremus.

**C**oncede nos famulos tuos, quæsumus Domine Deus, perpetua mentis & corporis sanitate gaudere: & gloriosa beatæ MARIÆ semper Virginis intercessione, à præsentī liberari tristitia, & æternā perfrui lætitiā.

**D**eus qui corda fidelium sancti Spiritus illustratione docuisti, da nobis in eodem spiritu recta sapere, & de eius semper consolatione gaudere.

**E**cclesiæ tuæ, quæsumus Domine, preces placatus admitte: vt destructis aduersitatibus & erroribus vniuersis, secura tibi seruiat libertate.

**D**eus omnium fidelium pastor & rector, famulum tuum N. quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo quibus præest proficere; vt ad vitam, vnā cum grege sibi credito, perueniat sempiternam.

**D**efende, quæsumus Domine, beata MARIÆ semper Virgine intercedente, istam ab omni aduersitate familiam; & toto corde tibi prostratam, ab hostium propitius tuere clementer insidiis.

**O**mnipotens sempiterne Deus, qui facis mirabilia magna solus, prætende super famulos tuos, & super populos & congregationes illis commissas, spiritum gratiæ salutaris; & vt in veritate tibi placeant, perpetuum eis rorem tuæ benedictionis infunde.

**D**Eus, largitor pacis, & amator charitatis, da famulis tuis veram cum tua voluntate concordiam : vt ab omnibus quæ nos pulsant tentationibus liberemur.

**P**ietate tua, quæsumus Domine, nostrorum solue vincula peccatorum : & intercedente beata Dei genitrice Virgine Maria, cum omnibus Sanctis tuis, nos famulos tuos benefactores atque loca nostra in omni sanctitate custodi, omnesque consanguinitate, affinitate, & charitate nobis coniunctos à vitiis purga : virtutibus illustra : pacem & salutem nobis tribue : hostes visibiles & inuisibiles remoue : carnalia desideria repelle : aërem salubrem & fertilitatem indulge : amicis & inimicis nostris charitatem largire : atque Prouinciam nostram, cum omnibus in ea habitantibus, ab omni peste, infideliumque feritate & potentia, illasam conserua : & omnibus fidelibus viuīs & defunctis, in terra viuentium vitam & requiem concede : & Pontificem nostrum, Episcopos, Principes, & cunctum populum Christianum, ab omni aduersitate custodi : & benedictio tua sit super nos semper. Per Dominum nostrum Iesum Christum Filium tuum, qui tecum viuīt & regnat in vnitāte Spiritus sancti Deus, per omnia sæcula sæculorum. Amen.

*Vers.* Domine exaudi orationem meam.

*Resp.* Et clamor meus ad te veniat.

*Vers.* Benedicamus Dño. *Resp.* Deo gratias.

*Vers.* Et fidelium animæ per misericordiam Dei requiescant in pace. *Resp.* Amen.



ORATIO DIVI EPHRÆM SYRI,  
*Sermone de laudibus* D. VIRGINIS.

**I**Nuiolata, integra, planeque pura ac ca-  
 sta, Dei genitrix MARIA.

Reginā omnium, spes desperantium, Do-  
 mina nostra gloriosissima, eademque  
 optima ac præcellentissima.

Sublimior cælitibus, candidior solis radiis  
 & fulgoribus.

Honoratior Cherubim, & multis oculis  
 claris spiritibus perspicacior.

Sanctior Seraphim, & incomparabiliter  
 reliquis omnibus supernis exercitibus  
 gloriosior.

Vnica spes Patrum.

Gloria Prophetarum.

Præconium Apostolorum.

Honor Martyrum.

Lætitia Sanctorum, & lumen probatissi-  
 morum, Abraham, Isaac, & Iacob.

Decus Aaron.

Splendor Moysis.

Gedeonis vellus.

Cœtus Hierarcharum omniumque San-  
 ctorum, ac Virginum corona ob im-  
 mensum fulgorem atque splendorem  
 inaccessa.

Thuribulum aureum.

Lucerna sanctissima.

Vrنا pulcherrima cæli manna gestans.

Tabula scriptam legē mortalibus adferēs.

Arca vera.

Charta diuinissima.

Princeps omnium prudentissima ac sagacissima, & lucifera virgo.

Consolatrix sanctissima.

Dux vniuersorum.

Puella sacratissima.

Rubus ardens incombustus.

Prædium patens.

Viridis Aaronis virga.

Tu Deum genuisti & hominem.

Virgo ante partum, virgo in partu, virgo post partum.

Per te reconciliati sumus Christo Deo nostro, Filio tuo dulcissimo.

Tu peccatorum, atque auxilio destitutorum, vnica aduocata es, atque adiutrix.

Tu portus naufragantium tutissimus.

Tu mundi solatium.

Tu orphanorum susceptio.

Tu captiuorum redemptio atq. liberatio.

Tu egrotantium exultatio, mœstorumque consolatio, & omnium salus.

Tu Monachorum ac solitariorum stabilitamentum, & spes sæcularium.

Tu virginum gloria, corona, ac gaudium.

Tu mundi lætitia, ô Domina princeps; atque Regina præstantissima, & perquam benedicta, puella honoratissima, & dominarum Domina purissima atque castissima.

Sub tuum præsidium confugimus ô sancta Dei genitrix, sub alis pietatis atque misericor-

diæ tuę protege, & custodi nos. Miserere nostri, qui sordibus peccatorũ conspurcati sumus: qui sceleribus atque delictis quamplurimis creatorem Deum nostrum & iudicem vniuersorum offendimus. Ne aduersus nos insolescat ac gloriatur satanas perniciosissimus: ne in nos insurgat detestandus inimicus noster: ne seruos tuos à tui spe excidere cognoscamus: néve calumnietur nos detrectatium lingua. Non nobis est alia quàm in te fiducia, ô Virgo sincerissima. Ex vlnis siquidẽ maternis tibi Domina nostra dediti sumus miseri, tuique clientes appellati. Ne igitur à maligno satana ad inferni portas abduci nos sinas. Tu enim noster es portus, ô Virgo intemerata, & præses, pia auxiliatrix: sub tua denique tutela & protectione toti sumus. Quare ad te vnicam confugimus, crebrisque te lacrymis ô beatissima Mater imploramus, tibi que procidimus suppliciter clamantes, & deprecantes, ne dulcis Filius tuus, Saluator noster, & vitæ omnium dator, ob plurima quæ commisimus scelera, è medio tollat nos, miserabilesque animas nostras instar leonis diripiat, aut sicut ficum sterilem nos excidat.

Ceterum obsecramus, vt ad Christum securi peruenire possimus, aulasque illas Beatorum subire, vbi non sunt lacrymæ neque luctus, non vexatio, non molestia, non calamitas, non mors, non cruciatus, non locorum angustia, sed lætitia inexhausta, voluptas iustorum maxima, delitiæ infinitæ, exultatio, & iubilatio, gloria & splendor.



Reple deinceps os meum gratia dulcedinis tuæ, ô Domina, & illumina mihi mentem ô gratia plena: moue linguam meam & labia, ad laudes tibi alacriter lætôque animo decantandas, & præsertim dulce illud melos Angelicum longè celebratissimum, quod Angelus Gabriel in Nazareth seruili habitu, ad te Virginem, matremque Dei mei integerrimam, clamans cecinit; salutationem inquam maximè congruentem, & decentem, & dignissimam mundi salutem, cunctarumque animarum medelam atque tutelam. Amen.

*Alia ORATIO ex eodem.*

**I**mmaculata & intemerata, incorrupta & prorsus pudica, atque ab omni sorde & labe peccati alienissima Virgo, Dei sponsa, ac Domina nostra, quæ Deum & hominem mundo mirifica & gloriosa conceptione tua peperisti, Deumque Verbum hominibus miro modo consociasti; vnica spes desperantium, oppressorum auxilium, & ad te recurrentium præsentaneum subleuamen, omnium denique Christianorum firmum præsidium; me maximum peccatorem, enormibusque meis cogitationibus, verbis, ac factis effectum vilissimum, atque adeò fallaces voluptatum illecebras animo planè seruili atque abiecto amplexatum, ne auerferis obsecro. Quin potius, sicut mitissimi ac clementissimi Dei mater es, ita me peccatorem benignissimè suscipe; & meam sordidissimam, impurisque labiis expressam orationem clementer admitte: nec non dulcem Filium tuum,

meum

meum autem Dominum ac Deum, maternis pietatis tuæ visceribus amanter libenterque exora, ut ipse mihi quoque illa inexhausta misericordiae suæ viscera referare dignetur; & postpositis innumerabilibus peccatis meis, ad salutarem me pœnitentiam conuertat, suæque me rectius complere mandata faciat.

Adesto mihi nunc & semper, ô Virgo Dei genitrix, mater misericordiae benigna & clemens: in præsentī quidem vitæ cursu feruens proteatrix atque auxiliatrix, hostiles quoscunque impetus à me auertens, & in via salutis me cōstituens; ac in extremo vitæ articulo miseram animam meam conseruans, & tenebrosos atq. horrendos pessimerum dæmonum aspectus ab ea procul repellens: in tremendo autem die iudicij, ab æterna me damnatione liberans, & postremò in numerum iustorum me referens, atque inaccessæ tui Filij & Dei gloriæ me heredem efficiens. Quod utinam per piam intercessionem tuam atque patrocinium, Domina mea, sanctissima Dei mater, mihi, & omnibus humiliter ad te recurrentibus, & spem totam in te figentibus, post hoc exilium concedatur gratia, miseratione, & benignitate vnigeniti tui Filij Domini, Dei, ac Saluatoris nostri IESU Christi: quem decet omnis gloria, honor, potentia & adoratio, cum æterno eius Patre, & sancto ac viuifico Spiritu, nunc & semper, & in æterna sæcula sæculorum. Amen.

ORATIO ad BEATAM VIRGINEM  
*Germani Episcopi Constantinopolitani,  
in Encomio B. VIRGINIS presentata.*

**O**MARIA Dei sponsa, nos te fide benedicimus, desiderio honoramus, & metu adoramus; te semper extollentes, te laudantes, & te venerabiliter beatam pronuntiantes. est enim reuerà pater tuus beatus inter viros, & beata mater tua inter mulieres: beata domus tua, & beati noti tui: beati qui te viderunt, beati qui tecum sunt versati, beati qui tibi seruierunt: beata loca tua, beatum templum in quo fuisti oblata: beatus Zacharias qui te vlnis suis est amplexus, beatus Ioseph qui te despondit: beatus lectus tuus, & beatum sepulchrum tuum. Tu es enim honor honorantium, & præmium præmiorum, & altitudo altitudinum: sed ô mihi sola Domina, mea ex Deo consolatio, sola æstus in me existentis diuinus ros, cordis mei exardescētis guttæ diuinitus fluentes, tenebricosæ meæ animæ splendidissima lampas, dubitationis meæ directio, debilitatis meæ potentia, nuditatis meæ vestimentum, mendicitatis meæ diuitiæ, insanabile vulnere meorū medicina, lacrymarum mearum ablutio, gemituum meorum cessatio, calamitatum mearum restauratio, dolorum meorum releuatio, vinculorum meorum solutio, salutis meæ spes. Exaudi orationes meas, miserere inquam mei: lacrymis meis inclinata viscera tuæ benignitatis erga me commoue, vt decet Dei in homines propensi matrem. Aspice,

atque



atque annue supplicationi meæ : imple sitiens animæ meæ desiderium.

Rogo te præterea, vt in gaudio illo quod reuerà verbis non potest exprimi, perpetuisque delitiis & insatiabilibus, & in regno eius quod caret vespera & nunquam terminatur, eos colles, qui fide & desiderio hoc venerandum tuum festum peragunt. Certè Domina Dei parens, meum refugium, vita, auxilium, armatura, exultatio, spes & robur meum, da mihi Filij tui ineffabilibus incomprehensisque donis frui, in supercælesti illa mansione; habebis enim, modo velis, eius efficiendi, sat scio (vt-pote Altissimi mater) facultatem, atque ob id etiam petere audeo. Ne igitur expectatione mea frauder, Domina purissima; sed eius compos reddar, ô Dei sponsa, quæ vniuersorum expectationem supra rationem peperisti, Dominum nostrum IESVM Christum, verum Deum & Dominum, quem decet omnis gloria, honor atque adoratio, cum Patre principij experte, & viuifico Spiritu, nunc & semper, & in sæcula sæculorum. Amen.





## CAPVT QVARTVM.

ELOGIA varia, quæ vel à Scriptura  
sacra vel à sanctis Patribus  
Beatissimæ VIRGINI tribuuntur.

## ELOGIA à Vita.



CONSIDERA quomodo Sanctissima VIRGO dicatur  
Ab æterno ordinata.  
Inter omnes præelecta.  
Patribus cælitus promissa.  
Mysticis præfigurata mira-

culis.

Oraculis prænuntiata Prophetis.

Sine peccato concepta.

Serpentis caput conterens.

Lucerna inextincta. Ardens ab ipsa conceptione igne amoris, & lucens aliis sanctitate vitæ & doctrinæ.

Terra sacerdotalis & immunis.

Vas sanctificationis.

Vas electionis.

Vas solidum auri, ornatum lapide pretioso.

Regali ex progenie exorta.

Virga de radice Iesse. Recta, tenera, sine peccato, aut passione quæ molestat.

Stella Iacob. Sole clarius, ex stirpe Iacob, lucens in familia Iacob, suæque illustri vita illuminans, & in admirationem rapiens posteros

Iacob,

*Prov. 8.*

*Cant. 6.*

*Gen. 3.*

*Isa. 7.*

*Prov. 31.*

*B. Ildeph.*

*cap. 10.*

*B. E-*

*phram.*

*Matth. 1.*

*Isai. 11.*

*Núm. 24.*



Iacob, ait B. Ignatius Epistola ad D. Ioannem. Stella tamen à Christo solo lucem suam accipiens, qui est verus Iacob, supplantator dæmonis, cuius aduentum prænuntiavit virgo Maria, etiam ipsa supplantatrix conterens caput serpentis.

In templo præsentata.

*Prov. 31.*

Vniuersas filias supergressa.

*B. Hildef.*

Singulare virginitatis exemplar.

*Exod. 25.*

Candelabrum aureum, septem lucernis ornatum. Quia instar auri, constans in tribulationibus, erecta in Deum, septem donis Spiritus sancti ornata, & ad hominum vtilitatem velut septem brachiis lucernarum accensa ac dilatata, oleo gratiæ Diuinæ in singulis repleta, ardens igne charitatis, lucens vita & doctrina coram oculis Domini.

Nardus odorifera. Emittens odorē suum, non retinens; quia qualis in oculis suis erat, talis haberi cupiebat ab aliis: vilis videlicet & abiecta. Balsamum aromatizans.

*Cant. 3.*

Virgula fumi ex vniuersis aromatibus. Scilicet ad cælum tendens, & in cælum semper intenta; sed tenuis, sine pinguedine aut diuitiis mūdi: sicca sine passionum humoribus, obscura sæculo; sed redolens Deo virtutum exercitiis, tamquam aromatibus cōtritis & pila contulis.

ELOGIA à pulchritudine.

*Lib. de  
Laud.  
Virg.*

**Q**Uæ de pulchritudine dicentur, licet magis de spiritali accipienda sint; nil tamen obstat, quin etiam de corporali intelligantur. De qua inter alios Albertus Magnus: Habuit

MARIA

MARIA summum & perfectissimum in pulchritudine, quod potuit esse in mortali corpore, secundum statum vitæ operante natura. Sicut enim Dominus noster IESVS CHRISTVS fuit speciosus forma præ filiis hominum; ita beatissima VIRGO, pulcherrima & speciosissima inter filias hominum, &c. Itaque considera quomodo in Canticis canticorum dicatur VIRGO Sponsa, cuius nomen oleum effusum. Pulchra inter mulieres.

Nigra & formosa sicut tabernacula Cedar, sicut pelles Salomonis.

Assimilata equitatu regi in curribus Pharaonis.

Ascendens per desertum sicut virgula fumi, ex aromatibus myrrhæ & thuris, & vniuersi pulueris pigmentarij.

Vna matri suæ, vna dilecta genitrici suæ.

Vulnerans cor sponsi in vno oculorum, in vno crine colli sui.

Donata murenulis aureis vermiculatis argento.

Suaui & decora sicut Ierusalem.

Flos campi & lilium conuallium.

Cuius statura assimilata palmæ.

Filia principis, cuius gressus pulchri in calceamentis suis.

Cuius manus distillant myrrham.

Cuius digiti pleni myrrha probatissima.

Cuius vmbilicus crater tornatilis numquam indigens poculis.

Cuius vbera sicut duo hinnuli gemelli capræ,

preæ, & meliora vino, fragrantia vnguentis optimis.

Cui collum sicut turris eburnea, sicut turris David, quæ ædificata est cum propugnaculis, & pulchrum sicut monilia.

Cui vox dulcis, & facies decora.

Cui caput vt Carmelus.

Cui labia sicut vitta coccinea.

Cui dentes vt greges tonfarum, quæ ascenderunt de lauacro.

Cui oculi sicut piscinæ Hesebon, quæ sunt in porta filiæ multitudinis, & sicut columbarum.

Cui nasus sicut turris Libani, quæ respicit contra Damascum.

Cui genæ sicut fragmen mali punici, & sicut turturis.

Cui coma sicut purpura regis iuncta canalibus.

Capilli sicut greges caprarum quæ ascenderunt de monte Galaad.

ELOGIA à Sanctissima TRINITATE.

**C**onsidera quomodo B. Virgo dicatur Sponsa Dei.

Sancto Spiritu adumbrata.

Ancilla Trinitatis humillima.

Mulier circumdans virum.

*Apoc. 3.*

Ciuitas Dei. scilicet firma, à Deo excellenter munita, pulcherrimè ordinata, virtutibus & gratiis ceu diuitiis spiritualibus instructissima.

Templum Domini.

Sacrarium Spiritus sancti.

Taber-



Tabernaculum Dei cum hominibus.

*Apoc. 21.*

Tabernaculum sui creatoris.

Arca testimonij. corruptionis & peccati expers, ornata auro charitatis, habens in se virgam seu rectitudinem iustitię, cordis sui tabulis mandata Dei insculpta semper circumferens, vtero gestans panem Angelorum Christum Dominum. In qua denique Deus quiescit, inde præcipiens & loquens ad nos, ac charitatis suę dona diffundens.

Vas aureum cæleste manna continens.

Terra germinans Salvatorem.

*Isaia 43.*

Virga florens Aaron. Virga arida, sine succo libidinis, proferens sine viri coniunctione florem Christum, in quo requieuit septiformis gratia Spiritus.

*Num. 17.*

Mensa panis propositionis. incorrupta, charitate fulgens, cincta duplici corona; aurea, hoc est, gloria essentiali, & aureola Virginum, Martyrum & Doctorum. gestans panem Christum nostris vñibus propositum.

Thronus Salomonis Christi veri pacifici.

Mons de quo sine manibus abscissus est lapis. tamquam enim mons è terra assurgit, cælo proxima, eminens conspicua: quam à mundi exordio Patriarchæ & Prophetæ, imò primi parentes conspexerunt, cùm de illa dicerent; Ipsa conteret caput tuum. Christus firmissimus lapis ex ea sine opera humana carnem accepit, crevitque in montem ingentem qui terrarum orbem fide, cælos gloria impleuit.

*Dan. 2.*

Porta Orientalis clausa. Merito sic dicta,

*Exerb.*

44.

quia Christo seruata viro, cuius nomē Oriens.  
Semper omnibus modis clausa & corpore &  
mente. Eam Christus Rex solus intrauit, & ex-  
iuit seruata immaculata virginitate.

Exod. 25.

Sanctuarium Dei.

Soror & sponsa Dei.

Crux quæ in vlnis Dominum portauit.

Cant. 3.

Ferculum Salomonis Christi Regis paci-  
fici: quem corde, vtero, vlnis gessit, pro lignis  
odoriferis, habens virtutes Theologicas; pro  
columnis, 4. virtutes Cardinales; pro purpu-  
ra, passiones & tribulationes sanguine Christi  
meritorias.

Martha IESVM domo accipiens.

Sepulchrum nouum & signatum Christi.

Thalamus Dei & cælestis sponsi.

Mater & thronus Dei.

Templum Salomonis sanctificatum.

Vestimentum Dei impollutum.

<sup>a</sup> Metho-  
dius.

<sup>a</sup> Amica Dei Patris.

<sup>b</sup> Bernar.  
Serm. 4.  
in Salue.

<sup>b</sup> Castellum IESV.

<sup>c</sup> Athan.  
Serm. de  
Deipara.

<sup>c</sup> Filia Dei Patris.

<sup>d</sup> Method.  
<sup>e</sup> Nazian-  
zenus

<sup>d</sup> Fons humanitatis Filij Dei.

<sup>e</sup> Genitrix sui Creatoris.

Gaudium totius Trinitatis.

ELOGIA ab excellentibus VIRGINIS  
privilegiis & virtutibus.

<sup>f</sup> Gen. 3.

CONsidera cur B. Virgo, appelletur <sup>f</sup> Mater  
viuentium. vt enim Eua mater est mo-  
riētium, quia morituros corpore parit, & mor-  
tuos anima peccato originali producit; ita per  
Filium eius nascuntur ex ea, quotquot anima

viuunt,

viuunt, & in eternū etiam corpore victuri sunt.

Mater pulchræ dilectionis.

*Ecccl. 24.*

Mater sanctæ spei.

Paradisus voluptatis.

*Gen. 2.*

Lignum vitæ.

Domus sapientiæ.

*Prou. 9.*

Porta cæli.

*Gen. 28.*

Desiderium collium æternorum. Quia ab initio sæculi ipsam desiderarunt Sancti veteris Testamenti, qui sunt colles, si cum Apostolis & Martyribus, hoc est cum magnis montibus, conferantur; æterni tamen sunt, quia nunc in æternum regnant in gloria.

Gloria Ierusalem.

*Indith*

Tabernaculum fœderis.

*15.*

Altare thymiamatis. aureum, coronatum, quadrum, cornutum: quia Virgo mater nunc amicta sole, & in capite coronam gestans stellarum duodecim; quadra, hoc est firma, in gloria, sapientia, amore, celsitudine; cum cornibus potestatis, quibus ventilat hostes suos in omnibus mundi partibus.

*Exodi 25.*

Scala Iacob. cælum attingens quatenus Regina cælorum est, terram verò vt est Domina mundi, Mediatrix inter Christum & Ecclesiam, per quam, vt scalam, vel collum spirituale, preces, vota, & merita ad Christum conscendunt, & inde ad nos Dei dona descendunt.

*Gen. 27.*

<sup>a</sup> Virginum caput, gloria, & magistra.

<sup>a</sup> *Isid*

<sup>b</sup> *Ildeph.*

<sup>c</sup> *1.*

<sup>b</sup> Virgo augustissima.

<sup>a</sup> *Ambros.*

*lib. 2. de*

*Virg.*

<sup>c</sup> Virginitatis æternitas.

<sup>d</sup> *Cyrillus*

<sup>d</sup> Virginitatis primiceria.

*Hom. 6.*



<sup>a</sup> Hieron.  
lib. 1. in  
Iouin.

<sup>b</sup> Hieron.  
in Apoc.

<sup>c</sup> Damasc.  
Serm. 2.  
de Nati-  
uit.

<sup>d</sup> Bern. in  
Apoc.

<sup>a</sup> Virginum Regina ac mater.

<sup>b</sup> Virgo sancta, corpore & spiritu.

<sup>c</sup> Virgo perpetua, & simul mater ineffabilis.  
Pudicitiae ornamentum.

<sup>d</sup> Virginitatis imago & corona.

Filia Ierusalem pulchra & decora.

Ab Angelo humiliter salutata.

Gratia plena.

Inter mulieres benedicta.

Candidata virtutibus.

Cedrus exaltata in Libano.

Claustum pudoris integrum.

Columba speciosa super riuos aquarum.

Imago veri solis expressa.

Lignu plantatum secus decursus aquarum.

Norma castitatis & rectae fidei.

Pratum totius fragrantiae Spiritus sancti.

Purpura regia.

Rebecca pulcherrima.

Rosa recens & redolens sine spina.

Secretum verecundiae.

Sion sancta, & signum magnum.

Thalamus fragrans virginitatis.

Vallis benedictionis.

Vas admirabile, & opus Excelsi.

Virga virtutis Dei.

Columba formosa.

Dapifera deliciarum.

Decora sicut Ierusalem.

Electa ex millibus.

Lilium conuallium. quia perfecta humilitas  
fuit in MARIA.

Bernard.  
epist. 244.

Bernard.

**Speculum sine macula.**

**Lilium inter spinas.**

**Rubus ardens incombustus.**

**Vellus Gedeonis.** Vt enim vellus solum fuit primò rore perfusum, reliqua terra remanente sicca; & secundò solum siccum, terra vniuersa madida: ita B. Virgo sola repleta fuit gratia & Spiritu sancto, gestans vtero Deum, & simul aliena à peccatis malisque desideriis, quæ per tenebrarum principes effusa omnem humanæ animæ imbuerat aream.

**Fauus distillans.**

**Hortus conclusus.**

**Fons signatus.** Fons quidem, quia gratia plena, quam in vita omnibus sensibus emisit, ad sanctificationem aliorum, vt in visitatione Elizabethæ patuit; nunc multò etiam copiosorem emittens è cælo se inuocantibus. signatus verò, quia singularis, cui nemo similis: quia non suus, sed alterius, nimirum Dei.

**Puteus aquarum viuientium.**

**Nauis inſitoris de longè portans panem.** de altissimo cælo nobis deferens per pelagus huius vitæ, panem cælestem, qui Christianos nutrit, confortat & recreat.

**Aurora consurgens.** Aurora è tenebris Synagogæ exorta, verum præcurrès & proferens solem iustitiæ Christum, aurora humectans hanc postremam sæculi partem sua benignitate, consurgens; tum quia cælestis ei gloria accidentaria indies crescit, tum quia suis beneficijs non cessat sui laudandi occasionem nobis præbere.

*Sap. 7.*

*Cantic. 2.*

*Exodi 3.*

*Iudicum*

*6.*

*Cantic. 4.*

*Prou. 31.*

*Cantic. 6.*

Pulchra vt luna. à Filio Iustitiæ sole eam gratiam & id lumen accipiens, quo & noctu, & interdiu, & semper luceat.

Electa vt sol. vt sol CHRISTVS electus ex millibus, sic MARIA ex millibus mulierum.

*Cantic. 6.* Castrorum acies ordinata. terribilis dæmonibus, ex quo Filium peperit, & multò magis ex quo iam clarificata.

*Ierem. 14.* Solium gloriæ Dei.

ELOGIA à præcellenti VIRGINIS gloria.

*Cant. 8.* CONSIDERA quomodo dicatur  
Deliciis spiritualibus affluens.

Super dilectum suum innixa.

Super choros Angelorum exaltata.

*B. Chrysost. li. turg.* Facta mater honoratior quàm Cherubim.

Gloriosior quàm Seraphim.

Domina cæli & terræ, & rerum omnium.

*B. Ildephonsus.* Mulier amicta sole, omniumque mulierum decus.

Duodecim stellis coronata.

Regina cælorum à dextris Filij adstans.

*Psal. 44.* In vestitu deaurato varietate circumdata.

Quam laudant astra matutina.

*Off. Ecclesiasticum.* Cuius pulchritudinem sol & luna mirantur.

*Psal. 44.* Cuius vultum deprecantur omnes diuites plebis.

Abyssus miraculorum.

Cælum animatum.

Continens eum qui nusquam contineri potest.



## ELOGIA B. VIRGINIS à nobis.

**C**onsidera quare B. VIRGO vocetur, & à nobis dici possit,  
Mater misericordiæ.

Aduocata nostra & omnium iniquorum.  
Anchora fida & sacra his qui tempestate  
iactantur.

Aquæductus cælestium gratiarum.  
Arca Noë salutaris & noui Testamenti.  
Armarium vitæ.

Arcus fœderis in nubibus cæli.

Botrus vitis. Vineam est Ecclesia translata de  
Ægypto huius sæculi, cuius primus & copio-  
sissimus botrus est B. VIRGO, quæ de plenitu-  
dine sua recreat vniuersos.

Ciuitas refugij.

Num. 35.

Clypeus omnibus in ipsam sperantibus.

Clibanus in quo sacrificium coquitur.

Columba Noë fidelissima.

Contritio prauitatis hæreticæ.

Crater tornatilis. quippe qui multum vini  
continere solet, maximè si rotundus sit. M A-  
R I A tornatilis fuit, id est, leuigata & munda  
etiam in externa conuersatione, mobilisque &  
resignata ad omnem Dei voluntatem. Crater  
multum continens Diuinæ gratiæ, multum  
meritorum etiam ad nostram vtilitatem.

Cupressus in monte Sion. Arbor procera,  
firma, odorifera, fertilis, trifera, Ianuario,  
Maio, Septembri; hieme, æstate, autumnio.

B. VIRGO in monte Sion, qui est Ecclesia,

omnibus Sanctis gloria sublimior, firmissima sanctitate, suauitatem virtutum spirans, exemplo odorifera, calorem adferens frigidis, feruorem tepidis, ardorem calidis.

Curatio vulnerum immedicabilium.

Dioptra perspectiua. Geometricum instrumentum, quod altitudinem, distantiam, &c. per duplicia foramina sibi opposita ostendit. Qui nosse volet, quàm procul à Deo & perfectione absit, inspiciat vitam & mores B. VIRGINIS. duplicia foramina sunt actiones & verba, inuicem sibi respondentia: si cum illis nos conuenimus, vicini erimus Christo; eumque per illa, ceu dioptræ, facillimè intuebimur.

Expectatio præmiorum nostrorum.

Fenestra Cæli & Arcæ. Ecclesia diluuiio persecutionum sublimata est, & illustrior facta. In hanc Christus sol iustitiæ diffundit radios suos per fenestram Virginem MARIAM, per quam etiam in mundum intrauit.

Festiuitatis nostræ principium & finis.

Firmamentum diuidens aquas ab aquis.

Fluuus de loco voluptatis egrediens.

Fons vberimus totius Trinitatis, & vniuersam terram irrigans.

Gloria & corona iustorum omnium.

Hester populum liberans.

Honorificentia populi nostri.

Hortus plantationum, non seminatus.

Illuminatrix cordium.

Iudith pulcherrima, de hoste triumphas.

Liber obsignatus.

Lignum

Lignum vitæ singulis mensibus reddens  
fructum suum.

Lucerna à Domino illuminata.

Luna plena.

Lux carens fuligine culpæ.

Mare pacificum.

Mater timoris & magnitudinis.

Microcosmus. Hoc titulo B. Brigitta Matrem  
Dei non immeritò honorare studuit; non solum quòd ipsa vt ceteri homines ex omnibus  
mundi partibus aliquid contineat, quod nimis  
vulgare esset, sed quia Deum continentem omnia  
continet, 2. Quia vniuersum mundum representat  
Regina celi, & Domina mundi, sicut  
Rex regnum, & Magistratus ciuitatem. 3. Quia  
quidquid pulchrum, quidquid dulce, quidquid  
iucundum in mundo est: hoc MARIA,  
hoc in MARIA, hoc per MARIAM est. 4. Quia  
vt in mundo quærunt & inueniunt homines  
commoda vite, spem, expectationemque rerum  
magnarum: sic sacratissima VIRGO est Vita,  
Dulcedo, & Spes nostra.

Miraculorum effectrix.

Myrrha electa suis precibus, quas ceu lacrymas  
à se emittit, conferens suis incorruptionem  
à peccatis; myrrha verò electa singularis,  
& præstantissima, & Deo gratissima.

Mortis destructio.

Nutrix panis cælestis & salutis omnia nutriens.

Pavor spiritualium nequitiarum.

Pax & gaudium mundi.



Platanus iuxta aquas. latissimè expandens  
misericordiæ ramos, & sua nos vmbra prote-  
gens à tentationibus dæmonis, ardore carnis,  
& ira Dei omnipotentis.

Plantatio rosæ in Iericho. hoc est, in muta-  
bili luna, hoc scilicet mundo inconstanti, exhi-  
bens nobis candorem rosæ puritate vitæ, rubo-  
rem charitate, suauitatem meritis ad Deum &  
precibus.

Porta fulgida lucis & vitæ.

Portus tranquillus.

Propitiatorium vniuersæ terræ.

Propugnaculum fidei Christianæ.

Resurrectio Adami.

Sceptrum rectæ doctrinæ & fidei Ortho-  
doxæ.

Sion sancta, & signum magnum.

Species Iacob, & spes nostra.

Stella vitæ & à sole illuminata.

Stella maris, ac lumen studiosorum.

Tabernaculum testamenti.

Thesaurus vitæ immortalis.

Vita nostra, & Vmbraculū Spiritus sancti.

Abyssus misericordiæ profundissima.

Balsamum non mixtum.

Causa salutis generis humani.

Cisterna Bethleemitica. Cisterna enim est;  
subterranea, ampla, recipiens cælo aquam plu-  
uiæ, quam conseruat purissimam Virgo pro-  
fundissimè humilis, capax multæ gratiæ cæle-  
stis; quam sine vllō puluere peccati retinet, nos-  
que eius participes facit. Est iuxta Bethleem,

domum

domum scilicet panis, quæ est sancta Ecclesia;  
vt in ea non desit panis cælestis quo vescamur,  
nec aqua qua potemur.

Ægrotantium exultatio.

Fax fidelium.

Fons perennis curationum.

Fons gratiæ & consolationis.

Forma disciplinæ Christianæ.

Hæreseôn cunctarum interemtrix.

Sub tuum præsidium confugimus, sanctissi-  
ma Dei genitrix virgo MARIA. Nostras depre-  
cationes ne despicias in necessitatibus nostris:  
sed à cunctis periculis libera nos semper Virgo  
gloriosa. Amen.







CAPVT QVINTVM.  
HYMNIETPIACARMINA  
DE B. V. MARIA.

*Hymni Ecclesiastici celebriores.*

I.



VE M terra, pontus, æthera  
Colunt, adorant, prædicant,  
Trinam regentem machinam  
Claustrum MARIÆ baiulat.

Cui luna, sol, & omnia  
Deseruiunt per tempora;  
Perfusa cæli gratia,  
Gestant puellæ viscera.

Beata mater munere,  
Cuius, supernus artifex,  
Mundum pugillo continens,  
Ventris sub arca clausus est.

Beata cæli nuntio,  
Fecunda sancto Spiritu,  
Desideratus gentibus  
Cuius per aluum fusus est.

Gloria tibi Domine,  
Qui natus es de Virgine,  
Cum Patre & sancto Spiritu,  
In sempiterna sæcula. Amen.

II.

O Gloriosa Domina,  
Excelsa super sidera:

Qui

Qui te creauit prouidè,  
 Lactasti sacro vberè.  
 Quod Eua tristis abstulit,  
 Tu reddis almo germine:  
 Intrent vt astra flebiles,  
 Cæli fenestra facta es.  
 Tu Regis alti ianua,  
 Et porta lucis fulgida:  
 Vitam datam per Virginem,  
 Gentes redemptæ plaudite.  
 Gloria tibi Domine,  
 Qui natus es de Virgine,  
 Cum Patre & sancto Spiritu,  
 In sempiterna sæcula. Amen.

## III.

**A**lma Redemptoris mater, quæ peruia celi  
 Porta manes, & stella maris; succurre ca-  
 denti

Surgere qui curat populo: tu quæ genuisti,  
 Natura mirante, tuum sanctum genitorem  
 Virgo prius ac posterius, Gabrielis ab ore  
 Sumens illud Ave, peccatorum miserere.

## IIII.

**A**ve Regina cælorum,  
 Ave Domina Angelorum:  
 Salve radix, salve porta,  
 Ex qua mundo lux est orta.  
 Gaude Virgo gloriosa,  
 Super omnes speciosa:  
 Vale ô valdè decora,  
 Et pro nobis Christum exora.

## V.

**R**egina cæli lætare, alleluia.  
 Quia quem meruisti portare, alleluia.  
 Resurrexit sicut dixit, alleluia.  
 Ora pro nobis Deum, alleluia.

## VI.

**S**alue Regina, mater misericordiæ.  
 Vita, dulcedo, & spes nostra salue.  
 Ad te clamamus exules filij Euæ.  
 Ad te suspiramus gementes & flentes in hac  
 lacrymarum valle.  
 Eia aduocata nostra illos tuos misericordes  
 oculos ad nos conuerte.  
 Et IESVM benedictum fructum ventris tui no-  
 bis post hoc exilium ostende.  
 O clemens! ô pia! ô dulcis Virgo Maria!

*Eiusdem HYMNI sine CANTICI para-  
 phrastica explicatio per R.P. Aegidium  
 Schondonchum Soc. IESV.*

**S**alue alti generis Regina, atavisque creata  
 Regibus, effulgens folio, atque incincta  
 coronis

Sidereis, mundi spectabilis Heroïna.  
 Mater, quã didicit miseratio dicere matrem.  
 Mater, cui cor molle præci, Dea amabilis orbi.  
 Vita, necis domitrix, arborque ipsissima vitæ.  
 Salue Diua, fauis & longè mitibus vuis  
 Dulcior: oro, fauis nostra hæc absynthia leni.  
 Quippe es dulcis apis: tu mella fauosq. fauoris  
 Cudis, aculeolis nec quemquam apis optima  
 pungis.

Ergo



Ergo iterum spes orbis aue , inclinata reorum  
 In te spes, hominumq. in te pia vota recumbūt.  
 Audi Nympha : ad te lacrymis clamamus  
 obortis.

Nos Euæ soboles , non illacrymabilis , exfors  
 Extorrisque horti , quem flamma Cherubica  
 sepsit

Ancipiti mucrone:audi genus ærumnosum.  
 Indiga namque tui mens,& studio icta fideli,  
 Suspirans gemit,en madefacta per ora solute,  
 Irrequietæ oculis lacrymæ , ceu flumine , manant.

Valle sub hac, luctum æternat plorabilis Echo,  
 Quodq. vnum quit,ait repetitis vocibus,Eheu!  
 Eia ergo, Patrona reis, litisque sequestra,  
 Huc illos pia volue oculos, qui lumine solem  
 Lunamque anteeunt:oculos, quorum igne Tonantem

Vssisti, atque recens proli genitæ arrisisti.  
 Quique tuo quondam fuit vberè pendulus  
 infans,

Quemque vtero enixa es castæ alui pignus  
 IESVM,

Blanditias hominum, spectandum , ô optima,  
 præbe

Post longa exilia ; has animas contage solutas  
 Corporea, dum Mors in auita sedè reponet.

O clemens! quem Iustitia ensem intentat  
 inultis

Criminibus , prohibe à iugulis , ferrumque  
 coërce.

O pia! ceu volucris pullos alit,vberè proles

Mater-

Materno lactas, & gnati vulnere pascis.

O dulcis M A R I A, ingenui inlibata pudoris  
Virgo, ingens te hinc fama, orbem permenſa  
volatu

Sera canet, te hinc iuge attollet laudibus euum.

## V I I.

**A** Ve maris ſtella,  
Dei mater alma,  
Atque ſemper virgo,  
Felix cæli porta.

Sumens illud Ave,  
Gabrielis ore,  
Funda nos in pace,  
Mutans Euæ nomen.

Solue vincla reis,  
Profer lumen cæcis,  
Mala noſtra pelle,  
Bona cuncta poſce.

Monſtra te eſſe matrem,  
Sumat per te preces,  
Qui pro nobis natus  
Tulit eſſe tuus.

Virgo ſingularis,  
Inter omnes mitis,  
Nos culpis ſolutos,  
Mites fac & caſtos.

Vitam præſta puram,  
Iter para tutum:  
Vt videntes I E S V M,  
Semper collætémur.

Sit laus Deo Patri,  
Summo Chriſto decus,

Spiritui sancto,  
Tribus honor vnus.

*Idem HYMNVS paraphrastice expositus per  
eundem P. Agid. Schondonchum Soc. IESV.*

*Aue ma-  
ris stel-  
la, &c.*

**O** Cæcâ in nebulâ lampas, fidusque salubre  
Oceano, fax noctis aue: freta turgida  
placa

Freta Deo, & clemens maria indignantia leni,  
Iactatisque diu illuni sub nocte, age stella  
Exorere, intremus fugitatem vt deniq. portum.  
Nata Deo, atque enixa Deum, omni imperiua  
culpa

Agna, parens Agni (noxam qui diluit orbis,  
Quiq. suū proprio rubefecit sanguine vellus)  
Virgo es, iuge cui decus inculcata perennat  
Virginitas: sic foeta olim sine semine tellus,  
Nil gremiove subacta, vel vlllo faucia tactu,  
Educat eximium, decus horto nobile, florem.  
O iterum salue reaserati ianua cæli;

*Sumens  
illud aue,  
&c.*

Ianua, circumuenta dolis quam clauserat Eua.  
Accipiens aure illud Aue, vocemque salutis,  
Ales quam Gabriel paranympus fuderat ore;  
Concipiensque vtero, peperisti germen Oliuæ:  
Vnde Deumque hominesque inter Pax aurea  
creuit.

Hæc modò panè obiit: germen Pacalis Oliuæ  
Succidit Bellona, fames & pestis adedit.  
Interea, Pax illa subinde repullulat: atqui,  
Vix enata solet denasci: ita pestifer aër  
Pubentemve vrit, vel adultam bella reuellunt.  
Ergo age Pacis amans, oleam pacemq. redona,  
Quam belli attriuit rabies: da Nympha, secūdis

Auspi-



Auspiciis fundata omni Pax floreat æuo.  
 Sic Eua inuertes nomen; quodque intulit Eua,  
 Tolle Aue; hoc ignominiam lapsūq. refellet:  
 Namque antiquaī deles vestigia culpæ.

Corporis en nos carcer habet, scelerumque ca-  
 tenis

*Solve vin-  
 cla reis,  
 &c.*

Deprimimur; tu vise inopes, & vincla reorum  
 Dissolvas, quæ quisq. sibi amēs crimine neçtit.  
 Nos etenim cæci proprio sæpè arma dolori  
 Cudimus, & ratio spissā sub nocte laborat.  
 At cæcis de luce tua fer splendida lumen:  
 Et mala, quæ miseros cingunt, stantque agmine  
 circum,

Pelle. potens voti, formidandæque repulsæ  
 Nescia, posce malis cumulum fontemque bo-  
 norum.

Te nostramque Dei que, omni in discrimine,  
 Matrem

*Monstra  
 te esse  
 matrem,  
 &c.*

Esse doce; nostris que tuisque rogatibus aurem  
 Præbeat, & geminata benigniūs audiat ora  
 Ille, cui mentem tetigit miseratio nostri,  
 Dignatusque tuo est fieri de sanguine Natus.

*Virgo sin-  
 gularis,  
 &c.*

O præstans Virgo, tot lecta è millibus vna,  
 Mitisque ante alias, nostris nos exue culpi;  
 Nosque iræ vacuos, mites & pectore blando  
 Esse iube, & castos, ne nos Venus igne venenet.

O intacta viro genitrix, nil labis auitæ,  
 Téve, vterive tui infecit, Virgo innuba, florem.

Præside te, puram exigimus sine crimine vitam;  
 Quisque Cupidinibus, Duce te, caro bella mo-  
 uere.

*Vitam  
 præsta  
 puram,  
 &c.*

Nos porrò ad superos traduc, Dea, calle secūdo.

Mors iter est, aptum insidiis; tum dirus oberrat  
 Cūcta Satan, spoliisq. inhiat, praedaq. parat se.  
 At tu, tutum iter hoc præsta, vt potiamur Iesv  
 Alloquio aspectuque; illoq. è fonte perennem  
 Lætitiæ sitiamus & exanilemus amorem.  
 Interea Genitor, Filiq. & Spiritus alme,  
 Trine Deus, tua laus, nullique obnoxius auro  
 Æqualis tribus vnus honos & gloria vitet.

*Sit laus  
 Deo Pa-  
 tri, &c.*

*R.P. Iacobi Pontani Societ. IESV HYMNVS.*

**F**esta Matris Christiani,  
 Matris atque Virginis,

Carimonia decenti  
 Et sonoris cantibus,  
 Euge sedulò colamus,  
 More auorum scilicet.

Vita mundi, lumen orbis,  
 Lumen immortalium,  
 Trinitatis grata sedes,  
 Aula sancti Spiritus,  
 Prima gratiæ repertrix,  
 O MARIA diceris.

Antequam Deus locaret  
 Orbis istam machinam,  
 Te sibi delegit ipse  
 Præ puellis omnibus,  
 Et parentem nominauit  
 Exitu mirabili.

Non rigata, non arata  
 Terra frugem reddidit;  
 Quando Virgo non marita  
 Germinasti Filium,  
 Ima summis copulasti,

Fluxa cum manentibus,  
Gloria & decus sit illi  
Sempiterna in tempora,  
Qui MARIAM consecrauit  
Tam nouis honoribus,  
Nempe Patri, Filioque  
Et sacro Flamine.

*Veneratio B. VIRGINIS per eundem.*

**O** Qualibus præconiis,  
Cælestium, terrestrium,  
Silentiumque principum,  
Te magna Mater efferam?  
Cunctis es vna celsior,  
Diuinitati proxima:  
Tu Cherubim formosior,  
Tu Seraphin illustrior.  
Tu stella solem proferens,  
Ingens voluptas cælitum:  
Corona tute es aurea,  
In qua facit gemmam Deus.  
Tu prima suaue canticum,  
Modularis inter virgines,  
Agni que per vestigia  
Tu dux es incedentium.  
Veram videte Bethsaben,  
Dextra assidentem Filio:  
Mater rogat quidquid lubet,  
Præstat rogata Filius.  
Regina salue præpotens,  
Nostri que rebus consule:  
Tuos ab alto mitius  
Mundi sequestra respice. Amen.



EPIGRAMMA R. P. *Francisci Remondi, Soc.*  
 IESV, in illa D. *Augustini*, HINC LACTOR  
 VBERE, HINC PASCOR VVLNERE.

**V** Bera me matris, nati me vulnere pascunt,  
 Scilicet hæc animi sunt medicina mei.  
 Nā mihi dum lacrymas dolor elicit, vbera fugo,  
 Rideat vt dulci mistus amore dolor.  
 At me pertentant dum gaudia, vulnere lambo,  
 Vt me læta pio mista dolore iuuent.  
 Vulnere sic nati, fugo sic vbera matris,  
 Securæ vt varia sint mihi sorte vices.  
 Quis sine lacte, precor, vel quis sine sanguine  
 viuat?

Sanguine, nate, tuo; lacte, puella, tuo?  
 Sit lac pro ambrosia, suauis pro nectare sanguis;  
 Et me perpetuò vulnus & vber alar.

*Appellationes VIRGINIS MATRIS*  
*per R. P. Iacobum Pontanum.*

**S**alue præsidium MARIA nostrum,  
 Salue grandis honos, medela, virtus.  
 Salue Christi adum anchora, aura, portus.  
 Salue amplissima supplicum patrona.  
 Salue ô feste dies virum piorum.  
 Salue lux hominum decusque Diuū.  
 Salue commiserationis ô foris.  
 Salue delictum vtriusque mundi.  
 Salue vno inferior Tonante tantum.  
 Salue omnes simul antegressa laudes.

*Basilij Zanchij in VIRGINEM MATREM*

HYMNVS.

**S**alue magna parens, hominum Regina  
 Deūmque,

Et per quam cæli mitis aperta via est.  
 Tu nautis cynosura nites, tu carbasa tendis,  
 Et per te portus quassa carina subit.  
 Tu gentem humanam reuocas, tu lumina vitæ  
 Reddis, & extenta dona beata manu.  
 Tu præsens Dea cōciliās Natumque Patrēque,  
 Ipsa tuo est terris munere parta salus.  
 Tu Stygios inuicta canes, nigrantia monstra  
 Disiicis, & diri regna superba Iouis.  
 Per te cælestesque chori, vitæque perennes  
 Humano gaudent se socialle choro.  
 Tu superū lux alma micās, tibi lumina Phœbus  
 Cedit, & extremo quæ nitet orbe soror.  
 Felix prole parens, nullique obnoxia culpæ,  
 Humanum decoras prole micante genus.  
 Iam te gemmato cinctam diademate crines  
 Cœlicolæ aspiciunt, oraque fixa tenent.  
 Iam Natum radiantem auro, sceptrisq. paternis  
 Læta vides terris, & dare iura polo.  
 Illius Regina potens auerte furorem,  
 Deponat iusta tela trifulca manu.  
 Det populis pacem æternam, det gaudia vera,  
 Aspiciat propius quasque redemit oues.

ORATIO D. Gregorij Nazianzeni  
 ad B. VIRGINEM MARIAM.

**V**eneranda ô Virgo, casta, felicissima,  
 Quando beata nunc beatorum in polo  
 Exuta quidquid fœcis humanæ, sedes  
 Æternitatis pallio ornata, vt Dea  
 Habita, senectæ expers, supremo ex æthere  
 Benigna adesto vocibus meis; preces

*In fine  
 Tragico-  
 mœdia  
 Christi  
 Patientis.*

Admitte virgo ô inclyta, hic quando tibi  
 Verbi parenti, sed supra modum tamen  
 Legemque, solus inter omnes contigit  
 Honor. ego fretus his tibi me audentiùs  
 In verba supplex offeram; & suauissimo  
 Cõtextam ab horto, qua tuum exornem caput,  
 Coronam, ô Domina, proferam: vt quæ gratia  
 Modum supra omnem me tua semper leuans,  
 Me genere quouis casuum eruis omnium,  
 Hostes apertos, quodque longè maius est,  
 Illos latente machina qui me petunt,  
 Auertis. At tu, quod precor summum, id mihi  
 Concede; vita sic vt excedam, illius  
 Vt tantùm habens te præsidem semper, velut  
 Ingentem opum vim, te tuum erga Filium  
 Mihi patronam sentiam acceptissimam.  
 Ne me ergo tradi tu sinas tãquam ad crucem,  
 Ludibrioque illius exponi, omnium  
 Iuratus hostis qui sit, & mortalium  
 Pestis. Tuere me, atque ab æterno asserere  
 Igne & tenebris, per fidem qua iustior  
 Sum factus, & per gratiam tuam inclytam,  
 Qua nuspiam vlla notior nobis fuit.  
 Hoc propter, ecce, texo nunc tibi memor  
 Gratumque carmen. O puella, gratia  
 Æquanda nullis, mater, & virgo supra  
 Omnes decora virgines, & maxima,  
 Quæ sola vincis omnes cælitum ordines,  
 Regina, Domina, generis humani bonum,  
 Amica semper esto tu mortalibus,  
 Maximaque quouis in loco mihi salus.

A M E N.

EXER-



# EXERCITIVM PIVM

## IN HONOREM

### NOMINIS MARIA:

*Iam olim à deuotis D. VIRGINIS seruis  
vsurpatum, & anno 1163. insigni miraculo pro-  
batum, Audomaropoli; cum S. Bertini religiosus  
Ioscio, qui illud indies recitabat, post mortem  
quinque rosis conspicuus omnibus diu apparuit:  
quarum una ex ore, bina ex oculis, reliqua ex au-  
ribus funderentur, inscripto singulis vocabulo  
MARIA.*

*Singulis in eo litteris singuli Psalmi respondent  
cum totidem Salutationibus Angelicis, hoc modo.*

M.



Agnificat: anima mea Dominum.

Luce 1.

Et exultauit spiritus meus: in Deo  
salutari meo.

Quia respexit humilitatem ancillæ  
sue: ecce enim ex hoc beatam me dicent omnes  
generationes.

Quia fecit mihi magna, qui potens est: & san-  
ctum nomen eius.

Et misericordia eius à progenie in progenies:  
timentibus eum.

Fecit potentiam in brachio suo: dispersit super-  
bos mente cordis sui.

Deposuit potentes de sede: & exultauit hu-  
miles.

Esurientes impleuit bonis: & diuites dimisit  
inanes.

Suscepit Israel puerum suum: recordatus misericordiae suae.

Sicut locutus est ad patres nostros: Abraham, & semini eius in saecula.

Gloria Patri, & Filio: & Spiritui sancto.

Sicut erat, &c. Aue Maria.

A.

*Psal. 121.*

**A**D te leuavi oculos meos: qui habitas in caelis.

Ecce sicut oculi seruorum: in manibus dominorum suorum.

Sicut oculi ancillae in manibus dominae suae: ita oculi nostri ad Dominum Deum nostrum, donec misereatur nostri.

Miserere nostri Domine, miserere nostri: quia multum repleti sumus despectione.

Quia multum repleta est anima nostra: opprobrium abundantibus, & despectio superbis.

Gloria Patri. Aue Maria, &c.

R.

*Psal. 118.*

**R**etribue seruo tuo, viuifica me: & custodiam sermones tuos.

Reuela oculos meos: & considerabo mirabilia de lege tua.

Incola ego sum in terra: non abscondas à me mandata tua.

Concupiuit anima mea desiderare iustificationes tuas: in omni tempore.

Increpasti superbos: maledicti qui declinant à mandatis tuis.

Aufer à me opprobrium & contemptum: quia testimonia tua exquisiui.

Etenim

Etenim federunt principes, & aduersum me loquebantur: seruus autem tuus exercebatur in iustificationibus tuis.

Nam & testimonia tua meditatio mea est: & consilium meum iustificationes tuæ.

Adhæsit pauimento anima mea: uiuifica me secundum verbum tuum.

Vias meas enuntiaui, & exaudisti me: doce me iustificationes tuas.

Viam iustificationum tuarum instrue me: & exercebor in mirabilibus tuis.

Dormitauit anima mea præ tadio: confirma me in verbis tuis.

Viam iniquitatis amoue à me: & lege tua misere mei.

Viam veritatis elegi: iudicia tua non sum oblitus.

Adhæsi testimoniis tuis Domine: noli me confundere.

Viam mandatorum tuorum cucurri: cum dilatasti cor meum.

Gloria Patri, & Filio: & Spiritui sancto.

Sicut erat, &c. Ave Maria, &c.

I.

**I**N conuertendo Dominus captiuitatem Sion: *Psal. 119.*  
facti sumus sicut consolati.

Tunc repletum est gaudio os nostrum: & lingua nostra exultatione.

Tunc dicent inter gentes: Magnificauit Dominum facere cum eis.

Magnificauit Dominus facere nobiscum: facti sumus lætantes.



Conuerte Domine captiuitatem nostram: sicut torrens in Austro.

Qui seminant in lacrymis: in exultatione metent.

Euntes ibant & flebant:mittentes semina sua.

Venientes autem venient cum exultatione:portantes manipulos suos.

Gloria Patri,&c. Aue Maria.

A.

*Psal. 129.*

**A**D Dom̃inum cū tribularer clamaui:& exaudiuit me,

Domine libera animam meam à labiis iniquis:  
& à lingua dolosa.

Quid detur tibi, aut quid apponatur tibi: ad linguam dolosam?

Sagittæ potentis acutæ: cum carbonibus defolatoriis.

Heu mihi, quia incolatus meus prolongatus est, habitauī cum habitantibus Cedar: multū incola fuit anima mea.

Cum his qui oderunt pacem, eram pacificus: cū loquebar illis, impugnabant me gratis.

Gloria Patri,&c. Aue Maria,&c.

*Jacobi Pontani versus in nomen MARIAE.*

**N**omen mellissimum MARIA,nomen  
Scitum,suauculum,elegans,rotundum,  
Nomen lilia olens,& hortulorum  
Omnes lætitiæque,gratiæque.  
Nomen dulcisonum,aureumque prorsus,  
Sanctitate & amoribus refertum,  
Castas lætificans piæque mentes,  
Cunctis nomen amabilissimumque

Tonanti

Tonanti quibus est placere cordi,  
 Et quos lumine respicit fauenti  
 Quem MARIA hominem Deumque fudit.

ORATIO ad petendam à DEO in pietate &  
 B. VIRGINIS cultu constantiam.

**D**omine IESV Christe, qui diligenter te  
 bona inuisibilia præparasti, corda tibi ma-  
 trique tuæ famulantium ad brauium supernæ  
 remunerationis accende: & pectoribus illapsus,  
 gratiam, qua in tuo & sanctissimæ matris tuæ  
 semper virginis seruitio perseveremus, infun-  
 de; quod protectionis tantæ muniti præsidii,  
 quod te Domine donante concepimus, ex-  
 quamur, & ad promissa in bono constantibus  
 præmia aliquando pertingamus. Amen.







# THE SAVRI

## Precum & Exercitiorum Spiritualium

PARS TERTIA  
De sanctis ANGELIS.

CAPVT PRIMVM  
De SS. ANGELIS in genere.

EXERCITIVM I.  
De splendore cælestis Militiæ.

*Ex Meditationibus B. Aloysij Gonzage  
Societatis IESV.*



CONSIDERA primò NATV-  
RALEM EXCELLENTIAM ho-  
rum COELESTIVM PARADISI  
PRINCIPVM. Ipsi enim inter  
opera omnia summi artificis  
Dei manu condita principem  
locum vendicant: sunt substantiæ spirituales natu-  
ra sua incorruptibiles, omniumque creatura-  
rum nobilissimæ: intelligentia tanta, vt in re-  
rum naturalium notitia expertes sint omnis  
erroris & ignorantia. Huic quoque tanto lu-  
mini intelligendi conformem habent volun-

tatem

tatem; ita firmam & perfectam, ut nulla perturbatione affici vel vinci possint. Si verò te conuertas ad statum in quo beneficio gratiæ nunc versantur, nullo umquam admissio peccato consecuti sunt gloriam & æternam felicitatem. Ad hæc in sua essentia ornati sunt habitu diuinæ gratiæ, qui eos pulcherrimos & gratiosissimos in conspectu Dei reddit. In intellectu donati sunt claro lumine gloriæ, quo facie ad faciem vident suum Creatorem, in voluntate verò habitu charitatis, quo amantes amore perfectæ amicitiae Deum, simul amici & filij ipsius efficiuntur. Nunc ergo anima mea, contemplare horum cælestium ciuium pulchritudinem; qui instar tot stellarum matutinarum, imò clarissimi Solis, resplendent in ciuitate Dei; in quibus, tamquam in lucidissimis speculis, diuinæ perfectiones, ut infinita potentia, æterna sapientia, ineffabilis bonitas, & ardentissima Creatoris caritas relucet. O quàm amabiles, quàm puri & candidi sunt hi beati spiritus, quàm zelosi vindicandæ Domini gloriæ; atque idè quàm digni ut à nobis peculiariter amentur & colantur! Etenim si honor (ut aiunt Philosophi) est cultus qui alicui debetur ob excellentiam vel virtutem quam in se habet; & idcirco iis hominibus (licet omnes secundum naturam inter se sint pares) qui aliqua laude aliis præcellunt, maiorem honorem deferre solemus: quanto potius nos creaturæ tam viles & abiectæ, si cum cælestibus spiritibus conferamur, omnem honorem & cultum eis deferemus? cum unusquisque

quisque eorum licet minimus, in suprâ commemoratis dotibus & excellentiis nobilissimum quemque hominum mortalium longè superet? Hi sunt filij illi dilecti, qui semper contemplantur faciem Patris, & candida illa & pura lilia, inter quæ ipse pascitur; & montes aromatibus odoriferis pleni, in quibus cælestis sponsus ambulat & se recreat.

Secundò considera numerum horum aulicorum: qui tantus est, vt non solùm excellat numerum hominum qui nunc viuunt, verùm etiam eorum qui vñquam extiterunt, aut futuri sunt vsque ad diem iudicij. similis est arenis maris & stellis quas Sapiens dicit numerari nō posse. Atque, vt asserit S. Dionysius Areopagita, maior est numerus Angelorum cuiuslibet ordinis, quàm in mundo sit in vlla rerum materialium. Millia milliū, dicebat Propheta, ministrabant ei, & decies millies centena millia assistebant ei. vbi more suo Scriptura numerum certum pro incerto ponit, & quidem numerum hominum opinione maximum, vt intelligatur numerum eorum à solo Deo iniri posse; quodque apud Deum numerabile est, id apud homines esse infinitum & innumerabile. Et ideo legimus in Iob: Numquid est numerus militum eius? De quorū numero etiam dixit regius Propheta: Currus Dei decem millibus multiplex, millia latantium: Dominus in eis in Sina in Sancto. D. Ioannes quoq. visam à se refert magnam turbam in conspectu Dei ex omnibus populis & linguis & nationibus,

*Mat. 18.**Cant. 2.**Et 8.**Ecl. 1.**Cælest.**Hierarch.**c. 9.**Dan. 9.**Iob 25.**Psal. 67.**Apoc. 7.*

Y

quam



*Prou. 14.**1. Tim. 6.*

quam numerare nemo poterat. Si hic electorum numerus, quem scimus minimam esse hominum partem, tam magnus est ut numerari non possit; quantum putamus fore Angelorum? Merito autem tantum hic cælestis Monarcha habet aulicorum numerum. nam si, ut dicit Sapiens, in multitudine populi dignitas regis, & in paucitate plebis ignominia principis; cum Deus sit Princeps ille excellentissimus Rex regum, & Dominus dominantium, valde conueniens erat ut familiam amplam, & aulam numerosam in spatiofo illo regno & immenso cæli palatio haberet. O quantum gaudium & solatium tibi afferret anima mea, si multitudinem tam nobilium creaturarum, tum natura tum gratia præstantium, atque etiam gloriæ nomine beatarum, intueri posses!

Tertiò considera mirabilem ordinem à Divina providentia Angelicis spiritibus decretum & constitutum, siue cum Deo, siue inter se, siue cum aliis huius mundi creaturis componantur. Si enim conferas illos cum Deo, nulla est inter eos discrepantia; omnes enim eum vnanimiter colunt & reuerètur tamquam solum Principem, & cælestis suæ ciuitatis Dominum. Si inter se, nulla in tanta multitudine confusio, summus ordo, admiranda distributio, diuersis intelligendi modis consentanea. Alius alio sublimior & excellētior, prout Deus illis sua arcana reuelat, eorumque ministerio in hominum salutem vitur.

## COLLOQVIUM.

**O**Rabis Dominum, vt sicut ille ordine tam admirabili in hominum gratiam distribuit Angelorum officia; ita tibi dignetur concedere, vt ab iisdem quamdiu in via eris custodiaris, & ab hostibus defendaris. Deinde sicut illis copiosissima gratiarum dona largitus est, ita & tibi eorum precibus tribuat eorum charitatem, puritatem, & virtutes alias sic imitari; vt Angelicam in terris vitam agens merearis eis aliquando sociari in cælis, cum iisdem beatifica Dei visione fruiturus.

Pater noster. Aue Maria.

## EXERCITIUM II.

## De Officio SS. ANGELORVM.



**P**RIMò considera, vt beati illi Spiritus curam gerant vniuersalem omnium rerum sublunarium, earum præsertim, quæ nobis necessaria sunt ac vtilis, & vt ab ipsis moueantur orbis cælestes. Quare omnia quæ à natura acquirimus bona in hac vita, administratione Angelorum acquirimus.

Secundò considera, Deum præter naturalia, multa etiam dona cælestia, Angelorum ministerio nobis elargiri, sicut passim in Sacris litteris, & alibi videre licet.

Tertiò considera, singulis hominibus vnum aliquem eorum custodem & animæ rectorem

adiunctum esse : sine quorum custodia proculdubio essemus nequissimi. Ipsi enim inspirant & suggerunt nobis omnia bona , auferentes à nobis prauitatem nostram, & à demonibus nos defendentes. Vnde rectè ait Climachus : Nisi Angeli appropient nobis , inutilis & infructuosus est omnis labor noster . Neque enim habet vim confidentiæ oratio nostra , neque munditiæ pennas vt ingredi ad Deum possit, nisi hanc è proximo assumant Angeli , qui nobis præsumt, eamque offerant Domino.

Quartò considera illos nostra bona opera ante Dei tribunal offerre , intercedere ac orare pro nobis , procurantes cōuersionem nostram, in eaque mirificè letantes, ac de animarum nostrarum salute sibi mutuo gratulantes , propter magnum amorem quo nos prosequuntur.

Quintò considera supplere eos apud Deum vicem nostram , dum ea quæ nos facere debemus, ipsi pro nobis faciunt. Quare nascentem Dominum pro nobis susceperunt, ac se illi associarunt: & modò assistunt cum omni reuerentia sanctissimo Sacramento pro nobis.

Colloquium fiat ad Angelos , maximè Angelum custodem; petendo ab eis, vt præter alia, à Deo tibi impetrent promptitudinem, alacritatem, & feruorem in rebus spiritualibus, necnon vehementem amorem in salutem proximi tui; auferendo abs te negligentiam, teporem, & alia vitia contraria.

Pater noster.      Aue Maria.



HYMNVS *ad* SS. ANGELOS.

**A** Vete mentes lucidæ,  
Nostræ salutis vindices,

Cælestis oræ nuntij,  
Regis superni milites.

Intra Tonantis Regiam  
Choros agentes psallite,  
Lyris, monaulis, organis,  
Tribunal ante Iudicis.

Vos in dracones Tartari  
Bellum cietis perpetim,  
Et nos ab Orci faucibus  
Manu potenti tollitis.

Adeste cœtus inclyti,  
Adeste tot periculis;  
Et nos volatu perpeti,  
Inferte cæli sedibus.

Summo Parenti cælitum,  
Magnæque Proli Virginis,  
Sancto simul Paraclito,  
Sit summa laus & gloria. Amen.

## EXERCITIVM III.

De SS. ANGELIS in genere.

*Ex Scripturis & SS. Patribus.*



CONSIDERA primò, quomodo notiores nobis Angeli describantur.

MICHAEL vocatur Princeps Ecclesiæ, & vnus de principibus primis. *Dan. 10.*

- Apoc. 12.* Præliator fortissimus, & draconis antiqui debellator.  
 Accusatoris fratrum in profundum inferni deturbator.  
 Populi Dei defensor perpetuus.  
 Susceptor animarum.  
 Inductor in paradysum exultationis.  
 Solatium fidelium.  
 Protector omnium secolentium.
- Dan. 8.* GABRIEL dicitur Visionum doctor.
- Luce 1.* Ioannis Baptistæ nascituri prænuntius.  
 Ad MARIAM Virginem, incarnationem Filij Dei nuntiatum missus.
- Matthæi 1. & 2.* Deiparæ virginis custos.  
 Infantia CHRISTI comes & minister.  
 RAPHAEL, Angelus salutis.
- Tobia 12.* Vnus è septem spiritibus qui assistunt ante Dominum.
- c. 12.* Ananiæ magni filius.
- c. 5.* Tobia iunioris ductor & reductor fidelissimus.
- c. 8.* Dæmonis apprehensor & religator.  
 Oblator orationum ante Dominum.  
 Adiutor in tribulationibus.  
 Consolator in angustiis.
- c. 12.* Tobia senioris illuminator.
- Considera secundò, quomodo Deus ab initio mundi Angelorum opera ad salutem & vindictam vti voluerit.
- Gen. 3.* Per Cherubim viam ligni vitæ custodiuit.
- Gen. 16.* Per Angelum humiliavit Agar sub manu dominæ suæ Saræ.

Per Angelum benedictionem suam Abrahamæ denuntiavit.	<i>Gen. 18.</i>
Per Angelos ortum Isaaci prædixit.	
Per Angelum immolationem eiusdem impediuit.	<i>Gen. 22.</i>
Per Angelos Loth è medio peccatorum pereuntium eduxit.	<i>Gen. 19.</i>
Angelus eruit Iacob de cunctis malis.	<i>Gen. 48.</i>
Angelus domibus Israëlitarum parcens primogenita Ægypti percussit.	<i>Exod. 12.</i>
Angelus Israëlẽm ex Ægypto, per mare Rubrum in terram promissam deduxit.	<i>Exod. 14. &amp; alibi.</i>
Per Angelos Deus Moyse legem tradidit.	<i>Act. 7.</i>
Angelus, & Balaam & cui infidebat asinam, terruit.	<i>Num. 22.</i>
Angelus princeps exercitus Domini in auxilium Iosue missus venit.	<i>Iosue 5.</i>
Angelus Manue & vxori eius Sampsonem nasciturum nuntiavit.	<i>Iudic. 13.</i>
Angelus ob peccatum Dauidis super Ierusalem manum extendit.	<i>2. Reg. 24.</i>
Angelus vna nocte in castris Assyriorum centum octoginta quinque hominum millia percussit.	<i>4. Reg. 19.</i>
Angelus Danieli in lacu leonum de cibo prospexit.	<i>Dan. 14.</i>
Angelus Filij Dei natiuitatem pastoribus nuntiavit.	<i>Luce 1.</i>
Angelorum multitudo cecinit gloriam Deo, & pacem hominibus bonæ voluntatis.	
Angeli Filio Dei in deserto ministrarunt.	<i>Matth. 4.</i>



- Luca 22.* Angelus Christum in agonia positum confortauit.
- Mat. 28.* Angelus à sepulchro Saluatoris lapidem reuoluit & ei insedit.
- Luca 24.* Angeli veste alba sepulchro assistentes Christum rediuuium mulieribus prædicarunt.
- Act. 1.* Angeli Christo cælos ascendente Discipulis apparuerunt, & eos de reditu docuerunt.
- Considera tertio, quomodo iam inde ab initio Ecclesiæ
- Angeli SS. Prophetas erudiant.
- Apostolis ut nutij præstantissimi occurrat.
- Martyres in tormentis consolentur.
- Confessoribus assistant.
- Virgines protegant.
- Ecclesiam defendant.
- Regna terræ custodiant.
- Cælestia munera hominibus deferant.
- Dæmonis potentiam comprimant.
- Bona mortalium opera Deo præsentent.
- In conuersione peccatorum lætentur.
- Iustorum animas egredientes in requiem deportent.
- Colloquium fiet, ut (secundum quod monet D. Bernardus super Missus) ab Angelis auxilium quæras, & occultis suspiriis, & frequentia lacrymarum; quatenus illi supereminenti Maiestati preces tuas offerant, & inde gratiam referant, qua adiutus hereditatem aliquando capias salutis. Pater noster. Aue Maria.

*Psalmus ad SANCTOS ANGELOS*  
*e variis Psalmis conflatus.*

**L**Audate Dominum de cælis: laudate eum  
in excelsis.

Laudate eum omnes Angeli eius: laudate eum  
omnes virtutes eius:

Benedicite Domino omnes Angeli eius: poten-  
tes virtute, facientes verbum illius, ad audien-  
dam vocem sermonum eius.

Benedicite Domino omnes virtutes eius: mi-  
nistri eius, qui facitis voluntatem eius.

Benedic anima mea Domino: & noli obliuisci  
omnes retributiones eius.

Qui redimit de interitu vitam tuam: qui coro-  
nat te in misericordia & miserationibus.

Quoniam Angelis suis mandauit de te: vt cu-  
stodiant te in omnibus viis tuis.

In manibus portabunt te: ne fortè offendas ad  
lapidem pedem tuum.

Super aspidem & basiliscum ambulabis: &  
conculcabis leonem & draconem.

Immitter Angelus Domini in circuitu timen-  
tium eum: & eripiet eos. Gloria Patri.

*Vers.* In conspectu Angelorum psallam tibi  
Deus meus. *Resp.* Adorabo ad templum san-  
ctum tuum, & cōfitebor nomini tuo Domine.

ORATIO.

**D**Eus, qui miro ordine Angelorum mini-  
steria, hominumque dispensas, concede  
propitius: vt à quibus tibi ministrantibus in  
cælo semper assistitur, ab his in terra vita no-  
stra muniatur. Per Dominum nostrum.







## CAPVT SECVNDVM

## De prima ANGELORVM Hierarchia &amp; S. MICHAELE.



*He vide, pie Lector, Matrem Dei in singulis Hierarchus Angelorum, medio loco constitutam; ut & postea eam videbis inter Apostolos, Martyres, Cōfessores, Virgines, Viduas, mediam: quippe qua omnes Angelos, ceterosque cunctas virtutibus superat; & Mediatrix apud Deum electa est (iuxta testimonium S. Ildephonsi, Serm. de B. V. 8. & 11.) Opus enim erat Mediatore ad Mediatorem istum, nec alia (D. Bernard. teste Serm. de aqueductu) utilior quam MARIA. Quidquid ergo illud est quod offerre paras, MARIAE commendare memento; ut ab eodem alueo ad largitorem gratia, gratia redeat quò influxit.*

## EXERCITIVM I.

## De prima ANGELORVM Hierarchia.

*Ex D. Bernardo lib. 5. De consid.*



*PRIMò putemus SERAPHIM Spiritus totos Diuino igne succensos, succendere vniuersa; ut singuli ciues Ierusalem singulae sint lucernae ardentes & lucentes; ardentes charitate, lucentes cognitione. Hæc operatur in illis qui condidit*

didit illos, vnus atque idem supremus Spiritus. Ardent Seraphim, sed igne Dei, vel potius igne Deo: quod præcipuum est in eis, amant, sed non quantum Deus, nec quomodo. Cernere est in his quomodo amet, qui vnde amet non habet, sed est: & qui nihil horum quæ fecerit odit, quos saluâdos fecit quomodo foueat, quomodo prouehat, quomodo amplexetur, quomodo delicta electæ inuenturis, & paleas ignorantiarum eius ignis ille consumens, ipsam sibi purgatissimam & suo amore dignissimam reddat.

*Psal. 45.*

Secundò putemus CHERUBIM ex ipso sapientiæ fonte ore Altissimi haurientes & refundentes fluentia scientiæ vniuersis ciuibus suis: & vide ne hic sit, quem Propheta loquebatur, fluminis impetus lætificans ciuitatem Dei. Cernere est in iis Deum scientiarum Dominum esse, qui solus solam nesciat ignorantiam, qui totus sit lux, & tenebræ in eo non sint vllæ; totus sit oculus, & qui minimè aliquando fallitur, quia minimè clauditur, qui extra se non quærat lumen, cui admoueat ut videat, ipse qui videt, ipse vnde videt. Lucent ergo & scientia eminent Cherubim, sed participio veritatis: ac per hoc non ut veritas, nec quantum.

Tertiò putemus THRONOS, alto etiam ab his euolasse recessu: qui ex eo quod sedent, Throni dicuntur; & ex eo sedent, quod sedet in iis Deus. Neque enim sedere in eis qui non sederent, posset. Quæris quid illam sentiam sessionem? summam tranquillitatem, placidissi-

mam

nam serenitatem, pacem quæ exuperat omnem intellectum. Talis est qui sedet in Thronis Dominus Sabaoth, iudicans omnia cum tranquillitate, placidissimus, serenissimus, pacatissimus, & tales sibi constituit Thronos simillimos sibi. In his cernere est quàm non suspectus omni innocentiae iudex sedeat in his, qui circumuenire nolit, circumueniri non possit, quippe qui sit amans & videns. Nec vacat sessio? tranquillitatis insigne est. De vultu tali iudiciû meum prodeat opto, cui insit amor, error absit, absit & perturbatio. Throni ergo sedent, sed infidentis beneficio iudicant & ipsi cum tranquillitate, sed non ad mensuram modûmve pacis pacantis, pacis quæ exuperat omnem sensum.

## EXERCITIVM II.

## De eadem prima HIERARCHIA.

*Ex Meditationibus B. Aloysij.*



**P**RIMò contemplare chorum SERAPHINORVM; qui velut Cubicularij secreti & intimi Regis cæli, conuenienter nomini suo non solum sunt pleni & inflammati caritate, sed spiritalis ignis instar Diuino amore semper ardent, & simul eodem accendunt & illustant Angelos sibi inferiores.

Secundò contemplare CHERUBINOS, ita vocatos ob plenitudinem scientiæ, maiusque lumen intelligentiæ, quo excellunt omnes reliquos inferiores spiritus; ed quòd clariùs Deum

videant,



videant, & in eo plura cognoscant. Quare sunt velut Consiliarij Regis cælestis, clari scientia & sapientia; quam etiam communicant Angelis inferioribus.

Tertiò contemplare THRONOS, qui velut familiares & intimi Dei Secretarij hoc nomine ornati sunt, quòd sint quasi sedes & Throni regij, in quibus quodammodò residet & quiescit Diuina maiestas; quam etiam, quocumque vadunt, quasi in sede Pontificia secum deportant.

## EXERCITIVM

### De S. MICHAELE Archangelo.

*Ex Meditationibus B. Aloysij.*



CONSIDERA primò de inuictò hoc cælestis exercitus duce S. MICHAELE ARCHANGELO, quomodo ob egregium suum zelum & fidelitatem, à Deo Princeps constitutus sit omnium illorum Angelorum qui ad diuersa ministeria in mundum amandantur.

Considera secundò, quomodo nomine MICHAELIS, quod interpretatur QVIS VT DEVS? fuerit honoratus. nam cùm superbus Lucifer efferretur aduersus Deum, eiùque similis fieri vellet, fortissimus hic Archangelus non ferens tantam Domini sui iniuriam, ardentissimo zelo exclamauit, dicens: Quis vt Deus? Quis vt Deus? hoc est, quis tam audax, tam potens est, vt audeat se assimilare Deo? Atque si diceret:

Non

Non est siue in cælo, siue in tota vniuersitate, creatura aliqua similis Deo nostro. O fortissime MICHAEL, hoc nomine verè dignissime, benedictus sis inter omnes Angelos, & omni laude & honore dignus inter homines; quia ita fidelis fuisti, & zelosus in vindicanda Dei gloria.

Considera tertio, quomodo hic gloriosus Archangelus non solum in triumphante, verum etiam in militante Ecclesia, fuerit à Deo multis dotatus priuilegiis. nam primò in veteri lege factus est protector & custos Synagoge, in noua verò princeps & defensor Ecclesiæ Dei. Hic est præpotens ille dux & capitaneus, cuius ingentem animum & fidelitatem sectatus totus bonorum Angelorum exercitus virulenti illius serpentis audaciæ se obiecit, & obtrito eius capite victoriam obtinuit, eumque præcipitem de cælo egit cum omnibus suis assecclis. Adhæc, quotiescumque opus fuit aliquo cælesti auxilio, & pro salute fidelis populi certandum, semper præstò adfuit inuictus MICHAEL. Hic enim in Ægypto pro Dei populo depugnauit, quando per multa signa & miracula è Pharaonis seruitute liberatus est. Hic est qui horribili illa nocte omnia Ægypti primogenita percussit. Hic est qui per 40. annos tamquam capitaneus & dux filios Israel antecedens, in mari Rubro exercitum Pharaonis illos persequentem demersit; deinde occidit & excidit tot gentes & exercitus illis repugnantes; ac deniq. saluos & in eolumes perduxit in terram

*Apoc. 12.*

*Exod. 7.*

*Exod. 12.*

*Exod. 14.*

à Deo

*Deut. ult.  
Iud. in  
epist.*

*Dan. 10.  
& Zachar. I.*

à Deo promissam. Post mortem quoque Moyses, cum callidus dæmon conaretur populum Dei ratione sacri eius corporis inducere in idolatriam; hic fortis Archangelus, ardēs Diuini honoris & salutis populi zelo, valicè se illi opposuit, eumque in fugam coniecit. Hic denique Israëlítico populo, dum captiuus in Babylonem abductus est, tempore captiuitatis exacto manum auxiliarem porrexit, omniaque impedimenta liberationis remouit. Quamuis verò in quibusdam locis & actionibus iam recitatis non sit nomen MICHAELIS expressum, tamen quia ille à Deo constitutus est protector & custos illius populi, certò credi potest vel ipsum vel certè alios Angelos ex commissione ipsius interuenisse.

Confidera quartò, quomodo hic gloriosus Archangelus, supra generalem protectionem Ecclesiæ sanctæ quam sustinet, habeat specialem quoque functionem sibi demandatam, omnes iustorum animas recipiendi qui ex hac vita ad alteram demigrant, easque insidiis & oppugnationibus dæmonum ereptas tribunali Christi præsentandi, vt cōsequantur præmium illis pro ratione meritorum à Deo attributum.

*Tim. 4.*

Confidera quintò, quomodo in fine & consummatione huius mundi fortissimus quoque hic Archangelus apparebit ad bellum incundum cum Antichristo, qui confectis miraculis fideles peruertere conabitur, vt Ecclesiam Dei aduersus terribilem illam persecutionem tueatur. obtenta autem victoria, & principe tene-

brarum



brarum in puteo abyssi infernalis alligato, ipse Archangelus horribilem illam tubam inflabit, ad cuius sonum omnes mortui resurgent, & æterno Iudici sistentur, extremam sententiam audituri; qua iusti æternæ gloriæ, peccatores autem perpetuis suppliciis addicentur.

## COLLOQVIVM.

**O** Inuicte Princeps, & custos fidelissime Ecclesiæ Dei animarumque fidelium, qui semper tanta caritate zeloque tot pugnis interfuisti, tantasque ex hoste victorias retulisti, non ad conciliandam tibi famam & estimationem vt solent duces huius sæculi, sed ad conseruandum tuendumque honorem & gloriam quam omnes Deo debemus, deinde ad salutem humani generis promouendam; veni quæso in auxilium animæ meæ quæ continenter cum tanto periculo à suis inimicis, carne, mundo, & dæmone, impugnatur: & sicut dux fuisti populo Israël per desertum, sic quoque esto fidelis dux & comes meus per desertum huius mundi: adsis mihi cum tota cohorte tua in die exitus mei, vt felicem de infernali dracone, ad deuorandum me parato, victoriam referam. Adesto mihi in tremendo iudicio, tum pro me & orando, & respondendo mihi misero peccatori iudicem concilia: ne me precor desere, donec securè me perduxeris ad felicem terram viuientium, ad beatam illam patriam à qua omnes exulamus. Amen.





## CAPVT TERTIVM

De secunda ANGELORVM Hierar-  
chia & S. GABRIELE.

## EXERCITIVM I.

De secunda HIERARCHIA.

*Ex D. Bernard. lib. 5. De consid.*



RIMÒ putemus DOMINATIO-  
NES aded cūctis superemine-  
re sequentibus ordinibus, ve  
respectu horum, ceteri videā-  
tur omnes administratorij spi-  
ritus, & ad istos tamquam ad

Dominos referri regimina Principatuum, tu-  
tamina Potestatum, operationes Virtutum, re-  
velationes Archangelorum, curam & provi-  
dentiam Angelorum. In iis cernere est quantæ  
sit Dominus maiestatis, cuius nutu imperium  
constat, & imperio vniuersitas atque æternitas  
termini sunt. Dominantur ergo Dominatio-  
nes, sed sub Domino dominantur, sed seruiunt  
pariter. Quid hoc ad summum, sempiternum,  
singulareque dominium?

Secundò putemus PRINCIPATVS his quoq.  
prælatos, quorum moderamine & sapientia  
omnis in terris principatus constituitur, regi-  
tur, limatur, transfertur, mutilatur, mutatur. In  
his cernere est principium ex quo omnia; &  
quomodo à cardine ostium, sic ab ipso regi



vniversitatem. Præsunt ergo Principatus & regunt, sed reguntur & ipsi: ita ut regere iam non norint, si regi desierint.

Tertiò putemus **POTESTATES** superiores Virtutibus, quarum virtute potestas tenebrarum comprimitur, & coërcetur malignitas aeris huius, ne quantum vult noceat, ne malignari, nisi ut profit, possit. Cernere est in iis quam potestatiuè idem Princeps quos regit, protegit; contrarias potestates arcens & propulsans. Præcellit ergo in Potestatibus fortitudo: sed cui debent quòd fortes sunt, & aliter est fortis & plus. Nec tam fortis quam ipsa fortitudo est.

## EXERCITIUM II.

### De eadem secunda HIERARCHIA.

*Ex Meditationibus B. Aloysij.*



**P**RIMò contemplare **DOMINATIONES**, quæ repræsentantes supremi Principis dominium, regionum Præsidum more, inferioribus suis imperant, & in diuinis mysteriis ad gubernationem orbis emittunt.

Secundò contemplare **VIRTUTES**, quæ sua potentia & vi adumbrantes infinitam potentiam Domini virtutum, omnia ardua & difficilia exequuntur, mirabilesque effectus in creaturis ad Dei gloriam operantur.

Tertiò contemplare **POTESTATES**, qui instar Iudicum repræsentant auctoritatem & po-

testa-

testatem summi & vniuersalis Iudicis , officiumque habent aëreas potestates coercendi , omniaque impedimenta & molestias ab hominibus remouendi , ne eis aditus ad salutem intercludatur.

## EXERCITIVM

## De sancto GABRIELE Archangelo.

*Ex Meditationibus B. Aloysij.*

**P**RIMò considera dignitatem & præstantiam prærogatiuorum Archangeli GABRIELIS : qui licet in Scripturis vocetur Angelus , non ideo existimandum est eum fuisse ex infimo Angelorum ordine , qui peculiariter mittuntur in auxilium & ministeriũ hominum ; sed fuisse Angelis superiorem , nempe Archangelum , & inter Archangelos primum . Nam sicuti mysterium , ad quod annuntiandum ille venit , non fuit commune ; sed excellentissimum dignissimumque ex iis quæ vnquam DEVS exhibuit : ita cogitandum est diuinum hunc legatum fuisse vnum ex nobilissimis in illa Hierarchia comprehensis . Hic est fidelis cælestis sponsi amicus , qui factus ab eo conscius altissimi illius secreti de sua Incarnatione , primus illud mundo patefecit . Hic est ille gratiosus Paranympus , qui mediator fuit inter altissimum Deum , & humilẽ Virgunculam de Nazareth ; inter Verbum æternum , & humanam nostram naturam .

Secundò considera, piè credi posse ( vt quidam Sancti affirmant) illum in singularem custodem beatiss. Virgini attributum . Ac sicut DEVS nullam aliam puram creaturam in cælo vel in terra habuit nobiliorem , & quæ ipsum impensius amarit, B. MARIA Virgine: sic cogitare potes, sicut Principes huius mundi res sibi carissimas custodiendas dare solent aulicis fidelissimis sibi quæ addictissimis, sic in illa cælesti aula gloriosum Gabrielem meritò & inter meliores & cariores apud Regem cæli numeratum fuisse.

Tertiò considera alterum huius B. Archangeli officium , quod erat esse Legatum à Sanctiss. Trinitate missum pro negotio sublimi & maximi momenti , nempe pro incarnatione vnigeniti Filij Dei, & redemptione ac salute totius mundi . Quare optimè in eum conuenit nomen GABRIELIS , nomen mysterij plenum, quod interpretatur VIR DEVS . nam Christum annuntiavit mundo , qui simul futurus erat Deus & homo . Deinde hoc nomen GABRIELIS magis propriè idem est, quod FORTITUDO DEI ; id quæ ad denotandum idem mysterium quod annuntiabat mundo, nempe fortissimum & triplicatum funiculum, id est arctissimam Diuinæ naturæ vnionem cum corpore & anima sanctissima Christi , in vna hypostasi & æterni Verbi persona, sicut scriptum est: Funiculus triplex difficilè rumpitur. Dicitur quoque FORTITUDO DEI, quia legationis suæ beneficio diuinā fortitudinem nobis com-

*Eccles. 4.*

muni-



municauit, hoc ipso quo Deus cum humana natura nostram quoque imbecillitatem assumpsit. Vnde homines beneficio huius fortitudinis facti sunt ita animosi & fortes, vt multa fecerint quæ omnem fortitudinem viresque humanas excedunt.

Angelus verè fortis, qui legatione sua hominibus non solum diuinum robur attulit, verum etiam ipsum Deum omnium fortissimum, qui ablatis spoliis & forti armato profligato, qui tanto tempore diram in nos tyrannidem exercuerat, nos è seruitute vindicauit, & filiorum Dei libertati restituit.

COLLOQVIVM.

**R**ogabis hunc excellentissimum Diue Virginis custodem, vt & te à malis custodire, & beatissimæ Matri commendare, insuper & fortissimum leonem de tribu Iuda, Christum Dei Filium, venturum aliquando iudicem viuorum & mortuorum, tibi conciliare dignetur. Amen.







CAPVT QVARTVM  
De tertia ANGELORVM Hierarchia  
& S. RAPHAELE.

EXERCITIVM I.  
De tertia HIERARCHIA.

*Ex D. Bernard. lib. 5. De consid.*



RIMò putemus super Archangelos VIRTUTES esse, quorum nutu vel opere signa & prodigia in elementis siue ex elementis facta apparent, ad commonitionem mortalium.

Cernere est in his vnam vbique æquabiliter præstò esse Virtutem per quam omnia, viuificam, efficacem, inuisibilem, immobilemque, omnia tamen mouentem vtiliter, tenentem fortiter. Quæ cum in minùs vñitata effecta apud mortales eruperit, miracula siue prodigia vocant. Virtutes ergo pro suo ministerio & potentatu satagunt excitare corda torpentia hominum, innouatione signorum. Virtus verò in eis manens ipsa facit opera; faciunt & illæ, sed in comparatione eius non faciunt.

Secundò putemus hos Angelis præesse, qui conscij diuinorum mysteriorum, non nisi ob præcipuas & maximas causas mittuntur. E quibus magnus ille Archangelus Gabriel missus legitur ad Mariam, ob causam vtique, qua



maior esse non potuit. Cuius nomen meritò interpretatur Fortitudo Dei, quia non ab alio aliquo fortè excellentiore se (vt assollet) spiritu, sed ab ipso Deo mitti perhibetur. Vel idè dictum est, à Deo, ne cui vel beatorum Spirituum suum Deus antequam Virgini reuelasse putetur consilium, excepto dumtaxat Archangelo Gabriele, qui vtiq̃ue tantæ inter suos inueniri potuit excellentiæ, vt tali & nomine dignus haberetur & nuntio. Nec discordat nomen à nuntio. Dei quippe virtutem Christum, quem meliùs nuntiare decebat, quàm hunc, quem simile nomen honorat? Nam quid est aliud fortitudo quàm virtus? Non autem dedecens aut incongruum videatur, Dominum & nuntium communi censi vocabulo; cùm similis in vtroque appellationis, non sit tamen vtriusque similis causa. Christus Dei virtus & dicitur & est, quæ forti armato, qui suum atrium in pace custodire solebat, fortior superueniens, ipsum suo brachio debellauit, & sic ei vasa captiuitatis potenter eripuit: Angelus verò, vel quòd eiusmodi meruerit prærogatiuam officij, quo eiusdem nuntiaret aduentum virtutis; vel quia Virginem natura pauidam, simplicem, verecundam, de miraculi nouitate ne expauesceret, confortare deberet.

Tertiò putemus ANGELOS dici, qui singuli singulis hominibus dati creduntur, missi in ministerium, propter eos qui hereditatem capiant salutis. de quibus Saluator: Angeli eorum semper vident faciem Patris. Cernere in iis est

veritatem atque experientiam vocis illius: Angelis suis mandauit de te. & alibi: Quoniam ipsi cura est de vobis, qui talium nos & tantorum non desinit iucundare visitationibus, instruere reuelationibus, suggestionibus commone, sedulitate solatiari. Quam tibi debent hæc verba inferre reuerentiam, afferre deuotionem, conferre fiduciam: reuerentiam pro præsentia, deuotionem pro benenolentia, fiduciam pro custodia. Cautè ambula, vt videlicet cui adsunt Angeli in omnibus viis tuis. In quouis diuersorio, in quouis angulo, Angelo tuo reuerentiam habe. Tunc audeas illo præsentem, quod vidente me non auderes? An præsentem esse dubitas, quem non vides? Quid si audires? quid si tangeres? quid si olfaceres? Vide quia non solo visu rerum præsentia comprobatur. Non omnia visui subiacent, nec corporalia quidem: quanto magis spiritualia procul sunt ab omni sensu corporeo, & spiritualiter potiùs inuestiganda. Laborandum nobis potiùs est, vt dignos exhibeamus eorum frequentia, & eo modo conuersemur in conspectu Angelorum, ne fortè sanctos offendamus obtutus; & necesse non habeamus, & nos ipsos plangere, ac dicere cum Propheta: Amici mei & proximi mei aduersum me appropinquaerunt & steterunt, & vim faciebant qui quærebant animam meam: elongatis nimirum eis, quorum præsentia protegere nos, & propulsare poterat inimicum. In his autem maximè exerceri debemus, quibus eos nouimus oblectari,

*Serm. 12.  
in Ps. 90.*

*Serm. de  
S. Michaële.*



*Serm. 7.  
in Cantica.*

*Serm. 2.  
De nat.*

*Serm. 12.  
in Psal.  
90.*

vt est sobrietas, castitas, paupertas voluntaria, crebri in cælum gemitus, & orationes cum lacrymis & cordis intentione. Attamen super omnia hæc vnitatem & pacem à nobis exigunt Angeli pacis. Et cum eos adstare credamus psallentibus in medio iuencularum tympanistriarum, offerreque Deo preces & vota hominum; dolendum valdè est, aliquos graui in sacris vigiliis deprimi somno, nec cari ciues reuereri, sed in præsentia Principum tamquam mortuos apparere, & verendum ne ob hanc desidiam longè recedant. Si enim se à nobis elongauerint, impetus malignorum quis sustinebit? Memores sumus, exultasse Angelos, quando conuersi sumus ad pœnitentiam, proficiamus & festinemus complere de nobis eorum lætitiā. Væ tibi quicumque es, qui deliberas redire ad lutum, reuerti ad vomitum. Putasne placatos habebis in iudicio, quos tanto & tam sperato priuate vis gaudio? Exultauerunt inquam, cum nos ad pœnitentiam venimus, tamquam super his, quos ab inferi porta cernerent euocari. quid nunc erit, si ab ipsa paradisi ianua reuerti viderint, & abire retrorsum eos, qui iam pedem alterum in paradiso posuerunt? Quoties ergo grauissima cernitur vrgeretentatio, & tribulatio vehemens imminere, inuoca custodem tuum, inclama eum, & dic; Domine salua nos, perimus. Non dormit, neque dormitat, & si ad tempus quandoque dissimulet, ne fortè periculosius ab illius te manibus ipse præcipites, si te eis ignoraueris sustentatum.

EXER-



## EXERCITIVM II.

## De eadem tertia HIERARCHIA.

*Ex Meditat. B. Aloysij.*

ONTEMPLARE primò PRINCIPATVS ita appellatos, quòd sicut hæc extrema Hierarchia à Deo cõstituta est ad exsequenda diuina iussa erga creaturas, ita PRINCIPATVS qui sunt Angeli primi chori, quoniam repræsentant supremum Principem, præpositi sunt gubernationi diuersarum Prouinciarum & regnorum particularium. Hi quoque vt præcipui quemadmodum à Deo immediatè mandata, ita eadem aliis Angelis inferioribus committunt, & auxilium etiam præbent ad ea præstanda.

Confidera secundò ARCHANGELOS & ANGELOS, qui conuenienter nomini suo sunt velut legati & nuntij à Deo in mundum variis de causis emissi, atque etiam custodiendis certis locis & hominibus adscripti: nec aliud discrimen inter hos duos choros est, quàm quòd Archägelis maiora, Angelis minora committantur.

Confidera tertiò, Quòd si acies nostri intellectus longiùs progredi posset, ac penitus inspicere naturam & functionem cuiusque Angeli; deprehenderet eos, sicut singularia singuli officia & exercitia habent in superna Ierusalem, ita singulari quoque ordine suo omnem illam B. aulæ cælestis multitudinem mirificè exornare. Etenim quemadmodum videmus

hæc

hoc nostrum spectabile cælum tot stellis ornatum & secundum numerum planetarum in orbes distinctum mirabili ordine moueri, & vim suam in terram subiectam exercere: sic cælum illud spirituale & inuisibile ordine magis admirando & diuino tot Angelorum quasi stellarum varietate ornatum est; per quos Dominus vniuersitatis, tamquam per totidem planetarum orbes, omnes donorum & charismatum spiritualium influxus in humanum genus deriuat.

3. Reg. 10

Ergo age, anima mea. Si Regina Saba, audita sapientia Salomonis, & conspecta regij palatij magnificētia, numeroque & ordine ministrorum illi inferuiētium, ob summam admirationem prudētiæ sapientissimi Regis attonita, non habebat, vt loquitur Scriptura, vltra spiritum, dixitque; Beati viri tui, & beati serui, hi qui stant coram te semper, & audiunt sapientiam tuam. quanto magis tu occasionem haberes non tam admirandi cum illa Regina, quàm cum bono illo Propheta deficiendi præ desiderio & amore beatæ habitationis, si posses perfectè intelligere dignitatem & excellentiam & ordinem aulæ veri Salomonis, quam sua æterna sapientia & arte ordinauit? Quæ consolatio, quod gaudium, rogo, tibi esset, si post huius vitæ cursum tibi quoque illa felicitas contingeret, vt vnâ cum cælestibus illis spiritibus aulicum agere possis tanti Domini, cui seruire regnare est?

Prosper  
epist. ad  
Demet.

O sancti & puri Angeli, ô verè beati, qui  
perpe-

perpetuò diuino conspectui assistitis, & tanta cum latitia faciem cælestis illius Salomonis inspicitis, à quo tanta ornatu estis sapientia, totidati prærogatiuis, & digni effecti tanta gloria. Vos stellæ lucidæ, quæ tam feliciter splendetis in cælo empyreo, infundite quæso in animam quoque meam beatos vestros influxus, seruate fidem meam immaculatam, spem firmam, mores inculpatos, amorem integrum in Deum & proximum. Oro vos Angeli beati, vt auxilio vestro quasi manu dignemini me per regiam humilitatis viam deducere, quam vos primùm insticitis, vt post hanc vitam vnâ vobiscum æterni Patris faciem contemplari merear, & reponi in locum alicuius stellæ olim per superbiam de cælo delapsæ. Amen.

## EXERCITIUM

De sancto RAPHAELE Archangelo  
& ANGELO CVSTODE.

*Ex Meditat. B. Aloysij.*



V M B RAPHAEL & suo nomine, & officiis vtrique Tobie delatis, typum gesserit Angeli custodis, considera aptissimè in illum competere nomen RAPHAELIS, quod interpretatur MEDICINA DEI ab effectu medicinæ, tam spiritalis iuueni Tobie datæ, quam corporalis, qua seniori Tobie patri visum restituit. Quo verò alio officio fungitur erga te Angelus cu-

stos,

Tob. 6. 6.  
11.



stos, nisi medici tam corporalis quàm spiritua-  
lis? Quod vt meliùs intelligas, considera tres  
esse humanæ vitæ status. Primus est, quo homo  
adhuc degit in vtero matris. Secundus à tem-  
pore natiuitatis vsque ad mortem & iudicium  
animæ suæ particulare. Tertius est, in quo ho-  
mo versatur post mortem. In vnoquoque ergo  
horum statuum, congruenter omnibus actio-  
nibus RAPHAELIS Angeli, cōtemplare singula  
officia quæ CVSTOS ANGELVS erga te exercet.

Quod ad primum statum attinet, primò nar-  
rat Scriptura, cùm senior Tobias cogitaret fi-  
lium suum in remotam regionem mittere, solli-  
citem fuisse de fido comitatu ei attribuendo: &  
ecce, antequam bonus iuuenis domo paterna  
pedem efferret, Angelum à Deo missum, spe-  
cie humana se offerentem in comitem atque  
etiam in ducem itineris.

O caritas immensa, & cura plusquam pater-  
na Creatoris! qui, antequam è ventre matris  
prodires, priusquam vllam inimicorum tuo-  
rum & periculorum impendentium notitiam  
haberes, mandauit vni beatorum Spirituum  
qui semper diuinam eius faciem contemplan-  
tur, atque illi ipsi qui primus matris tuæ custos,  
vt tui curam susciperet; inciperetque te in te-  
nello illo statu, multis periculis obnoxio, vnà  
cum matre præseruare: quò sine impedimento  
vllò securè ad gratiam Baptismi peruenire pos-  
sis, & in filiorum Dei numerum inscribi. Imò  
ab omni æternitate, antequam Angelos vel  
aliud quidquam condidisset, cùm nondum es-

ferent abyssi, nondum locata essent fundamenta  
cæli & terræ, iam ô homo miserabilis, tui me-  
mor erat, & de tua salute sollicitus. Et quam-  
quam ab æterno tuam ingratitude & indi-  
gnitatem prævidit; nihilominus ex mera boni-  
tate sua, nullo tuo antegressò merito, non so-  
lùm decreuit tibi illud auxilium præstare, sed  
etiam omnia beneficia in te conferre, quæ huc  
vsque à primo tuæ conceptionis momento re-  
cepisti, & deinceps vsque ad vltimum omnium  
maximum, æternam scilicet beatitudinem es  
recepturus.

Pro secundo vitæ statu, cùm in lucem huius  
vitæ prodiisti, subiungit Scriptura sacra; pri-  
mò, quemadmodùm Angelus RAPHAEL egres-  
sus cum Tobia è domo patris promiserit se fi-  
delem eius comitem toto itinere futurum, sal-  
uumquæ ad locum destinatum perducturum:  
non secùs Deus, simul atque natus es, de vno  
horum cælestium ciuium tibi prospexit, qui  
tamquam singularis custos & pædagogus tui  
patrocinium susciperet, tuumquæ aduocatum  
apud suam Maiestatem in cælo ageret.

Secundò: sicut Angelus RAPHAEL ducens  
iuuenem Tobiam per viam, optima consilia illi  
suggerebat, instruebatquæ sigillatim qua ratio-  
ne matrimonium inire deberet, nempe non  
hominum carnalium more, sed cum sancto ti-  
more Dei, crebraquæ oratione; sic Angelus tuus  
custos continenter tibi bona consilia suppedit-  
tat, & in omnibus actionibus dirigit: ille enim  
te excitat & impellit ad multa opera facienda,

Tob. 6.

Ibidem.

quæ sine hoc auxilio non faceres, idque nunc alliciendo Christi Domini & Sanctorum exemplo, nunc voluntatem consideratione bonitatis Diuinæ infinitorumque eius beneficiorum inflammando, nunc etiam futuri iudicii pœnarumque inferni memoria mentem illuminando.

*Tob. 6.*

Tertiò pergit Scriptura narrare beneficia, quæ Tobias ab Angelo RAPHAELE, tam quoad suam personam, quàm quoad bona temporalia, recepit. Cùm enim peruenisset ad fluuium Tigris, & in eo vellet lauare pedes suos, insiliit in eum piscis, immanis ad eum deuorandum; sed Angelus eum defendit, & ab eo periculo liberauit: voluitque vt fel eius acciperet ad restituendam cæco parenti sanitatem. Adhæc idem Angelus non solum redemit pro Tobia summam eam pecuniæ, ob quam erat missus; sed heredem quoque eum fecit omnium facultatum soceri sui Raguelis. Iam quid aliud agunt Angeli nostri custodes, nisi vt continenter ad auxilium nobis præstandum in necessitatibus nostris vigilant; haud secus ac mater intentos semper oculos habens in puerulum suum, ne fortè labatur aut mali aliquid patiatur? Cogita igitur à quot periculis corporalibus te conseruari, quæ æquè ac alij incurrere potuisses, atque etiam quàm fuerit sollicitus in procurandis tibi bonis temporalibus, vt sanitate, viribus, & aliis adiumentis, quo vitam conuenienter statui tuo institueres, atque illi statui qui ad salutem consequendam tibi esset accommodatior.

Quartò: sicut Angelus RAPHAEL (vt ipse dicit)



dicat) officium sibi vendicabat orationes bonaque opera Tobiae Deo offerendi; sic Angelus noster custos pro nobis exercet munus procuratoris, in conspectu Dei offerendo orationes nostras & desideria, & qualiacumque opera bona quæ facimus, semperque à Deo aliquod donum gratiæ Diuinæ ad nos referendo. Vtinam videre fas esset, quanto studio Angeli sancti nunc ascendant, nunc descendant pro nobis, vt faciebāt in scala à Iacob Patriarcha conspecta! Ascendunt exponendo necessitates nostras, precandoque Deum vt Diuinam suam misericordiam nobis impertiat; descēdunt autem reportando à Patre cælesti sanctas inspirationes, cogitationes bonas, aliaque diuina auxilia, & interdum etiam correctionem aliquam paternam, qua moti nos excitemus & curemus, ne simul cum hoc mundo condemnemur.

Tob. 12.

I. Cor. 11.

Quintò : sicut Angelus RAPHAEL Tobiam docuit modum quem tenere debebat ad exterminandum dæmonium, vt non haberet amplius potestatem in ipsum, contra quem etiam ipse Angelus pro iuuenis defensione pugnavit; sic Angelus noster custos, non aliter quàm fidus capitaneus, cui commissa est arx aliqua aduersus hostes defendenda, diligenter vigilat ne vi vel fraude ab illis occupetur. Hi enim Angeli sunt fideles illi custodes, quos Dominus dicit collocatos in muris Ierusalem, ad custodiendum per vigilias noctis gregem suum, ne lupo ille infernalis, aduersarius noster, instar leonis animas nostras abripiat. Vigilat Angelus custos

Tob. 8.

pro nobis contra dæmonem, obiiendo se eius incurſibus, frangendo & debilitando eius vires, & acceptam reparando iacturam, ne amplius tanta confidentia & audacia inuadere audeat. Confirmat quoque nos, nunc remouendo peccatorum occaſiones, nunc à multis vitiis & peccatis deterrendo, in quæ deſtituti eius auxilio facile incideremus; nunc etiam corroborendo nos & animando in occurrentibus temptationibus & afflictionibus, ac denique à Domino impetrando fortitudinem ad victoriam obtinendam.

Sextò: ſicut Angelus RAPHAEL dæmonem, ne Tobiam velut omnes reliquos mulieris maritos occideret, comprehenſum alligauit in deſerto; ita noſter bonus Angelus ſingulariter nobis tempore mortis aſſiſtit, vt illa hora ab inſidiis & impugnationibus dæmonis nos tueatur & immunes reddat, qua acrius quàm aliàs ſolet circuire, quærens quem deuoret: deinde vt à peccatis illis, quibus id temporis maximè obnoxij eſſe ſolemus, vt infidelitate & deſperatione, nos præſeruet; atque ita ex miſeriis huius mundi liberi ad cæleſtem patriam migrare poſſimus. Adhæc, poſtquam anima è corpore exceſſit; idem Angelus eam comitatur, ſolatur, animat, vt confidenter ſe tribunali Diuino ſiſtat, obiiiciens eius oculis merita IEſu Chriſti pretioſiſſima, in quibus tempore illius iudicij fidere debeat. Si autem ad expiandas peccatorum reliquias adiudicata fuerit purgatorio, ibi eam ſæpè inuiſit, ſolatur, certiore reddit de precibus,

precibus piorum pro ea in mundo fufis, & denique de futura liberatione fecuram effe iubet.

Quod ad tertium, eumque extremum tuum statum pertinet; confidera quid denique Angelus RAPHAEL fecerit: quomodo videlicet cum coniugem iuueni Tobiae assignaffet, omnibusque fui foceris bonis ditaffet, multis donis & opibus onuftum eum in domum paternam reduxerit: vbi tanto maiore gaudio receptus est, quanto maior erat mœftitia de eius reditu retardato, metuētibz omnibus ne fortè periiffet. Hic fimul contemplare tui fidi cuftodis officium; qui animam tuam, poftquam confecta longa & periculofa peregrinatione ab omni macula expurgata fuerit, cœlefti fponfo per cœleftem paranympum coniunctam, multisque donis & diuinis charifmatibus donatam, totam hilarem & lætam deducet in illam fupernam Ierufalem matrem noſtram, ibiq. magno gaudio & exultatione omnium paradifi Angelorum & Sanctorum, à quibus multò antè fuerat exſpectata, cœleftis Patris conſpectui præſentabit; vt Diuinis eius manibus recipiat coronam gloriæ, & felicitatis eius quæ ab æterno ei præparata fuit, & pro qua nos miſeri adhuc ingemifcimus, & ſuſpiramus in hac lacrymarum valle.

Iam verò, quid retribuere poterimus Domino pro talibus & tantis beneficiis à ſua Maieſtate receptis? quidquid enim debemus beatis ſpiritibus, quorum operâ hæc beneficia nobis contigerunt; id totum debemus Creatori,

*Tob. 6. 6.  
10.*

*Galat. 4.*

*Rom. 8.*

*Pſal. 115.*



*Psal. 96.*

qui Angelis mandauit vt nos custodirent in omnibus viis nostris.

Quamquam ipsis quoque Angelis custodibus, ob immensam eorum in nos caritatem, fidumque ministerium demonstratum, maximas grates debemus. Et primò quidem Angelo tuo nomine assistentiæ perpetuæ debes honorem, cultum & reuerentiam. ac væ tibi, si hic Angelus sanctus tuis peccatis & negligentis offensus, te sua præsentia Angelicaque visitatione reputauerit indignum.

*Genes. I.*

O anima mea, ô imago Creatoris pulcherri-  
ma, vtinam tuam dignitatem agnosceres, quantum amata sis à Deo, quantique ab Angelis æstimata; non dubium, quin ad non inferendam ampliùs iniuriam illi qui tantopere te honorauit, atque ad non contristandum tuum fidelissimum custodem, rariùs sis peccatorum fæce & sordibus te contaminatura.

COLLOQVIUM *ex D. Augustino,*  
*cap. 27. Soliloquiorum.*

**D**ilexisti me vnice amor meus, antequam diligerem te: & ad imaginem tuam creasti me: omnibus creaturis tuis præposuisti me: quam dignitatem tum quidem seruo, cùm noverim te, propter quem fecisti me. Insuper facis Angelos tuos Spiritus propter me, quibus mandasti vt custodiant me in omnibus viis meis, ne fortè offendam ad lapidem pedem meum. Hi enim sunt custodes super muros Ciuitatis tuæ nouæ Ierusalem, & montes in circuitu eius, vigilantes & custodientes vigilias

noctis

noctis super gregem tuum, ne quando rapiat vt  
leo animas nostras, dum non esset qui eriperet,  
ille antiquus serpens, aduersarius noster dia-  
bolus; qui quali leo rugiens semper circumit,  
quærens quem deuoret. Hi sunt ciues beatæ  
Ciuitatis supernæ Ierusalem, quæ sursum est  
mater nostra, in ministerium missi propter eos  
qui hereditatem capiunt salutis, vt eos liberent  
ab inimicis suis, & custodiant in omnibus viis  
suis: confortent quoque & moneant, & oratio-  
nes filiorum tuorum offerant in cōspectu glo-  
riæ Maiestatis tuæ. Diligunt nempe conciu-  
suos, per quos suæ ruine scissuras instaurari ex-  
pectant. Ideoque magna cura & vigilantia stu-  
dio adsunt nobis omnibus horis & locis, suc-  
currentes & prouidētes necessitatibus nostris,  
& solliciti discurrentes inter nos & te Domi-  
ne: gemitus nostros atque suspiria referentes  
ad te, vt impetrent nobis facilem tuæ benigni-  
tatis propitiationem, & referant ad nos deside-  
ratam tuæ gratiæ benedictionem. Ambulant  
enim nobiscum in omnibus viis nostris, in-  
trant & exeunt nobiscum, attentè consideran-  
tes, quàm piè, quàmque honestè in medio pra-  
uæ nationis conuersetur: quantoque studio &  
desiderio queramus regnum tuum & iustitiam  
eius: quantoque timore & tremore seruiamus  
& exulemus tibi in lætitia cordis nostri. Adiu-  
uant laborantes, protegunt quiescentes, hor-  
tantur pugnantes, coronant vincentes, congau-  
dent gaudentibus, de te, inquam, gaudentibus.  
Grandis est eis cura de nobis: magnus est affe-

ctus dilectionis eorum erga nos : & hoc totum propter honorem tuæ inæstimabilis charitatis, qua dilexisti nos. Diligunt enim quos tu diligis : custodiunt quos tu custodis : & deserunt quos tu deseris: nec diligunt operantes iniquitatem ; quoniam & tu odisti omnes operantes iniquitatem , & perdes omnes qui loquuntur mendacium . Quoties benè agimus , gaudent Angeli, & tristantur dæmones. Quoties verò à bono deuiamus, diabolum latificamus, & Angelos tuos suo gaudio defraudamus : gaudium est enim eis super vno peccatore pœnitentiam agente ; sed diabolo super vno iusto pœnitentiam deferente. Da igitur, da Pater, eis semper gaudere de nobis , vt & tu semper per eos lauderis in nobis : & nos cum eis in vnum ouile tuum adducamur, vt confiteamur simul nomini sancto tuo , Creator hominum & Angelorum. Hæc ipse commemorans coram te confiteor, laudans te, quoniam beneficia tua magna sunt hæc, quibus nos honorificasti, dans nobis Angelos tuos Spiritus in ministeriū nostrum. Dederas enim quidquid cæli ambitu continetur ; & quasi parua reputas hæc quæ sub cælo sunt, nisi adderes etiam ea quæ sunt super cælos.

*Hymnus ad ANGELVM CVSTODEM.*

**A**ngelus nobis datus est patronus,  
Dux vitæ nostræ, medicus salutis,  
Tutor, & recti monitor, magister  
Semper & æqui.

Noster est custos, socius, minister,  
Præses, adiutor, columenque tutum,

Et



Et decus magnum, volucer Parentis  
Nuntius alti.

Erigit lapsos, releuat dolentes,  
Sanat agrotos, recreat iacentes;  
Dirigit cæcas, timidasque firmat  
Robore mentes.

Corripit lapsus hominum benignè,  
Eripit magnis animos periclis,  
Hostis immitis validè sagittas  
Telaque frangens.

Gloriam Patri tribuamus omnes,  
Filij nomen celebrent & hymni,  
Spiritus sancti resonent perennes  
Carmina laudes.

*Vers.* Angeli eorum semper vident, alleluia.

*Resp.* Faciem Patris mei qui in cælis est, allel.

ORATIO.

**O**Mnipotens sempiterne Deus, qui me licet indignum ad imaginem tuam creasti, & Angelum tuum sanctum ad mei custodiam deputasti: da mihi seruo tuo, illius ducatu & custodia, malorum omnium tam animæ quàm corporis pericula feliciter pertransire, & post huius vitæ curriculum, ad gaudia sempiterna peruenire. Amen.



THESAURI  
Precum & Exercitiorum  
Spiritualium

PARS QUARTA

De Sanctis.

EXERCITIVM I.

De Sanctis APOSTOLIS &  
INNOCENTIBVS.



EXERCITIVM sequens ag-  
gressurus cogita SANCTOS  
APOSTOLOS te circumsta-  
re, tamquam Stellas duode-  
cim; quibus te inclinando, fa-  
cies vt in Exercitiis primę par-

tis dictum est.

Primò considera, quando Deus humanam  
carnem assumpsit, APOSTOLOS fuisse, qui eum  
singulari reuerentię significatione loco totius  
generis humani, præcipuè verò electorum, ex-  
ceperunt, ac magno cum amore eidem se asso-  
ciarunt: deinde verò Christo seruasse valdè hu-  
militer propter te, & alios homines: tertio ei-  
dem fuisse à secretis in sacrosanctis recondi-  
tisque mysteriis, ac aliis rebus ad salutem ho-  
minum pertinentibus.

Secun-



Secundò considera ipsos esse Patres Christianæ Religionis, & columnas, quibus salus animarum nostrarum sustinetur. Ipsi namque Maiores nostros à cultu dæmonum, furiarumque omnium infernalium, & ab infinitis superstitionibus, quibus tenebantur impliciti, liberarunt, ostendentes eis verum Deum, & viam salutis æternæ.

Tertiò considera, sicut Deus olim Hebræis propter Abraham, Dauid, & alios Patriarchas seruos suos & electos sæpè pepercit; ita nobis iam parcere, ac frequenter delicta nostra condonare, propter feruentem amorem Sanctorum Apostolorum, & aliorum suorum amicorum: ipsi enim sunt veri nostri Patres, & assidui apud Deum deprecatores.

Quartò considera illos iam nostros esse Ad-uocatos, eo præsertim die, quo illis honorem exhibemus: Iudices etiam aliquando fore, non solum nostros, sed etiam totius mundi. Quocirca illos vereri, teque eis commendare debbis, vt in luctuoso illo & tremendo iudicij die pietatem & misericordiam in te exerceat suam.

Quintò considera B. APOSTOLOS in omni virtutum genere fuisse quidem absolutos, in suprema tamen virtute, quæ est charitas, excelluisse, sic vt ab ea instar Seraphinorum nomen ferè & ordinem acceperint. At beata VIRGO vt nunc in gloria eosdem præcedit spiritus, sic in hac mortali vita nulli in amore Diuino secunda fuit: tum quia plus habuit cælestis gratiæ, cuius primarius effectus est charitas; tum quia maio-

rem habuit notitiam Dei, qui tanto ampliùs diligitur, quanto ampliùs cognoscitur. Reliquas rationes videre est in Medit. 41. R. P. Fràncisci Costeri de vita B. Virginis. Quanta autem APOSTOLI in proximos charitate flagrauerint, hoc ipsorum labores, pœnæ, vita tota, ac denique mors, quam in Ecclesia plantanda & animarum salute procuranda subierunt, satis superque declarant. Hanc autem in VIRGINE ardentiorē fuisse, hinc collige: quòd amicta sole, hoc est, Diuina charitate succēsa, nihil aliud quàm hominum calorem salutemque desiderauerit, & curauerit. Neque id mirum: Diuinum namque amorem nouem mensibus vtero gestaauerat. Deinde totis triginta annis à charitate ipsa de charitate, in schola charitatis, edocta fuerat. Denique studium Filij sui in proximos continuum semper viderat, vtpote ab eo vnice sibi commendatum, sæpiusque inculcatum.

Sextò, de SANCTIS INNOCENTIBVS considera quanta Dei bonitas eluceat in ipsorum gloria: vt quòd Deus eorum mortem non solum pro sacrificio, sed etiam pro martyrio acceptauit. Vbi non fuit votum occisi, sed necessitas; non desiderium morientis, sed crudelitas occidentis; non meritum, sed infortunium. Omnia enim suppleuit Diuina gratia, mutans miseriam in coronam, & casum in meritum: vt discas in imperfectionibus tuis, si pusillanimis sis, non desperare: Deus enim paratus est (modò bona nobis non desit voluntas) imperfectum nostrum supplere.

Colloquium fiat ad eosdem, petendo humiliter, vt præter cetera tibi impetrent vehemens desiderium, & zelum iuuandi animas: auertendo abs te vitia contraria, ea præsertim quæ in præiudiciū cedunt & damnum proximi tui.

Pater noster. Aue Maria.

*Hymnus ad SANCTOS APOSTOLOS  
& INNOCENTES.*

**A** Vete cæli Principes,  
Aue'te mundi lumina,  
Christi sequela nobilis,  
Mundi trementis arbitri.

Omnes in oras gentium  
Cæli tulistis dogmata;  
Pulsis malis erroribus  
Vitæ dedistis semina.

Vos effugastis demonum  
Tot spectra, tot ludibria;  
Vos inferorum luridis  
Nos eruiistis faucibus.

Iuuate nunc ô Cælites,  
Quos procreastis filios;  
Vestris manum nepotibus  
Ne corruant obtendite.

Et vos beati Infantuli,  
Aue'te ô integelluli,  
Cælestis oræ flosculi,  
Vitæ perennis stellulæ.

Summo Parenti Cælitum,  
Magnæque Proli Virginis,  
Sancto simul Paraclito  
Sit summa laus & gloria. Amen.

*Vers.*



*Vers.* In omnem terram exiuit sonus eorum.


*Resp.* Et in fines orbis terræ verba eorum.

*Oratio ad SS. APOSTOLOS.*

**D**Eus, qui nos per beatos Apostolos tuos, ad agnitionem nominis tui venire tribuisti: da nobis, eorum gloriam sempiternam & proficiendo celebrare, & celebrando proficere.

*Oratio ad SS. INNOCENTES.*

**D**Eus, cuius præconium Innocentes Martyres, non loquendo, sed moriendo confessi sunt, omnia in nobis vitiorum mala mortifica; vt fidem tuam, quam lingua nostra loquitur, etiam moribus vita fateatur. Amen.





## EXERCITIVM II.

### De Sanctis MARTYRIBVS.



ON E tibi ob oculos magnum exercitum MARTYRVM adstantem: reliqua vt supra.

Primò considera sanctos MARTYRES propter amorem CHRISTI dirissimè trucidatos fuisse, & quidem ab hominibus crudelissimis; qui nihil humani, nisi corpus & nomen præferentes, cetera dæmonibus ipsis erant quàm simillimi: tales fuerunt Imperatores, Nero, Diocletianus, Maxentius, & alia humanæ naturæ monstra atque portenta.

Secundò considera eos non vno in loco aut ciuitate tantum, sed in variis, imò ferè omnibus locis passos esse: quales potissimum fuerunt, quos per præcipuas Italiæ ciuitates crudelissimè raptatos, in singulis earum noua manebant tormenta; neque post torturas mors accelerabatur, sed longis & lentis cruciatibus protrahebatur.

Tertiò considera acerbitem tormentorum, & infinita genera instrumentorum, quibus sancti MARTYRES dirissimè excarnificati sunt; cuiusmodi fuerunt rotæ, lamine candentes, pali, cruces, equulei, vngulæ, scorpiones, plumbatæ, culei, plumbum liquatum, & id genus alia quamplurima.

Quartò considera, SANCTOS non solum tor-



mentis afflictos fuisse, sed & variis propositis rerum caducarum præmiis allectos; ut quorum inuictos animos infringere tyrannica crudelitas non posset, voluptatum saltem illecebræ emollirent: sed strenuos Christi athletas, contemptis omnibus delitiis, honoribus, diuitiis, & quidquid in mundo est delectabile, immobiles in confessione fidei perstitisse.

Quintò considera, quemadmodum Apostoli fuerint duces & capita veræ Religionis, & primi idololatriæ destructores; ita Sanctos MARTYRES rem ab illis inceptam persecutos fuisse, absoluisseque sanguine suo, diruentes templa diaboli, & è diuerso dilatantes augentesque fidem Catholicam. Vnde & propriam præ ceteris in cælis gloriam, quæ Aureola vocatur, sunt consecuti.

Sextò considera in MARTYRIBVS commendari virtutem fortitudinis, cuius primarius actus est MARTYRIUM. Hæc autem virtus in MATRE DEI supra modum splenduit; eaque omnes MARTYRES superauit. Primò enim rem arduam est aggressa, cum nihil verita odium Iudæorum cruci assisteret intrepida. Non enim ignorabat Apostolorum metum, sciebatque adolescentem qui excitatus strepitu de strato surrexerat relicta sindone effugisse. Secundò grauissimas sustinuit, non sui, sed Filij corporis, in animo suo pœnas; quæ tanto sunt grauiiores in animo, quantum animus corpore præstat. Tertiò, sexus femineus, status virgineus, conditio matris, animus tenerrimus, &

augebant dolores, & fortitudinem Virginis admirabiliorem reddebant. Quartò, vniuersa ferè vita VIRGINIS MATRIS speciem quamdam habuit martyrij ex tot Filij sui persecutionibus, &c.

Colloquium fiat ad eosdem, petendo humiliter, vt præter cetera tibi à Deo impetrent fortitudinem spiritualement tolerandi quæcumque aduersa, & diaboli laqueos superandi. A MATRE autem DEI postula, vt fortiter ea quæ Dei promouent gloriam aggrediaris, magnoque animo perumpas difficultates, & in malis perferendis inuictus reddaris.

Pater noster. — Aue Maria.

Ad SANCTOS MARTYRES *Hymnus.*

**A** Ve cohors fortissima,  
Testes aucte strenui,  
Quos mortis horror imminens  
Non flexit à sententia.

Vos pertulistis fortiter  
Acerbiora funera,  
Quàm parricidis debita  
Parata vel latronibus.  
Non palluistis forcipes,  
Ferrum, faces, nouaculam,  
Tormenta mille, lugubri  
Quæ prodire Tartaro.

Nunc bella post acerrima  
Cælo triumphum ducitis,  
Lætique tot victoriis  
Palma decori viuitis.

Ne nos cadentes, viribus

Nec debiles relinquite,  
 Ne fortè nos vis impia  
 Sternat nigrante turbine.  
 Summo Parenti cælitum,  
 Magnæque Proli Virginis,  
 Sancto simul Paraclito  
 Sit summa laus & gloria.

*Vers.* Pretiosa in conspectu Domini.

*Resp.* Mors Sanctorum eius.

ORATIO.

**P**Ræsta, quæsumus, omnipotens Deus, ut  
 qui gloriosos martyres fortes in sua con-  
 fessione cognouimus, pios apud te in nostra in-  
 tercessione sentiamus. Per Christum Domi-  
 num nostrum. Amen.

ELENCHVS SANCTORVM

*Qui Christianis bellantibus in infideles  
 olim auxilio fuerunt, & eorum qui pro  
 fide fortiter certantes occubuerunt.*

*Priores signum ¶ indicat.*



**A**PPLICABIS his Sanctis, cum vo-  
 les, præcedens exercitium: eosque in-  
 uocabis, si pro fide bellum ingruat;  
 quod si desit, in eo certè quod tibi cum  
 mundo, carne & diabolo est certamine, eorumdem  
 & efflagitabis opem, & sequi conaberis vestigia,  
 iuxta illud Apostoli: Accipite armaturam Dei,  
 ut possitis resistere in die malo, & in omnibus per-  
 fecti stare. State ergo succincti lumbos vestros in



veritate, & induti loricam iustitiæ, & c. in omnibus sumentes scutum fidei, in quo possitis omnia tela nequissimi ignea extinguere: & galeam salutis assumite, & gladium Spiritus (quod est verbum Dei) per omnem orationem & obsecrationem, orantes omni tempore in Spiritu, & in ipso vigilantes in omni instantia & obsecratione pro omnibus Sanctis.

¶ S. MARIA, non immeritò appellata, auxilium periclitantium, turris Dauid, belatrix egregia, acies castrorum ordinata.

¶ S. Michael Princeps exercituum Dei, ac Imperij Romani, ut ait S. Bonavent.

c. 9. Spec.

¶ S. Abraham.

¶ S. Petrus.

¶ S. Moyses.

¶ S. Paulus.

¶ S. Iosue.

¶ S. Andreas.

¶ S. Isaias.

¶ S. Iacobus.

¶ S. Ieremias.

¶ S. Ioannes.

¶ S. Elizæus.

¶ S. Philippus.

¶ S. Ioannes Baptista.

¶ S. Marcus.

Sancti tres Magi, qui Christum in cunis adorauerunt, & in Arabia floruerunt.

S. Carolus, Imperator.

S. Henricus, Imperator Bambergæ.

S. Sigismundus, Rex Burgundiæ.

S. Otho, Imperator.

S. Hermenigildus, Rex in Hispania.

S. Eadmundus, }

S. Richardus, } Reges Angliæ.

S. Osvaldus, }

S. Eduardus, Rex Britannia.

S. Edilbertus, Rex Cantiorum in Anglia.	
S. Stephanus, Rex Hungariæ.	
S. Emericus, Regis Hungariæ filius.	
S. Olauus, Rex Noruegiæ.	
S. Kanutus, Rex Daniæ.	
S. Ludouicus, Rex Franciæ.	
S. Longinus.	SS. Basilides cum
S. Cornelius.	fociis.
S. Sebastianus.	SS. Processus &
S. Agathius.	Martinianus.
S. Marcellus.	SS. Ioannes &
¶ S. Georgius.	Paulus.
S. Gulielmus.	¶ S. Sergius.
S. Andreas.	¶ S. Gallicanus.
¶ S. Mauritius cum	¶ S. Hilarius.
fociis.	¶ S. Germanus.
¶ S. Gereon cum	¶ S. Isidorus.
fociis.	¶ S. Eimarus.
¶ S. Meletius.	¶ S. Stephanus.
S. Alexander.	¶ S. Vencislaus.
S. Victor.	¶ S. Demetrius.
¶ S. Mercurius.	¶ S. Dionysius.
S. Claudius.	S. Artemius.
S. Valentinus.	S. Gerardus.
S. Heliodorus.	S. Theodorus.
S. Martialis.	S. Leontius.
S. Zenon.	S. Leopoldus.
S. Faustus.	S. Bauo.
S. Marcellinus.	S. Rogatus.
S. Gomarus.	S. Modestus.
SS. <u>Quadraginta</u>	S. Quirinus.
milites.	S. Anastasius.

S. Symphorianus.	¶ S. Antonius.
S. Theophilus.	¶ S. Bernardus.
¶ S. Eustachius.	¶ S. Hilarion.
¶ S. Martinus.	¶ S. Iudith.
¶ S. Ambrosius.	¶ S. Maria Magda-
¶ S. Augustinus.	lena.
S. Menna.	¶ S. Clara.
¶ S. Franciscus.	¶ S. Vrsula.

ORATIO *ex Sancto Bernardo*  
*ad SANCTOS MILITES.*

**O** Gloriosissimi sancti Dei Milites, qui Christianæ militiæ duros labores in Angelicæ felicitatis requiem commutastis, respice ad imbelles & imbecilles commilitones vestros; qui inter hostiles gladios, & spirituales nequitias, vestris laudibus occupamur. Dulces patroni, aduocati fideles, fortes athletæ, exurgite in adiutorium nobis, vt & nos de nostra ereptione gaudeamus, & vos de plena victoria gloriemini. O piissime IESV da illis sic de sua gloriari victoria, vt nostrorum non obliuiscantur certaminum, sed nostram in tuo iudicio suscipiant & agant causam.

ORATIO *pro defensione ECCLESIAE.*

**O** Mnipotens sempiterne Deus, in cuius manu sunt omnium potestates, & omnium iura regnorum, respice in auxiliū Christianorum; vt gentes paganorum & hæreticorum, quæ in sua feritate confidunt, dexteræ tuæ potentia conterantur.



ORATIO *sumpta ex Daniele Propheta c.9. ad auertendam belli tempore iram Dininam.*

**D**omine Deus noster, qui eduxisti populum tuum de terra Ægypti in manu forti, & fecisti tibi nomen secundum diem hanc: peccauimus, iniquitatem fecimus Domine in omnem iustitiam tuam: auertatur obsecro ira tua, & furor tuus à ciuitatibus nostris; à monte sancto tuo, & sancta matre nostra Catholica Ecclesia. Propter peccata enim nostra, & iniquitates patrum nostrorum, Ecclesia tua, ac populus eius in opprobrium sunt omnibus hostibus per circuitum. Nunc ergo exaudi, Domine Deus noster, orationes seruorum tuorum; & ostende faciem tuam super sanctuarium tuum quod desertum est, propter temetipsum. Inclina Deus meus aurem tuam, & audi: aperi oculos tuos, & vide desolationem nostram, & ciuitates super quas inuocatum est nomen tuum. Neq. enim in iustificationibus nostris prosterimus preces ante faciem tuam; sed in miserationibus tuis multis. Exaudi Domine; attende & fac; ne moreris, propter temetipsum Deus meus; quia nomen tuum inuocatum est super ciuitates & super populum tuum, Domine Deus noster.

NOTÆ HISTORIALES  
in Elenchum superiorem.

I. **B**eatam VIRGINEM adfuisse sæpius Principibus Christianis contra aduersarios pugnantibus, templa ob hanc causam passim erecta

testan-

testantur. *Quorum omnium instar esse patet B. Mariae in Zel; quod, ob patrocinium aduersus Turcas Vngaris praestitum, erectum est.*

Bonfinius  
in sua hi-  
storia.

Dan. 10.

2. S. MICHAEL, qui vocatur Princeps exercituum Dei, & Princeps Iudaeorum ac Ecclesia, Niceph. lib. 7. c. 50. & Herman. Gigas in sua historia circa annum 330 narrant in traiectu Bosphori apparuisse in somnis Constantino Imperatori, & dixisse: Ego sum Michael Archangelus Domini Sabaoth, Christianorum tutor; qui tibi contra impios tyrannos auxilium praebui: & eam ob causam Constantinum ibidem duas Ecclesias Archangelo Michaeli extruxisse.

Narrat Cromerius lib. 10. histor. Leseum Polonorum principem cum parua manu insecutum multa Lituanorum millia, qui Poloniam dinexabant: cumque ex labore itineris paululum requieuiisset, Michael Archangelus illi adstitit, & suum illi auxilium promisit, ac de victoria certum reddidit; qui victor rediens eidem Angelo Lublini templum extruxit.

Refert Socrat. lib. 7. c. 25. imperante Theodosio in Oriente, Ioannem quemdam in Occidente arripuisse Imperium, & Theodosium mississe aduersus eum exercitum; qui ab Angelo pastoris habitu ductus per occulta loca, subito Rauennam occupauit, & Ioannem oppressit. Tradit Luitprandus lib. 2. hist. c. 14. Vencislaum Boemia Regem occurrisse in finibus Duci Curinensi, qui fines regni huius vastabat, ei que obtulisse singulare certamen, ut multorum cadibus parceret. Vbi ventum est ad manus, Angeli apparere, qui

- Vencissimum protegentes arma ministrabant. Quo viso Dux petiit veniam, eaque obtenta discessit. Notum quoque est quomodo Angelus Domini in castris Assyriorum una nocte deleuerit 185. millia, Ierosolymamque liberauerit.*
4. Reg. c. 19. 3. *Abraham paruo numero domesticorum diuina potius quam humana virtute quatuor Reges debellauit.*
- Gen. 14. 4. *Moses extendens manus contra mare, fecit ut Aegyptij submergerentur: & ipso orante vicit populus Israel; cum verò cessaret, vicit Amalec.*
- Exod. 14. Num. 13. Iosue 16. 5. *Loquente Iosue Domino; Sol contra Gabaon ne moueatis, & luna contra vallem Ailon; steterunt sol & luna, donec ulcisceretur se gens de inimicis suis.*
6. *Triumphus Davidis pueri de gigante Goliath, refertur in libro 1. Regum, c. 17. ac victoria eius celesti planè virtute parta.*
4. Reg. 19. 7. *Precibus Isaia ab Angelo cesa sunt 185. millia Assyriorum.*
2. Mach. 15. 8. *Ieremias orat pro Iuda Machabao, eique gladium tradit, dicens; Accipe sanctum gladium munus à Deo, in quo deicies aduersarios populi mei Israel.*
4. Reg. 6. 9. *Ad preces Elisai exercitus Regis Syria cacitate percussus est.*
10. *Cum Mahometes obsedisset olim Rhodum, & hoc saeculo nostro Solimannus Melitam, vir quidam visus est in aëre, qui Turcas ab ingressu insula arceret, quem plerique Ioannem Baptistam militum patronum esse crediderunt.*



11. Anno 915. cū Ioannes Decimus exercitum misisset in Apuliam aduersus Saracenos, Petrum & Paulum in iis praliis conspectos, victoriam Christianis maximam peperisse narrat. Luitprandus lib. 2. c. 14. Eosdem quoque in oppugnatione Rhodi conspectos noctu incensis facibus circa mœnia excubantes, ac ubi iam ferè oppidum caperetur, minaci vultu Barbaros repulisse, refert Sabellicus lib. 1. dec. 4.

12. Anno 198. cū Antiochia premeretur à Tyrius lib. 6. c. 4. Turcis, S. Andreas apparuit Petro cuidam clerico, monens ut Christiana militia Principibus suo nomine ediceret, ut in Ecclesia Principis Apostolorum lanceam, qua transfixus est Christus, defossam humi quærerent; qua cū vñ essent, victoriam reportarent.

13. Post annum Domini 826. cū Ramirus totum diem aduersus Saracenos pugnasset, noctu ipsi S. Iacobus adstitit, qui iussit ut omnes peccata sua confiterentur, & Eucharistiam sumerent. Quod ubi factum est, sexaginta millia hostium fusa sunt. Eo in pralio ipse Apostolus equo candido vectus cum vexillo nino, quod rubra crux transversa distinguebat, apparuit. Quo signo gens ea etiamnum vitur, quando ad bella procedit. Simile quid hac nostra ætate in India accidisse, refert Cardanius, cū pauci Hispani à 40. millibus Indorum premerentur.

14. Theodosius Imperator aduersus Eugenium pugnans, nec suis fidens viribus, tota nocte precibus exacta, sub galli cantu somno oppressus, vidit duos viros albo habitu indutos, qui animum

adde-

Roder.  
Tolet.  
Archiep.  
in Histor.  
c. Fulg.  
lib. 1. c. 6.

De rerū  
varietate,  
lib. 15.  
cap. 81.

addherent, dicerentque se fore antesignanos. Horum alterum fuisse Ioannem Euangelistam, alterum Philippum Apostolum, testatur Theodoretus & Cuspinianus lib. 5. hist. c. 24.

Lib. 4.  
hist.

15. Cum Henricus II. Imperator Boleslaum debellaret, visi sunt sancti Martyres, Georgius, Laurentius, & Adrianus, exercitum ducere, & hostium cuneos dissipare. Amilius refert Georgium, Demetrium, Mercurium Romanis ante Syriae Metropolim pugnantibus auxilium tulisse; fuisseque non tantum à Christianis, sed etiam ab aduersariis, animaduersos tres equites qui hostes fugarent. Sic Thessalonicenses à Bulgaris per S. Demetrium liberati sunt, ex cuius equo ignis exiliens magnum incussit hostibus terrorem.

Euagrius  
lib. 4. c. 3.

16. Rex Persarum obsidens Sergiopolim, existimans eam defensoribus vacuam, vidit innumeros milites in mœnibus dispositos, atque optime armatos: cumque id fieri naturaliter non posse cognosceret, tribuit hoc sancto Martyri Sergio, obsidionemque soluit.

17. Gallicanus, voto Deo facto, scilicet, fore se Christianum, idque ex instinctu Pauli & Ioannis, si ab hostibus liberaretur, Scythas ex Thracia eiecit, fecitque Romani Imperij tributarios. Vide qua habet Surius in Vita Gallicani, 26. Iunij; ubi concludit horum Sanctorum ope ac consilio victoriam esse concessam.

Guicciardin.  
lib. 2.  
hist.

18. Carolus VIII. Galliarum Rex cum à Francisco Gonzaga ferme opprimeretur, voto sancto Martino & Dionysio nuncupato victor euasit.

19. Cum Sabaria à Turcis obsideretur, &



moenia in ipsorum quasi potestate essent, apparuit in aëre eques, qui stricto gladio minitans hostes abegit. Existimarunt cives Martinum fuisse loci illius quondam incolam. Visum quoque fuisse S. Ambrosium, cum Conradus II. Imperator Mediolanum obsideret, exitumque minatum esse, nisi obsidionem solueret, Cuspinianus ait, lib. 13. Paulus Diac. dicit Azaxilam Imperatoris Romani ducem instructum ab Ambrosio, quomodo superandi essent in Africa Barbari. Ita cum Mediolanum à Methis & Heluetiis anno 1330. vexaretur, visus est idē Ambrosius flagello Barbaros insectans. Inde factum est, ut deinceps cum flagello depingeretur. D. Augustinus moriens obtinuit, ut ciuitas sua liberaretur ab hostibus, ut patet in eius Vita.

Fulgosus  
lib. 1. c. 6.

20. Pharos ignea de Hilarij basilica egressa, visa est Alarico Regi tamquam super se aduenire, atque ita territus à cæptis recessit. Hac tempore Clodonai Regis Francia, ut refert Greg. Turon. lib. 2. histor. c. 37. Bonfin. lib. 4. decade 1. Et Germanus Saxones Gallos grani bello infectates, sola Diuini nominis acclamatione fugauit.

21. Post annum 1126. Alphonsus Rex Hispania cum Baticam obsidione cinxisset, in somnis admonitus & confirmatus à S. Isidoro, praelio commisso victor enasit: teste Roder. Tol.

22. Quo die Godefridus Bolionius Ierosolymam expugnauit, visus est S. Eimarus Episcopus praire, & alios ad strenue pugnandum excitare.

Fulgosus  
lib. 1. c. 6.

23. Cum Conradus Imperator aduersus Regem Vngarorum S. Stephanum exercitū duxisset,

pridie



pridie eius diei quo pugna erat indicta, tessera-  
rius quidam per Casarianorum militum contu-  
bernia & ientoria discurret, qui Imperatoris edi-  
cto Germanum quemque solutis castris domum  
repetere iubet. Nocte insequenti antequam luce-  
sceret, Conradus conspicit soluta castra, nec potuit  
auctor huius facti inueniri. quare hoc existimauit  
oratione Stephani accidisse, & datis simul dexte-  
ris domum rediit.

24. S. Franciscum plurimas compescuisse se-  
ditiones, ipsius Annales perhibent.

25. De S. Antonio refert Athanas. sæpe ipsum  
discipulis suis referre solitum, Imperatores à se  
auxilium in bellis expetivisse: nec dubium est quin  
obtinuerint. Ita S. Bernardus, ut in Vita eius di-  
citur, gravissima dissidia ad arma deducta leni  
sermone suo terminavit.

26. S. Hilarion, primum in Licinio militavit,  
sed postmodum ad fidem conuersus exitit lumen  
Monachorum.

27. S. Judith victoriam de Holoferne repor-  
tauit, ut sacra narrat Historia. Territus Ale-  
xander Magnus cōspectu Iaddi summi Sacerdo-  
tis, pepercit Ierosolymis, teste Iosepho lib. 11. c. ult.

28. Carolus Rex Sicilia bello navali cum Re-  
ge Aragonum congressus circa annum Domini  
1279. apud Barcinonem capitur, obscuroque car-  
ceri mancipatur: in quo cum se ieiunio & oratione  
B. Maria Magdalena commendasset, pridie fe-  
sti sui adstitit innocata, Regique praecepit, ut  
se sequeretur, quem intra breue tempus proprio  
Regno restituit.

Surius  
in vita  
S. Magd.  
21. Iunij.

29. S. Cla-

29. *S. Clara inſit deferri ad oſtium monaſte-  
rij venerabile Euchariftia Sacramentum, & in  
oratione poſita, urbem à Saracenorum crudelita-  
te liberavit. Ita Surius in Vita ipſius, cap. 14.  
& 15.*

30. *Temporibus Clementis IV. anno Domini  
1266. cùm Colonia obſidione cingeretur, Comes  
Cliuſis & Stephanus de VVylen vno in tento-  
rio nocte quieſcentes, viderunt ſanctam Vrfulam  
radianti corona præfulgidam, cum turba vnde-  
cim millium Virginum, SS. quoque Maurorum  
ac Thebaorum agmina ( vt antiquæ imagines in  
monaſterio Pantaleonis, & in antiqua Baſilica  
S. Gereonis teſtantur ) ciuitatem & portas roſeis  
crucibus conſignare, & contra hoſtium vim ac po-  
tentiam præmunire. Hoc miraculo territi hoſtes,  
abierunt.*

*Deniq. teſtatur Euſebius, poſt Tertullianum,  
in exercitu Marci Antonini Imperatoris, dum  
pugnaret aduerſus Marcomannos & Quados,  
fuiſſe Legionem Chriſtianorum, quæ, cùm ſiti ex-  
trema premeretur exercitus, precibus à Deo plu-  
uiam & fulmina impetrarit, quibus hoſtes debel-  
lati ſunt. Et anno decimo Leonis Iſauri Impera-  
toris, Saraceni Nicaam Bithynia obſidebant:  
verùm poſt deiectos muros, apparitione Sancto-  
rum qui in ea coluntur, territi, re infecta receſſe-  
runt; vt ait Cedrenus.*

*Bredenb.  
lib. 4. cap.  
22.*







## EXERCITIVM III.

De SS. Doctoribus, Confessoribus, & Pontificibus.

*Praludia vt supra.*



RIMÒ considera Sanctos Episcopos fuisse successores Apostolorum, per quos longè lateque aucta fuit & propagata Catholica Religio. Cuius rei illustre habemus exemplum in sancto Bonifacio Apostolo Germaniæ; qui, teste Gregorio Papa secundo, vltra cētum millia hominum in vna illa prouincia ad fidem Romanam reduxit, exceptis infinitis aliis vicinarum regionum populis ab eodem ad dictam fidem conuersis. Item de sancto Vincentio, quem aiunt conuertisse 8000. millia Saracenorum, Iudæorum 25000. peccatorum verò 100000.

Secundò, illos fuisse patres ac lumina mundi, præcipuè verò earum prouinciarum ac ciuitatum quibus ipsi præerant: atque virtutibus suis & miraculis tam ethnicorum quàm prauorum Christianorum saluasse animas.

Tertiò considera, eos difficilia valdè & ardua, vt ad summam perfectionem pertingerēt, superasse, dum contemplatione rerum celestium, & assiduis occupationibus circa salutem

Cc

anima-

animarum, sanctissimæ Saluatoris nostri vitæ & vestigiis institerunt: neque diebus quietem, neque noctibus admittentes; quippe qui has orationibus, illos piis operibus transigebant.

Quartò considera, eos non solum cultum dæmonum ex hoc mundo sustulisse, aut innumerabilia eaq. enormia radicitus euulsisse peccata; sed etiam pestilentissimas quasque hæreses funditus extirpasse: quod multò est difficilius, quàm aut conuertere Ethnicos, aut malos Christianos in viam salutis perducere.

Quintò considera, eos non solum in vita, sed etiam post mortem, Christi fidelium curam habere; earum maximè ciuitatum & prouinciarum, quas ipsi olim tamquam vigilantissimi Pastores salutari doctrina gubernarunt & pauerunt: pro iisdem nunc apud Deum existentes assidui deprecatores & aduocati.

Sextò considera VIRGINIS MATRIS diuinam sapientiam, & sanctas illi coniunctas virtutes. Hæc enim, cum insigni polleret ingenio tenaciq. memoria, totis triginta annis quibus Filium suum vel virtutes exercentem conspexit, vel docentem sola audiuit, multò ampliùs profecit, quàm quisquam Apostolorum vel Doctorum. Cum porrò descenderet Spiritus sanctus in Apostolos, vt eos omnem doceret veritatem, hanc vtique Dei Matrem priùs eruditam, etiam multò ampliori sapientia repleuit. CONFESSORES autem Sanctos, qui vel in persecutionibus Christi fidem palàm in iudicio cõfessi sunt, vel qui vitæ sanctitate illustre fidei

testimo-

testimonium dederunt, ac cum mundo, carne, & diabolo summa animi patientia decertarunt, BEATA VIRGO longè superauit; cuius iniuria eo fuit indignior & pœna grauior, quo nobilior ipsa erat, & viliores illi, qui inferebant, & grauiora mala quæ irrogabantur. Patiebatur Regina cælorum, Dei Creatoris mater, &c. & quidem à vilissimis Iudæis & improbiſſimis hominibus. Pertulit porro exilium, paupertatem, irrisiōem; & hæc omnia patienti animo, qui sui semper similis, nec malis deiciebatur, nec prosperis efferebatur.

Colloquium fiat ad eosdem, & ad VIRGINEM MARIAM, petendo humiliter, vt tibi præter cetera, à Deo impetrent cognitionem rerum cœlestium, patientiæ & mansuetudinis virtutem, ac denique puram rectamque in omnibus actionibus tuam intentionem.

Pater noster. Aue Maria.

#### H Y M N V S.

**A** Vete sacri Præsules,  
 Antistites iustissimi;  
 Iter salutis inuium,  
 Qui reddidistis peruium.  
 Virtutis almæ semitam,  
 Qui tradidistis gentibus;  
 Qui veritatis candidæ  
 Pugnaſtis ob sententiam.  
 Tot impiorum dogmata,  
 Tot inquinatas hæreses,  
 Sermone, signis, moribus,  
 Nostro fugastis climate.



Tristi migrastis sæculo,  
 Estis tamen superstites,  
 Vestris notata litteris  
 Imago viuit nobilis.  
 Quis posse det vestigiis  
 Hæreæ nobis talibus?  
 Præcepta quis salubria  
 His figat in præcordiis?  
 Summo Parenti cælitum,  
 Magnæque proli Virginis,  
 Sancto simul Paraclito  
 Sit summa laus & gloria. Amen.

*Vers.* Elegit vos Dominus sacerdotes sibi.  
*Resp.* Ad sacrificandum ei hostiam laudis.

## O R A T I O.

**E**Xaudi, quæsumus Domine, preces nostras:  
 & per Beatos Confessores tuos, Pontifices  
 atque Doctores, qui tibi dignè meruerunt fa-  
 mulari, ab omnibus nos absolue peccatis. Per  
 Christum Dominum nostrum. Amen.

## ELENCHVS SANCTORVM,

*Qui Gentes, ac in primis Belgas,  
 legem Christi docuerunt.*



.P E T R V S pastor ouium & prin-  
 cept Apostolorum, Catholicæ &  
 Romanæ Ecclesiæ post Chri-  
 stum caput ac decus.

S. Paulus gentium in fide, & veritatis Doctor.  
 Hi Antiochiam, Pontum, Cappadociam,

Gala-

Galatiam, Bithyniam, Asiam, Græciam, Cyprum, Italiam, Romam, &c. lumine fidei illustrarunt, anno Domini 38. & 68.

S. Andreas crucis amator, Achaïam & Scythiam ad sanctam & Apostolicam Romanam fidem conuertit.

S. Iacobus Hispanorum Apostolus, & inter Apostolos protomartyr, Hispaniam.

S. Ioannes dilectus Christi discipulus, Euangelista & Propheta, Asiam.

S. Iacobus frater Domini, & primus Ierosolymorum Episcopus, Iudæam excoluit.

S. Philippus Phrygiam, & Scythiam.

S. Thomas Parthos, Medos, Persas, Bactros, Hyrcanos, Indos, & (vt aliqui volunt) Germanos docuit.

S. Bartholomæus Indos citeriores.

S. Mattheus Euāg. & S. Matthias Æthiopes.

S. Simon Ægypti, Cyrenes, & Aphricæ oras fide imbuit.

S. Iudas Thadæus Persidis & Mesopotamiæ Apostolus primus exstitit.

S. Marcus Euangelista, Alexandria.

S. Lucas medicus nobilis, & Euangelista, D. Pauli Apostoli sectator, ac omnis peregrinationis eius comes, easdem cum eo regiones lustrauit.

S. Dionysius primus Galliæ fidem orthodoxam annuntiavit.

S. Maternus, Eucharis, Valerius, primi Germaniæ fuere ac Belgij Apostoli, nec non Treuirenses Episcopi, anno 101.

S. Remigius opus Euangelij à S. Dionysio  
cœptum in Gallia perfecit, anno 499.

S. Siluester baptizato Constantino toti Impe-  
rio fidem annuntiauit, anno 314.

SS. Damianus, Fugatus, & Augustinus An-  
glos ad fidem adduxerunt, anno 150. & an-  
no 590.

S. Palladius Scotos, anno 203.

SS. Egbertus & Patricius Hibernos, anno  
423. Alij, anno 493.

S. Leander Episcopus fidei in Hispania re-  
staurator fuit, anno 590. Alij, 600.

S. Martinus Sueuiam ab Arianismo reuoca-  
uit, anno 540.

S. Vigbertus Traiectum conuertit, anno 528.

S. Willibrordus Frisiam excoluit, anno 690.

S. Wilbertus Hollandiam.

S. Willibertus Axeliam.

S. Willibaldus Hulstium.

S. Winiboldus Biervlitum.

S. Lebuinus

S. Evvaldus

S. Werenfridus

S. Marcellinus

S. Adelbertus

} Gelriam & Westphaliam  
inuenerunt.

SS. Emebertinus & Arnolphus Braban-  
tiam, Flandriam & Hannoniam doctrina  
Apostolica imbuerunt, anno 686.

S. Rumoldus Mechliniam, anno 770. hic  
Mechliniæ colitur Kal. Iulij.

S. Bonifacius Germaniam, anno 716.

S. Heridagus Daniam, an. 710. Alij, an. 760.

S. Ari-



S. Arigarius Daciam, Suetiam, Gothiam,  
Gronlandiam & Boëmiā, anno 816.

S. Adelbertus Pannoniam, Russiam, Litua-  
niam, Moscouiam, Prussiam, Poloniam, an-  
no 980.

S. Bruno Ruthenos, anno 1025.

S. Otho Pomeraniam, sanam & Apostolicam  
fidem docuit, anno 1123.

ELENCHVS, alter SANCTORVM Belgij,  
*cum indicio loci in quo vel eorum ossa seruan-  
tur vel memoria est celebrior.*

**S.** Amelberga cum filiabus Pharailde,  
Reinilde, Gandaui coluntur, 8. Ian.

S. Gudula Bruxellæ, quæ Regia est Ducum  
Brabantia, Ianuar. 4.

S. Bertilia cum filiabus Waldetrude, Alde-  
gonde, Mareoli, Mont. Hannonia, Mal-  
bodij, 3. Ianuar. & 9. Aprilis.

S. Arnulphus, Cisonij, 28. Ianuar.

S. Berlendis, Merbecæ iuxta Niniuen, die 3.  
Febr. colitur.

S. Vedastus, Atrebat, die 6.

S. Amandus, in monasterio eiusdem.

S. Chrysolius, Cominij, die 7.

S. Lambertus, Leodij, die 7.

S. Siluinus, Audomaropoli.

S. Saluius cū socio Superio, iuxta Valencenas.

S. Eleutherius, Tornaci, die 20.

S. Aldetrudis cum sorore Magdelberta,  
Malbodij & Leodij, die 25. & 7. Septemb.

S. Vindecianus Atreb. Episc. in monte S. Eli-  
gi, Martij 11.

- S. Aldelfendis, Marchianis, die 16.  
S. Gertrudis, Niuellæ, die 17.  
S. Amandus, Gandaui, die 19.  
S. Drogo, Valencenis, Aprilis 9.  
S. Erkembodus, Audomaropoli, die 12.  
S. Floribertus, Gandaui in S. Petro, die 25.  
S. Walburgis, Furnis in Flandria, Maij 1.  
S. Albertus, Crispinij, die 2.  
S. Walbertus Comes Arkenfis.  
S. Maurontus, Duaci, die 4.  
S. Rictrudis cum filiabus Clotsende & Eusebia, Marchianis, die 12.  
S. Seruatius Tongrensiū Episcopus, Traiecti, die 13.  
S. Dymna, in Ghele.  
S. Adrianus, Montibus S. Gerardi, die 27.  
S. Landelinus, Lobiis, Iunij 15.  
S. Cyricus, in Monasterio S. Amandi, die 16.  
S. Itisberga, soror Caroli magni, iuxta Aëriam, die 20.  
S. Hidulphus Dux Lobienfis, Binchij, die 23.  
S. Oduinus, Hougardiæ, die 25.  
S. Regina cum filiabus Raffrende & Aua, Dononij iuxta Valencenas, Iulij 1.  
S. Erto, Lætiis, die 10.  
S. Levvina, Bergis, die 24.  
S. Bauo, Gandaui in S. Petro, Augusti 1.  
S. Ionatus, Marchianis.  
S. Abel, Binchij, die 5.  
S. Gaugericus Cameracensis Episc. Colonia, die 11.  
S. Maurus, in Abbatia Florinenfi, die 22.

S. Ber-

- S. Bertinus, Audomaropoli, Septemb. 5.  
 S. Madelberta, Leodij, die 7.  
 S. Orgerus, Ruremondæ, die 10.  
 S. Vinciana, Gandaui, die 11.  
 S. Guido & Wanedulphus, Anderlaci iuxta  
 Bruxellam.  
 S. Hiltrudis, Latiis, die 27.  
 S. Piatas Tornacensis Apostolus, Siclinij  
 quiescit, Octob. 1.  
 S. Gerardus, Bronij iuxta Namurcum, die 3.  
 S. Valeria, in Hunolcourt, die 8.  
 S. Gisleus, in Hannonia, die 9.  
 S. Olla, iuxta Cameracum.  
 S. Venantius, iuxta Aëriam, die 10.  
 S. Gummarus, Liræ in Brabantia, die 11.  
 S. Donatianus, Brugensium Patronus,  
 die 14.  
 S. Gosuinus, Aquicincti, die 16.  
 S. Gurdinellus & S. Amatus, Duaci, die 19.  
 S. Willebrordus, Grauelinganorum Patro-  
 nus, Luxemburgi.  
 S. Oelbertus, iuxta Antwerpiam, die 22.  
 S. Oda, prope Huyum, die 23.  
 S. Vulganus, Lendij, Nouemb. 2.  
 S. Hubertus, Andanij, die 3.  
 S. Winocus, Bergis, die 6.  
 S. Maxellendis, partim Cameraci, partim  
 Cameracesij, die 13.  
 S. Trudo, in oppido eiusdem, die 23.  
 S. Sarius, Cameraci.  
 S. Maximus, Ypris, die 27.  
 S. Radbodus, Dauentriæ, die 29.



S. Eligius, partim Brugis, partim Nouiomi,  
Decemb. 1.

S. Autbertus, Cameraci, die 13.

S. Euerardus, Dux Foroiulienfis, Cameraci,  
die 16.

Hi sunt post Apostolicos viros, Sancti præcipui qui Belgium nostrum, quâ doctrina, quâ vitæ sanctitate illustrarunt: hos proinde tamquam fidei nostræ auctores & conseruatores, & Belgij Patronos, omni tempore, sed maximè schismatis vel heresis inualefcentis, magna pietate ad obtinendum auxilium inuocabis.

ORATIO ad SANCTOS pro *Prouincia afflictâ,*  
*ex Victore Vtic. l. 3. hist.*

**A**destote Angeli Dei mei, qui numquam deestis, constituti in ministerio vestro, propter eos qui hereditatem capeffuri sunt æternæ salutis, & videte prouinciam nostram totam dudum tantarum ecclesiarum cuneis fultam, nunc ab omnibus desolatam; tantis ordinibus sacerdotum ornatam, modò sedentem viduam & abiectam.

Considerate & videte quia Sion ciuitas Dei nostri facta est vilis: facta quasi polluta menstruis inter inimicos suos. Manum suam misit hostis ad omnia desiderabilia eius, quia vidit gentes inuadere, & ingredi atria sua, de quibus præceperas, ne introirent ecclesiam tuam. Viæ eius lugent, eò quòd nemo veniat in die festo. Egressus est à facie eius omnis decor, & delicia, didicerunt vias asperas ambulare. Virgines & iuuenes eius in aulis educati monasteriorum,

riorum, abierunt in captiuitatem inimicorum, dum lapides sancti eius disperguntur in capitibus omnium platearum. Dicite Deo nostro susceptori, & habentes fiduciam supplicandi, quoniam tribulatur, & venter illius turbatus est à fletu eius, quia sedit inter gentes, & requiem non inuenit, nec est. qui consoletur eam. Quasiuit qui simul contristaretur, & non fuit; consolantem, & non inuenit: dum manducaret in esca sua fel, & in siti sua potaretur aceto; sponsi & Domini sui passionem imitando, qui idcirco passus est pro ea, ut sequatur vestigia eius.

Deprecamini Patriarchæ, de quorum stirpe nata est, quæ nunc laborat in terris, ecclesia. Orate sancti Propheta, cognoscentes afflictam, quam antea vaticinante præconio cecinistis. Estote Apostoli suffragatores eius; quam ut congregaretis, vniuersum orbem, ascendente in vobis Domino, ut equi velocissimi, cursitastis. Præcipue tu beate Petre, quare siles pro ouibus, & agnis, à communi Domino magna tibi cautela & sollicitudine commendatis?

Tu sancte Paule gentium magister, qui ab Ierusalem vsque ad Illyricum prædicasti Euangelium Dei? Agnosce quid hæretici faciunt, & filij tui gemunt lugendo captiui. Vniuersique ingemiscite sancti simul pro nobis Apostoli.

Sed scimus quia indignum est vobis pro nobis orare: quia ista quæ venerunt nobis, non ad probationem, quomodo Sanctis, sed malis meritis supplicia debebantur: sed & pro malis

orate

orate iam filiis, quia & Christus orauit etiam pro inimicis Iudæis. Sufficiant castigationi, quæ iustè illata sunt nobis, & iam iamque delinquentibus venia postuletur. Dicatur Angelo percutienti: Sufficit, iam cohibe manum tuam. Quis ignoret hæc nobis probrorum nostrorum scelera procurasse, aberrantibus à mandatis Dei, & in lege eius nolentibus ambulare? sed prostrati rogamus, vt non spernatis vestros miseros peccatores, per eum qui vos ad Apostolicum culmen prouexit humiles piscatores, Dominum nostrum Iesum Christum, qui est benedictus in sæcula.

## PSALMVS.

Psal. 45.

**D**eus noster refugium & virtus: adiutor in tribulationibus, quæ inuenerunt nos nimis.

Propterea non timebimus dum turbabitur terra: & transferentur montes in cor maris.

Sonuerunt, & turbatæ sunt aquæ eorum: conturbati sunt montes in fortitudine eius.

Fluminis impetus lætificat ciuitatem Dei: sanctificauit tabernaculum suum Altissimus.

Deus in medio eius, non commouebitur: adiuuabit eam Deus manè diluculo.

Conturbatæ sunt gentes, & inclinata sunt regna: dedit vocem suam, mota est terra.

Dominus virtutum nobiscum: susceptor noster Deus Iacob.

Venite, & videte opera Domini, quæ posuit prodigia super terram: auferens bella vsque ad finem terræ.



Arcum conterer, & confringer arma: & scuta comburent igni.

Vacate, & videte quoniam ego sum Deus: exaltabor in gentibus, & exaltabor in terra.

Dominus virtutum nobiscum: susceptor noster Deus Iacob.

Gloria Patri, &c.

*Vers.* Domine clamaui ad te, exaudi me.

*Resp.* Intende voci meę, cū clamaui ad te.

*Vers.* Effundo in cōspectu tuo orationē meam.

*Resp.* Et tribulationē meam ante te pronuntio.

*Vers.* Rogate quę ad pacem sunt Ierusalem.

*Resp.* Et abundantia diligentibus te.

*Vers.* Fiat pax in virtute tua.

*Resp.* Et abundantia in turribus tuis.

*Vers.* Suscipiant montes pacem populo.

*Resp.* Et colles iustitiam.

*Vers.* Exurgat Deus, & dissipetur inimici eius.

*Resp.* Et fugiant qui oderunt eum, à facie eius.

*Vers.* Deus ne elongeris à me.

*Resp.* Deus meus in auxilium meum respice.

*Vers.* Adiutor meus, & liberator meus es tu.

*Resp.* Domine ne moreris.

*Vers.* Domine exaudi, &c.

*Resp.* Et clamor meus, &c.

*Vers.* Dñs vobiscum. *Resp.* Et cum spiritu tuo.

**D**Eus, qui conteris bella, & impugnatores in te sperantium, potentia tuę defensionis expugnas, auxiliare famulis tuis, implorantibus misericordiam tuam: vt omnium inimicorum nostrorum feritate depressa, incessabili te gratiarum actione laudemus.



# EXERCITIUM IV.

## De Sanctis Sacerdotibus, Anachoretis, & Cœnobitis.

*Preparatio superiori similis.*



RIMÒ considera , quale & quàm arduum sit SACERDOTVM munus, totiusque Cleri; nempe, vt in hoc mundo & Angelicum & plusquam Angelicum officium colant. Angelicum quidem , dum in continua Dei laude occupantur ; plusquam Angelicum verò, dum Christi corpus ore conficiunt , sacrificium tremendum Deo offerunt, Sacramenta ministrāt, animas regunt, atque ad æternam salutem sanctis legibus, monitis, & præceptis dirigunt.

Tu si clero es ascriptus, expende quàm exigua sollicitudine in his muniis verferis ; anne maiore cura pecunias, honores, delicias , voluptates, vanitates, & nugas cogites, desideres, loquaris , confecteris . Attende tuæ magnitudinem dignitatis. Non enim in mortis hora à te pecuniæ repetentur , sed animæ , & diuini honoris , Sacramentorumque ritè per te ministratorum ratio.

Secundò considera EREMITARVM & ANACHORETARVM vitam , quam in solitudinibus & desertis locis summa cum pietate & austeri-

tate



tate tranſegerunt. Qualis fuit S. Paulus ex Thebaide, qui ab anno ætatis decimoquinto uſque ad centefimum decimum tertium hominibus incognitus vixit; & Simeon Stilites, qui in altiffima quadraginta cubitorum columna ſolus ſub dio multis annis perſeuerauit; & infiniti alij, qui in tenera ſua ætate, & à primis quaſi annis mundum reliquere, petiuere loca deſerta & inculta, ad vnius Dei ſeruitutem tantum apta: vt ita ſtatim poſt receptam per baptiſmum innocentiam, perfectionis viam ingrederentur, vitam in ea ducentes Angelicam.

Tertiò, hos omnes res terrenas & caducas, quas hoc tempore homines vt acquirat & conſeruent, paſſim ſe mutuò trucidant, ſine planctu, ſine lacrymis, ſine vllis ſuſpiriis, imò cum ingenti gaudio reliquiſſe, paupertatem reputantes diuitias, tribulationes conſolationem, contemptum verò honorem.

Quartò, eos non ſolum ab hominibus, ſed multo grauiùs à demonibus ipsis afflictoſ fuiſſe atque tentatoſ: ſicut legimus de ſanctiſſimis viris, Antonio, Hilarione, ac Patre illo, qui per quatuor continuos annos ne vnicam quidem horam quietam habebat.

Quin.ò, eos, quamuis non minùs ac noſ omnibus ſubiecto fuerint neceſſitatibus humanis, in tanta tamen vixiſſe abſtinentia, vt homines ſine corpore videri potuerint; preces interim fundentes ad Deum continuas, Angelorum inſtar, qui temper diuinam contemplan-tes maiestatem, eam laudant atque glorificant.

Sextò,

Sextò, vitam illorum plenam fuisse stuporis & admirationis. Primò ob eximiam eius puritatem: secundò, propter magnitudinem & frequentiam miraculorum: tertio, propter conuersionem infinitarum pænè animarum ad vitam meliorem: quartò, ob rarum & excellens genus mortis à plurimis obitæ.

Septimò considera sanctorum COENOBITARVM, præter alias virtutes, singularem obedientiam, in eo ferè positam, quòd Superiori, tamquam Christi Domini vicario, promptè, integrè, alacriter obedierint.

Octauò considera, Beatissimam MATREM DEI hos omnes sanctitate superasse; multa enim illa Sacerdotibus similia ex officio Matris fecit. Non consecrauit illa Christi corpus, sed beatis illis verbis, ECCE ANCILLA DOMINI, Luc. 1. FIAT MIHI SECUNDVM VERBUM TVVM, Dei Filium humana carne in utero vestiuit. Hoc sacrum corpus, suo sancto corpore nouem mensibus, velut in nobilissima theca aut ciborio, circumgestauit: natum postea manibus tractauit, omnibus videndum, tenendum, osculandum, venerandum exhibuit, &c.

Et si autem ab hominum consuetudine in deserta loca non abierit, vt imitata CHRISTVM Filium suum, nobis vitæ exempla relinqueret, fuit tamen solitudinis amantissima: vt fuit & filius, qui post quadraginta dierum ieiunium, frequens noctes integras duxit insomnes in oratione, & quidem in monte. Vnde factum est, vt in conclauì frequenter cum Deo versa-

retur, raro & breuiter loqueretur, multum-  
 que sileret: obedientiam porro tanto studio  
 coleret, vt ne Cæsaris quidem Augusti in or-  
 bis descriptione mandatum, quantumuis præ-  
 gnans, negligendum putaret, purificationis le-  
 gem, vt esset ab ea libera, haud transiliret, sem-  
 per illud gestans in pectore: ECCE ANCILLA  
 DOMINI, FIAT MIHI SECUNDVM VERBUM  
 TVVM.

Colloquium fiat ad eosdem, petendo humi-  
 liter, vt ubi impetrant attentionem & cordis  
 puritatem in oratione: abnegationem omnium  
 rerum terrenarum, tui ipsius, & propriæ vo-  
 luntatis, carnisque (per veram pœnitentiam)  
 mortificationem, in loquendo modestiam, in  
 agendo prudentiam, in omnibus promptissi-  
 mam obedientiam, quod virtutibus perfectio-  
 rum instructus eius maiestati placeas, & præ-  
 mium piè conuersantibus paratum adipiscere.

Pater noster. Ave Maria.

Ad SS. RELIGIOSOS ac EREMITAS

*Hymnus.*

**A** Vete solitudinis  
 Claustrique mites incolæ,  
 Qui pertulistis impios  
 Cœtus furentis Tartari.  
 Gemmas & auri pondera,  
 Et dignitatum culmina  
 Calcastis, & fœdissima  
 Quæ mundus offert gaudia.  
 Vobis olus cibaria  
 Fuere, vel legumina;

Potum-



Potumque lymphæ præbuit,  
 Humusque dura lectulum.  
 Vixistis inter aspides,  
 Scævisque cum draconibus;  
 Portenta nec teterrima  
 Vos terruere dæmonum.  
 Rebus procul mortalibus,  
 Mens auolabat feruida;  
 Diuumque iuncta cœtui  
 Hærebat inter sidera.  
 Summo Parenti cælitum,  
 Magnæque Proli Virginis,  
 Sancto simul Paraclito,  
 Sit summa laus & gloria. Amen.

*Vers.* Iustos deduxit Dominus per vias rectas.

*Resp.* Et ostendit illis regnum Dei.

ORATIO.

**A**desto Domine supplicationibus nostris,  
 quas in beatorum Sacerdotum, Anacho-  
 retarum, & Monachorum Confessorum tuo-  
 rum memoria deferimus: vt qui nostræ iusti-  
 tiæ fiduciam non habemus, eorum qui tibi pla-  
 cuerunt precibus adiuuemur. Per Christum  
 Dominum nostrum.



## EXERCITIVM V.

De Sanctis Virginibus Martyribus  
& non Martyribus.*Praludia communia erunt.*

R I M ò considera, VIRGINES  
CHRISTO virginitate voto in-  
solubili non rarò firmata de-  
sponsari : cuius amore infini-  
tæ pænè iam cum eo regnan-  
tes , omnem à se & sensuum  
& cogitationum fœditatem repulerunt. Vnde  
B. Agnes ad Tyrannum castitati insidiantem:  
Ipsi sum desponsata, cui Angeli seruiunt, cuius  
pulchritudinem sol & luna mirantur.

Secundò considera ingenuum VIRGINVM  
candorem , puritatem animi , atque integrita-  
tem : quæ tanta fuit , vt per eam sibi societatem  
& familiaritatem cum Angelis comparauerint.  
vt in SS. Agnete & Cæcilia patet.

Tertiò, plurimas illarum seruasse virginita-  
tem vsque ad extremam ætatem , & id non in  
cœnobiis aut eremis tantùm , sed in suis quo-  
que ædibus : non tamen sine multo labore ac  
difficultate , macerando se ciliciis , ieiuniis , &  
aliis carnis afflictionibus.

Quarò, eas nec blanditiis nec minis ad ca-  
stitatem violandam induci potuisse : quinimò  
in tolerandis suppliciis ac morte subeunda ( si  
sexum spectes ac tenerrimam aliquarum ata-



tem) aut fortiores aliis martyribus fuisse, aut æquales; imbecilliores numquam. Tales fuere, Sancta Catharina, S. Agatha, S. Apollonia.

Quintò, VIRGINES gloriosas, præter singularem quamdam reuerentiam & familiaritatem, quam cum FILIO DEI sponso suo contraxerunt, aliis etiam eminentioribus coronis, quas laureolas appellant, insignitas esse & ornatas: ex quibus multæ sunt quæ duabus decorantur, vna per martyrium, altera per integerrimam cordis munditiam.

Sextò considera Angelicam planè MATRIS DEI puritatem, quæ prima Virginitatem Deo per votum consecrauit; & oculis, ore, vultu, totoque corporis habitu castitatem spirauit, quippe quæ purissimum Deum attraxit in vterum.

Colloquium fiat ad easdem, petendo humiliter, vt præter cetera à Deo tibi impetrent solidam puritatem; auertendo abs te non solum cogitationes impuras, sed vanas etiam, & quouis modo perniciosas distractiones: ac denique illa omnia, quæ corpus & animam fœdare possunt: vt sic faciliùs castissimis precibus à Sanctissima VIRGINE VIRGINVM donum castitatis impetrare valeas.

Pater noster. Ave Maria.

*Hymnus ad SANCTAS VIRGINES.*

**A** Vete sanctæ Virgines,  
Pares beatissimis mentibus;  
Quæ puritate sidera  
Solique flammæ vincitis.

Vos

Vos nil superbus terruit  
Vultu tyrannus horrido,  
Nec perculere barbaro  
Traiecta ferro viscera.  
Non blanda mundi gaudia  
Flexere vos ô Virgines,  
Sed depulistis fortiter  
Carnis ferocis impetum.  
Agnum proinde proximè,  
Quocumque pergit, cingitis;  
Per vos cohors cælestium  
Nouo resultat cantico.

Mentis perustæ maculas  
Lauate rore mystico;  
Vt corde puro lampades  
Christo feramus obuiam.  
Summo Parenti cælitum,  
Magnæque Proli Virginis,  
Sancto si nūl Paraclito,  
Sit summa laus & gloria. Amen.

*Vers.* Adducentur Regi virgines post eam.

*Resp.* Proximæ eius afferentur tibi.

ORATIO.

**D**A nobis, quæsumus Domine Deus noster, Sanctarum Virginum palmas incessabili deuotione venerari: vt quas digna mente non possumus celebrare, humilibus saltem frequentemus obsequiis. Per Christum Dominum nostrum. Amen.





## EXERCITIVM VI.

## De Sanctis Viduis &amp; coniugatis.

*Loci compositio & praludia eadem.*



RIMÒ cōsidera omnium quidem Christianorum esse sectari humilitatem, virtutum omnium fundamentum; in VIDVIS tamen præcipuè relucere, quæ & insigni illa Virginitatis gloria destitutæ sunt, & à mundo viris suis orbatæ negliguntur. Hæc autem humilitas in eo solo reperitur, qui est vilis abiectusque semper in oculis suis, talisque ab omnibus desiderat & gaudet haberi.

Secundò considera B. VIRGINIS humilitatem, non ex amissa virginitate, aut ex alicuius mali occasione, sed ex interna virtute, sinceraque animi demissione. Quæ electa in matrem Dei, non nisi pro famula se gessit, tum Dei, tum hominum. Elizabethæ vetulæ ministravit, Iosepho marito seruiuit, in vili stabulo peperit, cubavit, & mansit. Denique postremum ubique locum inter Christianos dilexit, maluitque latere quàm agnosci.

Tertiò considera, VIDVAS, quæ verè viduæ sunt, de quibus S. Paulus, plerumque in causa esse, ut plurimæ virgines animæ & corporis integritatem conseruent, dum ab illis incommoda & salutis pericula discunt, quæ in matrimonio expertæ fuere.

Quartò, B. VIRGINEM singulariter amare VIDVAS, primò ratione maximi doloris, quem sentiunt ob neglectum statum Virginitatis; quem, si fieri posset (intelligentes nunc eius excellentiam & summam quietem) etiam propria morte reuocarent: secundò ratione singularis in hoc statu corporis & animæ sanctitatis, ac voti quo se Deo subinde perpetuò obstringant.

Quintò, huius status beneficio homines diuinis rebus peculiariter curandis fieri idoneos; nempe solutos mundanis curis, valentesque in omni loco puras manus leuare ad Deum: exemplo Melanitæ senioris, cuius maritus cum diem suum obiisset, calente adhuc defuncti corpusculo, aduoluitur illa ad pedes CHRISTI, ac veluti arridens dixit: Expeditiùs posthac tibi seruitura sum Domine. Exemplo quoq. B. Annæ & Iudith: quarum hæc m. x. à mariti morte se in claustrum secreti cubiculi abdidit, illa verò in templum migravit; ibidemque orationi ieiuniisque noctes diesque impenderunt.

Sextò, B. VIRGINEM peculiari modo fauere & adesse afflictis & desolatis, ac instar turturis gementibus, ut solent VIDVÆ. Nam ut sancta fides, teste Ambrosio, plurimos habuit persecutores; ita & Viduæ. Hos autem supra omnes Viduas experta est MATER DEI, excitatos in se à dæmonibus, dæmonumque membris. Cum enim illius officium esset caput serpentis conterere, in nullam creaturam tantum concepit odium diabolus, quantum in MATREM DEI CREATORIS: in quam effudisset omnem in-

digna-

dignationem suam, & fluvium omnium malorum, nisi CHRISTVS matrem suam tutatus esset, dæmonisque vires confregisset, & terra aperiens os suum, aquas illas omnes absorbuisset. Apoc. 12.

Septimò, labores ac ministeria quæ magna cum deuotione exhibuerunt & exhibent VIDUÆ electis & sanctis, qui peculiari affectu Beatissimam VIRGINEM MARIAM colunt. Nam magis decet Viduam suscipere peregrinos, illisque ministrare, quàm Virginem; quòd status hic solitudine & clausura conseruetur ac vigeat, qui proinde occasionem non habet præstandi hæc officia charitatis. Ac vt reperiantur virgines, quæ extra claustra cum laude viuunt; non tamen decorum est, vt cum viris familiariter agant, iisque seruiant, aut charitatis officia exhibeant. Quod vbi, qua decet modestia à Viduis præstatur, nemo est qui iure offendatur, aut vitio vertat,

Nonò considera, B. VIRGINEM in matrimonio suo cum sancto Ioseph inito omnes coniugatas superasse vitæ sanctimonia & meritis. Nam virtutibus illis quæ in matrimonio præcipuè commendantur prædita per excellentiam fuit, fide scilicet, prole, & sacramento. Fides seu fidelitas seruatur coniugi: proles ad Ecclesiæ augmentum suscipitur: sacramentum à Deo indissolubili nexu sanctificatur. Hæc tria in hoc sancto coniugio illustria sunt. Nam vterque fidem seruauit, soli que Deo virginitatem consecrauit; indissolubile mansit vinculum,



lum, sola Iosephi morte solutum; significauitq. CHRISTI coniugium cum Ecclesia; non quidem per carnalem copulam, sed per spiritualem ac sanctiorem rationem: quia sicut MARIA VIRGO Virgini Iosepho coniuncta fuit, ita CHRISTVS Virgo sibi Ecclesiam Virginem castissimis nuptiis coniunxit. Proles non defuit, qui est finis fructusque matrimonij; quæ proles in matrimonio quidem nata est, non tamen ex matrimonio suscepta, sed ex Virginis fecunditate, ne maledictione legis Virgo coniunx teneretur. Admirabilis planè fuit illa fecunditas, sicut & proles ipsa. Virgo siquidem concepit hominem Deum, non per intervalla temporum, sed vno momento hominem omnibus membris perfectum, usu rationis pollentem, plenum gratia & veritate. Mirabilis mater quæ parentem suum genuit, Deum suum lactauit, quæ nec primam similem visa est nec habere sequentem.

Colloquium fiat ad easdem, petendo humiliter, vt præter cetera tibi & aliis impetrent humilitatem, constantiam, fidem, luctum spiritualem, charitatem in proximos perfectam. B. VIRGINIS opem implora, vt fecundas eius nuptias imitari valeas, multos scilicet generando CHRISTO spirituales filios, idque verbo & exemplo; quos suauitate lactis foveas, atque in viros perfectos iuxta ætatem plenitudinis Christi nutrias.

Pater noster. Ave Maria.

*Hymnus*

*Hymnus ad SANCTAS VIDVAS.*

**A** Vete sanctæ Viduæ,  
 Assuetæ piis fletibus;  
 Quas Christi mater optima  
 Veris solatur gaudiis.  
 Vos semper fide stabiles  
 Mansistis: instar turturis  
 Pudici, nouos thalamos  
 Abhorruistis iugiter.  
 Non vana vobis gaudia,  
 Sed cælitum delitiæ,  
 Precesque ad Deum impigræ  
 Sunt cordi, vt esca spiritus.  
 Summo Parenti cælitum,  
 Magnæque Proli Virginis,  
 Sancto simul Paraclito,  
 Sit summa laus & gloria. Amen.


## O R A T I O.

**E**Xaudi nos Deus salutaris noster, vt sicut  
 de Beatarum N.N. Viduarum commemo-  
 ratione gaudemus, ita piæ deuotionis erudia-  
 mur affectu. Per Dominum nostrum, &c.



SPECVLVM

PECCATORIS





# THESAURI Precum & Exercitiorum Spiritualium

## PARS QUINTA

De humanis miseriis & nouissimis.

CAPVT PRIMVM,  
Considerationes seu Exercitia varia.

### I. *De miseria HOMINIS* *ex parte corporis.*



Primò considera, te olim nihil  
fuisse:

Te ex limo terræ, re vilissima,  
formatum esse:

Animal irrationale creari po-  
tuisse:

Conceprum esse cum fide peccati:

Filium itæ, & Dei inimicum factum.

Secundò, quo cibo nutritus sis in vtero:

Quàm miserè in lucem editus:

Quàm grauis aliis in infantia.

Tertiò, te nunc vas esse putredinis plenum:

Morbis innumerabilibus obnoxium:

Educatum in lacrymis:

Viuentem in miseriis:

Moriturum in angustiis:

Eſcam futurum vermium:

Quod nunc es, fuiſſe olim mortuos:

Quod illi ſunt, te paulò poſt futurum.

*II. De Miſeria HOMINIS  
ex parte animæ.*

**P**rimò conſidera, vt anima ex nihilo ſit  
creata:

Labe carnis inquinata:

Infirmiſſe & ignorantia plena:

Originali peccato fœdata:

Ira Dei obnoxia.

Secundò, quàm multa flagitia illi in vita ac-  
creuerint:

Quoties peccato ſeruierit:

Quoties ſe dæmoni ſubiecerit:

Quot tentetur carnis titillationibus,

Quot huius ſæculi illecebris,

Quot illuſionibus dæmonis.

Tertiò, vitam hanc infinitis perturbationi-  
bus ſubditam:

Potentiam inimicorum maximam:

Prælium animæ periculolum:

Terram durum exilium:

Infernum horrendum receptaculum.

*III. De Effectibus peccati.*

**P**rimò conſidera peccato maculari bap-  
tiſmalem animæ pulchritudinem:

Priuari animam dulcedine diuinæ gratiæ:

Offenſo creatore, iniuriâ fieri ceteris creaturis:

Amicam fieri Luciferi, & ſeruam peccati:

Aſcribi numero reproborum omnium.

Secundò

Secundò, Peccatorem ex vno peccato in  
aliud atque aliud præcipitari:  
Derelicta synderesi, omnia perperam agere:  
Intellectus lumen obscurari:  
Memoriæ vim ad diuina minui:  
Voluntatem illicitis inflammari:  
Appetitum sensituum perturbari:  
Tertiò, Merita Christi parum animæ pecca-  
trici prodesse:  
Sanctorum & Iustorum satisfactionibus pri-  
uari;  
Præteritorum benefactorum fructu spoliari:  
Inspirationes sanctas consuetudine peccandi  
suffocari;  
Cælum claudi, infernum aperiri.

IV. *De punitione peccati.*

**C**onsidera primò, vt Lucifer ob superbiam  
è cælo in æterna tormenta detrusus sit:  
Adam ob inobedientiam ex deliciis in miseras  
iectus;  
Totus terrarum orbis ob luxuriam diluuiò ob-  
rutus:  
Quinque vrbes ob libidinem igne cælitus  
misso consumptæ:  
Ob inuidiam, Dathan & Abiron hiatu terræ  
absorpti:  
Furtum infelicitis Achan lapidatione mulcta-  
tum:  
Audacia Ozæ repentina morte punita:  
Adulterium Dauid seuerissimè castigatum:  
Iesabelis impietas præcipitiò & canum dilace-  
ratione vindicata:



Blasphemia Sennacherib mira exercitus strage, & ipsius interitus:

Superbia Regis Antiochi horrendo morbo pediculari:

Mendacium Ananiæ & Saphiræ morte repentinadamnatum.

Secundò, Peccatum nisi morte Christi expiari non potuisse:

Qualem ille pœnam tulerit in cruce:

Quomodo propter scelera nostra attritus fuerit:

Quomodo à Deo Patre derelictus.

Tertiò, ob vnum solum veniale multos purgatoriis flammis cruciari:

Ob vnicum mortale plurimos inferno detineri,

Sine spe misericordiæ æternis suppliciis addictos.

Quid facies miser peccatorum pōdere pressus?

V. *De morte, ex parte corporis.*

**P**rimò considera, quàm grauitè moriens cum morbo & morte conflictetur:

Quid prosint medici, eorumque remedia, & consilia:

Quid iuuent parētum & amicorum lacrymæ:

Quòd mundus deferendus, quem tantopere amarat:

Quòd res omnes, quarum vsu & possessione priuatur.

Secundò, quòd singulorum membrorum dolore torqueatur:

Quinque sensus paulatim eum deserant:

Nudus,

Nudus, vt ingressus erat, discedat è vita:  
Cadauer vix ad paucas horas ab amicis domi  
toleretur,

Vermibus deuorandum obiiciatur.

Vbi iam forma, doctrina, vel prudentia, quam  
admirabaris?

Quæ memoria erit de ipso post aliquot annos?

Tertiò, sic statutum est omnibus semel mori.

Post mortem autem iudicium. & quale iudi-  
cium? quàm exactum, quàm seuerum?

Hora, locus, modus incertus.

VI. *De morte, ex parte anima  
peccato obnoxia.*

**P**Rimò considera, vt anima cognoscens fi-  
nem suæ peregrinationis obstupefcit:

Exitum viæ, quam ingressura est, timens, inge-  
mifcit:

Corpus, quod delicatè tractauit, cogitat esse re-  
linquendum:

Luenda videt quæcumque fecit, & cogitauit:

Id eam magis excruciat quod in vita charissi-  
mum fuit.

Secundò, tetrìs dæmonum spectris horribi-  
liter exagitur:

Satanas peccata in Deum admissa obiicit:

Nunc cognoscit, quàm imprudenter vixerit:

Quàm melius esset pœnitentiam, quàm volu-  
ptatem coluisse:

Intus sentit conscientiam accusantem, ac se  
condemnantem:

Horret prodire ante offensi Iudicis conspe-  
ctum:

In singula momenta tremendam ipsius sententiam expectat:

Circūspicit vindicæ, & defensorē non inuenit.

Tertiò, soluta corpore, ignotas regiones ingreditur:

Ab Angelo custode, cuius monita contempsit, deferitur:

A dæmonibus, quibus obediuit, violenter rapitur:

Æternis tandem inferni flammis adiudicatur.

VII. *De morte, ex parte animæ iusta.*

**P**rimò considera, quomodo gaudeat iam aduenisse finem laborum:

Corpore, quod semper domitum habuit, quàm libenter spoliatur:

Memoria ieiuniorum ac pœnitentiæ plurimum recreetur:

Contra dæmones viuæ fidei clypeo muniatur:

Spei adminiculo contra desperationem confirmetur:

Charitatis operibus roboretur:

Virtutum fragrantia delectetur.

Secundò, quomodo Sanctorum præsentia in ultimo conflictu recreetur:

Dæmonum irruentium agmina, Christi munere, dissipentur:

Ecclesiæ & amicorum precibus mirum in modum reficiatur:

Sacramentorum, quæ coluit, salutarem vim experiatur.

Tertiò, quomodo intus sentiat conscientiam pacatam:

Extrin-



Extrinfecus Angelum videat consolantem:  
Iuxta se Matrē Dei sibi respiciat applaudētem:  
Sursum Christum sponsum ad regnum gloriæ inuitantem.

Sic ad cælestes nuptias gestit euolare,  
Torrente diuinę voluptatis perpetuò inebriari.

VIII. *De signis præcedentibus iudicium.*

**P**rimò, considera aduentum, & tremenda facta Antichristi:

Persecutionem bonorum, qualis numquam fuit:

Bellum, famem, & pestem toto orbe terrarum grassantia,

Secundò, signa proximè iudiciū præcedētia:  
Mare insolitis fluctibus & procellis agitabitur:  
Monstra & belluæ marinæ in terras eiicientur:  
Ipsū mare conflagrabit, & aqua fluctuans ardebit:

Herba, plantæ, & arbores rorem emittent sanguineum;

Palatia, arces, oppida, & vrbes corruent:

Saxa saxis, montes montibus collidentur:

Terra motibus concutietur insolitis:

Omnes montes vallibus æquabuntur.

Terriò, abiicient se homines in cauernas pauore attoniti:

Stellæ cadere de cælo videbuntur:

Terra, & quidquid in ea est, cum hominibus igne consumeretur:

Mortuis omnibus, omniū succedet resurrectio:

Ossa mortuorum carnem resument, vt adsint ad iudicium.

Tum fiet cælum nouum, & terra noua. Quid tunc eris?

IX. *De generali Iudicio.*

**P**Rimò considera, quomodo quisque attendit sibi ipsi, & non alteri:

Cerne damnatorum animas in horrendis corporibus:

Considera varietates ordinum Iudicem expectantium:

Vide signum filij hominis rutilans in cælo.

Secundò, intueri descendentes turmatim Angelos, & Iudici locum dantes:

Aspice venientem Iudicem cum summa maiestate:

Is erit inflexibilis, cum sit summè iustus:

Fugere, aut occultare te non poteris, cum sit omnipotens:

Nihil eum latebit, qui scrutatur corda & renes omnium:

Omnes omnium cogitationes & facta patebunt omnibus.

Tertiò, reddenda erit ratio de donis externis corporis & animæ:

Nihil omnino inultum manebit:

Multi erunt accusatores, amicus nullus reprobis:

Bonorum rectè facta coram omnibus prædicabuntur:

Maxima cum lætitia audient boni; Venite benedicti:

Exprobrabuntur malis peccata coram omnibus, & audient; Ite maledicti:

Abfor-

Absorptis inferno reprobis, cælum iusti conscendent.

X. *De Inferno.*

**P**Rimò, attentè considera loci deformitatem, profunditatem, & fœtorem:

Vide flammæ sulphureas, & in ipsis damnatos infelices:

Tortorum horribiles formas, atrocitatem, & vim indefessam:

Audi horrendos miserorum ululatus, & blasphemias.

Secundò, aduerte singularum partium supplicia:

Visus torquetur tenebrarum densitate, & dæmonum præsentia:

Auditus maledictionibus continuis, & tortorum irrisionibus:

Tactus acerbitate ignium, frigorum, & discerpionum:

Gustus incredibili rerum omnium, quæ ibi sunt, amaritudine:

Odoratus tetro odore loci, & peccatorum:

Memoria recordatione præteritarum voluptatum:

Intellectus apprehensione æternarum pœnarum:

Voluntas acerbissimo odio eorum, qui ibi, & in cælo sunt:

Corpus totum omnibus tormentorum generibus excruciatum:

Anima atrocissimè angitur, sine spe relaxationis,



Tertiò, considera multos damnatos, qui minus quàm tu peccauerunt:

Neminem in æternum liberatum iri, qui cum peccato mortali decesserit.

XI. *De gloria Paradisi.*

**P**Rimò, considera loci splendorem, amœnitatem, amplitudinem.

Secundò, quātum sit gaudium videre S. Trinitatem fontem bonitatis:

Videre Christum Regem cælorum in decore suo:

Cernere beatissimam Virginem stellis coronatam, sole circumdatam, cum Filio regnatem:

Frui iucundissima Sanctorum consuetudine:

Audire suauem harmoniam & cantica sequentium Agnum:

Cum Sanctis conuersari:

Eorum bonis vt propriis affici, & lætari.

Tertiò, quàm iucundum erit videre sub pedibus demones Dei munere superatos:

Super caput gloriam Christi meritis & gratia comparatam:

Recordari præteritæ pœnitentiæ fructus vberimos:

Deum sine fine visum, absque fastidio amare, & sine fatigatione laudare:

Securissimam & æternam possessionem tenere eorum quæ nec oculus vidit, nec auris audiuit, nec in cor hominis ascenderunt.

His omnibus ob vanam delectatiunculam te priuabis?

CONSIDERATIO *animæ corpore abeuntis.**Ex B. Petro Damiano, Epistola**ad Blancam, c. 6.*

**P**ensandum est, cùm iam peccatrix anima vinculis incipit carnis absolui, quàm amaro terrore concutitur, quantis mordacis conscientiae stimulis laceratur? Recolet vetita quæ commisit: videt mandata quæ negligerenter implete contempsit. Dolet indulta poenitentiae tempora sese inaniter percepisse, plorat immobilem districtæ ultionis articulum inevitabiliter imminere. Manere satagit, ire compellitur; recuperare vult perditam, non auditur.

Post terga respiciens, totius transactæ vitæ cursum velut vnum reputat brevissimum itineris spatium; ante se oculos dirigit, & infinitæ perennitatis spatia deprehendit. Plorat itaque, quia intra tam brevæ spatium acquirere lætitiæ potuit omnium sæculorum, &c. Deslet etiam se, propter tam brevis illecebræ voluptatem, inenarrabilem perennis suavitatis amisisse dulcedinem.

Erubescit, quia propter illam superbiam quæ vermibus erat obnoxia, illam neglexit quæ choris Angelicis erat inferenda.

Iam radios mentis attollit, & cùm diuitiarum immortalium gloriam contemplatur, eam propter vitæ huius inopiam perdidisse confunditur.

Cumque sub se reflectit oculos ad huius mundi conuallem tetramque caliginem, super se miratur æterni luminis claritatem, & liquido

deprehendit, quia nox erat & tenebræ, quod amauit. O si rediuiuum pœnitentiæ tempus mereri possêt, quàm duræ conuersationis iter arriperet! qualia & quanta promitteret, quantis se deuotionum vinculis innodaret! Intereà dum hebescentes oculi contabescunt, & dum pectus palpitat, raucum guttur anhelat, dentes paulatim nigrescunt, & quamdam velut rubiginem contrahunt; pallefcunt ora, membra cuncta rigescunt: dum hæc itaque & huiusmodi tamquam vicinæ morti præcedentia famulantur officia, adsunt omnia simul & gesta & verba.

Nec etiam ipsæ cogitationes defunt: & cuncta hæc amarum aduersus auctorem testimonium reddunt. Coaceruantur omnia ante despicientis oculos; & qui conspicerere refugit, coactus & inuitus attendit.

Adest prætereà, hinc horrenda dæmonum turba, illinc virtus Angelica. In illo qui medius est, liquidòprehenditur cui parti iure possessio vendicetur. Nam si pietatis in eo videntur insignia; inuitationis Angelicæ blanditiis delinitur, atque harmonicæ melodix dulcedine vt exeat prouocatur. Quòd si eum sinistrae parti, meritorum nigredo & sceditatis squalor adiudicet; intolerabili mox terrore concutitur, repentini impetus violentia perturbatur, precipitanter inuaditur, ac de miseræ carnis ergastulo violenter euellitur, vt ad æterna supplicia iam cum amaritudine pertrahatur.

Iam verò post egressionem de corpore, quis

expli-



explicare valeat quot armatę spirituum acies in insidiis lateant; quot frementes cunei feralibus telis instructi iter obsideant; & ne transire libera possit anima, velut militari more constipatae legiones oppugnent?

Hęc & huiusmodi frequenter in corde versare, quid est aliud quàm lenocinantia vitæ huius blandimenta respuere, mundo repudium dare, illices motus carnis elidere, solumque perfectionis adipiscendæ propositum indeclinabiliter custodire?

D. DOMINICI CARTHVSIANI  
exhortatio ad pœnitentiam.

**H**omo Dei creatura,  
Cur in carne moritura,  
Est tam parua tibi cura  
Pro æterna gloria?

Illa quanta sit si scires,  
Præter eam nil sitires,  
Nec mundana sic ambires,  
Vana, transitoria.

Et si pœnas infernales  
Agnouisses, quæ & quales,  
Tuos utique carnales  
Appetitus frangeres.

Et innumera peccata,  
Dicta, facta, cogitata,  
Mente tota consternata  
Merito deplangeres.

Tot sunt gaudia sanctorum,  
Tot tormenta reproborum,

Quòd

*Quod immensitas amborum  
Nullo sensu capitur:  
Donec anima post mortem,  
Aut bonorum sumat sortem,  
Aut malorum ad cohortem  
Improuisè rapitur.  
Quando caro sepelitur,  
Heu de spiritu nil scitur;  
Vtrum gaudet, an punitur,  
Non fit magna mentio.  
Luctus quidem simulatur,  
Sed substantia vastatur,  
In propinquis generatur  
Zelus & contentio.  
Mors est bonis, mors est malis,  
Sed fors nimis inaequalis.  
Subinfertur, aeternalis  
Vita vel interitus.  
Exequia si celebrantur,  
Si vel noti conuiuantur,  
Nil defuncto suffragantur  
Si tunc est immeritus.  
Nullum tempus pœnitendi,  
Mora nulla reuertendi,  
Nec tunc locus fugiendi,  
Miseris supererit.  
Si vis sursum, detrahêris,  
De abyssis extrahêris,  
Iudici vt præsenteris;  
Nihil tibi proderit.  
Si Iesum non dilexisti,  
Nec Maria seruinisti,*

Nec patronum quasisti  
Tibi in subsidium;  
Quis orabit pro delicto,  
Quis spondebit pro convicto,  
Quis iudicio tam stricto  
Fiet in presidium?  
Pacis Angeli adstabunt,  
Sicut scriptum est, plorabunt,  
Iustam tamen approbabit  
Iudicis sententiam.  
Et quod sonat magis durè,  
Omnes Dei creatura  
Aggranabunt iusto iure  
Ream conscientiam.  
Sed hac factis ex scelestis  
Est sui ipsius testis,  
Nullam Iudicis in gestis  
Intuens iniuriam.  
Tunc horribiles tortores  
Tot incutient terrores,  
Ut iam sentiens dolores,  
Vertatur in furiam.  
Tunc à bonis reprobata,  
In seipsa desperata,  
Anima sic desolata,  
In profundum mergitur.  
Vbi chaos obfirmatur,  
Ut numquam egrediatur,  
Sicut Abraham testatur,  
Huc illuc non pergitur.  
O qua lingua vel narrare,  
Vel quis sensus cogitare,

*Quis*



Quis vel audet numerare  
Mala multiplicia;  
Qua damnandis sunt parata,  
Et diuersis deputata,  
Prout singula peccata  
Exigunt & vitia!  
Ignis, frigus procellarum,  
Sulphur, fœtor tenebrarum,  
Iugis luctus animarum,  
Pars earum calicis.  
Sempiterna mors, dracones,  
Fames, demones, bufones,  
Amarissimos agones  
Superaddunt miseris.  
Tot sunt loca tenebrosa,  
Tot tormenta monstruosa,  
Quòd hæc terra spaciòsa  
Atque visibilia  
Quasi parum sint miranda,  
Nec ad illa comparanda:  
Ista quippe enarranda,  
Hæc indicibilia.  
Sic lætitia Sanctorum,  
Incunditas Angelorum,  
Dei gloria Deorum,  
Est inenarrabilis.  
Eris clarè Deum videns,  
Fruens & amore tenens,  
Potens, sciens, placens, gaudens,  
Fulgens, liber, agilis.  
Vbi conditoris tui  
Vultu semper possis frui.

*Felix prorsus, illa cui  
Visio conceditur.  
A qua numquam separatur,  
Sed perpetuò latatur;  
Mali nihil formidatur,  
Nec quis ibi laditur.  
Illic Angelorum chori,  
Sancti facie decori,  
Vivere, & numquam mori,  
Mortis nec memoria:  
In aeternum sed gaudere,  
Summo bono inharere,  
Cuncta bona possidere,  
In aeterna gloria.  
Numquam auris hîc audiuit,  
Nec videre quisquam sciuit;  
Solum qui in calis viuit,  
Scit experientia,  
Quid à malis liberati,  
Et in gloria locati,  
Ipsi possident beati  
In Christi praesentia.  
Sed his paucis propalatis,  
Partim tactis & narratis,  
Quae tum sanctis, tum damnatis,  
Preparata legimus;  
Iam prudentius agamus,  
Sanctam vitam eligamus,  
In hoc mundo defleamus  
Mala quae peregimus.  
Non viuamus ut iumenta,  
Ne post mortem ad tormenta*

*Venia-*

*Veniamus & lamenta  
 Intolerabilia.  
 Modo veniam precemur,  
 Mortem Christi meditemur,  
 Ad superna praparemur  
 Desiderabilia.  
 Ecce mundus euanesceit,  
 Decor eius iam marcescit,  
 Et quotidie vilescit  
 Fallax eius gloria,  
 Que demergit ad inferna.  
 Ergo gloria superna,  
 Vita nobis sempiterna,  
 Ingis sit memoria.  
 Vt defuncti subleuemur,  
 Cum calitibus letemur,  
 Et in Deo gloriemur,  
 Summè delectabili.  
 Qui solus glorificandus  
 Est, amandus & optandus,  
 Laudeque magnificandus  
 Est interminabili.*

QVERELA SIVE DIALOGVS  
 ANIMÆ ET CORPORIS DAMNATI,  
 quem aiunt quidam S. Bernardum per no-  
 cturnum visum composuisse.

**N**Octis sub silentio tempore brumali,  
 Deditus quodammodo somno spiritali,  
 Corpus carens video spiritu vitali;  
 De quo mihi visio fit, sub forma tali.  
 Cum dormirem paululum vigilando fessus,

Ecce



*Ecce quidam spiritus, nouiter egressus  
De pradiſto corpore, vitiis oppreſſus,  
Corporis cum gemitu plangebatur exceſſus.*

*Iuxta corpus anima ſtetit & plorauit,  
Et eam cum gemitu ſic interrogauit:  
O caro miſerrima, quis te ſic proſtrauit,  
Quam mundus tam proſpere pridie ditauit?*

*Nōne mundus pridie tibi ſubdebatur?  
Nōne te provincia tota verebatur?  
Vbi nunc familia, qua te ſequebatur?  
Cauda tua florida iam nunc amputatur.*

*Non es nunc in turribus de petris quadratis,  
Sed nec in palatiis magna largitatis:  
Nunc delata feretro parua quantitatis,  
Iaces nunc in tumultu breuiore ſatis.*

*Quid tibi palatia proſunt, vel quid ades?  
Vix nunc tuus tumultus bene capit pedes.  
Quemquam falſe iudicans amodō non lades:  
Per te data nobis eſt in inferno ſedes.*

*Ego, inquam, anima nobilis creata,  
Ad ſimilitudinem Domini formata.  
O caro miſerrima, mecum eſt damnata!  
Si ſcires ſupplicia nobis preparata,  
Verē poſſes dicere, Heu quid fui nata?  
Vtinam ad tumultum de ventre tranſlata!*

*Non eſt mirum, fateor, quia dum vixiſti,  
Quidquam benefacere me non permiſiſti:  
Sed ſemper ad ſcelera peſſima traxiſti:  
Unde ſemper erimus in dolore triſti.*

*In pœnis acerrimis ſum, & ſemper ero.  
Nulla lingua ſæculi dicerent pro vero  
Vnam pœnam miſeram, quam infelix fero:*

*Sed, quod magis doleo, veniam non spero.*

*Ubi sunt nunc pradia, qua tu congregasti,  
Vel celsa palatia, turres quas fundasti?*

*Et numorum copia quam tu plus amasti,  
Gemma per quas annulis digitos ornasti?*

*Ubi lecti strati iam tam miri decoris,  
Vestis mutatoria varij coloris?*

*Species aromatum placidi saporis,  
Vasa, mensæ, gausapa niuei candoris?*

*Ubi modò volucres, vel caro ferina,  
Vel murena nobiles, vel electa vina?*

*Non agnis, nec gregibus redolet coquina.  
Talis peccatoribus imminet ruina.*

*Tua domus qualiter tibi modò placet?  
Eius nonne summitas super nasum iacet?  
Iam clauduntur oculi, lingua tua tacet.  
Nihil tibi superest, quod iam lucro vacet.*

*Quidquid dudum misero congregasti more,  
Dolo, fraude, scœnore, metu, vel rigore,  
Longæua per tempora, cum magno labore,  
A te totum rapuit mors, humus humore.*

*Non modò circumdaris amicorum choris:  
Cum per mortem cecidit flos tui decoris,  
Rumpitur cuiuslibet vinculum amoris.  
Tua iam tristitia cessauit uxoris.*

*In tuis parentibus amodò non speres,  
Quia sibi remanent terræ, Bacchus, Ceres,  
Et thesauri copia, pro qua pœnas feres:  
Mortem tuam breuiter plangit tuus heres.*

*Non credo, quòd mulier tua, sine nati,  
Darent quinque ingera terræ sine prati,  
Ut nos, qui de medio iam sumus sublati,*

*A pœnis redimerent, quas debemus pati.*

*Iam scis caro misera, quàm sit malè tuta  
Mundi nequam gloria, fallax, & ver suta,  
Repleta doloribus, vitiis polluta,  
Et veneno demonum nequiter imbuta.*

*Pretiosis vestibus non es nunc induta:  
Tuum valet pallium vix duo minuta,  
Paruo linteamine iaces inuoluta.  
Tibi modò pauperes non ferent tributa.*

*Et licet non sentias nunc tormenta dura,  
Scias quòd suppliciis non es caritura.*

*Nam testantur omnia Scripturarum iura,  
Quòd tormenta postmodum tecum es passura.*

*Te, qui pater pauperum non eras, sed prado,  
Iam rodunt in tumulto vermes & puredo.*

*Tecum diu nequeo stare, iam recedo.*

*Nescis ad opposita respondere, credo.*

*Respondet CORPVS.*

**T***Andem postquam anima talia dixisset,*

*Sese corpus erigit, quasi renixisset:*

*Postquam verò gemitus multos emisisset,*

*Querit quisnam talia locutus fuisset.*

*Es tu, inquit, spiritus meus, qui sic faris?*

*Non sunt vera penitus cuncta, qua causaris:*

*Iam probabo plenius, argumentis claris,*

*Quod, si quadam vera sint, in multis nugaris.*

*Feci te multoties in multis errare,*

*Et à bonis actibus sæpè declinare.*

*Sed si caro faciat animam errare,*

*Plus est culpa spiritus; audi tamen quare.*

*Mundus & demonium fœdus pepigere,*

*Et carnem miserrimam secum coniunxere:*



*Quam si rigor animi cesset coercere,  
In peccati foveam cadunt ambo verè.*

*Sed, ut mihi dixeras, Deus te creavit,  
Et bonam, & nobilem; sensu te ditavit,  
Et ad suam speciem pariter formavit,  
Ut ancilla fierem tibi me donavit.*

*Ergo, si tu domina creata fuisti,  
Et dabatur ratio per quam debuisti  
Nos in mundo regere; cur mihi fauisti  
In rebus illicitis, & non restitisti?*

*Num carnem, ut animam, instum est culpari.  
Quæ se, cum sit domina, finit ancillari?  
Nam caro per spiritum debet edomari,  
Fame, siti, verberare, si vult dominari.*

*Caro sine spiritu nihil operatur:  
Eius adminiculo vivens vegetatur.  
Caro quæ per spiritum non suppeditatur,  
Per mundi blanditias mox insatiatur.*

*Caro quæ corrumpitur, per se malum nescit.  
Carni sine spiritu nihil innotescit.  
Si, quod iubes, exequor, culpa tibi crescit:  
Caro sine spiritu, mortua quiescit.*

*Si voluntas spiritus in opus ducatur  
Per carnem pedissequam, caro quid culpatur?  
Culpa tangit animam, per quam imperatur,  
Id quod caro fragilis vivens operatur.*

*Carne quidem gravius tu peccasti, crede,  
Carnis sequens libitum, fragilis & fœda.  
Rodunt mea viscera vermes in hac ade,  
Iam non loquar amplius, anima recede.*

## Respondet ANIMA.

**A** Dhuc, dixit anima, tecum volo stare,  
 Et tua, si potero, dicta refrenare:  
 Ut quid mihi loqueris corpus tam amarè,  
 Volens mihi penitus culpam imputare?

O caro miserrima, quæ vivens fuisti  
 Stulta, vana, friuola, à quo didicisti  
 Verba tam asperrima, quæ iam protulisti:  
 Attamen in pluribus rectè respondisti.

Istud enim consonum scio veritati,  
 Restituisse debui tuæ voluntati:  
 Sed tua fragilitas prona voluptati,  
 Nugis mundi dedita noluit hoc pati.

Quando te volebam, ô caro, castigare,  
 Verberare, vigiliis, vel fame domare;  
 Mox te mundi vanitas cœpit effrenare,  
 Et illius friuolis cœgit vacare.

Et ita dominium de me suscepisti,  
 Perditrix domestica de me sic fuisti:  
 Per mundi blanditias me post te traxisti,  
 In peccati puteum tandem me misisti.

Scio me culpabilem; nam in hoc erravi,  
 Quòd, cum essem domina, te non refrenavi:  
 Sed tu me deceperas fraude tam suavi,  
 Quare tu deliqueras culpa magis gravi.

Si mundi delicias dolos machinantis  
 Despexisses fatui, sed & incantantis  
 Demonis astutias; è calo tonantis  
 Adhæsissem monitis, essemus cum Sanctis.

Sed tamen tripudius mundi fraus arrisit,  
 Ac vitam diuinam firmiter promisit:  
 Quod mori non putabas, sed mors hæc emisit;

*Quando de palatio, ad tumbam te misit.*

*Hominum fallacium mundus habet morem,  
Quod magis amplectitur, quibus dat honorem;  
Illos fallit citius per necis rigorem,  
Et dat post diuitias vermes & fœtorem.*

*Qui tibi, dum vixeras, amici fuere,  
Iacentem in tumulto nolunt te videre.  
Corpus hoc intelligens cœpit quasi flere,  
Et verbis humilibus ita respondere.*

*Respondet CORPVS.*

*Q**ui viuendo potui multis imperare,  
Aurū, gemmas, prædia, nummos cōgregare,  
Castella construere, gentes indicare,  
Putāsne quod credidi tumultum hunc intrare?*

*Optime nunc video, & est mihi clarum,  
Quod nec auri dominus, nec diuitiarum,  
Honor, vis, scientia, virtus nec herbarum,  
Mortis possunt fugere stimulum amarum.*

*Ambo quidem possumus à Christo culpari.  
Et culpamur, fateor, sed non culpa pari:  
Tibi culpa grauior debet imputari.*

*Multis rationibus potest hoc probari.*

*A sensato quolibet hoc non ignoratur,  
Iura clamant, ratio pariter testatur,  
Vi cui plus præ ceteris virtutum donatur,  
Ab eo plus utique tandem exigatur.*

*Vitam & memoriam, sed & intellectum,  
Tibi dedit Dominus, sensumque perfectum,  
Quibus tu compescere debebas affectum  
Prauum, & diligere id quod erat rectum.*

*Postquam tot virtutibus ornata fuisti,  
Et tu mihi fatua pronam te dedisti,*

*Meisq̃ue.*



*Meisq̃ue blanditiis minùs restitisti;  
Satis liquet omnibus, quòd plus deliquisti.*

*Addo (licet referam corde cum amaro,  
Quod iam mihi patens est argumento claro).*

*Exeunte spiritu, agit ne quid caro?*

*Mouet ne se postea vel citò, vel rarò?*

*Videt ne, vel loquitur? hoc est ergo clarum:*

*Spiritus viuificat, caro prodest parum.*

*Si haberet anima Deum suum charum,*

*Numquam caro vinceret vires animarum.*

*Si Deum, dum vixeras, amasses perfectè,*

*Et si causas pauperum iudicasses rectò,*

*Nec prauorum hominum adhasisses secta;*

*Non me mundi vanitas concepisset, nec te.*

*Qua vinebam splendide, sericis amicta,*

*Ecce qua de omnibus sunt mihi relicta,*

*Putredo cura vermibus, & hac domus stricta,*

*Quibus, post delitias mundi, sum amicta.*

*Et scio præterea, quòd sum surrectura,*

*In die nouissimo, tecumq̃ue passura*

*Pœnas mortis perpetes: heu mors illa dura,*

*Mors interminabilis, sine caritura!*

#### Respondet ANIMA.

**A**D hæc clamat anima, voce cum obscura:  
*Hæu si numquam fuisset in rerum natura!*

*Cur permisit Dominus, vt sim creatura,*

*Cùm præscita fuerim esse peritura?*

*O felix conditio pecorum, brutorum!*

*Cadunt cum corporibus spiritus eorum;*

*Nec post mortem subeunt loca tormentorum.*

*Talis esset vtinam finis impiorum!*

## Respondet CORPVS.

**C**Orpus post hæc loquitur anima tam tristi:  
*Si tu apud inferos anima fuisti,  
 Dic mihi, te deprecor, quid ibi vidisti?  
 Si qua spes sit miseris de dulcore Christi.  
 Quid ibi nobilibus paratur personis,  
 Qui prius, dum vixerant, sedebant in thronis?  
 Si sit illis aliqua spes redemptionis,  
 Pro numis, pro prædiis, ceterisque donis.*

## ANIMA respondet.

**C**Orpus, tua quaestio caret ratione.  
*Cum infernum subeunt damnata personæ,  
 Non est spes ulterius de redemptione,  
 Nec pro eleemosynis, vel oratione.  
 Si tota fidelium pietas oraret,  
 Si totam pecuniam mundus suam daret,  
 Si tota Religio ieiuniis vacaret,  
 In inferno positum numquam liberaret.  
 Non daret diabolus fenus & effrenis  
 Unam vinctam animam in suis catenis,  
 Pro centenis millibus prædiis terrenis;  
 Nec quandoque sineret, ut careret pœnis.  
 Ad hoc quod interrogas, quid ibi paratur  
 Personis nobilibus; hoc pro lege datur,  
 Quanto quis in sæculo magis exaltatur,  
 Tanto cadit grauius, si transgrediatur.  
 Dives ergo moriens, si forte damnatur,  
 Grauibus præ ceteris pœnis implicatur:  
 Nam, quanto delitiis plùs delectabatur,  
 Tanto pœna grauior sibi deputatur.*

## AUCTOR.

**P**ostquam tales anima prompserat mærores,  
 Ecce duo demones, pice nigriores,  
 Quos pennâ describere non possent scriptores,  
 Nec mundi depingere totius pictores:

Ferreo in manibus stimulos ferentes,  
 Ignemque sulphureum per os emittentes:  
 Similes ligonibus sunt eorum dentes,  
 Visi sunt ex naribus prodire serpentes.

Aures erant patulae, sanie fluentes,  
 Et erant in frontibus cornua gerentes,  
 Per extrema cornuum venenum fundentes;  
 Digitorum ungula ut aprorum dentes.

Isti cum funiculis animam ceperunt,  
 Quam secum ad inferos gementem traxerunt:  
 Mox maligni spiritus passim occurrerunt,  
 Qui vice tripudij dentibus striderunt:

Et ei cum talibus votis applauserunt:  
 Quidam cum corrigiis ipsam perstrinxerunt,  
 Quidam vncis ferreis ipsam disruperunt,  
 Quidam plumbum feruidum in eam fuderunt.  
 Quidam fimum stercore in os proiecerunt,  
 Et quidam in faciem eius imminxerunt:  
 Quidam suis dentibus ipsam corroserunt,  
 Demum & à corpore pellem detraxerunt.

## DÆMONES.

**A**dhac dicunt demones, quasi fatigati;  
 Ij qui nobis seruiunt, sic sunt honorati.  
 Possis modo dicere sicut bufo crati.  
 Sed debes in centuplum duriora pati.



## ANIMA dicit.

**P**ost hæc tandem anima gemens suspiravit;  
 Et voce qua poterat, parum murmuravit:  
 Quando vero barathri limen subintravit;  
 Eiulans insonuit: Iesu fili David.

## DÆMONES.

**C**onclamantes demones responderunt ei:  
 Tardè nimis innocas nomen tui Dei.  
 Parum prodest amodò Miserere mei.  
 Non est ultra veniæ spes, nec requiei.  
 Non lumen de cetero videbis diei:  
 Decor iam mutabitur tue faciei:  
 Nostra sociaberis dehinc aciei.  
 Erit apud inferos hoc solamen ei.

## AVCTOR.

**T**alia dum videram dormiens, expaui;  
 Et extra me positus, statim vigilavi:  
 Mox expansis manibus ad Deum clamanî,  
 Orans ut me protegat à pœna tam grani:  
 Mundumque cum frivolis suis condemnavi.  
 Aurum, gemmas, prædia nihil reputavi;  
 Rebus transitoriis abrenuntiaui,  
 Et me Christi manibus totum commendavi.  
 Ecce mundus moritur, vitio sepultus.  
 Ordo rerum vertitur; sapiens fit stultus:  
 Exulat iustitia, cessat Christi cultus:  
 Et in mundo iugiter labor & tumultus.  
 Mundus ad interitum pergît his diebus.  
 Dî facti sunt iterum Inppiter & Phœbus.  
 Nam qui nummos possidet, & abundat rebus,  
 Hic ut Deus colitur, sceptris, aciebus.  
 Et quæ Theologica virtutes vocantur,

Fides,

*Fides, Spes, & Charitas, ferè suffocantur:  
Fraus, & auaritia, & qua deriuantur  
Ex his, iam in sæculo toto dominantur.*

*Si sis ortu nobilis, si vultu serenus,  
Si benignus, humilis, moribusque plenus;  
Hæc nil tibi proderunt, si tu sis egenus.  
Nam sola pecunia formam dat & genus.*

*Dummodò sis splendidis vestibus ornatus,  
Et multa familia sis circumuallatus,  
Prudens sum, & sapiens, & morigeratus;  
Ego tuus nepos sum, tu meus cognatus.*

*Ista cùm defecerint, statim euanescit  
Nostra consanguinitas, morte refrigescit  
Cessatque notitia: ita quòd me nescit,  
Qui, dum diues fueram, surgens mihi cessit.*

*O miranda vanitas! ô diuitiarum  
Amor lamentabilis! ô virus amarum!  
Cur tot viros inficis, faciendo carum,  
Hoc quod transit citiùs quàm flamma stuparum?*

*Si mundus diuitibus tria posset dare:  
Iuuentutem floridam, & mortem vitare,  
Pulchram & durabilem prolem procreare;  
Benè posset diuites nummos congregare.*

*Homo miser cogita, mors ista compefcit.  
Quis est ab initio qui morti non cessit?  
Hic si uiuit hodie, cras fortè putrescit.  
Cuique prorsus hominum parcere mors nescit.*

*Quando genus hominum morti deputatur;  
Quo post mortem transeat quisquam, ignoratur.  
Vnde quidam sapiens ita de se fatur:  
Contremisco iugiter, dum mens meditatur,  
Quid sum, & quòd propero, quid mihi paratur.*

*De morte dum cogito, contristor, & ploro.  
Vnum est, quod moriar; & tempus ignoro:  
Tertium, quod nescio, quorum iungar choro.  
Sed, ut suis merear iungi, Deum oro.*

Hymnus B. Petri Damiani de gloria Paradisi,  
ex cap. 26. Medit. D. August.

**A**d perennis vite fontem  
Mens sitiuit arida;  
Claustra carnis prestò frangi  
Clausula querit anima,  
Gliscit, ambit, eluctatur  
Exul frui patria.

Dum pressuris ac erumnis  
Se gemit obnoxiam,  
Quam amisit, dum deliquit,  
Contemplatur gloriam;  
Praesens malum auget boni  
Perditi memoriam.

Nam quis promat, summae pacis  
Quanta sit letitia?  
Vbi viuis margaritis  
Surgunt aedificia,  
Auro celso micant tecta,  
Radiant triclinia.

Solis gemmis pretiosis  
Hec structura nititur,  
Auro mundo tamquam vitro  
Vrbis via sternitur:  
Abest limus, deest finis,  
Lues nulla cernitur.

Hiems horrens, aestas torrens,



Illic numquam sauiunt:  
Flos perpetuus rosarum  
Ver agit perpetuum:  
Candent lilia, rubescit  
Crocus, sudat balsamum:  
Virent prata, vernant sata,  
Rui mellis influunt:  
Pigmentorum spirat odor,  
Liquor & aromatum:  
Pendent poma floridorum  
Non lapsura nemorum.  
Non alternat luna vices,  
Sol vel cursus siderum:  
Agnus est felicitis urbis  
Lumen inocciduum:  
Nox & tempus desunt ei,  
Diem fert continuum.  
Nam & Sancti quique velut  
Sol praeclarus rutilant,  
Post triumphum coronati  
Mutuo coniubilant,  
Et prostrati pugnas hostis  
Iam securi numerant.  
Omni labe defecati  
Carnis bella nesciunt;  
Caro facta spiritalis  
Et mens unum sentiunt,  
Pace multa perfruentes  
Scandala non perferunt.  
Mutabilibus exuti  
Repetunt originem,  
Et praesentem veritatis

Contemplantur speciem:  
Hinc vitalem vini fontis  
Hauriunt dulcedinem.  
Inde statum semper iidem  
Exeuntes capiunt;  
Clari, viridi, incundi  
Nullis patent casibus:  
Absunt morbi semper sanis,  
Senectus iuuenibus.

Hinc perenne tenent esse,  
Nam transire transit:  
Inde virent, vigent florent,  
Corruptela corrui;  
Immortalis vigor, atra  
Mortis ius absorbit.

Qui scientem cuncta sciunt,  
Quid iam scire nequeunt?  
Nam & pectoris arcana  
Penetrant alterutrum:  
Vnum volunt, vnum nolunt,  
Unitas est mentium.

Licet cuique sit diuersum  
Pro labore meritum,  
Charitas hoc suum facit,  
Quod dum amat alterum;  
Proprium sic singulorum,  
Commune fit omnium.

Vbi corpus, illic iure  
Congregantur aquila:  
Quo cum Angelis & sancta  
Recreantur anima,  
Vno pane viuunt ciues

Viriusque patria.  
 Auidi & semper pleni  
 Quod habent desiderant.  
 Non satietas fastidit,  
 Neque fames cruciat:  
 Inbiantes semper edunt,  
 Et edentes inbiant.  
 Nouas semper harmonias  
 Vox meloda concrepat:  
 Et in iubulum prolata,  
 Mulcent aures organa:  
 Digna, per quem sunt victores,  
 Regi dant praeconia.  
 Felix cali quae praesentem  
 Regem cernit anima:  
 Et sub sede spectat alta,  
 Orbis volui machinam;  
 Solem, lunam, & globosa  
 Cum planetis sidera.  
 Christe palma bellatorum,  
 Hoc in municipium  
 Introduc me post solutum  
 Militare cingulum:  
 Fac consortem donatini  
 Beatorum ciuium.  
 Præbe vires inexhausto  
 Laboranti praelio:  
 Vt quietem post praeinctum  
 Debeas emerito;  
 Te quæ merear potiri  
 Sine fine premio. Amen.





## CAPVT SECVNDVM.

PRECES & EXERCITIA  
in afflictione & morbo.EXERCITIVM *tempore afflictionis  
aut infirmitatis.*

VM Deus opt. max. te vel pro-  
ximorum aliquem quavis tri-  
bulatione, aut corporis infir-  
mitate visitauerit, considerabis  
quomodo idem Dominus iam  
olim amicum suum Iob vlce-

Iob 2.

re pessimo in exemplum patientiæ percuti à  
Satana permiserit.

Quomodo idem vulneret & medeatur, percu-  
tiat & sanet.

Iob 5.

Quomodo Moysen à lepra liberauerit.

Exodi 4.

Ægyptios ob peccata vlcibus percusserit.

Exodi 9.

Populum Israël de Ægypto eductum, à variis  
malis seruauerit,

Mariam à lepra quoque mundaauerit.

Num. 12.

A serpentibus percussos anei serpentis aspe-  
ctu sanitati pristinae restituerit.

Sanctæ suæ legis transgressoribus varias infir-  
mitates prænuntiauerit.

Exodi 15.

Quomodo mortificet & viuificet; deducat ad  
inferos & reducat.

1. Reg. 2.

Populum suum ob Dauidis peccatum affli-  
ctum eiusdem precibus à peste liberarit.

2. Reg. 24

*Psal.* 146. Quomodo contritos corde sanet, & propter misericordiam suam in se sperantes saluos faciat.

*3. Reg.* 13. Regi Ieroboam aridam manum restituerit.

*Ibid.* 17. Viduæ filio ad Eliæ preces vitam reddiderit.

*4. Reg.* 20. Ezechiam Regem ad Deum humiliter recurrentem, à graui morbo liberauerit.

*Tobia* 2. Tobiam in exemplum patientiæ cæcum fieri permiserit.

*c.* 11. Eumdem per Angelum suum lumen cæli videre fecerit.

*c.* 12. Dæmonium à Sara compescuerit.

*Matth.* 8. Febricitantes, & complures à malignorum spirituum vexatione exemerit.

*Ex alibi.* Omnes malè habentes sanauerit.

*Mat.* 12. Paralyticos, aridos, leprosos, surdos, mutos, claudos, cæcos curauerit.

*Ex* 14. Mulierem à sanguinis fluxu, & contractam liberarit.

Mortuos ad vitam excitarit.

Quare meritò ad CHRISTVM Dominum, tamquam fortitudinem nostram, firmamentum & refugium nostrum, adiutorem & protectorem, liberatorem & susceptorem, ac cornu salutis nostræ, accurres, ab eo auxilium in tempore oportuno accepturus.

CANTICVM *Regis Ezechie.*

*Isaia* 38. **E** Go dixi, In dimidio dierum meorum : vadam ad portas inferi.

Quæsiui residuum annorum meorum : dixi, Non videbo Dominum Deum in terra viuentium.

Non



Non aspiciam hominem vltra : & habitatorem quietis.

Generatio mea ablata est , & conuoluta est à me : quasi tabernaculum pastorum.

Præcisâ est velut à texente , vita mea ; dum adhuc ordiret, succidit me: de manè vsque ad vesperam finies me.

Sperabam vsque ad manè : quasi leo sic contriuit omnia ossa mea.

De manè vsque ad vesperam finies me : sicut pullus hirundinis sic clamabo , meditabor vt columba.

Attenuati sunt oculi mei : suspicientes in excelsum.

Domine vim patior, responde pro me: quid dicâ, aut quid respondebit mihi, cum ipse fecerit? Recogitabo tibi omnes annos meos: in amaritudine animæ meæ.

Domine si sic viuitur, & in talibus vita spiritus mei, corripies me, & viuificabis me: ecce in pace amaritudo mea amarissima.

Tu autem eruisti animam meam vt nō periret: proiecisti post tergum tuū omnia peccata mea.

Quia non infernus confitebitur tibi, neque mors laudabit te: non expectabunt, qui descendunt in lacum, veritatem tuam.

Viuens viuens ipse confitebitur tibi, sicut & ego hodie: pater filiis notam faciet veritatem tuam.

Domine saluum me fac: & psalmos nostros cantabimus cunctis diebus vitæ nostræ in domo Domini.

## PSALMVS.

Psal. 114

**D**ilexi, quoniam exaudiet Dominus: vocem orationis meæ.

Quia inclinavit aurem suam mihi: & in diebus meis inuocabo.

Circumdederunt me dolores mortis: & pericula inferni inuenerunt me.

Tribulationem & dolorem inueni: & nomen Domini inuocaui.

O Domine libera animam meam: misericors Dominus & iustus, & Deus noster miseretur. Custodien's paruulos Dominus: humiliatus sum, & liberauit me.

Conuertere anima mea in requiem tuam: quia Dominus benefecit tibi.

Quia eripuit animam meam de morte: oculos meos à lacrymis, pedes meos à lapsu.

Placebo Domino: in regione viuorum.

Gloria Patri, &c.

*Vers.* Clamauerunt ad Dominum cùm tribularentur.

*Resp.* Et de necessitatibus eorum eduxit eos.

*Vers.* Domine exaudi orationem meam.

*Resp.* Et clamor meus ad te veniat.

## Oratio ad CHRISTVM.

*Granat.  
in tra-  
ctat. de  
pass.*

**D**omine IESV Christe Fili Dei viui, per amarissimas angustias, quæ te in monte Oliueti tantopere coarctarunt, & per admirabilem illum horrorem ac tremorem, qui carnem tuam sanctissimam ita constrinxerunt, vt diceres, Tristis est anima mea vsque ad mortem, te humili corde ac corpore ad terram vsq.

prostra-

prostrato rogamus; ut in ultimo illo transitu, quo ex hac vita migrandum erit, cum timor ac tremor cor nostrum ac intellectum occupabunt, succurrere, & in tam tristi agonia fortitudinem ac spem de tua misericordia largiri digneris. O dulcissime Magister, ne nos in tam horribili certamine deseras: at sicut Pater tuus cælestis Angelum de cælo misit, qui te consolaretur; ita nobis Angelum mittas, qui eo tempore nos commitetur, muniat ac corroboret aduersus omnes insultus inimici, & in omnibus adiuuet; nec consentiat, ut prauorum spirituum exercitus aduersum nos præualeant, aut tentationibus suis & mendacibus persuasionibus nos decipiant prosternantque. Arma quoque cor nostrum virtute passionis tuæ, & confirma, ne vlla aduersitas aut infirmitas, quantumuis diuturna ac vehemens, impatientiam aut fastidium aut murmurationem in nobis pariat. Sed in omnibus ac per omnia, anima nostra se subiiciat, ac offerat sanctissimæ tuæ voluntati, siue illa infirmitatem, siue sanitatem, siue aduersitatem, siue vitam concedat: eo planè modo, quo tu Domine naturalem tuam voluntatem Patris tui cælestis voluntati postposuisti, cum diceres; Non mea voluntas fiat, sed tua. Non tibi supplicamus, ô Domine, ut dulcem concedas mortem, aut exiguos dolores, aut facilem denique ægritudinem: hæc enim tuo relinquimus nutui ac beneplacito, ut de iis disponas; non pro nostro arbitrio, inquam, sed pro nostra necessitate ac vtilitate. Hæc verò gratia potissima est



quam efflagitamus, ut scilicet in quibuscumque casibus, des nobis talem fortitudinem, animique robur, quæ nullo pondere flectatur; sed stare potius nos faciat fortes, & immobiles usque ad extremum vitæ momentum: ut ex hac societate, quæ per Diuinam tuam gratiam nobis tecum communis est, ad illam transire mereamur, quam tecum habent Sancti per gloriam.

*Oratio ad CHRISTVM cruci affixum.*

**O** Domine Iesu Christe, qui præ amore tuo erga me tibi ipsi parcere noluisti: quæso ut sic cor meum tuis sacris vulneribus transfigas, animamque meam sanguine tuo inebries, ut quocumque oculos conuertero, te cruci videam affixum; & quamcumque rem intuitus fuero, ea mihi videatur roseo illo tuo sanguine tincta: quo nempe totus in te transformatus, nihil inueniam extra te, ac nihil videam præter plagas tuas. Hæc sit consolatio mea, in hac quam patior infirmitate, ut tecum sim confixus cruci; hæc sit maxima afflictio mea, cogitare aliquid extra te, quod non sit propter te, Saluator mundi. Obsecro te, ut me cum Apostolo tuo B. Andrea clamantem exaudias & dicentem: O bona crux, quæ decorem ex membris Domini suscepisti, diu desiderata, sollicitè amata, sine intermissione quæsita, & aliquando cupienti animo præparata, accipe me ab hominibus, & redde me magistro meo; ut per te me recipiat, qui per te me redemit: qui viuit & regnat in sæcula, &c.

TESTA-

TESTAMENTVM, *sive protestatio CHRISTIANI HOMINIS, quotidie & præsertim in infirmitate facienda, & sæpius repetenda.*

**E**GO peccator indignissimus, pretiosissimo Domini nostri IESV Christi sanguine redemptus, palàm profiteor me sincero corde ignoscere omnibus, qui quovis modo mihi iniuriam vel molestiam aliquam intulerunt; & humiliter rogo tam præsentēs quàm absentes omnes, ut mihi vicissim ignoscant, & dimittant, si in aliquo eos offendi.

Agnosco me hætenus non vixisse purè, nec sanctè coram Domino, sicut vivere debueram. Agnosco scelera mea multa nimis. Agnosco culpas, & negligentias meas infinitas. Agnosco quidquid mali per totam vitam meam commisi: & supplici mente à misericordissimo Domino Deo nostro veniam peto, dolens quòd vquam eum offenderim, & proponens deinceps vitare peccata, & peccandi occasiones. Utinam numquam in vita mea Diuinam bonitatem offendissem! Vellem certè, si liceret, in signum verè contritionis, sanguineum sudorem & sanguineas lacrymas pro peccatis & excessibus meis abundanter effundere. Verùm quamvis grauiter, & multis modis hætenus offenderim, non tamen diffido de benignissima misericordia Redemptoris mei, sed spero per meritum passionis & mortis eius fore me æternæ vitæ atque hereditatis participem. Passionem eius sacratissimam pro refugio munimentoque tutissimo habeo. Eam inimicis meis inuisibili-

bus semper & vbique tamquam armaturam  
inexpugnabilem obiticio. Eam sanctæ Trinitati  
pro meritis quæ mihi defunt, & perfecta satis-  
factione, offero: & cum Ecclesia Catholica fi-  
dem meam profiteor, dicens; *Credo in Deum,  
Patrem omnipotentem, &c.* Protestor itaque co-  
ram sanctissima Maiestate Dei mei, ac glo-  
riosissima Virgine Maria matre eius, totaque  
Curia cælesti, me cupere & velle in ea fide vi-  
tam hanc finire, in qua conuenit obedientem  
sanctæ matris Ecclesiæ filium mori. Ideoque  
intimo corde desidero, humiliterque peto, pro-  
pter Deum mihi subueniri in extremis, & mu-  
niri sanctis Pœnitentiæ, Eucharistiæ & Extreme  
Vnctionis Sacramentis. Protestor iterum ite-  
rumque, me credere vniuersa, quæ ipsa Catho-  
lica Romana fides continet, & quæ à veris or-  
thodoxis Christi fidelibus credenda sunt. Quod  
si (vt varia se offerunt pericula) eorum occasio-  
ne (quod absit) ab hac fide deuiarem, vel im-  
pugnatione dæmonis, vel violentia morbi pres-  
sus, aliquid huic proposito contrarium cogita-  
rem, loquerer, aut facerem, iam illud reuoco, &  
contestor nunc & tunc, me nullo modo con-  
sentire talibus cogitationibus, verbis, vel ope-  
ribus. Gaudeo & gratias ago tibi misericordis-  
simo Creatori & Saluatori meo, cuius ineffa-  
bili pietate me in hac fide moriturum confido.  
In manus tuas sanctissimas animam meam &  
corpus meum nunc, & in hora mortis meæ  
commendo. Tu mihi succurre bone Iesu: ade-  
sto mihi Iesu. Peccaui in cælum & coram te,



iam non sum dignus vocari filius tuus, fac me sicut vnum de mercenariis tuis. Deus propitius esto mihi peccatori. Domine adauge mihi fidem meam. Domine saluum me fac. Media vita in morte sumus, quem querimus adiutorem nisi te Domine? qui peccatis nostris iuste irascaris. Sancte Deus, Sancte fortis, Sancte & misericors Saluator, amarae morti ne tradas nos: ne proicias nos in tempore senectutis; cum defecerit virtus nostra, ne derelinquas nos. Sancte Deus, &c. Peccauimus tibi Domine cum patribus nostris, iniuste egimus, iniquitatem fecimus. Sancte Deus, &c.

Tibi quoque, ô Angele Dei, qui mihi ad custodiam datus es, commendo fideliter hanc meam sententiam & voluntatem, humiliter petens, vt illam offeras Patri meo clementissimo tempore necessitatis meae, cum ab ipso donata sit, vt eam in sanguine filij sui Domini nostri Iesu Christi sanctificare dignetur, & me ad perfectionem perducere, antequam moriar. Quia ipsi cupio hîc & in æternum, tamquam minimum suum ac vilissimum mancipium, quod tamen manus eius fecerunt & plasmauerunt, diligenter seruire.

Tu qui corda scrutaris & renes, scis quid possim tua gratia, fac vt in cælo & in terra voluntas tua in me fiat. Gaudium accedat matri tuæ sanctissimæ Virgini Mariæ, Angelo custodi, N.N.N. patronis meis, & tibi gloria in æternum & vltra. Amen.

*Alia CATHOLICI HOMINIS protestatio cum proposito vitæ melioris, quo anima excitetur ad pœnitudinem peccatorum, & Dei amorem, præsertim in hora mortis exercenda.*

**A**udiant cæli, audiant Angeli & cælites omnes hanc fidei meæ confessionem, ac earum iniuriarum, quas aduersus Deum benefactorem meum, imò aduersus cælum ipsum (vnde meritò exulo) perpetraui, humilè agnitionem. Audiat me terra, & incolæ eius, sintque mihi vniuersæ creaturæ emendationis vitæ testes, concipiantque horrorem ex culpis meis: qui verò ob has scandalum aliquod passi sunt, considerent hanc voluntatis meæ mutationem, publicam satisfactionem, & exemplum.

Attentus sit infernus, & qui cum inhabitant maligni spiritus, infelices animæ, summo iure eternis ignibus addictæ: illi quidem, quòd non se voluerint ad Deum cōvertere; hæ verò, quòd vel in infidelitate permanferint, vel in sancta fide diuinoque amore persistere noluerint: intelligant quanto ego eorum exemplo tremo & expauesco. Denique intelligant generatim omnes, quotquot hanc schedam veræ protestationis, & ad Deum oblationis animæ meæ, ac vltimam voluntatem meam viderint, quomodo Ego N. peccator miserrimus, filius prodigus, non priuatus iudicio, aut mentis impos, ingenuè fatear ac declarem: Quòd cùm ab æterno Patre meo, toto vitæ meæ decursu, maximum patrimonium cælestesque opes acceperim; eas tamen spreuerim, alienauerim, dissipauerim,

non

non estimando quāta dignitas sit esse filiū Dei.

Declaro me iure titulo Creationis esse seruum eius, cū eo nomine me condiderit ad imaginem & similitudinem suam, vt illi obsequeretur, ipsum cognoscerem & amarem. Titulo Redemptionis, cū vt bonus pastor è cælo descendere dignatus sit, quò animam meam ceu ouem perditam quæreretur, subq̃ue dæmonum tyrannide constitutam, sanguine suo pretioso emeretur, ac triginta tribus annis incredibili labore transactis redimeretur. Titulo Donationis, cū in Baptismi susceptione solemne ediderim votum renuntiandi pompis & legibus dæmonis ac mundi: & tunc quidem ipsissimus & omnipotens Deus, cū esset Dominus omnium & Rex gloriæ, ego verò inimicus eius, filius iræ, & mancipium satanæ; Deus, inquam, non celsitudinis suæ sed solius bonitatis memor, voluit vt in nomine S<sup>mæ</sup> Trinitatis sacris aquis ablueretur: in quibus me Pater titulo filij insigniuit, Filius merita sua & fructus passionis & sanguinis sui mihi applicuit, Spiritus sanctus animam sibi meam in sponsam adoptauit. O me infelicem, qui tantum nequiuu æstimare aut conseruare honorem! & qui gratus esse debueram, totamq̃ue vitam in amore & laudibus eius traducere, tot culpis (heu mel!) gehennam merentibus, vt sceleratus proditor eam prodigere potius aut contaminare studui! Eius bonitas ita in mediis criminibus meis inexpugnabilis fuit, vt cū optimi Domini maximè obliuiscerer, ille oculos misericordiæ suæ

hand-



haudquaquam auerterit, sed tum publicis, tum secretis inspirationibus animam exstimulare non destiterit: cum me surdum fingerem, ipse me nunc minis, nunc blanditiis, nunc beneficiis, nunc consolationibus, nunc afflictionibus & tribulationibus ad se amandum prouocauerit. Denique tempus vitæ meæ aliud non fuit, quàm pugna quædam meorum scelerum ac negligentiarum cum Diuina bonitate ac patientia eius insuperabili. Quamdiu huius vitæ vsura licuit vti, Deus me ingratissimum & iniquissimum vt seridè pœniterem expectauit; at ego conceptus in peccatis & natus, noua nouis cumulaui, nec peccare desij. Quare tamquam peccator, & reus infamis, me coram Iustitiæ diuinæ tribunali sisto, & confiteor iniquitates meas, guttis maris superiores. Me æternis cruciatibus dignum iudico, & sententiā tuam de iis latam iustissimam fateor. Si tamen liceat à summo iure ad misericordiæ solum prouocare, & ipsum supremum interpellare iudicem, ad tribunal Gratiæ humiliter appello. Actorem causæ meæ & patronum eligo IESVM CHRISTVM, vt per infinitæ misericordiæ suæ leges, ac suam inexhaustam gratiam, me defendat inermem. Offero eius merita, ipsius scilicet vitam, passionem, mortem, exemplum, & triginta trium annorū opera omnia infiniti pretij: quæ non tam sua, qui nulla eguit satisfactione, aut expiatione, quàm mea causa præstitit. Et tu REGINA CÆLORVM, vita, dulcedo, spes nostra, mater misericordiæ, patiaris obsecro,

cro, vt te patronam & aduocatam eligam. Insu-  
per deploratæ causæ meæ, te Angelum custo-  
dem, cui noti sunt gressus mei & actus, quàm  
possum demississimè inuoco. Sint aduocari  
mei Sancti omnes: præsertim illi quos peculiari  
colui obsequio. Tibi denique Deus meus pro-  
stratus, fide Catholica excitatus, spe nutritus, &  
charitate firmatus, supplico, vt consideres me  
esse plasma manuum tuarum: non hoc con-  
demnes tam nobile opus, aut destrui patiaris,  
cùm ad tam funestum finem haud sim creatus,  
sed vt conspectu suauissimo fruam, & bonita-  
tem tuam perpetuis in cælo laudibus celebrem.

Salutare tuum exspectabo Domine. Amen.

*Oratio ad B. VIRGINEM MARIAM  
ex Sermone S. Chrysostomi.*

**A**Ve mater, cælum, puella, virgo, thronus,  
Ecclesiæ nostræ decus, gloria & firma-  
mentum; assiduè pro nobis, & amicis nostris  
vita functis precare IESVM Filium tuum, &  
Dominum nostrum: vt per te misericordiam  
inuenire in die Iudicij, & quæ reposita sunt iis  
qui diligunt Deum bona consequi possimus,  
gratia & benignitate Domini nostri IESV  
Christi: cum quo Patri simul, & sancto Spiri-  
tui gloria, honor, & imperium, nunc & semper  
in sæcula sæculorum. Amen.



# MILES CHRISTIANVS.



Induite vos armaturam Dei, ut possitis stare  
aduersus insidias diaboli. Ephes. 6.



# THE SAVRI

## Precum & Exercitiorum Spiritualium

### PARS SEXTA.

EXERCITIA hominis Christiani  
ad virtutem aspirantis.

#### CAPVT PRIMVM.

#### EXERCITIVM quotidianum.



*Ex illorum sis numero, qui in  
vanum acceperunt animā suam,  
& hac CHRISTI voce notantur,  
qua ait; Quid hīc statis toto  
die otiosi? nēve perennis exiliij  
cogaris audire sententiam; Dis-*

*Mat. 20.*

*cedite à me operarij iniquitatis: operapretium  
erit in accurata vita rationis studium incūbere;  
& si nequeas totos dies, Religiosorum more, di-  
vino te deuovere obsequio, decimam certè cuiusq.  
diei partem eidem consecrabis. Quarum prior au-  
rora, posterior nocti respondeat, sic ut vtrumq. hoc  
tēpus ab ipso ordiaris, & cum eodē feliciter finias.*

#### EXERCITIVM MATVTINVM.

I. **Q** Vamprimū somno defunctus exper-  
gisceris, memoria ac mente reuolue, te

pere-

peregrinum, extremeq. inopem esse; cui quantum viæ restet incertum; quiq. tantum confeceris, quantum ab ea hora, qua anima tua diuino nutu in hoc corporis domicilium infusa, in lucemq. edita, effluxit temporis.

2. Illud animo quoque repete diligenter, animam tuam ad imaginem & similitudinem Dei conditam, celumq. sedem eius, ac verum esse patrimonium: vbi eam benignissimus Pater, ipsi Angeli, & caelestes conciuēs tui auidè praestolantur.

3. Oculos tuos in eum defige locum, vbi modò versaris, à caelesti patria remotissimum, hostibus refertum; quorum hi ab instituto te retardare conantur itinere, illi aliò errabūdum deducere, alij in necem propellere. Insuper cōsidera, quanta sit naturæ imbecillitas ad casum sponte sua pronæ: sicq. sublimem illam beatorum patriam salutando petes, vt à sanctiss. Trinitate plenam tribus animæ tuæ potentiis, intellectui, memoriæ, & voluntati, impetrent salutem; & aduersus hostes tuos, mundum, demonem ac carnem, victoriam gloriosam. Denique iterata tertio Dominica prece cum Salutatione Angelica, & Apostolico Symbolo, Deum trinum & vnum reuerenter adorato.

4. Memor esto sacrificij quod Christus Dominus verus Dei viui filius die Parasceues in cruce obtulit Patri ad tua & mundi scelera expianda. Et cum nihil in te sit, quo tanto pro munere gratias referre vales, si teipsum, & quidquid vel cogitaueris vel dixeris, egeris vel passus

passus hoc die & quocumque tempore fueris, liberaliter offer, protestatus ingenuè, nihil à te profecturum quod fieri non cupias intuitu Dei; quem obnixè rogabis vt Christi sanguinis merito te locupleter, ac sensuum custodiam largiatur. Quo nomine subiunges Orat. Dominicam, & Salutationem Angelicam, in honorem vulnerum eius quinquies repetitam: tum sacræ Missæ officio, in quo eiusdem passio ac mors offertur, qua decet mentis attentione ac reuerentia, libenter adesto.

EXERCITIUM DIURNVM.

1. **C**Ogitabis te non ampliùs esse iuris tui, sed Iesu Christi, qui sanguinis pretio toties te redemit, & à diaboli iugo liberauit, quoties implicitum noxis, liberum reddidit. Et præterquam quòd hoc primo diluculo te obtuleris Deo, gaudeas vel maximè, quòd tanti Principis sis mancipatus obsequio.

2. Considerabis quòd sicut hi qui ad catenas damnantur, sua frustrantur libertate, nec superbire ob aliquam indulgentiam, vel lamentari ob pœnam solent; ita te, qui Christi seruus es, tot amoris astrictus vinculis, quot illius in te dona relucent, gerere decet. Sic vt siue te solatio, siue doloribus affici sinat, non sit quo extollaris, vel anxie queraris, sed potiùs in bonis maximis ducas paternâ hanc dispositionem.

3. Quantumuis autem huic te addixeris Domino, cogitandum tibi erit, vt illi ex amore, non vt seruuus, sed instar amantissimi filij seruias. Te enim eò loci posuit, vbi res omnes



creata, tibi sint ceu magistri, ceu ductores, ceu impulsores ad augustam tanti numinis Maiestatem religiosè colendam. Vbi demum te, tuaque omnia, & Diuini & Angelici oculi perpetuò contemplantur, & obseruant, tuosque minutim enumerant gressus: quibus coram, fortè hac nocte sistèris, vt minimarum quarumcumque actionum & cogitationum rationem reddas. His peractis animam tuam VIRGINI MATRI cælique Reginæ, Angelica dicta precatione, commendabis; vt illius ope fretus, sincerus, fidusque CHRISTI cultor euadas.

CONSCIEN TIÆ EXAMEN  
*noctibus singulis instituendum.*

**V**Bi iam nox aderit, nonnihil secedes, vt tecum exacti temporis rationes ineas.

Ac primò quidem supplices ad Deum fundes preces, vt mentis oculos tibi aperiat, quibus tam magnitudinem quàm multitudinem beneficiorum cernas, quæ de manu eius accepisti, siue ea sint naturæ, siue gratiæ: inter quæ primum erit, quòd ipsemet Deus, & non alius artifex ad imaginem & similitudinem suam te creauerit, vt esses heres cæli, & socius Angelorum, cùm antequam nascereris, totum hunc mundum vsibus tuis destinàrit, & huc vsque conseruàrit: Filium suum vnigenitum dederit, qui pœnas sacrilegis tuis sceleribus debitas suo capite luerit: Sacramenta instituerit animæ tuæ morbis curandis aptissima: Sanctos in cælestes sedes transtulerit, vt essent tibi patroni & aduocati; ceterasque res creatas ceu magistras esse

volue-

voluerit, vt tanto aptius tantæ poffes inferuire  
Maieftati: Angelum infuper custodem atque  
ductorem dederit, qui ignauia torpentem exci-  
taret, qui toties cor tuum pulfaret, quoties vel  
bonam aliquam inspirationem, vel confilium,  
vel lectionem, vel concionem, vel bonum ali-  
quod exemplum ante oculos poneret. qui æ-  
ternæ vitæ thefauros tibi præparauerit, & in  
præfens vſque tempus ſemper miſericors, be-  
neſicia beneficiis cumulans, tuam tolerauerit  
iniquitatem. Quibus ergo laudibus atque gra-  
tiis adeo munificū proſequēris benefactorem?

2. Gratiam atque lumen enixè petes, quo  
peccati turpitudinem malitiāque agnoſcas,  
excitatoque in te animi de admiſſis ſcleribus  
dolore, tantum aduerſus ea ſentias odium, vt in  
poſterum ad vomitum non redeas.

3. Diligenter animaduertes, quemadmo-  
dum his donis vſus fueris, quæ tibi contulit  
Deus, iuxta diſcurſum illum, qui in proximo  
attingitur puncto. Ac primo loco ea ſint quæ  
mente cogitationēve volueris; cū te non la-  
teat, illam eſſe creatam, non ſolū vt imago  
Dei ſit tribus ornata potentiis, ſed etiam inſtar  
horti vel domus Sanctiſſimæ Trinitatis, in qua  
libens ſedem figat, & vt dulcis hoſpes ſuaniter  
ambulet: quam cū ſumma cura obſeruare de-  
bueras, & ſic vndeque munire, vt nil niſi  
ſanctum purumque eam ſubiret; ita laxaſti ac  
proſtituiſti, vt locum dares omnibus mundi  
quiſquiliis, ac ſenſibus tuis talem in modum  
vſus es, vt in arma eos ad offendendum Deum

ac proximum tuum cōuerteris. Si porro actiōnes omnes tuas expenderis, aut planè peruerfas aut multis erroribus permixtas cernes; imò & pessimam tuam peccandi consuetudinem, pronitatemque deprehendes, quibus te dēmon ceu catenis quibusdam implexum pro libitu suo ad præcipitium trahit. Accedunt scelerum altæ radices, quæ vixdum purgato pœnitudine animo, nouas generant noxarum spinas.

4. Instanter orabis Christum Dominum, vt culpas admissas benignè remittat: illique tamquam mundi Saluatori, singula errorum tuorum, quibus constrictus es, vincula detegas; ac cōcepto melioris vitæ proposito, quamprimùm licebit, ad humilem tui accusatorem, exomologesimque confugas: tum verò pari conatu inuigilabis ad tui custodiam, propriæ voluntatis expugnationem & mortificationem, vt tandem prauos quosque motus moreſque radicitus euellas.

#### EXERCITIVM NOCTVRNVM.

I. **P**Riusquam te somno des, hæc meditaberis: nempe postquam sol iam occubuerit, ceteris rebus quiescentibus, & alta silentia tenentibus, Angelos cælorum incolas & Dei famulos in terra degētes haudquaquam quiescere, sed diuinum Numen contemplando, perpetua illius luce longè maxima dulcedine frui; quod tibi meritò tristitiam pariet, qui dum somnum corpori tuo putredini ac vermibus subiecto indulges, tanto splendore priuaris.

2. Cū certum sit, somnum nihil aliud  
esse,



esse, quàm mortis imaginem, veram autem humanæ mentis quietem deliciasque in Dei aspectu ac cōtemplatione pulchritudinis eius consistere: lectulum tuum vt sepulcrum aspice, menteque in Deum erecta, te tanto tempore sepultum fore, ac Dei spoliatum memoria, ex animo dole. Ipsi ergo supplica, vt quandocumque expergisceris, non se aliud tuis cogitationibus ingerat, quàm eius bonitas; & vbi surrexeris, cælesti ornatus gratia viuas, diemque transigas.

3. Quemadmodum verò exactus hic dies imaginem refert totius temporis, quo tibi in hac vita mortali agendum est: ita nox mortem, ac tempus quo corpus hîc obscuro iacet conclusum tumulto. Itaque bis Oratione Dominica pronuntiata, adiuncta Salutatione Angelica, tam pro teipso quàm pro animabus illis quæ duras illas purgatorij pœnas sustinent, humiles fundes CHRISTO Domino preces, tui & totius mundi causa mortuo & sepulto, vt te soletur, gratiamque concedat, qua exiguum hoc quod restat vitæ, illæso pede decurras, ac cælesti semper præditus gratia feliciter termines.

*Modus excitandi animi affectum in DEVM.*

**S**emper hoc tibi propositum habe, quòd Diuina intelligentia ipse Deus in se oculos suos dirigat, omnes cogitationes & intentiones cordis, verba pariter & facta, totam animam & corpus penetrando consideret. Confundere in præsentia eius, quòd tam mortificatus sis, tam tepidus, tam ingratus; quòd eius sanctissimum

beneplacitum tam malè adimpleas, nec tantam bonitatē ex toto corde diligas. Concipe deinde propositum in animo tuo, illi summo Domino vniuersorum, reuerēdissimo, optimo, & benefactori maximo complacēdi, & dic: Vtinam in oculis summi Dei gratiam inuenire possē! utinam illi placerem! utinam puro corde diligere eum! & cetera huiusmodi in tertia persona: quę postmodum in secunda persona fient, dum te in Domini familiaritatē senseris admissum.

Institue etiam semel in die quamdam recollectionem, & in mente tua concepta Diuina pręsentia, quod consuetudine facillimum est, composito quasi quodam fasciculo principalium beneficiorum, scilicet creationis, redemptionis, conseruationis, promissę glorificationis & similium, Deo pro his gratias age. Postmodum de peccatis in generali propositis dole, & veniam precare. Deinde gratiam pete, & illuminationem, pœnitentiam, atque in virtutibus profectum, &c. Habe firmissimum propositum numquam peccandi, nec venialiter quidē ex proposito & deliberatione. Quòd si natura immortificata reluctata fuerit, ratione contradic eidem quantum potes, & Domini auxilium posce humiliter.

*Aliud EXERCITIUM QUOTIDIANVM,  
R. P. Francisci Borgia Generalis Societ. IESV.*

**V**Bi cognoui ad absolutam iustitiam non satis esse peccatis abstinere, sed talibus insuper actionibus insistendum, quę Diuinę placeant

placeant Maieſtati; animam meam, cùm opus aliquod aggredior, tribus cōſiderationibus ceu totidem ſtimulis excitare conor: primò confuſione; ſecundò, gratiarum actione; tertio, humili aliqua poſtulatione, verbi gratia;

**Dum manè excitor:**

1. Confundor vehemente, quòd tam altum ſtertam, ac in multam lucem interdum dormiam, cùm Chriſtus in oratione Dei pernoctet.

2. Gratiarum ago, quòd dignetur aures meas aperire, & cor durum penetrare, ne ad vocem eius obdureſcant.

3. Peto humiliter, vt ſemper cor meum in actionibus diurnis ſit vigilans, nec diſſipari ſinat Chriſtus eos influxus quos tam miſericorditer à ſomno me excitans, in animum illabi permittit.

**Cùm veſtibus tegor:**

1. Confundor quòd me veſtibus induam, cùm Chriſtus mei cauſa ſuis exuatur in cruce.

2. Gratiarum ago, quòd noſtram ille humanitatem pro nobis ingratum futuris induerit, & veſte gratiæ nos texerit, quos eam non ſemel laceraturos nouerat.

3. Peto humillimè, vt quando me induens, nudum quempiam veſtiuero, ſit illi hoc opus miſericordiæ gratum; idque intuitu ignominioſæ illius veſtis, quam iuſſu Herodis induit.

**Cùm ad audiendum ſacrum propero:**

1. Confundor quòd grauatus tot delictis & imperfectionibus, ad Deum in templo ſuo lau-



dandum me confero; quem Angeli purissimi & perfectissimi, tremantes tamen, perpetuò laudant.

2. Gratias ago, quòd cum ex eius domo peccatis abstractus tam sæpè abierim, toties tamen me reuocet, & stans ad ostium pulset.

3. Peto vt per eam charitatem, qua Virginis filius in templo præsentatur, Deo præsentari, eiusque templum effici merear.

Cum ad orationem componor:

1. Confundor multitudine peccatorum meorum, & exemplo Publicani dicere cogor: Propitius esto mihi peccatori.

2. Gratias ago, quòd Christus pro me orauerit, ipseque impetrarit, vt cum oro, exaudiar.

3. Peto vt per eam orationem, quam in deserto & alibi pro peccatoribus fudit, ea concedere dignetur, quæ oratione illa quam nos docuit, petere iussit.

Cum intersum sacro Missæ officio:

1. Confundor, quòd in tanto Christi erga me charitatis argumento, debitam animi præparationem omittam, qua Deo assistam: quodque beneficii huius continuatio, quæ me ad id maximi faciendum incitare debuerat, negligentem potius ingratumque reddiderit.

2. Gratias ago, quòd me Angelum efficit, si viuam eum quem adoro fide confitear. Ad Angelos enim spectat Deo assistere, eumque sine intermissione laudare.

3. Peto per illud cruentum Sacrificium, quod cruenti in cruce oblato vera est repræsen-

tatio,

tatio, Sanguinis sui merita mihi impertiat; huiusque virtute eum lacrymarum imbrem concedat, quo peccata abluam, & mortuo in me veteri homine, cum Christo resurgam.

**Cum mensæ assidens prandium sumo:**

1. Confundor, quòd eius pane cibique vescor cui infidelis & ingratus semper fui.

2. Gratas ago, quòd me, cū ipsius inimicus essem, hactenus tam liberali manu nutrierit.

3. Peto vt per eum amorem, quo in deserto turbas paucis panibus saturauit, suæ gratiæ pane me quotidie pascat.

**In negotiis quæ ad nostram vel proximi vtilitatem pertinent:**

1. Confundor, quòd me meam vel proximi causam Deus agere velit, qui mihi ipsi atq. aliis sæpè detrimenti causa fui: cū præsertim tanti momenti sit proximorum vtilitati studere, vt ea causa Christus in hunc mundum venerit, vt nimirum causam meam & proximi ageret.

2. Gratas ago, quòd cū his ipse negotiis nihil indigeat, ea tamen, quasi indigeret, grata habeat.

3. Peto vt per eam charitatem qua dixit in iis oportere se esse, quæ sui Patris essent, eam mihi gratiam concedat, vt in his semper verser, quæ ad eius gloriam & honorem pertinent.

**Cum vesperi orationi vaco:**

1. Confundor, quòd Deum alloqui debeo, coram quo facies suas præ reuerentia & timore velant Dominationes & Potestates.

2. Gratias ago, quòd ad orandum, animum mihi dans, iubeat vt à se quiduis petam.

3. Peto, vt per eam voluntatis suæ cum Patris voluntate consensionem, quam in horto orans cum lacrymis sanguineis declarauit, Diuinæ voluntati conformis, & in vita & in morte esse merear.

**Cùm mensæ ad cœnandum accumbo:**

1. Confundor, ob negligentias eo die commissas: quare dolens comedo, & sunt mihi lacrymæ meæ panes, die ac nocte.

2. Gratias ago, quòd de prandij beneficio homini ingrato cœnam præparauerit.

3. Peto, vt per ineffabilem illam charitatem, qua se in vltima cœna in cibum dedit & potum, me præparet, vt hunc ipsum cibum humiliter recipiam, eique perpetuo amoris vinculo coniungar.

**Cùm oro cubitum iturus:**

1. Confundor, quòd cùm Christus in cruce tanto & amore & dolore pro me preces funderet; ego tamen parum amem, parumque contrister.

2. Gratias ago, quòd moriatur ille, & ego viuam.

3. Peto, vt per eum dolorem quem sensit, ipse quidem moriens, eius verò Mater morientem aspiciens, id mihi concedat, vt & in morte mea, mortis ipsius recorder; & propter ipsius mortem, mea sit æterno Patri accepta.

**Cùm me noctu vestibus exuo:**

1. Confundor, quòd requiescere in lecto

desi-



desidero exutus vestibus, cū pro me CHRISTVS & indutus vestibus somnum ceperit, & vbi caput reclinaret non habuerit.

2. Gratiās ago, quōd iis quæ pro me passus est, mihi veterem hominem exuerit.

3. Peto, per eum dolorem quem sensit cū vestibus crucifigendus exueretur, vt mihi gratiam tribuat qua nudus rebus terrenis crucem amplexer, atque in cruce moriens nuptialem vestem merear, quam præparauit æternus Pater diligentibus se.

## CAPVT SECVNDVM. REMEDIA contra peccata.

### Remedium generale.



*VM Dominica passionis & mortis amaritudinem ad memoriam renoco, nihil adeo se offert asperum, quod non aquanimiter sufferendum indicem.*

*Si namque in ligno viridi, omni scilicet virtutum genere florente CHRISTO, tantum Diuina Iustitia rigorem exercuit; quid eidem, in me siccum & aridum vermiculum, nec non peccandi iam vsu putridum, non licebit statuere? Quare me perpetua quadam cordis compunctione ad ipsum conuertam, qui solus Saluator, & filius Dei, creaturam suam & opus manuum suarum, vulnere suo (cū plaga illius non sit alia sanitas, vt Sapiens ait) sanare potest, & gratiam dare, ne in posterum*

*enormi-*

enormiter peccando ipsum conculcem, & sanguinem Testamenti, in quo semel sanctificatus sum, pollutum ducam, aut spiritui gratia contumeliam faciam. Hac licebit ratione clariùs cum D. Bernardo, Agnum illum præ doloribus, in cruce totum, sic audire loquentem:

O homo! vide quid pro te patior.

Non est dolor sicut quo crucior.

Ad te clamo qui pro te morior.

Vide pœnas quibus afficior.

Vide clauos quibus confodior.

Et cùm sit dolor tantus exterior:

Tamen intus est planctus grauior,

Cùm te tam ingratum esse experior.

*Aut ut alibi, ex D. Augustino lib. de sancta Virginitate, sibi proponit celebris concionator Philip. Diez, eundem Agnum verba facientem:*

Inspice vulnera pendentis, sanguinem morientis, pretium redimentis. Caput habet inclinatum ad osculandum, cor apertum ad diligendum, brachia extensa ad amplectendum, totum corpus expositum ad redimendum. Hæc quanta sint cogita. Hæc in statera cordis appende, ut totus tibi figatur in corde, qui totus pro te fuit fixus in cruce.

Si porrò ad peccati naturam fœditatemque, qua mortem Christo intulit, descendero, nihil ita sensibus aut voluntati suaue erit, quod non perhorrescam. Quid enim aliud peccando assequar, quàm deplorandum planè animæ statum: qua relicto illo summo & incommutabili bono, spretisquæ omnium virtutum odoramentis, non solum aucto-

rem sui Deum sibi inimicum facit, sed & se omni quasi illius, & Ecclesia sua auxilio fauoreque indignum reddit: cum hæc sit maioris cuiusque sceleris, quod mortale vocatur, conditio, ut hominem spiritali vita sic priuet, ac si esset cadaver aliquod foetidum, & velut mortuum Christi membrum, à consortio Sãctorum & celesti curia spiritali quodam modo excommunicatum aut proscriptum, demonum ludibriis expositum, plenum confusio- nis, ut filia Babylonis, absque iugo & freno, ut fi- lia Belial, mancipium peccati, vas iniquitatis, contumelia, ira & maledictionis: ad nihil denique aptum, nisi ut tamquam ciuis infernicum ceteris iniquitatem operantibus dum altissime dormit, & voluptatum illecebris seu aranearum telis in- sidens securè nimis agit, in profundissimum pu- teum detrudatur, & intolerabili igne, qui ab æterno illi paratus est, concremetur.

REMEDIA PARTICVLARIA contra vi-  
tia capitalia, & alia quædam grauiora, cuius-  
dam viri deuoti.

Contra SUPERBIAM.

**V**Bi cognoui Deum altissimum pro me extre-  
mè humiliatum, numquam adeò me depri-  
mere potuit homo, quin maiori me vilipensione di-  
gnum indicarem.

Contra AVARITIAM.

**V**Bi cognoui animam meam nulla re posse sa-  
tiari, præterquam solo Deo meo; miratus  
sum, me aliud præter ipsum querere posse.

Contra



## CONTRA LVXURIAM.

Epist. ult.  
select.

**V**bi cognoui corporis mei nobilitatem, & quod mihi conceditur purissimum corpus CHRISTI sumere in os meum, dignum duxi omnibus modis laborare pro perpetua cordis & corporis puritate, ac memor esse doctrina D. Hieronymi, qui ait, Nolo spe pugnare victoria, ne perdam aliquando victoriam: si fugero, gladium denitani; & ideo fugio, ne vincar. Nulla securitas est, vicino serpente dormire; potest fieri ut me non mordeat, tamen potest fieri ut aliquando me mordeat, &c.

## CONTRA IRACUNDIAM.

**N**ulla hominum infidelitas me perturbare potuit, cum perpendi quam infidelis Deo meo fuerim ego. Et quoniam hic motus plerumque ita infixus est natura ac moribus, ut evelli atque evinci non queat, si praevidere hunc possum, ratione reprimo: aut si prius occupatus fuerit animus ab indignatione, quam consilio prospici aut provideri potuerit ne occupetur, meditor quomodo animi mei motum vincam, iracundiam temperem, ac iuxta D. Ambrosij preceptum lib. 1. Offic. c. 21. 43. & 47. resisto ira, si possum; cedo, si non possum. Cavere studeo ne in perturbationes prius incidam, quam animum meum ratio componat. Exanimat enim mentem plerumque aut ira aut dolor, aut formido mortis, & improviso percellit ictu. Ideo praevinire pulchrum indico cogitatione, qua voluendo mentem exerceat, ne repentinis excitetur commotionibus, sed ingo quodam rationis & habentis constricta mitescat. Boni speculatoris esse

esse iudico, ita pratendere animo, ut appetitus neque praecurrat rationem, neque deferat, ne praecurrendo perturbet atque excludat, eamque deferendo destituat. Plerumque dum animus exagitur, amittitur non solum ratio, sed etiam inflammatur vultus vel iracundia vel libidine, pallefcit timore, voluptate homo se non capit, vel nimia gessit letitia. Hac cum fiunt, abicitur illa naturalis quadam censura, gravitas morum, auctoritas ac constantia amittitur.

## Contra GVLAM.

**V**Bi gustavi caelestium ciborum dulcedinem, nulla terreni edulij me seducere potuit in-gluuias.

## Contra INVIDIAM.

**V**Bi cognovi quod Deus me tantum peccatorem in gratiam receperit, non potui aliquem hominem odisse propter ipsius iniquitatem.

## Contra ACEDIAM.

**V**Bi perpendi quod post breuissimum laborem aeterna conquiritur beatitudo, nimis exiguum arbitratus sum quemcumque ego tolera-vero laborem.

## Contra VITIUM LINGVÆ.

**C**Um plures vidi loquendo peccatum incidisse, vix quemquam tacendo; sapientem esse indicaui, qui nouit tacere. Hinc iuxta D. Ambrosij monita, lingua mea precepi, ut proferat sermones libra examinatos iustitie, ut sit gravitas in sensu, in sermone pondus, atque in verbis modus; ut sic fiam mitis, mansuetus, atque modestus.

Lib. 1.  
Offic. cap.  
1. & 4.

Contra

## Contra INIVRIAS.

**Q**Uando aliquis mihi conuitiatur, laceffit, ad violentiam pronocat, ad iurgium vocat, tunc silentium exerceo, tunc mutus fieri non erubesco. Peccator est enim, qui me pronocat, qui iniuriam facit, & me similem sui fieri desiderat. Si retulero contumeliam, dicetur: Ambo conuitiati sunt. Vterque condemnatur, nemo absoluitur. Iusti esse indico dissimulare, nihil loqui, tenere fructum bonæ conscientia, contentum esse gravitate morum suorum. Occurrit mihi exemplum Dauid, quando maledixit ei Semei. Denique recordor impium sibi ipsi pœnam esse, iustum vero sibi ipsi gloriam, ac utrique aut bonorum aut malorum operum mercedem ex se ipsis solui.

## CAPVT TERTIVM.

Varia progressus spiritalis  
impedimenta.

**P**RIMUM impedimentum, offerens se anima cupienti in via Domini progredi, defectus est humilitatis; quam Orthodoxi religiosique Patres fundamentum ceterarum virtutum atque custodem indicant. Cui enim hac deest, ut in superbiam impingat necesse est; quæ pernicacia sua omne opus bonum impedit atque perturbat. Ad quod vitium reducitur sui aestimatio, amor scilicet proprius, aut metus humani respectus, studiosaque Deo simul ac mundo placendi voluntas. Deinde  
presum-



*presumptio, qua quis existimat se officio suo perprobe functum, ac ad perfectionis culmen peruenisse. Huic defectui coniunctum est proprium iudicium, quo quis seipsum sibi regulam statuit, flocci faciens consilia, qua Seniores suggerunt.*

2. *Ingratitudo, qua fontem Divina largitatis exsiccat, Deoque summopere displicet.*

3. *Nimia loquacitas, qua tota cordis deuotio, ut fumus evanescit; & Spiritus sanctus, si ita loqui licet, contristatur: succeduntque distractiones ac varia peccata, quietem animi mirum in modum perturbantia.*

4. *Voluntas tepida, aut frigidum proficiendi desiderium. Unde & inconstantia mentis prodit, in prosequendis virtutum actibus, ac extrema quedam negligentia, eis intermittendis.*

5. *Horror molestiarum, qua in virtutum semitis plerumque occurrunt.*

6. *Neglectus orationis: sicut enim fructum non colligit, qui sementem facere spernit, ita totus inops est, qui se ab orationis exercitio quod semper subeundum Saluator precipit, subtrahere audet.*

7. *Conscientia angusta nimis, aut scrupulis dedita, neque acquiescens spiritalis magistri consiliis.*

8. *Temporis transactio inutilis, dum otiosè vivitur, & nulla linea ducitur.*

9. *Rerum ignorantia ad animarum salutem spectantium. Quales sunt, bona orandi ac meditando forma, modus ritè ac integrè consistendi peccata, & quàm demississimè se humiliandi.*

10. *Exigua passiones domandi cura: nisi enim*

frumenti granum, siue per intemperiem aeris, siue per terræ molliem humiditatemque, emortuum planè fuerit, nullum vel non solidum fructum proferet.

11. Nimijs quidam mundanæ rei amor, ut sunt diuitiæ, dilectio inordinata prolium, ambitio honorum, ac similia, quæ spiritali vitæ miras tricas & molestias pariunt.

12. Præsentis Diuini Numinis omni in loco, & nouissimorum crassa obliuio.

13. Negligens conscientia perscrutatio: exiguisque timor offendendi Creatorem.

14. Imperfecta ac minus sincera de animæ negotiis cum spiritali Præfecto tractatio: & instabilis eius usus, dum nunc hic, nunc ille, absque ulla necessitate consulitur, dum semper discitur, & numquam ad solidam scientiam pertingitur.

15. Tepida animi intentio atque conatus, ut prauis habitibus repellantur, ac rebelles impetus ratione domentur.

16. Tenuis præparatio animæ, in percipiendis Ecclesiæ Sacramentis, præsertim Confessionis & sacrosanctæ Communionis. Quod impedimentum, unum inter maxima iudico reponendum. Quemadmodum enim præparationem cordium nostrorum (ut Psalter canit) ac desiderium pauperum exaudit Dominus, ita eam negligentes, aut tepide aggredientes repellit. Quare ut & hunc obicem, ceteraque tollamus obstacula, proderit non parum frequens per meditationem, atque orationem (præsertim eam, cuius auctor est CHRISTVS) mentis in Deum eleuatio; atque auxilij eiusdem,

exemplo officij Ecclesiastici, indefessa quadam cum hoc versiculo (DEVS IN ADIVTORIVM MEVM INTENDE) innocatio. Cuius praxim qui discere volet, legere poterit Cassiani prolixum commentarium Collat. 10. cap. 10. ut clariùs cernat, quanti referat à Divini Numinis ope perpetuò dependere. Ait enim ille, hunc versum omnes affectus recipere, quicumque inferri humana possunt natura, & ad omnem statum atque uniuersos incursums propriè satis & competenter aptari. Habet siquidem aduersus uniuersa discrimina inuocationem Dei, habet humilitatem piæ confessionis, habet sollicitudinis ac timoris perpetui vigilantiam, habet considerationem fragilitatis suæ, exauditionis fiduciam, confidentiam præsentis semperque astantis presidij. Qui enim iugiter suum inuocat protectorem, certus est eum semper esse præsentem, &c. Hic versiculus, omnibus infestatione demonum laborantibus inexpugnabilis murus est, & impetrabilis lorica ac munitissimus clypeus. Quare, ut cum auctore prænominato concludam, suadeo ut hunc versiculum meditati tibi somnus irrepât, donec incessabili eius exercitatione formatus, etiam per soporem eum decantare consueſcas. Hic tibi ex pergefacto primus occurrat, is te euigilante cogitationes anticipet uniuersas, iste te de tuo surgentem cubili curuationi genuum tradat, atque illinc deinceps ad omne opus actusque deducat, hic te omni tempore prosequatur, &c.



## OCTO BEATITVDINES

de quibus CHRISTVS apud Matth. Cap. 8.  
Modus quoque ac ratio dictas BEATITVDI-  
NES acquirendi.

## PRIMA BEATITVDO.

Beati pauperes spiritu, quoniam ipsorum est  
regnum cælorum.

<i>Pauperem spiritu faciunt</i>	{	<i>Peccata cognoscere, Seipsum contemnere, Neminem spernere, Omnes honorare.</i>
-------------------------------------	---	--

## SECUNDA.

Beati mites, quoniam ipsi possidebunt terram.

<i>Mitem efficiunt</i>	{	<i>Dulcis responsio, Suavis admonitio, Benigna reprehensio, Pia condonatio.</i>
------------------------	---	---

## TERTIA.

Beati qui lugent, quoniam ipsi consolabuntur.

<i>Lugentem reddunt</i>	{	<i>Exclusio à gloria, Detentio in miseria, Proximorum mala, Peccata propria.</i>
-------------------------	---	--

## QUARTA.

Beati qui esuriunt & sitiunt Iustitiam, quo-  
niam ipsi saturabuntur.

<i>Esurgentem &amp; si- tientem faciunt</i>	{	<i>Horror vitiorum, Fervor virtutum, Fastidium temporalium, Desiderium aeternorum.</i>
---	---	--

## QVINTA.

Beati mūdo corde, quoniā ipsi Deum videbūt.

<i>Mundum corde faciunt</i>	{	<i>Sinceritas intentionis,</i>
		<i>Rectitudo operationis,</i>
		<i>Exclusio prava cogitationis,</i>
		<i>Affiduitas contemplationis.</i>

## SEXTA.

Beati misericordes, quoniam ipsi misericordiam consequentur.

<i>Misericordem efficiunt</i>	{	<i>Compassio in tribulatione,</i>
		<i>Humanitas in necessitate,</i>
		<i>Largitas cum hilaritate,</i>
		<i>Benignitas cum affabilitate.</i>

## SEPTIMA.

Beati pacifici, quoniam filij Dei vocabuntur.

<i>Pacificum faciunt</i>	{	<i>Silentium &amp; solitudo,</i>
		<i>Frequens &amp; deuota oratio,</i>
		<i>Contemplatio &amp; meditatio,</i>
		<i>De nulla re intromissio.</i>

## OCTAVA.

Beati qui persecutionem patiuntur propter iustitiam, quoniā ipsorum est regnum cēlorum.

<i>Patientem reddunt</i>	{	<i>Timor aterni supplicij,</i>
		<i>Amor seruens Dei,</i>
		<i>Memoria passionis Christi,</i>
		<i>Spes premij aterni.</i>

## CONCLUSIO.

Beati estis cū maledixerint vobis homines, & persecuti vos fuerint, & dixerint omne malum aduersum vos mentientes propter me: gaudete & exultate, quoniam merces vestra copiosa est in cælis.

# THESAURI

## Precum & Exercitiorum Spiritualium

### PARS SEPTIMA.

Apologeticæ defensiones quarum-  
dam huius THESAURI partium.

**D**efensiones sequentes nō modò hereticorum  
calumniis, quibus Catholicorum pia exer-  
citia carpunt, procul amonendis, sed etiam bono-  
rum animis inflammandis seruiunt, dum in iis &  
antiquitatem & utilitatem, & virorum sancto-  
rum ita olim facitantium exempla considerabūt.

### Defensio & explicatio COROLLÆ siue ROSARII SACROSANCTÆ TRINITATIS.



VM anno Domini D. LXXXIX.  
in Toletano Concilio. III. Hispaniarum Rex Reccaredus, &  
Regina Badda, cum totius re-  
gni proceribus, subditisque om-  
nibus, ex heresi ad Catholicam  
fidem reuenterentur, sic ab exultantibus, & in  
Domino gaudentibus Patribus acclamatum est:  
Gloria Deo Patri, & Filio, & Spiritui sancto,  
cui



cui cura est, pacem & vnitatem Ecclesiæ suæ sanctæ Catholicæ providere. Gloria Domino nostro IESV Christo, qui pretio sanguinis sui Ecclesiam Catholicam ex omnibus gentibus congregavit. Gloria Domino nostro IESV Christo, qui tam illustrem gentem vnitati fidei veræ copulavit, & vnum gregem & vnum pastorem instituit. *Ipsi vero procures inter alia multa, subiunxerunt:* Quicumque non dixerit, Gloria Patri, & Filio, & Spiritui sancto, anathema sit, Amen. *Ecce vides Lector celebrem horum versuum auctoritatem ac usum introductum diu antè à Damaso Pontifice in officio Diuino Ecclesiæ Catholica, nempe anno 366.*

Primo autem continet Corolla ista fidei de summo & primo credendorum articulo professionem, contra omnes SACROSANCTAM TRINITATEM negantes & oppugnantes, Paganos, Iudeos, Turcas, & generatim omnes hereticos, cuiuscumque y dogmatis aut sectæ sint: quia Dino Paulo & Augustino teste, in sola Ecclesia Catholica, vera Dei gloria est. Hæc autem professio speciatim fit contra veteres Sabellianos, qui & Noëtiani, Hermogeniani, Praxeani, Samosatani, Photiniani: contra Arianos, Macedonianos, Tritheitas seu Philoponianos & Peras: item contra novos eosque apertos, Michaëlem Seruetum, Georgium Blandratam, Zosimum, & alios.

Ephes. I.  
L. de vnit.  
8.

2. Continet Dei laudationem & glorificationem, ad quam nos perpetuò & Scripturæ & Patres, & ratio ipsa hortatur; siue intueamur Diuinæ ipsius nature præstantiam infinitam, siue innu-

merabilia qua ab ea in nos beneficia proficiſcuntur: quorum alia ſunt communia, ut creatio, conſervatio, redemptio; alia his connexa infinita: propria alia, ut vocatio, vel renocatio ad fidem Chriſtianā & Catholicam, in eadem conſervatio, & cetera panē infinita corpori vel animae preſtita.

Dan. 3.

3. Continet imitationem omnium creaturarum, qua omnes ſuo ſingula modo Deū aſſiduē laudāt.

4. Continet imitationem Eccleſiae militantis, qua ſingulis diebus, ut eſt in C. Quoniam in deſer. dicit, GLORIA PATRI, &c. & dicit per ſuos miniſtros, in Eccleſiaſticis precibus quotidie ampliū quinquagies; & aliās perpetuō Deum laudat.

5. Continet imitationem ſanctorum Patrum, qui toties, tam libenter, tanto cum pietatis ſenſu, doxologiam vel iſtam, vel aliam, ſi non verbis, ſententia certē quā ſimillimam uſurparunt: ut ſunt S. Dionyſius Alexand. S. Gregor. Thaumaturgus, S. Baſilius, S. Chryſoſt. S. Flavianus, S. Hieron. S. Damasus, Nicena Synodus, Vaſenſis, Toletana 3. & in primis ipſi Apoſt. D. Petrus 1. Epist. c. 4. & 5. 2. c. 3. D. Paulus Rom. 11. 16. Gal. 1. Ephes. 3. Philip. 1. Timoth. 1. 2. Timoth. 4. Heb. 13. Ceteri apud Clementem lib. 8. Conſt. cap. 15. 16. 18. 20. 22. 29. 37. & 38.

6. Continet imitationem etiam ſanctorum Angelorum, & Beatorum omnium, qui hymnum gloria ſine fine concinunt, & dicunt voce magna, ſedenti in throno, & Agno, BENEDICTIO, ET HONOR, ET GLORIA. Apoc. 5. 19. Iſaia 6.

7. Imò verò imitationem cōtinet ipſarum Sanctiſſimae Trinitatis perſonarum. Nam Pater glo-

rificat

rificat Filium, Ioannis 8. 12. 16. 17. Filius Patrem, Ioan. 7. & 12. Spiritus sanctus utrumque, Ioan. 16. 1. Cor. 12. Quam sancta igitur, augusta, Deoque accepta doxologia hac!

8. Continet eadem Corolla finem & scopum vite nostrae, summam omnium orationum, & desideriorum nostrorum. Huc enim preces, vota, studia, labores, verba, facta, cogitationes, omnia denique nostra tendere semper debent, ut gloria Patri, Filio, & Spiritui sancto semper reddatur; Eccl. 17. Deuteron. 26. 1. Cor. 6. Vnde & Ecclesiasticus cap. 39. In omni corde & ore collaudate, & benedicite nomen Domini.

9. Gloriam tandem nobis ipsis affert maximam, eternam, in calis; si expediat, etiam in terris. Τὸς δοξάζουσάς με, ait Dominus, δοξάσω. i. Quicumque glorificauerit me, glorificabo eum.

1. Reg. 2.

## DEFENSIO ROSARII B. VIRGINIS MARIAE.



ITVM precandi Rosarium Beatissima VIRGINIS MARIAE, iam olim à Christianis Catholicis receptum, non esse vel blasphemum & satanicum, vel superstitiosum, ut fabulantur Sectarij, sed pium & religiosum, breui hoc epicheremate demonstramus. In Rosario quinque sunt, Nomen, Orationes, Repetitio, Numerusque earumdem, & Calculi precarij; quae constat omni superstitione vacare: ritus igitur precandi Rosarium, non est superstitiosus.



Nomen rosarij *suauissimum* est: nec enim aliud significat, *vti* vox quoque Germanica *Rosen* *crans* indicat, quàm sertum quoddam spirituale, mysticis vocibus ex Euangelio depromptis, tamquam rosis contextum, quod Virgini virginum Dei matri offerimus. Sertae enim virginum capitibus ornandis propriè adhibentur.

Orationes sine controuersia sunt sanctissima. Nam Dominica orationis auctor est Christus; Salutationis Angelica Gabriel Angelus, & S. Elisabeth. Quam Ecclesia Catholica, ut formam quoque precandi haberet, hac clausit oratiuncula à veteribus usurpata: Sancta Maria mater Dei, ora pro nobis peccatoribus, nunc & in hora mortis nostræ. Amen.

Repetitio Orationum, quia maximè valet ad excitandum inflammandumq. precantis affectum, non potest nō esse religiosa. Legimus tres pueros in fornace hemistichium quoddam singulis in collaudando Deo repetiuisse versibus religiosissimis. Et orator David in Psalmis suis sapè repetit, nunc verbum vnum, nunc plura, nunc integrū versum.

Psal. 106.

Psal. 117.

Psal. 148.

Dominus quoque alicubi non obscurè hanc repetitionem in orante postulauit. Nam Luca 11. cum orandi modum suis traderet, parabolam mox subiecit de eo qui ab amico tres panes extorquere non potuit, nisi identidem eius fores pulsando. Et in cap. 18. cum docuisset suos oportere semper orare, & non deficere, aliam parabolam addidit de vidua, quae quoniam idem sapius petendo etiam molesta fuerat, iudicem tandem in suam sententiam traxit.

Dices,

Dices, Parabolas illas non aliud efficere, quam perseuerantiam in oratione in primis esse necessariam. Non diffiteor. at efficiunt quoque illud, repetitione fieri ut perseueremus & non deficiamus.

Rursum dices, Dominum in ea ipsa institutione Matth. 6. monuisse, ne orantes multum loquerentur; ubi Græca vox est *καταλογίζω*, inaniter idem repetentium propria. Respondeo, Christum ibi tantum reprehendere vanam loquacitatem Ethnicorum, qui existimabant Deum aequè ac homines capi verborum copia & lenociniis: nam addit, Sicut Ethnici faciunt, putant enim quòd in multiloquio suo exaudiantur.

Locus illustris pro vindicanda hac repetitione ab omni superstitione est apud Lactantium lib. 4. Instit. c. 28. ubi discrimen inter supersticiosos & religiosos (quòd illi totos dies deprecarentur Deos, hi moderatè id facerent) à M. Tullio allatum, his verbis refellit: Quid causæ est, cur precari pro salute filiorum semel religiosi, & idem decies facere sit supersticiosi? Si enim semel facere optimum est, quanto magis sapiùs? &c. vide ibidem plura.

Ex quo perspicuè efficitur, non modò supersticiosos non esse, qui crebriùs easdem preces in Rosario iterant, verùm etiam melius esse, Deoque gratius, sapiùs quàm semel eas iterare. Ad hæc, repetitione ea nihil esse iniustum aut honestius. Denique Rosarii oratores propriè esse religiosos, ut qui diligentissimè ex assiduitate relegant retrahentque ea quæ ad cultum Dei pertinent.

Numerus Orationum Rosarii, est ab eadem

nota superstitionis immunis. Nam Angeli apud Isaiam, & in Apocalypsi animalia quæ requiem non habebant, nec nocte nec die, tertio eandem vocem in laudibus Dei iterant, Sanctus, Sanctus, Sanctus. David Propheta septies in die laudem Deo dixit. Cuius exemplum secuta Ecclesia diuinum Officium septem diurnis nocturnisque horis absoluit. Christus in horto orans, tertio eundem sermonem repetiuit. Paulus ter Dominum rogauit, ut Angelus Satana ab eo discederet. D. Bartholomæum nixum genibus centies noctu diuque orasse, testis est eius auditor Abdias Babylonius. Ex vetustissimis Anachoretis apud Palladium & Socratem, S. Macarius centum, Paulus Ægyptius trecentas, virgo quadam septingentas quotidie fundebat ad Deum orationes.

Iam si pia mysticæve significatio à numero non absit, ut certè non abest, nec in numero Rosarii, nec in allatis exemplis (ternarius enim SS. Trinitatis, septenarius donorum Spiritus sancti symbolum est) nihil erit in numero quod probari non possit. Nam quinquies Orationem Dominicam repetimus, ut quinque Christi vulnerum memoriam refricemus. Salutationem verò Angelicam cuique Orationi decies subiicimus, ut in mentem nobis veniat decem Dei mandatorum. Eandem quinquagies toto Rosario iteramus, ut plenam peccatorum remissionem, quæ quinquagenario numero Iubilæi in Scripturis diuinis significatur, intercessione Beatissimæ Virginis per merita passionis Dominicæ consequamur.

Caleuli precarij restant, in quibus aliquid supersti-



perstitutionis harere imperitis fortasse videatur, sed reuera nihil haret. Licet enim illis Christi fideles nunc laudabiliter utantur tamquam symbolo manifesto Romana religionis; usus tamen eorum Patrum memoria in Ecclesiam non alia de causa primum inductus est. quam ut ne in numero orationum persolvendo sensili tactu aspectuque calculorum facile aberraremus.

Scribunt veteres Historici, Palladius, Sozomenus, Cassiodorus, celeberrimum Anachoretam Paulum de Lybia quingentorum Monachorum patrem, solitum in dies 300. orationes Deo quasi tributum persolvere; & ne numero dilinqueret, lapillum ad singulas orationes in sinum iactare.

CLARAM quoque sanctissimam feminam Orationes Dominicas congerie lapillorum Domino annumerasse, res ab ea gesta testantur. Breuiter quam vetus calculorum sit usus, saxa sepulchrorum antiquissima loquuntur.

Non alio igitur fine primum usurpati videntur calculi illi, quam ab Oratoribus olim loci & imagines ad retinendam verborum rerumque memoriam, quam a mercatoribus nummi arei ad annumerandas ingentes pecuniarum summas, quam ab Ecclesia Catholica cruces imaginesque Christi & Sanctorum, ad conseruandam vita Christi Sanctorumque recordationem.

Numerus certus calculorum commonitorius est: nam sicut Iosue sacri dux exercitus, filiis Israel Iordanem sicco vestigio transeuntibus, duodecim lapides grandes ex alueo in castra pie & religiose deferri mandauit, ut nempe apud poste-

ros percontantes, quid sibi vellent lapides isti, perpetua miraculose transitus extaret memoria: sic maiores nostri pie & religiosè quinque grandiores calculos Rosariis inseruerunt, ut hæreticis ea ridentibus, percontantibusque, quid sibi velint quinque calculi isti, quid Rosarium totum, respondeatur esse Symbola quinque vulnorum, quæ Christo pro nostra ipsorumque salute sunt influcta. Rosarium verò esse compendium quoddam noui testamenti, doctrinaque Christiana. Nam qui multiplicem Rosarii usum norunt, sciunt eundem calculorum numerum seruire ad renouandam memoriam omnium mysteriorum vite CHRISTI, & B. VIRGINIS, capitumque precipuorum fidei Catholicae, ut SS. TRINITATIS, Incarnationis Passionisque Christi, cultus Dei & Sanctorum, preceptorum decalogi, iustificationis & vite æternæ. Quod sanè compendium hoc utilius est in vulgus, quo latius eius usus patet quàm librorum. Legi enim potest etiam ab illitarum imperitis, à cæcis, in equis & curribus, in tenebris densissimis.

Benedictio Pontificis calculos alioquin profanos solemnibus precationis verbis in pium & salutarem usum Fidelium destinat: sicut ritu Ecclesiæ peruetusto, aqua, sal, calices, cerei, herba, templa ipsa, benedictione sacerdotis ad sacrum usum destinantur. Sanctificatur enim, inquit Apostolus, omnis creatura per verbum Dei & orationem.

Indulgentias benedictioni coniunctas fructum asferre maximum, certum est: his enim allecta plebs fidelis numero maiore, studio ardentiore, ad

*orandum Deum concurrat, pro rebus maximis, pro Ecclesiæ Catholica incremento, pro concordia Christianorum Principum, pro extirpatione hæresum. Horum enim capitum ferè indulgentiarum formula meminere.*

*Imagines verò aurea, argentea, lignea, Rosariis appensa, nec mysticum significatum nec usum habent alium, quam imagines in templis; ut videlicet memoriam nobis renouent rerum à Christo Sanctisque gestarum, & ut in vel coram illis prototypum veneremur & inuocemus.*

## DEFENSIO APPARITIONVM

QVÆ

AB ANGELIS SANCTIS

FIERI CONSVEVERVNT.

### CAPVT I.

Bonos ANGELOS verè nonnumquam apparere.



NGELOS bonos rebus nostris in assumptis corporibus quandoq. interesse certum est: id enim Scriptura clarissimis verbis docet, testatur experientia, ratio certissima confirmat; denique probat omnium rectè philosophantium consensus.

Scri-



Scriptura apparitionum Angelicarum non uno in loco, sed variis, mentionem facit. Et omni tempore, omni loco, omnique hominum generi ipsos apparuisse, tot probat exemplis, ut possint sufficere ad hanc rem etiam Barbaris persuadendam.

Statim ab orbe condito Dei personam sustinuerunt, & variis rationibus cum Patriarchis egerunt <sup>a</sup>. Lex Dei non hominum tantum, sed & Angelorum ministerio ad Iudeos perlata est. Denique Actuum Historia <sup>b</sup> atque Evangelia <sup>c</sup> (que principium temporis gratia explicant) docent, plurima per Angelos praestita esse, & perfecta.

Et nunc quidem ruri apparuerunt <sup>d</sup>, nunc inter priuatos parietes domi <sup>e</sup>, nunc in templo <sup>f</sup>, nunc in hortis <sup>g</sup>, nunc in fornace accensa <sup>h</sup>, nunc in carceribus <sup>i</sup>, nunc in sepulchris mortuorum <sup>k</sup>, nunc in locis desertis, & ab omni hominum frequentia separatis <sup>l</sup>.

Sed & omnium generum hominibus sese spectandos exhibuerunt. Gentibus inquam <sup>m</sup>, Iudaeis <sup>n</sup>, & Christianam fidem profitentibus <sup>o</sup> mulieribus <sup>p</sup> & viris <sup>q</sup>, hominibus inculpatae vitae <sup>r</sup> & barbaris <sup>s</sup>, etate prouectis <sup>t</sup>, & quorum adhuc tenerior aetas <sup>u</sup>, generis splendore claris <sup>x</sup> atque ignobilibus <sup>y</sup>.

Confirmat etiam hanc rem non ex sacris solum fontibus hausta, verum etiam aliunde petita historia. GELASIO primo Pontifice, in Apulia ad radices Gargani montis (quem locum incolunt Sipontini) Archangeli Michaëlis fuit illustris apparitio <sup>z</sup>; eumque sapiens hominibus visum, veteri Sanctorum traditione comprobatur Romana Eccle-

sia,

<sup>a</sup> Gen. 18.  
<sup>28.</sup> 32.

<sup>b</sup> Act. 8.  
<sup>c</sup> Luc. 1. 2.

<sup>d</sup> Genes. 32

<sup>e</sup> Iudic. 6.

<sup>f</sup> Luc. 1.

<sup>g</sup> Luc. 22.

<sup>h</sup> Daniel 3.

<sup>i</sup> Act. 12.

<sup>k</sup> Mat. 28.

<sup>l</sup> Gen. 21.

<sup>m</sup> Act. 10.

<sup>n</sup> Luc. 1.

<sup>o</sup> Act. 12.

<sup>p</sup> Mat. 28.

<sup>q</sup> Act. 13.

<sup>r</sup> Luc. 1.

<sup>s</sup> 1. Mach. 3.

<sup>t</sup> Gen. 18.

<sup>u</sup> Dan 3.

<sup>x</sup> 2. Mac. 3.

<sup>y</sup> Gen. 21.

<sup>z</sup> Surius  
Tom. 5. in  
Michaele.

*sia. CÆCILIA Angelorum visione fruens, rosa-  
rum liliorumque media hieme vernantium odo-  
ramentis, quæ ipsi de Paradiso allata fuerant, Va-  
lerianum & Tiburtium conuertit. MARIAM*  
*MAGDALENAM ab Angelis in calum tolli, &*  
*iterum loco suo restitui, solitarius quidam vidit*  
*Presbyter. PRÆTEXTATA nobilissima quondam*  
*femina, iubente viro Hymetio, qui patruus Eu-  
stochij virginis fuit, habitum eius cultumq. mu-  
tauit (verba sunt Hieronymi) & neglectum cri-  
nem mundano more pexuit, vincere cupiens &*  
*virginis propositum & matris desiderium. Et ecce*  
*tibi, eadem nocte cernit in somnis venisse ad se*  
*Angelum terribili voce minitantem pœnas, & hæc*  
*verba frangentem: Tu ne ausa es, viri imperium*  
*præferre Christo? tu caput virginis Dei, tuis sa-  
crilegis attrectare manibus? Quæ iam nunc are-  
scent, vt sentias excruciatâ, quid feceris; & finito*  
*menfe quinto ad inferna ducêris. Omnia per ordi-  
nem expleta sunt, & seram misera pœnitentiam*  
*velox signauit interitus. Neque res hac vires*  
*Angelorum excedit; vt qui in corpora vim ha-  
bent summam: neque minuit dignitatem, sed*  
*illustrat maxime; quando hac ratione primùm*  
*illorum potestas, deinde studium benè de nobis*  
*merendi elucescit: neque rebus humanis incom-  
modat; quando grauissima causa sunt (vt di-  
cemus) cur hoc Angelorum ministerio Deus vi*  
*decreuerit.*

Marulus  
 Lib. 6. c. 16

Hier. ad  
 Latam de  
 institutio-  
 ne filia.

CAPVT SECVNDVM.  
Qui ANGELI apparere soleant.

Exod. 23.

**R**ebus igitur humanis Angelos interesse posse, atque eundem in aspectabili forma interfuisse, extra controuersiam est. Omnibus verò num hoc conueniat, ex missionibus, quas Scriptura ipsis tribuit, colligi posse videtur. Certè cum ad externa munia obeunda non mittantur omnes, sed quidam in vnica Dei contemplatione atque fruitione occupentur; alios apparere posse putamus, alios verò omnino mortalium conspectum fugere.

Dion. c. 8.  
caelestis  
Hier.

Et quidem inferioris ordinis omnes, atque etiam medij seu secunda Hierarchia mitti, prater illos quos Dominationes vocamus, ratio nominum, quibus compellantur, insinuat: quæ, quòd quadam in his inferioribus exerceant, & mortalium causa occupentur, importat: reliquos autem ab hoc officij genere immunes esse, tum eadem nominis ratio, tum grauisima B. Dionysij commonstrat auctoritas.

Quamobrem ex superiorum quatuor ordinum Angelis nulli corpora assument. Sed neque ex inferioribus ordinibus omnes. Licet enim nullos assumere putemus, quos non item mitti sit necesse, non tamen quicumque mittuntur, corpora assumere dicendi sunt: quoniam & rebus nostris adesse possunt, & pro officio suo illas administrare, licet se mortalium oculis non offerant.

Angelos apparuisse legimus atque Archangelos: Principatus verò, Virtutes atque Potestates

non



non item. Et Angelos quidem communiora magis officia subinisse, secretiora autem Dei consilia per Archangelos patefacta esse & perfecta, Sacra perhibent eloquia.

Iuc. 1.  
Daniel. 10.

Quòd si (quo diuinius nullum opus habet Christianitas) incarnationis mysterium Archangelis ministerio, qui se Virgini in humana specie exhibuit, Deus voluit reuelare: quid opus est asserere, ad inferiora minusque excellentia munia subeunda, superiorum ordinum spiritus in humanis corporibus apparere?

Greg. Homil. 34. in Exod.

Nisi fortè, quia Seraphim missus dicitur ad Prophetæ labia purganda: idcirco etiam supremos quis mitti, & externa specie se spectandos exhibere arbitretur. Verùm doctissimus vir Dionysius hunc etiam inferioris ordinis Angelum fuisse confitetur, nomenque superiorum consequutum, aut ab officio, quòd ad incendendum Prophetæ labia accesserit; aut quòd superioris ordinis Angeli auctoritate in hoc negotio functus sit.

Isaia 6.

Dion. c. 13. celest. Hierar.

Verùm quod quibusdam tribuimus, ut nostris rebus intersint, non ita de aliis negamus, quasi hoc vel viribus ipsorum repugnet, vel conditionem nequaquam deceat. Possunt profectò omnes apparere: ut tamen omnes appareant, diuina prouidentia ratio rebus insita permittere non videtur.

### CAPVT TERTIVM.

Modi & rationes, quibus boni ANGELI apparuerunt.

**M**odus quo apparent Angeli, varius est. Nam vel in assumpto corpore se exhibent,

vel propria vi, qua pollent maxima, sui species in sensibus efficiunt, & in iis se nobis offerunt.

Aug. lib.  
15. de Ci-  
uit. Dei,  
c. 23.  
Genes. 18.  
Ibid. 19.

Fuerunt qui primum apparitionis genus reijcerent, nullamque putarent contigisse per corpoream visionem, qua id quod cernitur, extra videtur est. At vera fuisse corpora, in quibus quandoque spiritus caelestes, hominum se sensibus obtulerunt, docet B. Augustinus illorum exemplo, qui Abrahæ in conualle Mambre, & item Loth in Sodomis apparuerunt; & ab illis hospitio excepti, Dei consilia patefecerunt.

Confirmatur; quia quæ sub imaginationem cadunt, ita illi cui reuelatio contingit, exhibentur, ut ad aliorum notitiam peruenire non sit necesse. iam verò Abrahæ ita se exhibuerunt Angeli, ut & tota familia ipsos intueretur: & qui Loth auctores fuerunt, ut Sodomorum consuetudinem relinqueret, impiorum conspectum non fugerunt.

Ber. Ser. 5.  
in Cática:

Aug. l. 3.  
de Trinit.  
c. 1.

Virum verò ex inferioribus elementis peregrina corpora assumant, eaque in quaslibet corporales species vertant; an potius propria quadam sua transforment, & ad id quod agunt, accommodent, à se non vult quæri D. Bernard. maualtque ignorantiam suam fateri, quàm temerè in re difficili quippiam definire. Sed & id vires ingenij sui excedere putat B. Augustinus, ut qui grauissimos auctores secutus, tam bonos quàm malos spiritus subtilia corpora, & quæ magis ad agendum quàm patiendum sint apta, dicat habere.

Verum qui ab hac sententia cum non minùs insignibus auctoribus discedunt, & idcirco omni corpore exuunt Angelos, quia neque subsistendi,

neque

neque intelligendi, neque se ipsos mouendi gratia, villo indigent: non ipsorum tenuiora indensari, & sic ad hominum sensus accommodari, sed aliena siue peregrina ex elementis formari magnis rationibus commonstrant.

Vera igitur, licet peregrina fuerunt corpora, in quibus spiritus Angelici hominibus visi sunt. His autem non eo coniunguntur modo, quo se noster animus corpori vnit, tamquam ipsorum essent forme (non enim corpora, sed spiritus diximus esse Angelos) neque in unitatem hypostasis, quo modo Christus humanam naturam, illa assumunt (non enim Angelos dicimus esse homines, quando in humana specie apparent: ) sed neque ita naturaliter illis adherent, vt vicem natura quasi subeant, quemadmodum Intelligentias cum calo coniungimus. Adde, quod neque vt motor tantum ei quod mouetur adsunt; nisi omnia ab Angelis assumi velimus dicere, quacumque ab ipsis mouentur corpora. Vniuntur vt motor, quem ipsum quod mouetur, quodam modo representat & cognoscendum exhibet.

Assumpta verò corpora non prius ea specie atque forma fuerunt, qua postquam assumpta sunt exhibentur: sed simul & assumuntur & figurantur; atque ab eo eodem à quo assumuntur, formas figurasque recipiunt.

Figurantur autem & efficiuntur plerumque non ex aqua & terra, quia non ita subito ex hominum sensibus se subducere possent, quemadmodum se nostris sensibus subtrahunt Angeli; neque ex igne, quia circumquaque cuncta depascere:

Dion. cal.  
Hier. c. 1.  
Chrysof.  
hom. 22.  
in Gen.  
Cyril. l. 4.  
comm. in  
Ioannem,  
cap. 10.  
Thefl. 3.

Thom. 1.  
p. q. 1. ar.  
2. ad 3.



sed ex aëre, quem sua virtute condensant, & ad quascumque formas volunt, componunt.

Vbi verò semel assumpta fuerunt corpora, non perpetuis temporibus retinentur; sed statim, postquam munia sua expleuerunt, deponuntur: & in priorem formam, non iam Angelorum aut Dei virtute, sed naturali prorsus, redeunt; non secus, atque calefacta aqua infrigescit.

Potest nihilominus fieri, ut perpetuis temporibus illa retineant. possunt & ex aliis elementis assumere. possunt quoque talia assumere, quibus ipsi non sua virtute formas dent, sed à quibus mutantur. Hic primus modus.

Alter modus quo se non in assumptis corporibus exhibent, sed sensibus tantum insinuant, duplex est: quemadmodum & duplex sensuum, in quos vires suas exercere possunt, ratio est. Quandoque interioribus sensibus (imaginationem intelligo) quandoque exterioribus percipiuntur.

Cum enim in corpora potestatem habeant Angeli, & apparitiones imaginarias, & horum motu frequentissime oriri etiam Aristoteles doceat: cumque sensus non solum ab eo moueatur, quod extra ipsum est; verum etiam à variis formis, quae simul cum perturbatis spiritibus atque humoribus in sensus illabuntur: sequitur Angelorum vires non excedere, ut & in imaginationem hominis se insinuent, & item in humoribus sui formas imprimant, sicque sensus exteriores occupent.

In imaginationem nunc dormientibus nobis se insinuant; cuius exemplum ille praeber, qui Ioseph apparuit, ei que ut Herodis furorem declinaret,

auctor

Thom. I.  
p. q. III.  
art. 3. & 4.

auctor fuit: nunc vigilantibus; ut docetur illorum exemplo; qui phrenesi capti res miras presentes esse sibi certissime pollicentur. At in exteriores sensus numquam illabuntur, nisi omnis procul absit somnus.

August de  
cura pro  
mortuis  
agenda,  
cap. 12.

Quandocumque verò & quomodocumque in assumptis corporibus apparent, suamque & non Dei personam sustinent, dignam semper se suoque munere exequendo formam assumunt; humanam dico, & non aliam. Conuenit hæc ipsis, quia inter omnes præstantissima est: conuenit & ipsorum officii, quia in corporibus talia exercent, quæ aut per solos homines debent, aut per solos possunt optatos fines consequi.

Eamdem officiorum rationem esse putamus, cur non in specie muliebri, sed virili, non infantis aut pueri, sed maturioris ætate, ipsos semper apparuisse legamus.

Quando verò in viri figura se aspectabiles exhibent, non simili semper forma utuntur; nunc hanc habent, nunc illam, prout officiorum diuersitas requirit. Huius argumentum est, quòd alios obstupuisse legamus ad primum Angelorum intuitum, alios nihil commotos, alios non ferentes ipsorum conspectum in terram corruisse, licet etiam leonibus fuerint formidabiles.

Lucæ 1.

Dan. 10.

Ezech. 9.

Angelus qui apparuit Ezechieli, videbatur vir indutus lineis, & atramentarium scriptoris habere in lumbis; qui mulieribus post gloriosam Christi resurrectionem, in veste fulgēti; qui Machabæo, in veste candida, auream hastam vibrans; qui salutaturus Virginem intrauit (si Augustino

Lucæ 24.

2. Mach. 1.  
August. de  
Nat. Do-  
mini Ser.  
14.

*credimus ) facie rutilanti , veste coruscante , ingressu mirabili , aspectu terribili .*

Genes. 19.  
Greg. Ho-  
mil. super  
Matth. 16.

*Scilicet hoc ipso habitu muneris sui atque officij nos commonefacere videntur . Sic Loth in habitu peregrini volunt mutare solum : sic festiuitatis nostrae gaudia annuntiant ( verba sunt B. Gregorij ) quando ipso resurrectionis die in candida stola apparent .*

### CAPVT QVARTVM.

**Quid boni ANGELI in assumptis corporibus operentur.**

**M**ultiplices sunt operationes Angelorum in assumptis corporibus : quaedam in ipsis , sed non per ipsa ; quaedam etiam per ipsa exercentur corpora . Illa libera sunt , nec corporum indigent ministerio ; haec non item .

Prioris generis sunt visio Dei , sui ipsorum rerumque naturalium omnium continua contemplatio , quorumdam diuinorum consiliorum cognitio ; & ut vno verbo dicam , illa omnes , quae voluntatis atque intellectus opera perficiuntur : posterioris sunt , cum hominibus sermocinari , itineri socios se praeberere , sumere cibum , legationes suas quadam lucis claritate cohonestare ; aliaque huiusmodi , quibus se vniis exhibent .

Non enim quia nobiscum conuersantur Angeli , felices esse desinunt , & de suo , quod illis vel gratia vel natura contulit , exercitio quidquam remittunt : neque propterea à diuino sunt conspecta , quia nostris rebus intersunt . Angeli ,

*inquit*



*inquit Saluator, eorum semper vident faciem Patris, qui in cælis est.*

Matth. 18.

*Ad liberæ operationes nihil prorsus confert corpus assumptum, sed nec quidquam impedit. Quamobrem non tunc ratiocinantur more nostro: non phantasmatum inspectione rerum cognoscunt naturas: non agētis intellectus operam requirunt: non cunctantius de rebus definiunt. quæ in nobis ob corporis molem fieri observamus omnia.*

*Sunt præterea hæ operationes verè viuētis natura, vitalesque dici debent, & quidem multò magis quàm nostra, quarum animus est principium & causa. At aliæ illæ neque sunt neque dici debent vitales: propterea quòd principium sui non in se, sed extra se habeant, non secus atque lapis qui à proyiciente impellitur.*

Thom. 1.  
p. q. 51.  
ar. 3.

*Est tamen inter has non vitales discrimen. Quædam, si naturam ipsarum conditionemque in se spectes, non nisi animante principio efficiuntur: ut sunt videre, audire, &c. quædam ex se animans quidem principium habent; sed tamen ex parte, earum rationem subeunt, quæ sine anima possunt perfici: quales sunt cibum sumere, ambulare, & his similes. hæ Angelis tribui quodammodo possunt, illæ nequaquam.*

Ibid.

*Quocirca Angeli in assumptis corporibus possunt dici sonos formare, locumque mutare; videre autem audire, loqui, gustare, non item. Et motus reuerà in ipsis est, quæ moueri videntur corporibus; visio autem atque auditio, visque loquendi & audiendi, nequaquam. Cùm essem vobiscum, inquit illorum quidam, videbar quidem*

Tobiæ 12.

manducare & bibere, sed ego potu inuisibili & cibo vtor.

*N*eque tamen ob id putare debemus, oculos aliorumque sensuum organa suum munus non habere in Angelis. quoniam non hac vt per illa sentiant, consequuti sunt; sed partim propterea, vt intelligeremus illis non deesse vim cognoscendi, aliaque opera, qua nos sensuum ministerio exequimur, perficiendi; partim ne si absque his membris apparerent, nescio qua monstra Angelos esse suspicaremur.

*Ex* iam dictis sequitur, nec sitim nec famem in assumptis corporibus Angelos pati. nec contrà satiari posse. sed nec fatigantur longitudine difficultateque itinerum: nec difficilius est ipsis breue spatium longo, quàm longissimum brevissimo tempore conficere; licet & reuerà corpora moueantur, atque ipsi item in corporibus non secùs atque motor cum mobili ferantur.

*Sequitur & illud*, non esse necesse, eandem prorsus illorum corporum constitutionem esse, quæ est nostrorum: scilicet vt interiorum viscerum eadem sit necessitas, ratio, atque compositio. Sufficit vt qua sensibus se offerunt membra à nostris non discrepent.

## CAPVT QVINTVM.

### Causæ apparitionum.

*C*ausas restat inquiramus, ob quas Angeli in peregrinis se corporibus exhibent.

1. Placet S. Thoma, vt veteris Legis apparitiones

tiones quoddam inditium esse dicamus assumende olim per Dei filium naturæ humane: quasi his tamquam obscuris signis antiquitas illa fuerit instruenda; ut de filio Dei crederet, quod Angelici spiritus quodā modo effingerent & demonstrarent.

2. Sed & futura societatis, quæ nobis in illa vita communis esse debet cum Angelis, non leuia fuerunt argumenta: ne impossibile iudicarem, quod cum Angelis communem quandoque in calis vitam acturi essemus immortalem; quando & ipsi cum hominibus eandem quasi vitæ conditionem in hoc infelici rerum statu subire voluerunt.

3. Quid, quod naturæ nostræ conditio id postulare videbatur, ut mens nostra corpori tamquam carceri inclusa, corporeis etiā argumentis promoveretur; eoq; duceretur & assurgeret externo Angelorū ministerio, quò per se vix penetrare posset.

4. Accedit, quod & religionē & sinceram pietatem hæc ratio apparendi non parum promoneat, diuinamque clementiam & erga genus humanum liberalitatem egregiè commonstret; quando naturæ ordo quasi interturbatur, ut rebus nostris commodiùs consulatur.

Vide quæso, quot quantisque de causis, spiritus illi, quadam quasi (ut ita dicam) corpora esse voluerunt. Visi sunt in corporibus (ut ex multis pauca asseram) ut afflicto erigerent & consolarentur: ut itineris se duces & comites præberent: ut vim elementorum, ne piis obsessent, frangerent: ut impiorum conatus retardarent, & peccata ulciscerentur: ut Dei voluntatem hominibus reuelarent, &c.

Thom. 1.  
p. q. 15. ar.  
2. ad. 1. &  
S. Aug. lib.  
3. de Tri-  
nit.

Genes. 21.  
Tobia 6.  
Daniel. 3.  
4. Reg. 16  
Luca 1.  
A& 8. &c.

Et



*Et tamen hæc omnia per se potuit Deus. Potuit & occulto quodam Angelorum perficere ministerio, potuit animos nostros ingredi, informare; & quocumque libèret impellere; sed quod potuit, noluit: ne fortè mens humana sibi tribueret, quod Deo erat tribuendum, aut tardiùs negligentiusve adnigilaret, quando non externis quasi machinis impelleretur, sed interno solùm spiritu ageretur.*

## CAPVT SEXTVM.

Ratio & modus ANGELOS pingendi, vel sculpendi.

**I**N bonorum Angelorum imaginibus, & exterior forma, & corporis habitus, & cum ipsis coniuncta, aduertenda sunt.

Forma duplex est, quoniam aut integro perfectoque corpore depinguntur, aut solo & quidem alato capite figurantur, utrobique verò speciem humanam referunt, fulgentique aspectu & liberali, atque adolescentis forma, animos intuentium ad se rapiunt.

Habitus corporis quandoque omnino nullus est, ut cum sine vestibus nudi exhibentur; quandoque ipsis dignus. Et hic nunc militaris est, & ad pugnandum accommodatus, nunc qui pacis sit argumentum: ut cum vestitu candido induti, zonis circa pectus & lumbos praeincti, lapidibus pretiosis ornati, duabus alis pennati, & nubibus circumdati, sed tamen discalceati conspiciuntur.

Coniuncta cum his sunt, gladius versatilis, crux, flagella, cithara, aliaque cum dominica passionis,

*fionis, tum musica instrumenta; virga item regia, bilibris, thuribula, & his similia.*

*Omnibus his occasionem dedit partim Scriptura, quæ ipsos hoc ferè modo apparuisse demonstrat, partim totius antiquitatis consensus; partim ratio, quæ vel ornatum in his quærit, vel mentem instituit, aut confirmat.*

*Perfectæ ipsorum formæ auctoritatem identidem dant Sacra litteræ; quæ quotiescumque spiritus illos oculis nostris obiciunt, sub humana & quidem perfectâ apparuisse multis argumentis insinuant. Sed & perfectam habuisse speciem videntur, quos in ipso templi sacrario asseruari voluit Deus: & quos ex lignis oliuarum fabrefactos atque auro tectos, in medio interioris templi constituit Salomon.*

Exod. 25.

3. Reg. c. 6.

*Imperfecta forma ex sola videtur ratione pendere. Docet non membra in Angelis esse querenda, ne ipsos corpora suspicaremur: sed duplici virtute excellere, vi scilicet intelligendi, cuius argumentum caput est, & promptitudine quàm celerimè diuina mandata exequendi, quod quidam in alis observant.*

*Sed & alarum leuitas Dionysio significat, quòd terreni corporis sarcina liberi, toti absque vlla admixtione vel pondere ad caelestia ferantur, & in diuinarum rerum contemplatione ingiter occupentur.*

Dionys.  
cap. 15. de  
caelest.  
Hierar.

*Fulgentem aspectum observatum esse in ipsis apparitionibus, trepidatio illorum quibus se exhibuerunt, demonstrat; sed & ratio eundem postulare videtur, siquidem in illorum olim societatem*

Luc. 1.  
Marc. 16.  
Matth. 28.

assu-

Daniel 12.  
Aug. serm.  
14 de Na-  
tiuit. Do-  
mini.

*assumendi, fulgebunt sicut splendor firmamenti: & B. Augustinus, non alio quàm fulgenti aspectu Gabrielem ad Virginem salutandam ingressum esse, apertè fatetur.*

Mar. 16.

Iuuenilis ætatis plurima argumenta prebet Scriptura, quæ iuuenes vocat. Sed & officiorum ratio & vitæ conditio hanc postulare videbantur: vitæ quidem conditio, ne tempore putares senescere, & ætate consumi; officiorum verò ratio, ne si infantis aut senis personam referrent, ad munia sua exequendum indicarentur inepti.

Nuditas in hominibus verecundiam parit; in Angelis virtutis argumentum est; sanctitatis, inquam, castitatis, immortalitatis atque innocentia: quibus etiam primi illi parentes vestiti, nec ipsa nuditate confundebantur, cum non esset in corpore cui verecundia deberetur; nec quicquam putabant velandū, quia nihil sentiebant refrenandum.

2. Mach.  
c. 2.

In habitu militari Angelum proponit historia Machabeorum. Apparuit (inquit) præcedens eos eques in veste candida, armis aureis, hastam vibrans. Simili modo iam olim ante annos octingentos, & eo ampliùs, depictum fuisse possumus credere, qui Assyriorum centum octoginta quinq. millia una nocte trucidauit; quam ex cera fusilem picturam, pietate plenam, se vidisse testatur & amasse B. Chrysostomus.

4. Reg. 14.  
Chryl. in  
Oratione  
quod vete-  
ris & noui  
Test. vnus  
sit legistat.  
vide princ.  
act 4. sept.  
Synodi.

Vestitus candidus, & innocentia & gaudij signum est: quocircà & Angeli hoc ipso vitæ suæ integritatem testantur; atque item gaudium, quod tum ipsi habuerunt, tum homines concipere oportebat, si quando in hoc habitu conspecti sunt.

Appa-



*Apparuerunt in vestibus albis, & animos addunt Iudeis, luctum interdicunt mulieribus; & mortali-  
um genus, in primis verò Apostolos, ob latissi-  
mam Christi ascensionem recreant.*

2. Mach. 2

Marci 16.

*Neque tamen ita candidum ipsis habitum tri-  
buimus, ut quemcumque alium damnemus. Seue-  
rum quemdam haresiarcham arguit Ioannes Ga-  
balon Episcopus, quòd putauerit non decere An-  
gelos purpureas sed albas vestes. Ignorat (inquit)  
sanctis potestatibus non esse curæ, quo vestitu  
vtantur.*

Molanus  
de pictu-  
ris.

*Et candido quidem habitu non quocumque,  
sed sacerdotali pinguntur, quia scilicet sacerdo-  
tum quasi munus subeunt: quando & pro nobis  
preces fundunt, & nostram causam apud Deum  
agunt, & hominum salutem variis rationibus &  
modis promouent.*

*Zona, qua præcincti hominibus apparent, ex-  
peditos & aptos ad ministeria exequenda decla-  
rat, sed & continentie atque castitatis est argu-  
mentum: quæ quia non corporis solum, verum-  
etiam mentis inuenitur in Angelis: fit, ut & circa  
pectus & circa lumbos præcincti conspiciantur.*

Greg. lib.  
28. Moral.  
c. 8.

*Lapidum & pretiosarum gemmarum orna-  
tus, partim ex ipsa antiquitate, sed tamen ex ra-  
tione præcipuè videtur esse profectus. Constanti-  
nus enim Magnus in Basilica Constantiniana,  
quæ Lateranensis modò dicitur, inter ceteras  
imagines quatuor Angelos ex argento in quin-  
is pedibus posuit, qui pensabant singuli libras cen-  
tum quinque cum gemmis Alabandenis.*

Teste Da-  
maso in  
Pontific.

*Et hæc quidem gemmæ non parum ad ornatum*

facie-

Exod. 28.

Basilii in  
opere  
hexa. Ho-  
mil. 2.Chrysost.  
Hom. 3. de  
incomp.  
Dei natu-  
ra.Exod. 16.  
Deut. 31.  
Mat. 17. &  
24.  
Luc. 22.  
Actuum 1.Thom. 1.  
p. 9. 1. 1.  
art. 1. in  
cor.

faciebant: sed tamen variarum quoque virtutum splendorem testabantur; non secus, atque duodecim ille, quatuor ordinibus distincta, & Rationali infixa, Sacerdotem summum sui officij commonefaciebant Nempe (vt pauca de pluribus assignemus) Saphirus cerulei coloris ipsorum castitatis argumentum est: Crystallus, qui, vt habet Basiliius, cum aëre contendit, & ei similis in perspicuitate videtur, purissima substantia: Hyacinthus rubeus, celestis conuersationis: Smaragdus viridissimus, virentis semper & numquam deficientis natura.

Alarum iam olim meminit Chrysostomus; monetque Gabrielem volitantem à pictoribus delineari, nobisque representari: non quòd Deus illum pennatum condiderit, sed ob sublimes & excelsas celestis natura vires; atque vt illum è supremo domicilio & celesti collegio ad terram nostra causa deuenisse, gratis animis reputeemus.

Nubibus plerumque circumdantur; vel quia in calis eorum propria est sedes, vel quòd Dei in nubibus aliquando personam sustinuerunt: vel, quia sicut solis splendor ad humanum aspectum per interpositas nubes transfertur; ita lux diuina veritatis, quam illi reuerenter suscipiunt, in mortales, pro cuiusque captu, secunda deriuatione transfunditur. Etenim non solum Angeli ab Angelis illuminantur & informantur; verum etiam diuina prouidentia ratio postulat, vt homines per ipsos in multorum veniant cognitionem. Et Angelis quidem per partes offerunt, quod ipsi quasi vniuersim perspiciunt; hominibus verò res

diuinas

diuinas in simulachris quibusdam à se effectis obijciunt, & non paruas vires intellectui ipsorum afferunt.

Discalceati figurantur. Nam sic Patriarchis olim apparuisse credi potest. Sed & Dei ministris familiare est, hoc modo mitti, quemadmodum docent exempla Isaia, Moysis, Apostolorum. Accedit quòd sanctos viros, quorum studium est in terris Angelicam vitam ducere, calceis abstinnisse legamus. Denique hoc significatur, eos qui commune cum Angelis officium habent, solutos esse debere à prauis affectibus, ut facilius spirituale iter gradiantur.

Instrumenta quoque sanctis spiritibus ars pietorum affinxit. Illa verò partim Dei vel iram, vel misericordiam, vel iustitiam ad mentem nobis reuocant; partim Angelorum testantur auctoritatem, officium, & vita conditionem. Passionis insignia, testes sunt diuinae misericordiae; gladius versatilis, ira; iustitia, libra, cum qua S. Michael pingitur. Ipsorum verò potestatem declarat virga regia; officium, tuba; instrumenta musica, conditionem & celi latitiam.

Omnibus his auctoritatem Sacra littera dare videntur. Videbimus signum Filij hominis in illo die, utique Angelorum ministerio deferri. Postquam eiectus Paradiso fuit primus parens, constitutus est Cherub, qui gladio flammeo atque versatili aditum ad ipsum prohiberet. Appensus in statera dicitur Balihasar, & inuentus minus habere. Virga vsus est Angelus, qui Gedeoni auctor fuit belli còtra Madian suscipiendi. Tuba canet,

Genes. 18.  
Isaia 20.  
Exod. 3.  
Matth. 10.  
Epiph. 1. 2.  
tom. 1.  
hxr. 5. 2. &  
1. 3. tom. 2.  
hxr. 28.

Matth. 24.

Genes. 3.

Daniel 5.

Iudicum 4



Matth. 18.  
Ioan. 3. &  
12.  
a Ambros.  
Lucæ 1.  
b Chrysost.  
Ho. 21. in  
Act. & 23.  
in Epist. ad  
Ephes. &  
3. contra  
Ar. & li. 6.  
c. 7. de Sa-  
cerdot.  
e Innocent.  
lib. 2. de  
sacro alta-  
ris ministr.  
1. cap. 24.

qui à quatuor mundi partibus, mortales ad stu-  
diorum suorum fructus percipiendos euocabit.

Thuribula illis tribuuntur, vt intelligamus  
nostras Deo preces offerre; & in columnis alta-  
rium constituuntur, vt significetur tremendis  
Missæ sacrificiis presentes assistere: quemadmo-  
dum egregie declarant<sup>a</sup> Ambrosius, <sup>b</sup> Chrysosto-  
mus, & Innocentius Tertius. Hæc de bonorum  
spirituum imaginibus.

## DEFENSIO LITANIARVM CATHOLICARVM.

Libelli  
precum  
Luthera-  
narũ editi  
V Vittem-  
bergæ, No-  
rinbergæ,  
Augustæ,  
&c.  
Latinus  
Hymnorũ  
correcto-  
rum editus  
Lipsiæ, an-  
no 78. per  
Christoph  
Cornerũ.  
Argenti-  
nenlis La-  
tinus liber  
anno 67.  
in officina  
Theobaldi  
Berger.



AB ENT suis in precationibus  
nouam quamdam Lutherani  
Litaniam, eandemque suis in  
concionibus cantillant, quam  
correctam vocat. Sed, si aequiore  
quis animo rem totam perpēdat,  
multo veriũs illam ipsi deprauatam appellarent.  
Dum enim Lutherus, aliũque à seipsis nati Cen-  
sores, veterem, quæ optima erat, precandi formam  
corrigere voluerunt, ea in correctione, tria, quæ  
meritissimò castigantur, commiserunt. Nonnulla  
quæ sanctissima sunt, sustulerunt: flagitiosa quæ-  
dam addiderunt: aliqua non mala malè immuta-  
runt. De quibus omnibus antequam speciatim  
agam, prius de re, quam se ipsi correxisse iactant,  
de ipsisque Correctoribus dicendum.

CAPVT

## CAPVT PRIMVM.

## De nomine LITANIARVM.

**L**itania precationem, & quidem seriam cordatamque significat. Unde apud Homerum, οἱ λιλανεύοντες eius, quem precantur, genua amplectuntur, in puluere ac sordibus volutantur.

Iliad. α.

Iliad. χ.

Posset igitur ista vox quamlibet Ecclesia precem, cum ea numquam non serio & ardentem instituatur, denotare: usu tamen & consuetudine receptum est, ut vnum tantum certum genus, in quo precandi ardor & contentio insit, exponat.

Est verò hoc genus Orationis bipartitum, ideoque & LITANIA bipartita. Vna liturgica: sic enim in Græcorum liturgiis, ipsum Kyrie eleison inscribitur. Altera non liturgica, qua extra sacrosanctum Missæ Officium. Hac verò vel pro solo Kyrie accipitur, ut apud D. Benedictum; vel cum aliis etiam precibus adiunctis, & quidem vel in aliqua processione, vel sine processione. Et quidem olim, si ad peccatorum veniam impetrandam LITANIA instituebatur, exomologesis vocabatur; si ad aliud quippiam, simpliciter Litania, uti in Moguntino Cōcilio refert Rabanus.

D. Basil.

D. Chrys.

D. Iacob.

Reg. c. 9.

12. 13.

Can. 32.

&amp; 33.

## CAPVT SECVNDVM.

## De antiquitate LITANIARVM.

**M**ultò ante annos mille, ipsiusque Gregorij Magni tempore, viguerunt in Ecclesia Christiana LITANIÆ, prout manifestè ostendunt, cum



a Ado in  
 anno 196.  
 & 452.  
 Greg. Tu-  
 ron. lib. 2.  
 hist. c. 34.  
 Niceph.  
 lib. 14. cap.  
 3. & 46.  
 Theodor.  
 lector de  
 Marciano  
 Imp.  
 b Ser. de  
 Rogat.  
 c lib. 7. ep.  
 1. ad S. Ma-  
 mertum,  
 & lib. 5.  
 epist. 14.  
 ad Aprum.  
 d A. & 1.  
 Synodi 5.  
 Constant.  
 e lib. in ep.  
 ad Petru.  
 f tom. 2.  
 Conc. ep.  
 ad Pet.  
 g lib. de S.  
 Euthymio  
 h cap. 99.  
 catal.  
 i epist. 63.  
 k Can. 20.  
 l Can. 3.  
 m Par. 1.  
 exam. fol.  
 218.  
 n Lib. de S.  
 Remigio.  
 o de reb.  
 eccl. c. 28.  
 p Epist. 43.  
 q Tom. 7.  
 Ser. de ma-  
 iore Litan.  
 licet Bedæ  
 esse non  
 videatur.

<sup>a</sup> alij, tum qui ante eadem tempora floruerunt,  
<sup>b</sup> S. Auitus, <sup>c</sup> Sidonius Apollinaris, <sup>d</sup> Asclepiades  
 Trallianus, <sup>e</sup> Cincianus, <sup>f</sup> Felix Rom. <sup>g</sup> Cyrillus  
 Euthymianus, <sup>h</sup> Gennadius, <sup>i</sup> D. Basilius, Con-  
 cilium primum <sup>k</sup> Aurelianense, & <sup>l</sup> Gerundense.

Ut autem ex hoc tam insigni antiquitatis testi-  
 monio elabatur <sup>m</sup> Kemnitius, fingit nullam in Li-  
 taniis illis Sanctorum appellationem fuisse. Sed  
 tam mendaci cuniculo plura sacra antiquitatis  
 vestigia oppono. Primo enim, dum primum Fran-  
 corum regem Christianum Clodoveum D. Remi-  
 gius baptizaret, Litaniam fecit, Sanctosque no-  
 minavit, uti disertè narrat <sup>n</sup> Hincmarus. Illo  
 igitur ipso seculo, quo Gerundense & Aurelia-  
 nense Concilia celebrata sunt, quoque plures antè  
 citati scriptores floruerunt, iam in Litania Diuo-  
 rum innuocatio erat.

Deinde narrat <sup>o</sup> VV alfridus Strabo, post Eu-  
 sebiani martyrologij epitomen, à D. Hieronymo  
 Latine factam, credi Sanctorum Litaniam in  
 usum assumptam. Tertiò <sup>p</sup> Hildebertus Turo-  
 nensis, cum Litanias retinendas hæretico cuidam  
 ostenderet, ait uniuersalem Ecclesiam in Litanis  
 dicere consueisse: S. Maria, ora pro nobis. Est,  
 quartò, sermo quidam apud <sup>q</sup> V. Bedam, in quo  
 non solum asseritur, in Gregorianis Litanis di-  
 ctum fuisse; S. Petre, ora pro nobis: sed idem  
 etià de Mamertinis, quæ priores sunt, indicatur.

Et, ut à notioribus, ad ea quæ ignotiora sunt,  
 progrediamur; constat in Litanis ante annos  
 700. 800. 900 Sanctorum nomina innuocata  
 fuisse. Ita enim habet Litaniam, quam è vetusto



Corbeiensis Monasterij codice se descripsisse refert<sup>a</sup> Kemnitius, quæ Imperatoris Arnulphi temporibus in usu fuit. Ita<sup>b</sup> Caroli Magni Litania, quam à Tigrurinīs accepimus. Ita Litania, quæ in vetere ordine<sup>c</sup> Romano, <sup>d</sup> quem Amalarinus, Albinus & alij citant.

Et, ab his alijs adhuc ascendendo, tempore Gregorij Magni, circa Domini annum 600. fate-  
tur<sup>e</sup> Kemnitius fuisse in Litanis Sanctos inuocatos. Idque liquere etiam potest ex Turonensi Gregorio, qui à fideli quodam ea Angelorum nomina inuocata<sup>f</sup> scribit, quæ sacræ docerent Lectiones. Vocat autem sacras lectiones, vti & alibi, eas preces, quæ in Ecclesia tum celebrantur: quo modo<sup>g</sup> Sigebertus dixit postea, S. Sigeberti regis nomen in Litaniarum codice fuisse. Ideoque apud utrumque hunc Gregorium, & apud alios eiusdem seculi<sup>h</sup> Isidorum<sup>i</sup>, Eustachium & alios, Litania voce, Sanctorum deprecationem includi, planum est. Faciamus igitur ab hoc seculo, quod ante annos 1000. fuit, gradum ad tempora superiora, & inueniemus id quod Kemnitius negabat. Cur enim sic ascendere non liceat? cum causa nulla proferri possit, cur in Litania anno 600. Sancti iam insederint, anno verò 500. 400. & deinceps exularint. Quod si hodierni etiam temporis Litanias cum iis, quæ ante annos 1000. fuerunt, Mamertinis conferamus; cetera omnia congruere inueniemus, tempus ante ascensionem Domini triduanum, processionem ab Ecclesiis ad Ecclesias, crucis vexillorum gestationem, cleri populi que frequentiam. Cum igitur alia

<sup>a</sup> Par. 3. f. 2. 9.

<sup>b</sup> Lib. prec. quem H. o. rolanus Germ. cō- uertit.

<sup>c</sup> In Bene. Ecclesi.

<sup>d</sup> Vide H. it- torp. in præfat. de diuin. Of- fic.

<sup>e</sup> 3. p. f. 218.

<sup>f</sup> Lib. de gl. Cōfess. c. 1.

<sup>g</sup> Lib. de S. Sigeb.

<sup>h</sup> Lib. 6. Orig.

<sup>i</sup> Lib. de S. Eutych. Constantinopol.

omnia, quæ in nostris hodie Litaniis videmus, in vetustioribus illis videamus, quidni de Dinorum inuocatione idem sentiamus?

Iam cur Litanie ad Sanctorum templa instituebantur, nisi ut illorum imploraretur auxiliū? Sic enim à viris sanctissimis <sup>a</sup> Gallo Aruernō, <sup>b</sup> Euthymio, <sup>c</sup> Hereberto, Ildephonso<sup>d</sup>, aliisque factum legimus, & verò clarissimè à Theodosio Imperatore optimo ac integerrimo. Ita enim de eo, cum Eugenio Tyranno bellum inferre vellet, scribit <sup>e</sup> Rufinus: Præparatur (Theodosius) ad bellum non tam armorum telorumque, quàm iuniorum orationumque subsidii; nec tam excubiarum vigiliis, quàm obsecrationum pernoctatione munitus circumibat cum Sacerdotibus & populo omnia orationum loca: ante Martyrum & Apostolorum thecas iacebat ciliicio prostratus; & auxilia sibi fida, Sanctorum intercessione poscebat.

## CAPVT TERTIVM.

## De Auctore LITANIARVM.

**D**E Litanie, ut Dei Sanctorumque precatio est, auctore, tria heretici nostri mendacia scripserunt. Primum est Kemnitij, Inuocationis Sanctorum auctorem esse Gregorium Magnum. Sed voluit Kemnitius Philippicum Augustanæ Apologia mendacium imitari, quod à tot Catholicis, toties, tam apertè iam confutatum est, & quidem vetustioribus Gregorio scriptoribus 24. à doctissimo quodam non ita pridem allatis. Et

sanè

<sup>a</sup> Gregor.  
Tur. lib. 4.  
<sup>c</sup> 5.  
<sup>b</sup> Eusta. in  
vita.  
<sup>c</sup> To. 2. Su-  
tij.  
<sup>d</sup> In capi-  
tular.  
Franc.  
l. 2. c. 85.  
<sup>e</sup> Hist. lib.  
2. cap. 33.

f. 217. 218  
par. 3. &  
Peucer.  
lib. 48.  
chron.

Lib. Iud.  
Concord.  
mend. 51.

sanè cùm plerique omnia Gregorij facta diligentissime notarint, adeò ut paucula etiam verbula, canoni ab eo inserta non omiserint, quomodo tantam ab eo rem inuictam siluissent?

*Alterum mendacium eiusdem, apud Græcos, eius, qua de agimus, innocationis, hereticum Petrum Gnaphæum auctorem fuisse, circa Domini annum 470. Sed hoc à Patribus illis, qui Gnaphæo vetustiores sunt, & Sanctos in publico Ecclesia cœtu implorant, apertè confutatur. Interim tamen eo ipso fatetur Kemnitius peruetustum in Litania esse Sanctorum cultum, utpote quem ante annos 1119. agnoscit.*

*Tertium Nigrini & aliorum, qui, diu post Gregorium, id ab Honorio primò inuentum aiunt. Verum hisce ipsum, qui eos damnat, Kemnitium, opponere satis fuerit.*

## CAPVT QVARTVM.

## De utilitate LITANIARVM.

*Summam esse Litaniarum utilitatem, ex capitibus quatuor intelligi potest. Primò, ex eorum, quæ ad orationem ipsam concurrunt, intuitu. Quorum primum est, quis oretur. Is verò in Litanis est solus Deus, tamquam summus & verus gratiarum omnium auctor & largitor. Deinde Sancti, tamquam Oratores, qui nobiscum Deo Opt. Max. nostro suoque Domino pro nobis supplicent. Alterum est, quinam orent. Ij nostris in Litanis sunt homines & Angeli, miseri & beati, Ecclesia militans & triumphans. Tertium, quid*



oretur. Id in Litanis varium est. Petuntur enim omnis generis bona diuina & humana; spiritualia, corporalia; publica, priuata. Quartum, pro quibus oretur. Hic igitur pro uiuis & mortuis oratur, pro Ecclesiasticis & secularibus, pro Principibus & subditis, pro sanis & agris, pro presentibus & absentibus, amicis & inimicis. Quintum est, quonam modo oretur. Vary, qui ad impetrandum valere possint, in Litanis modi adhibentur. Oratur Deus ut Deus absolute, & ut in personis distinctus: idque vel singulas singillatim personas compellendo, vel simul omnes; ipsam tamen personarum distinctionem, & essentia unitatem significando. Oratur item Deus mediate & immediate. Oratur ita, ut, quemadmodum D. Thomas iam olim notauit, aperte significetur summum à nobis cultum Deo adhiberi; patriæ scilicet: Sanctis verò nequaquam, sed longè inferiorem, qui dulci dicitur. Denique, ita in Litanis oratur, ut ex omnibus Ecclesiæ precibus optima quaque delibata, & vno veluti fasce deuincta, hic habeantur: & ut omnes à D. Paulo traditæ orationes, vel orationis conditiones, & quidem secundum quamlibet quorumlibet bonorum interpretum expositionem, in Litanis cernantur: ut iam de ordine, qui à misericordie postulatione incipit, taceam.

Alterum utilitatis caput, è maiorum & minorum comparatione duci potest. Si enim utile est, Deum per nos solos orare; quanto magis quando etiam per alios? Si Deo honorem maximum deferimus, quando, ut immensam ipsius maiestatem venerari nos significemus, eum per Sanctorum

aliquem

2. 2. quæst.  
93. 2. 4.

1. Timoth.  
2.

Vide Ca-  
basila. c.  
13. expof.  
Litur.

2. Cor. 1.

aliquem alloquimur; quanto magis, quando per tot tantosque deprecatores? Si demissionis, quam coram Deo summam prae nobis ferre debemus, indicium maximum est, nos nobis ipsis indignos videri, qui eius maiestatem soli & quasi familiariter conueniamus; quanto maius humilitatis argumentum fuerit, dum tot ac tantos nobis adiungimus, qui & ipsi supplicabundi sacrum illius numen propitient? Poterit, qui volet, eodem in aliis modo ratiocinari.

Lucæ 7.

Tertium utilitatis caput, ex tam diuturno & tam frequente Litaniarum in Ecclesia Catholica usu colligi potest. Si enim fructum ex iis Ecclesia nullum vel exiguum perciperet, nequaquam eas tanto hactenus studio, neque toties celebrasset. Et verò Gracam Ecclesiam, suo etiam modo, cum Sanctorum inuocatione, Litanias obire, cum ex aliis, tum ex anniuersario quodam ritu, qui iam à primis fidei Christiana doctoribus, apud Batauos, ad hæc usque tempora hæsit, conijci potest. Ultraiecti enim, Rogationum diebus, Litaniam non Latine tantum, sed Gracè etiam plateatim cantata est.

Lindanus  
par. 2. A.  
pol. c. 54.

Quartum caput est ab effectis. Litaniiis enim D. Basilus clausam obseratamque Ecclesiam, quam Valentis Imperatoris concessu Ariani deposcebant, sine ullis aut vectibus aut clauibus aperuit, magnoque Catholicorum applausu, & insigni miraculo, reserauit. Litaniiis Theodosius Imperator, dum habitu priuato, una cum clero & plebe uniuersa, Deum oraret, imbribus perpetuis & densissimis finem imposuit; ita ut summam rei frumentaria inopiam ingens frugum copia &

S. Amphilo-  
loch. lib.  
de S. Basil.  
Zonaras  
tom. 3.  
Ann.Nicephor.  
lib. 14. c. 3.



<sup>a</sup> Theodo-  
rus lector,  
& ex eo

Kem.pa. 3.

fol. 117.

<sup>b</sup> Synod.

5. Constā-

tinop. A&

1.

Niceph 1 b

14. cap. 46

Euag. lib.

1. cap. 17.

Zonar. to. 3

Glycas 4.

par. An.

<sup>c</sup> Ado Tu-

ron. Aui-

tus.

<sup>d</sup> Turon. l.

4. hist. c. 5.

<sup>e</sup> In Idre-

ctis Pelagij,

tom. 2.

Conc.

<sup>f</sup> Turo. lib.

10. hist.

Signonius

l. 1. de re-

gno Ital.

Paulus

Diac. l. 3.

cap. 11.

<sup>g</sup> lo. Diac.

l. 4. vitæ c.

93. Simile

Moguntiz

an. 858.

Sigeb.

<sup>h</sup> V. Beda

l. 1. hist.

c. 25.

vbertas cōsequeretur. Litaniis <sup>a</sup> Imperator <sup>a</sup> Mar-  
cianus, iram diuinam, dum ad eas religiosissimè  
decernendas Anatolium hortatus est, placauit.  
Litaniis <sup>b</sup> Proclus Constantinopolitanus, hymno  
trisagio calitus accepto, Constantinopolim à fu-  
nestissimis terra fragoribus, propter quos extra  
urbem in campo ipsemet Imperator ciuitasque  
tota morabatur, liberauit. Litaniis <sup>c</sup> D. <sup>c</sup> Mamertus  
horribiles terrores à Viennensi sua ciuitate  
depulit, terra motus grauissimos, ignes calitus de-  
lapsos, immanium in urbem ferarum irruptiones,  
aliaq. pericula quàm plurima. Litaniis ad S. Iu-  
liani Martyris Basilicam per stadia 360. institu-  
tis, egit S. <sup>d</sup> Gallus diuina bonitati gratias, ob luem  
illam cōercitam, quæ Arelatensem prouinciam  
totam depopulabatur. Litaniis <sup>e</sup> Pelagius ante  
Gregorium Pontificem Rom. unà cum Narsete,  
populoque Romano uniuerso, intenta diuini fu-  
roris flagella remouere studuit. Litaniis <sup>f</sup> Grego-  
rius Magnus, iterum iterumque virulentissimam  
aëris contagionem, qua quotidianis cadaueribus  
Roma complebatur, omnesque ciuium domus ex-  
hauriebantur, auertit. Litaniis <sup>g</sup> eiusdem Grego-  
rij hortatu, formidabile quoddam demonis quasi  
cornuti spectrum, quod certo cuidam loco ita infe-  
stum erat, ut in eo commorari nullus posset, ab-  
actum tandem & expulsus est. Litaniis <sup>h</sup> S. Au-  
gustinus, eiusque socij, dum illas, pro sua, eorumq.  
propter quos & ad quos in Angliam venerant,  
eterna salute, identidem concinerent, diuinam  
misericordiam ita conciliarunt, ut breuissimo  
tempore idola passim comminuerentur, & Christi



Iesu fides longè ac latè propagaretur. Litaniis S. Euthymius, in summa qua deflagrabant omnia siccitate, copiosissimos à Deo imbres felicissimè impetravit. Litaniis Constantinopolitana ciuitas, suo cum Patriarcha Eutychio, pestem dirissimam, qua hominum myriades non pauca debantur, compescuit. Litaniis quadam ex parte pronuntiatis, potio, qua sitibundis ac fesis messoribus perexigua erat, tanta & tam affluens extitit, ut è vasculo, quasi è petra, nouum Moysis miraculum scaturire videretur. Litaniis, non ita diu post, Gregorius alter, vir sanctissimus, & de Germania, cum ad eam pradicandi fidei Christiane causa S. Bonifacium misisset, optimè meritus, Tiberis inundationem, qua, mortalibus pluribus submersis, ipsa penè Romana tecta natabant, in alueum pristinum reuocauit.

Litaniis S. Herebertus pestem ac famem, qua Vbios vehementissimè affligebant, ita sedauit, ut egredienti è S. Pantaleonis candidissima columna latissimo circumuolatu applauderet ac gratularetur. Litaniis Anglorum Regis soror, virgo integerrima Tetta, virgini sorori defunctæ, & ob nonnullas peccatorum labeculas pœnas adhuc luenti, veniam obtinuit; ita quidem ut ipsius tumuli terra, qua subsederat, rursum assurgeret, hiatumque inanem repleret. Litaniis S. Kungundis, cum Angelos, Apostolos, ceterasque celorum mentes suum in auxilium vocasset, placidissimè vitam cum morte, vel mortem potius cum vita commutauit. Litaniis quas quotidie precari solita erat, presentissima in itineribus latronum

Cyrrillus  
eius disci-  
pul. lib. de  
ipso.

Eustath.  
Presb. l. de  
Eutych.

Turon. l.  
1. Conf.  
c. 1.

Tomo 1.  
Conc. in  
eius actis.

Platina in  
eodem.

Rupert.  
Tuticiensis  
l. de S. He-  
reb.

Rudolph.  
Radam-  
disc. l. des  
Char.

Tom. 2.  
Sur.

Steph. Iul.  
lib. de ipsa.

a Eifengr.  
 de exorcif.  
 Oeting.  
 Gerraſ.  
 Tornac. l.  
 de 4. energ.  
 Iacob Ra-  
 bus libr.  
 cōtra Mar-  
 pach. c. 26.  
 b Lib. 3.  
 epiſt. de  
 reb. Iapon.  
 f. 320.

pericula, impudentiſſimamque militum quorum-  
 dam petulantiam illaſa penitus S. Coleta euasit.  
 Litaniiſ, noſtra & Patrum memoria feliciffimi  
 a demonum ex humanis corporibus exorcifmi, di-  
 uino beneficio, perfecti ſunt. Imò verò Litania-  
 rum b libello, quem ſua ipſe manu Iaponum Apo-  
 ſtolus Xauerius deſcripſerat, quemque in muni-  
 tiſſima viri cuiuſdam Principis Hexandoni ar-  
 ce Chriſtianis nouis abiens reliquerat, agrorum  
 hominum corporibus impoſito, complures, & in  
 iis Hexandonus iam deſperatus, ſanati fuerunt.  
 Tantum Catholicis opera danda, ut in tam ſalu-  
 tari, tamque utili comprecatione vera deuotio,  
 & quod Litanie vox ipſa requirit, ſtudium ad-  
 hibeatur.

## CAPVT QVINTVM.

De correctoribus vel corruptoribus  
LITANIARVM.

CVM in Eccleſia Chriſtiana tam ſint LITA-  
 NIÆ antiqua, tam ubique in orbe Chriſtia-  
 no ſolennes, tanto clariſſimorum ſanctiſſimorumque  
 virorum uſu approbata, tot ac tantis à Deo Opt.  
 Max. beneficiis nobilitata, quid ſibi nunc nouelli  
 earum correctores volunt? Publicos & approba-  
 tos ritus corrigere vel antiquare, hominum eo-  
 rum eſt, qui auctoritate publica excellunt. Que  
 verò in Luthero auctoritas publica fuit, ut pro li-  
 bito publicas Eccleſiæ preces mutilaret? Concio-  
 natur, Catholicos Chriſtum non orare; Litanias  
 noſtras, in quibus Sanctos inuocamus, eſſe oratio-

nem

*nem Gentilium, Turcarum, Iudaorum. Quem ergo voces hæc alloquuntur: Kyrie eleison, Fili redemptor, Agnus Dei? Quem accusatum verba hæc postulant: S. Michaël, ora pro nobis? Nonne Deum? nonne Iesum? Hoccine dicant Gentiles, Turcæ, Iudæi? Atque hoc unum, tria etiam consequentia mendacia refellit. Calvinus, In suis, ait, omnibus Litanis, Hymnis & Prosis, ubi Sanctis mortuis nihil non honoris deferitur, nulla Christi mentio. Kemnitius: Pontificij in publicis Ecclesiæ suæ precibus inuocationi Sanctorum primarium locū tribuunt. Et alibi adhuc crassius & impudentius: In Litania, inquit, ne vno quidem verbulo, mētio fit intercessionis Christi. Octauum mendacium est Centuriatorum, qui à nobis Sāctos ἀτενῶς adorari aiunt. At Deo dicimus; Miserere nobis: Sanctis; Orate pro nobis. Hoccine idololatria? Nūquid Deo dicere liceat; Sancte Deus, ora pro nobis?*

*Sed iam ad præclaram ipsorum correctionem veniamus, qua sustulerunt, vt alia nonnulla omittam, ista sex. Primò, Trinitatis innocationem: Secundò, Sanctorum. Tertiò, precem pro summo Pontifice. Quartò, precem pro vita defunctis. Quintò, precem pro pœnitentia vera impetranda. Sextò, Collectas.*

## CAPVT SEXTVM.

De sublata per hæreticos TRINITATIS inuocatione.

**T**Ribus modis immediatè Deus oratur. Primò, sub essentia diuina vel essentialis ali-

cuius

lib. 3. c. 20.  
par. 21. in  
fine.

par. 3. exa.  
1. 236.

par. 2. in  
præfat.

Cent. 5.  
pag. 613.

Halensis.  
4. p. 9. 92.  
m. 2. a. 3.



cuius attributi nomine : Secundo, sub persona vel personalis alicuius proprietatis ratione : Tertio, utroque modo simul . Ab hisce tribus modis , ad eximium quēdam Deo cultum adhibendum , Litaniam Ecclesia orditur . Sed tertium Lutherani deraferunt : qui sanctissimis hisce verbis comprehenditur; Sancta Trinitas vnus Deus, miserere nobis . *Quæro causam.* Peto, quid in prece illa vitij est? Cur ita corrigi Litania debuit, ut sacrosancta hæc vnius & indiuidue Trinitatis inuocatio tolleretur? Fuit hæc à quodam Lutheranis omnibus non ita pridem posita questio; sed cū respondere non possent, Tubingani Iesuitas maledictis figere cæperunt. Modestius quidam Calvinista. Cū enim sibi quod responderet, nihil esse vidit; se nescire dixit, an hic è Litaniis versus exemptus sit, & à quo. Vix tamen credibile est, tantum Magistrum in Israel ignorasse, quid in Lutheranorum templis, ante vel post conciones, fieri soleat; quid Lutheri precum enchiridion habeat; quid tot Lutherani, qui vbique volitant, libelli. Ideoque tam frigida excusatio, aperta criminis confessio est.

Causa verò mendosissima huius emendationis alia nulla est, quàm quod Satanas iam tum per Lutherum, sicut & aliàs, semina quædam horrendarum contra SS. Trinitatem hæreseōn spargebat; quas ipsius discipuli ab Ario, Sabellio, aliisque damnatis hæresarchis acceptas, strenuè nunc, quaua possunt, disseminant. Non enim breuitas causæ esse potuit, cū non Litaniarum compendium, sed correctionem ille profiteretur. Et verò, si

compen-

Iudic. Cō  
cor. lib.  
cōtra iud.  
fo. 125.

V Vitake-  
rus l. con-  
tra Cam-  
pian. fol.  
442.

An. 1543.  
editum.

compendium instituisse, adeò tamen hac precula brevis est, ut cetera ferè omnia potius, quàm ea, tollenda fuissent: certè non quadam sapius repetenda, neque vlla prorsus adiungenda. Dicerent, suis quibusdam metaphoris, Arius, Sabellius, & qui superiore anno repentina morte noctu sublati sunt, Blandrata: Pater de cælis, Fili Redemptor, &c. Sed iis omnibus fudes (ut aiunt) in oculo est, S. Trinitas, vnus Deus.

Scripsit quidem Lutherus vocem banc, Trinitas, frigidam esse; sed hoc iam Arianizare est, ipso etiam Caluino indice, qui odium huius similitudinis vocum in Serueto, Vbiqvetariorum parente, aliisque (Lutherum intelligere videtur) vehementissimè accusat. Et meritò, cum Trinitate Græci & Latini hætenus omnes libentissimè vsi sint, totque de ea volumina inscripserint.

Neque hac modò vox, sed huius etiam vocis cum Vnus Deus coniunctio, veteribus Patribus vsitata fuit, vti videre est, cum apud alios, tum verò apud D. Augustinum; cuius hac precatio, huic nostræ, quæ Lutherus corrigit, similima est: Domine Deus, vnus Deus Trinitas, quæcumque dixi in his libris de tuo, agnoscant & tui; si qua de meo, & tu ignosce & tui, Amen. Et in antiquitate tota creberrimè sunt huiusmodi S. Trinitatis inuocationes.

## CAPVT SEPTIMVM.

De sublata SANCTORVM inuocatione.

Quam benè Diuorum è Litania interpellationem sustulerint Lutherani, docet hæc

16. Maij  
Albæ Iulæ.

In maiore  
Postilla  
Dom. Trinit.  
Lib. 1. c.  
13. par. 3.  
§. 22.

Areopag.  
cap. 2. de  
di. nom.  
Auctor  
lib. de fide  
ad Petrũ.  
cap. 5. & 7.

4 Epist. 57.  
lib. 1. de  
Trin. c. 2.  
6 c. ult. lib.  
ult. de Trin.

nit.  
c. Areo. initio  
1. de mystic.  
Theol. &  
cap. 3. de  
Diu. nom.  
S. Ignatius  
apud So-  
crat. lib. 6.  
cap. 8. Na-  
zianzen. 3.  
orat. pro  
pace.

Patrum



*Patrum monumentis contexta, Litaniola.*

S. Maria, ora pro nobis. S. Iac. in Liturg. S. Athan. in Euang. de S. Deipara, Nazianzenus in Carmine de Christo patiente, & apud eundem S. Iustin. Orat. in Cypr. S. Ephrem Orat. ad Mariam, Chrys. in Liturg. Orat. 8. apud Beurer. S. Method. Orat. ob Hypop. Bas. Seleuc. Orat. in Annunt. D. August. Serm. 2. de Annuntiat. ubi Ora pro deototo femineo sexu. Fulg. Serm. de laudib. Mariae. Synod. sept. Aët. 6. Nic. secunda, Aët. 4. Canon vniuersalis Æthiopum.

S. Michael, S. Gabriel, Omnes SS. Angeli, orate pro nobis. S. Bas. in Psal. 33. Hil. in Psal. 129. Ambros. l. de viduis. Vict. Vtic. l. 3.

S. Iob, o. p. n. Orig. lib. 2. comment. in Iob.

S. Ioannes Baptista, o. p. n. Theod. Imp. apud Nic. lib. 12. cap. 39. Theodoret. lib. 5. hist. cap. 24. Sozomen. lib. 7. cap. 24. S. Basil. in Liturgia S. Iac.

Omnes SS. Patriarchæ & Prophetæ, orate pro n. Orig. super Num. cap. 21. Cyrill. catech. 5. myst. Hilar. in Psal. 124. Victor lib. 3. Paulinus natali 2. 3. 6. 8. S. Leo Serm. de Epiphan.

S. Petre, o. p. n. S. Paule. Chrys. Hom. de Natali Petri & Pauli, Orat. in S. Pet. & Paul. Hom. 22. in epist. ad Rom. Hom. 66. ad populum, Hom. post reditum, S. August. Ser. de S. Paulo. Ser. 4. de S. Pet. & epist. 42. S. Amb. l. 1. de vid. S. Leo Ser. 1. de SS. Petro & Paulo.

Omnes sancti Apostoli & Discipuli Domini, orate pro nobis. Chrysost. in Liturg. Orat. 8. & Homil. 66. ad pop. Hilar. in Psal. 124. Gregor. Nyss. Orat. in Theod.



S. Stephane, o. p. n. *D. August. Serm. de ipso, & l. 22. de Cinit. cap. 8. Nicetas narrat. de inuent. reliq. Auitus Presb. epist. ad Balc. Lucian. Presb. epist. ad Eccles.*

S. Dionysi Areopagita, o. p. n. *Michael Syn- gelus lib. de S. Dionys.*

S. Ignati, o. p. n. *S. Hero, eius discipulus & successor, in precat. post epist. S. Ignarij, apud Cæsarem Baronium in Annalibus.*

S. Laurenti, ora pro nobis. *S. Ambros. orat. de ipso, Amb. orat. in fratrem, & l. de exhortatione ad Virgines, ubi & de alio Laurentio. S. August. Ser. de ipso. Prudent. in Hymnis.*

SS. Geruasi & Protasi, o. p. n. *Ambr. lib. 10. epist. 85.*

SS. Nazari & Celse, orate pro nobis. *Idem Ambr. Serm. de ipsis, Maximus Serm. de iisdem, Paulinus in fine Panegyrici.*

SS. Cosina & Damiane, orate pro nobis. *Georg. Presb. l. de Theodosio Sycaeo.*

S. Theodore, ora pro nobis. *S. Greg. Nyss. orat. in ipsum, Nect. orat. 11. Sanctorum Patrum.*

S. Flauiane, ora pro nobis. *Concil. Chalced. Act. 11.*

S. Proteri, ora pro nobis. *Epist. Episc. ad Leonem Imp. post Concil. Chalced.*

S. Cypriane, ora pro nobis. *D. Aug. lib. 5. contra Donatistas cap. 1.*

S. Babyla, o. p. n. *Chrysostomus oratione in ipsum.*

S. Mama, o. p. n. *D. Basilius oratione in Mamantem.*

SS. Iuuentine & Maxime, orate pro nobis.  
*D. Chrysostomus orat. in ipsos, Niccph. lib. 10. cap. 12.*

SS. Cassiane & Hippolyte, orate pro nobis.  
*Prudentius in Hymnis.*

Omnes sancti Innocentes, orate pro nobis.  
*Cyprianus Ser. de stella & Magis.*

Omnes sancti Martyres, orate pro nobis.  
*Bas. orat. in 40. Martt. Euseb. lib. 13. Prepar. c. 7.*  
*Theodoret. lib. 8. ad Gracos, & l. relig. hist. cap. 28.*  
*Cyrill. Hier. Myst. 5. Cyrill. Alex. lib. 6. cōtra Iul.*

S. Gregori, o. p. n. Ioan. Diac. prafat. in vitam.

S. Athanasi, o. p. n. Nazianz. orat. in ipsum.

S. Basili, ora pro nobis. Idem Nazian. orat.  
 in ipsum.

S. Gregori Nazianzene, ora pro nobis. Georgius Presb. oratione in ipsum.

S. Nicolae, ora pro nobis. Chrysostomus in  
 Liturg. & Ioan. Diac. prafat. in eius vitam.

S. Ioan. Chrysostome, ora pro nobis. Theodosius Iunior apud Theodoretū, lib. 5. hist. cap. 36.

S. Epiphani, ora pro nobis. Sabinus epist. ad Polybium.

S. Simeon, ora pro nobis. In Theodoreti historiæ religiosa, cap. 26. Euagr. lib. 1. cap. 13.

S. Hilarion, ora pro nobis. apud Hieron. in vita.

S. Antoni, ora pro nobis. Nicetas oratione in ipsum.

S. Malachia, ora pro nobis. D. Bern. epist. ad fratres Hiberniæ.

S. Martine, ora pro nobis. Senerus Sulp. ad

Aurel.

*Aurel. & epist. ad Bassulam, Fortunatus præs. in ipsius gesta, & l. 2. 3. & 4. Greg. in hist. Francorum passim, & l. De glor. Conf.*

Omnes sancti Confessores, Monachi & Eremitæ, orate pro nobis. *Vide Theodoret. in relig. hist. singulis ferè capitibus vsq. ad 21. S. Taras. epist. ad Ant. & Alex. Rampertus Brix. in S. Philastrium. Theoph. Presbyt. in S. Niceph. Constant.*

S. Agnes, ora pro nobis. *Maximus Sermone de ipsa, Prudent. in Hymnis.*

S. Euphemia, ora pro nobis. *Constant. Tyus in narrat. de inuent. Concil. Chalced.*

S. Maria Ægyptiaca, ora pro nobis. *Zozymus apud Paulum Archid. Neap.*

S. Paula, ora pro nobis. *Hier. in epitaphio.*

S. Blæfilla, ora pro nobis. *Idem Hier. de obitu Blæfilla.*

Omnes sanctæ Virgines & Viduæ, orate pro nobis. *S. Ambrosius exhortat. ad Virgines.*

OMNES SANCTI ET SANCTÆ DEI, intercedite pro nobis. *Orig. super Nu. c. 31. Basil. epist. ad Iulian. D. Hier. l. contra Vigil. & l. 4. in Ezech. c. 1. Chrysost. Hom. 5. & 27. in Matth. Hom. 1. in primam Thes. Hom. 42. S. Amb. orat. de non tradendis Basilicis. V. Beda in cap. 7. Luc. & lib. 3. hist. cap. 12. Damasc. lib. 4. de fide c. 16. Primas. lib. 2. in Apoc. Honorius August. Ser. de Sanctis. Berengosus Serm. 1. Dedicationis. Theofrid. Ser. 2. de SS. vener. S. Bern. Ser. de vigil. Petri & Pauli, 4. Serm. de S. Vict. Ser. 5. in festo Omnium Sanctorum, & Serm. 66. in Cantica; ubi veteribus*



Par. 3. exā.  
fol. vlr.

hereticis, quos Kemnitius parentes agnoscit, vir sanctissimus ait: Videte detractores, videte canes. Irrident nos, quia baptizamus infantes, quòd oramus pro mortuis, quòd Sanctorum suffragia postulamus.

## CAPVT OCTAVVM.

### De sublata oratione pro summo Pontifice.

1. Tim. 2.

**V**bi Litania, ut Deus Ecclesiam suam sanctam regere & cōservare dignetur, uniuersè rogauit, adiungit pro ipsius Ecclesia Patribus orationes: & quidem primò pro ipso capite, primi scilicet ac summi capitis Vicario, hanc; Vt Dominum Apostolicū & omnes Ecclesiasticos ordines, &c. cōservare digneris, Te rogamus audi nos. *Quid hīc peccati?* Obsecro (ait D. Paulus) primū omnium fieri obsecrationes, orationes, postulationes, gratiarum actiones pro omnibus hominibus. *Non est Pontifex Romanus, homo?* Marloratus hunc in locum docet, etiam pro Turcis & Barbaris orandum. Estne his Pontifex deterior? Certè, is vel bonus est, vel malus: si bonus, ne à bonitate excideret, solito precum subsidio spoliandus non fuit; si malus, etiam oratione, ut conuerteretur, iuuandus. Fuit hæc iam pridem in Ecclesia, quæ pro S. Petro tam diligenter orauit, consuetudo, ut in publicis precibus, Rom. Pontificis mentio fieret, teste ante an. 800. Alcuino, & ante 1100. Concilio Vasensi; adeò ut hoc etiam in liturgia sua Græci facitarent. Quin, & in ea, quam

A& 12.

Lib. de Of.  
cant. 4.  
aliās 6.  
Chryf. lit.

quam è vetustis Corbeiensis Collegij monumentis promit Kemnitijs, Litania, primo statim loco dicitur: Stephano summo Pontifici salus & vita. Saluator mundi, tu illum adiuua.

Neque erat cur Pontificem Romanum Dominum Apostolicum appellare formidarent. Nam etsi Domini vox ita aliquando gravis fuit, ut eam etiam<sup>a</sup> Imperatores refugerent: ipsa tamen dominandi libidine, qua ut ab alijs, sic à Pontificibus<sup>b</sup> remota esse debet, verè possunt ipsi Pontifices Domini appellari, licet hunc in ijs titulum indignissimè olim tulerit<sup>c</sup> Mahometes. Sed apud nos pluri vnus Augustinus, quàm Turcicus iste Pseudopropheta valere debet: sic enim ille cum toto Milenitano concilio ad Roman. Pontificem scribit,<sup>d</sup> Domino Beatissimo, meritoque Venerabili, & in Christo Honorando Papæ Innocentio, &c. Et postea idem Augustinus<sup>e</sup>; Domino Beatissimo meritoq. Honorandissimo, &c. Apostolicus porro vocatur, quia Principis Apostolorum D. Petri successor, eam sedem & Ecclesiam obtinet, quam passim<sup>f</sup> Patres Apostolicam vocant.

## CAPVT NONVM.

## De sublata oratione pro fidelibus Defunctis.

Sancta, inquit canonicus<sup>g</sup> Machabeorum liber (taljs enim à D.<sup>h</sup> Augustino alijsque<sup>i</sup> Patribus habetur) & salubris est cogitatio, pro defunctis exorare, ut à peccatis soluantur. Neque,

<sup>a</sup> Sueto. in Ostauioc. 53. & in Tiber. c. 28  
<sup>b</sup> Orof. lib. 6. c. 21.  
<sup>c</sup> Tertul. in Apol.  
<sup>d</sup> Lâpridius in Alexan. Seuero.  
<sup>e</sup> Mar. 10. Mar. 10.  
<sup>f</sup> Luc. 22. 1. Pet. 5.  
<sup>g</sup> Aug. 19. de Ciuit. c. 4.  
<sup>h</sup> D. Bern. ad Eugen. 1. 2. c. 6.  
<sup>i</sup> Vide Cullanum in cribratione Alcornil. 2.  
<sup>j</sup> Epist. 92.  
<sup>k</sup> Epist. 95.  
<sup>l</sup> Constâtinop. Syno. Act. 4.  
<sup>m</sup> Chalcedo. Epist. ad Leon.  
<sup>n</sup> Synod. 7. Act. 2.  
<sup>o</sup> Iren. 1. 2. c. 3.  
<sup>p</sup> 1. 2. c. 12.  
<sup>q</sup> lib. 18. de ciuit. Dei, c. 36. & 1. 2. cõtra epist. Gaudenij cap. 23.  
<sup>r</sup> Cypri. de exhort. Mart. c. 11 & 1. 1 ep. 3  
<sup>s</sup> S. Gregor. Nazian.

Orat. de  
Machab.  
S. Amb. 1.  
2. de Iob.  
cap. 10. 11.  
12.  
Isidor. lib.  
6. etym.  
cap. 1.

Lib. de cu-  
ra pro  
mort. c. 4.

*ut ibidem dicitur, vlllo modo id vanum aut superfluum est. Sed Lutherani Aristarchi, cum SS. Trinitati, Angelis, totique caelestium concilio, & Ecclesia hac in terra depugnantis capiti, tot ac tantas in Litanía iniurias intulissent, mortuis in calum nondum receptis nullo modo parcendum existimarunt. Ideoque contra Scripturæ auctoritatem, veterum omnium vsum & sententiam, omnem pro iis orationem susulerunt. Non sunt, ait D. Augustinus, prætermittendæ supplicationes pro spiritibus defunctorum, quas faciendas pro omnibus in Christiana & Catholica societate defunctis, etiam tacitis nominibus quorumque, sub generali commemoratione suscepit Ecclesia; ut quibus ad ista defunt parentes aut filij, aut quicumque cognati vel amici, ab vna eis exhibeantur matre communi.*

## CAPVT DECIMVM.

De sublata oratione pro vera  
pœnitentia.

• Luth. in  
ep. ad Vi-  
carium sui  
Ordinis, &  
Sermon. de  
pœn. & in  
resolutio-  
nib. suarū  
proposit.  
Beza in  
annot. ad  
cap. 3.  
Matth.

**D**Eberent Lutherani meritò orationem retinuisse, Vt ad veram pœnitentiam nos perducere digneris, Te rogamus, audi nos. *Eam tamen è Litanía eiecerunt. Veram enim è Sacramentorum numero pœnitentiam iam remouerant, & quam hodie verbotenus pœnitentiam laudant; ea non vera, sed falsa & inanis pœnitentia est: adeò ut ipsam etiam pœnitentia nomen perhorrescant, idque in resipiscentiam libentiùs commutent. Sed fortasse, quia sola fide omnes iusti, pœni-*

*tentia*



tentia non egent. Non sic Carolus Magnus, qui sua in Litania fontem lacrymarum potebat. Non sic Propheta qui toties clamabant, Conuertere nos Deus.

## CAPVT VNDECIMVM.

## De sublati Collectis.

**C**ollectarum mentionem hîc nullam facerem, cum Litaniarum finis in trina illa Agni obtestatione & misericordia obsecratione fieri rectè possit, nisi duo notanda forent. Vnum, Collectas aliò translatas, istos eâdem fide correxisse, qua de Litania iam dictum. Alterum, ex iis Collectis, qua Litaniam nostram vſitato iam more concludunt, apertè Caluini & Kemnitiſ mendacia, que antè adduxi, argui. Harum enim clausula est, Per Christum Dominum nostrum; vt aduocatum illum vnum, mediatorem & intercessorem verum ac primum, per quem nos & Sancti omnes omnia petunt, significemus, digitoque quâsi intento monstremus, vt iam olim monuit Alcuinus.

Nonnulla præterea in Litaniis nostris corrigere voluerunt Nouatores isti, de quibus consule P. Nicolaum Serarium fuisse omnia prosequentem.

F I N I S.

Psal. 79.  
& 84.  
Ierem. 31.  
Thren. 5.  
Vide Lipsicam Litan.  
Lutherum tom. 7. de correct.  
Missæ.  
Tubing. lib. contra Iudic. Concord. fol. 417.

Lib. de Offic. fol. 86.

# INDEX

## CAPITVM AC RERV PRÆCIPVARVM

*Quæ THESAURO hoc in septem partes  
distributo continentur.*

### PRÆFATIO.

De Meditatione & eius partibus.  
 Adiumenta quædā & documenta ad rectè meditandum.  
 De modis orandi.  
 De modo quo Sancti debent honorari.  
 De requisitis ad Sanctorum cultum.

### PARS PRIMA DE DEO.

<b>CAPVT PRIMVM</b> de sanctissima Trinitate. <span style="float: right;">I</span>	
Exercitium de cultu sanctissimæ Trinitatis.	1
Exercitium alterum de SS. Trinitate, & Deo Patre.	11
Oratio ad SS. Trinitatem.	15
Oratio Dominica paraphrastice explicata.	16
Exercitium de Deo Filio.	19
Exercitium de Spiritu sancto.	25
Exercitium aliud de Spiritu sancto.	29
Oratio ad Spiritum sanctum ex D. Augustino.	32
Oratio ad Spiritum sanctum ex Scripturis.	33
Hymnus ad Spiritum sanctum.	33
Oratio ad Patrem.	34
Oratio ad Patrem, Filium, & Spiritum sanctum.	35
Oratio ad inflammandum animum in Deum.	36
Hymnus ad SS. Trinitatem.	39
Corolla seu Rosarium SS. Trinitatis.	41
<b>CAPVT SECVNDVM</b> de Verbo incarnato. <span style="float: right;">47</span>	
Exercitium de IESV Christo.	47
De	

INDEX CAPITVM AC RERV. M.

De variis titulis ac nominibus IESV Christi.	52
De nomine IESV.	56
Litaniz IESV CHRISTI Domini nostri.	68
Canticum de nomine IESV.	72
Petitiones deuotæ ad Dominum IESVM.	75
Oratio D. Bernardi ad IESVM.	76
Preces Horariæ de æterna Sapientia.	79
CAPVT TERTIVM de Venerabili Eucharistiæ Sacramento.	103
Elogia Patrum de SS. Sacramento.	104
Orationes tres ante sacram communionem.	111
Considerationes peritiles ante S. communionem.	115
Aspirationes famem SS. Sacramenti excitantes.	118
Orationes duæ post sacram communionem.	121
Rythmus B. Thomæ.	123
Oratio sancti Bonauenturæ.	124
Oratio qua petitur vnio animæ cum Deo.	125
Oratio ad B. Virginem post S. communionem.	126
Oratio de S. communionem ex concilio Trident.	127
CAPVT QVARTVM de Passione Domini.	127
Vita & Passio Christi ex Scripturis collecta.	129
Rythmica oratio D. Bernardi ad membra Christi patientis.	134
Oratio de Christi humilitate.	135
Oratio de Christi mansuetudine.	137
Oratio de Christi patientia.	140
Oratio de Christi obedientia.	142
Oratio de Christi benignitate.	144
Oratio de Christi charitate.	147
Oratio de Christi liberalitate, & compassione.	149
Officium de Passione.	151
Hymnus de Passione Domini à B. Virgine edoctus.	169
CAPVT QVINTVM de diuinis beneficiis.	171
De beneficio creationis.	171
De beneficio gratificationis.	172
De beneficio iustificationis.	173
De beneficio dotationis.	174
De beneficio gubernationis.	175
De beneficio glorificationis.	175



INDEX

Oratio qua pro beneficiis aguntur gratiæ.	176
Oratio qua homo se & sua offert Deo.	179
Oratio ad sanctam lætitiā à Deo petendam.	184
Oratio de laudibus Dei.	185
CAPVT SEXTVM, Septem Psalmi pœnitētiales.	
Litaniæ Sanctorum.	197
Oratio ad impetrandum fidei donum.	206
Oratio ad petendam virtutem spei.	207
Oratio ad petendam confidentiam.	207
Oratio in qua petitur amor Dei.	209
Oratio qua excitatur animus ad Dei timorem.	212
Oratio ad sanctum mœrorem à Deo petendum.	217
Oratio ad pœnitentiæ spiritum petendum.	217
Oratio ad petendum contritionis donum.	218
Oratio preparatoria ad Sacramentalē confessionem.	219
Oratio ante confessionem.	221
Oratio post confessionem.	222
Oratio ad petendam à Deo virtutem prudentiæ.	222
Oratio ad mundi contemptum à Deo petendum.	222
Oratio ad silentij virtutem à Deo petendam.	224
Oratio ad petendum vitæ spiritualis studium.	225
Oratio ad petendum contemplationis donum.	225
Oratio ad maturitatis virtutem à Deo petendam.	226
Oratio ad iustitiæ virtutem petendam.	227
Oratio ad liberalitatis virtutem obtinendam.	228
Oratio ad fortitudinem à Deo impetrandam.	229
Oratio ad temperantiam obtinendam.	229
Oratio ad carnis castigationem obtinendam.	230
Oratio ad petendam humilitatem.	231
Oratio ad petendam virtutem concordie.	231
Oratio ad compassionis affectum petendum.	232
Oratio ad pacis virtutem obtinendam.	232
Oratio ad impetrandam patientiam.	233
Oratio ad petendam castitatem.	234
Oratio ad petendam veram libertatem.	235
Oratio qua petitur obedientia.	236
Oratio alia pro virtute obedientie.	237
Oratio ad petendam virtutem misericordie.	239
Oratio pro obrinendo spiritu paupertatis.	239

Oratio

CAPITVM AC RERV M.

Oratio ad petendam virtutem mansuetudinis.	240
Oratio ad impetrandum zelum animarum.	241
Oratio ad confidentiæ donum impetrandum.	242
Oratio ad perseverantiæ donum obtinendum.	243
Oratio D. Thomæ ad varias virtutes obrinendas.	243

PARS SECVNDA

DE BEATA VIRGINE.

CAPVT PRIMVM, Exercitia spiritalia de my- steriis vitæ B. Virginis.	247
Exercitium de dotibus B. Virginis in genere.	247
Exercitium de conceptione B. Virginis.	249
Exercitium de natiuitate B. Virginis.	251
Exercitium de præsentatione B. Virginis.	252
Exercitium de Annuntiatione B. Virginis.	254
Exercitium de Visitatione B. Virginis.	256
Exercitium de Purificatione B. Virginis.	258
Exercitium de Assumptione B. Virginis.	259
CAPVT SECVNDVM, Salutationes B. Virginis.	263
Salutationis Angelicæ explicatio paraphrastica.	263
Salutatio B. Virginis ex B. Ephræm.	265
Salutatio B. Virginis ex Andrea Ierosol.	268
Salutatio B. Virginis ex D. Epiphanio.	272
Salutatio B. Virginis ex Chrysippo.	274
Salutatio B. Virginis ex Methodio.	275
Salutatio ad singula B. Virginis membra.	278
Modus piè recitandi rosarium.	282
CAPVT TERTIVM, Litanix & Orationes Patrũ.	285
Litanix Lauretanæ.	285
Litanix ex Scriptura sacra.	287
Oratio D. Ephræm.	293
Oratio a'ia ex eodem.	296
Oratio Germani Constantinop.	298
CAPVT QVARTVM, Elogia B. Virginis varia.	301
Elogia B. Virginis à vita.	301
Elogia B. Virginis à pulchritudine.	302
Elogia B. Virginis à SS. Trinitate.	304
Elogia B. Virginis à privilegiis & virtutibus.	306
Elogia B. Virginis à gloria.	310

Elogia

Elogia B. Virginis à nobis.	311
CAPVT QVINTVM, Hymni & pia carmina de B. Virgine.	317
Quem terra, pontus, æthera.	317
O gloriosa Domina.	317
Alma Redemptoris mater.	318
Aue Regina cælorum.	318
Regina cæli.	319
Salve Regina.	319
Eiusdem explicatio paraphrastica.	319
Aue maris stella.	321
Eiusdem explicatio paraphrastica.	322
Hymnus Iacobi Pontani de B. Virgine.	324
Veneratio B. Virginis per eundem.	325
Epigramma Francisci Remondi.	326
Appellationes B. Virginis per I. Pontanum.	326
Hymnus Basilij Zanchij in B. Virginem.	326
Oratio D. Gregorij Nazian. in B. Virginem.	327
Exercitiû ex Psalmis in honorem nominis MARIA.	329
Versus I. Pontani in nomen MARIA.	332
Oratio ad petendâ constantiam in cultu B. Virginis.	333

### PARS TERTIA DE ANGELIS.

CAPVT PRIMVM de Angelis in genere.	335
Exercitium de splendore militiæ cælestis.	335
Exercitium de officio SS. Angelorum.	339
Hymnus ad SS. Angelos.	341
Exercitium de SS. Angelis in genere.	341
Psalmus ad SS. Angelos.	345
CAPVT SECVNDVM de 1. Hierarchia.	347
Exercitium de 1. Hierarchia ex D. Bern.	347
Exercitium de eadem B. Aloysij.	349
Exercitium de S. Michaële.	350
CAPVT TERTIVM de 2. Hierarchia.	355
Exercitium de 2. Hierarchia B. Bern.	355
Exercitium aliud ex B. Aloysio.	356
Exercitium de sancto Gabriele.	357
CAPVT QVARTVM de 3. Hierarchia.	361



# CAPITVM AC RERV.

Exercitium de 3. Hierarchia ex B. Bern.	361
Exercitium aliud ex B. Aloyfio.	365
Exercitium de S. Raphaele & Angelo custode.	367
Hymnus ad Angelum custodem.	376

## PARS QVARTA DE SANCTIS.

Exercitium de sanctis Apostolis, & Innocentibus.	379
Hymnus ad sanctos Apostolos, & Innocentes.	382
Exercitium de SS. Martyribus.	385
Hymnus ad SS. Martyres.	387
Elenchus Sanctorum qui pro fide decertarunt, vel certantibus adfuerunt.	388
Oratio ad SS. Milites, D. Bernardi.	391
Oratio belli tempore.	392
Notæ historiales in Elenchum Sanctorum.	392
Exercitium de SS. Confessoribus, &c.	401
Hymnus ad SS. Confessores.	403
Elenchus Sanctorum qui gentes docuerunt.	404
Elenchus Sanctorum Belgij.	407
Oratio ad Sanctos pro prouincia afflicta.	410
Oratio de SS. Anachoretis & Cœnobitis.	415
Hymnus ad SS. Religiosos, & Eremitas.	418
Exercitium de SS. Virginibus.	421
Hymnus ad SS. Virgines.	422
Exercitium de SS. Viduis.	425
Hymnus ad SS. Viduas.	429

## PARS QVINTA

### DE MISERIIS ET NOVISSIMIS.

CAPVT PRIMVM, Exercitia varia.	431
De miseriis hominis ex parte corporis.	431
De miseria ex parte animæ.	432
De effectibus peccati.	432
De punitione peccati.	433
De morte corporis.	434
De morte animæ peccatricis.	435
De morte animæ iustæ.	436
De signis iudicium præcedentibus.	437

De generali iudicio.	438
De inferno.	439
De gloria paradisi.	440
Consideratio animæ corpore abeuntis.	441
Exhortatio ad pœnitentiam Dom. Carthusiani.	443
Querela animæ & corporis damnati.	448
Hymnus B. Damiani de gloria paradisi.	460
CAPVT SECVNDVM, Exercitia in afflictione.	465
Exercitium tempore afflictionis.	465
Canticum Ezechia.	466
Oratio ad Christum.	468
Oratio ad Christum cruci affixum.	470
Testamentum hominis Christiani.	471
Alia Catholici protestatio.	474
Oratio ad B. Virginem ex D. Chrysost.	477

PARS SEXTA.

EXERCITIA HOMINIS CHRISTIANI  
AD VIRTVTEM ADSPIRANTIS.

CAPVT PRIMVM, Exercitium quotidianum.	479
Exercitium matutinum.	479
Exercitium diurnum.	481
Examen conscientia.	482
Exercitium nocturnum.	484
Modus excitandi affectum animi in Deum.	485
Exercitium quotidianum B. Franc. Borgiæ.	486
CAPVT II. Remedia contra peccata.	491
CAPVT III. Varia progressus spiritualis impedimen- ta.	496
Octo beatitudines.	500

PARS SEPTIMA.

DEFENSIONES APOLOGETICAE.

Defensio Rosarij SS. Trinitatis.	502
Defensio Rosarij B. Virginis.	505
Defensio Apparitionum Angelicarum.	511
Defensio Litaniarum Catholicarum.	530

# SVMMA PRIVILEGII

REGIS CHRISTIANISSIMI.

**H**ENRICVS Dei gratia Galliarum  
& Nauarra Rex Christianissimus,  
singulari priuilegio sanxit, nequis per vni-  
uersos Regnorum suorum fines, R. P. Tho-  
mæ Saillij Thesaurum Precum & Exer-  
citorum Spiritualium excudere intra sex-  
ennium prater voluntatem ipsius possit,  
nec alterius editionis exemplaria habere  
venalia, quàm qua typis Plantinianis Ioan-  
nes Moretus Antuerpie excudit : quem  
vnum libro suo edendo Typographum Au-  
ctor elegit. Qui secùs faxit, confiscatione  
librorum, & aliâ pœnâ arbitrariâ mulcta-  
bitur, vti latius patet in litteris, datis ad  
Fontem bella-aqua, XIV. Iunij, M. D C. IX.

Signat.

Du fos.

Summa Priuilegij Serenissimorum Belgij  
Principum initio libri apponitur.



1200 1800 1900

1800 1900 2000

1900 2000 2100

2000 2100 2200

2100 2200 2300

2200 2300 2400

2300 2400 2500

2400 2500 2600

2500 2600 2700

2600 2700 2800

2700 2800 2900

2800 2900 3000

2900 3000 3100

3000 3100 3200

3100 3200 3300

3200 3300 3400

3300 3400 3500

3400 3500 3600

3500 3600 3700

3600 3700 3800

3700 3800 3900

3800 3900 4000



Lila Noothainen, n  
June 1968. 14/2



poster

IF

2/2/02

with

curry



